

---

# मन पम्पोश

भवानी भाग्यवान पण्डित

---





संशोधित इंटरनेट संस्करण २००१ : म.क.रैना





---



भवानी भाग्यवान पण्डित

**Note :**

This document has been revised in the year 2001 after some diacritical marks were modified by the Experts Committee. These marks denoted by  and  used in the Revision have again been modified with the standardisation of Devanagari-Kashmiri Script, and stand replaced by  and  respectively. Since these modifications have not been carried out in the Arjun font used in this document, the corrections can't be incorporated in the document. Revising the document would mean typing it afresh.

Similarly, the marks  and  stand replaced by  and  respectively. These modifications too have not been incorporated in the Arjun font used in this document, so can't be corrected.

M.K.Raina  
15 April 2020

## 1 – सतगवरुँ सतुँचिय वति

सतगवरुँ सतुँचिय वति पकुँनावतम ।  
शे'यि शे'यि शिवुँय चुँय ॥

पादिकमलव तलुँ ज़ां'ह मतुँ त्रावतम  
छय शक्ती हुँजुय द्रुँय ।  
परवानुँ ज़ॉनिथ निर्वान हावतम, शे'यि शे'यि शिवुँय चुँय ॥

द्वह गोम लूसिथ लो'ह प्रजुँलावतम  
छय लो'ह कलमुँच द्रुँय ।  
लो'ह लेखुँनॉविथ मो'ह मो'ह हावतम, शे'यि शे'यि शिवुँय चुँय ॥

कामुँ-दीवुँज हिव्य् जामुँ गंडुँनावतम  
छय श्यामुँ-स्वन्दुँज द्रुँय ।  
कामुँनायन हुँजुँ पामुँ मतुँ द्वावतम, शे'यि शे'यि शिवुँय चुँय ॥

लाल लुटाँविथ लोल म्यति चावतम  
छय लालुँ लोलुँच द्रुँय ।  
लूकुँ निंदायन कन मतुँ थावतम, शे'यि शे'यि शिवुँय चुँय ॥

## मन पम्पोश

भवानी भाग्यवान पंडित

---

गट्टु कुठिसुंय मंज पट्टु यल्लु त्रावतम  
छट्टु छट्टुनावतम चुंय ।  
मठ म्वकुंलॉविथ म्वठ वट्टुनावतम, शे'यि शे'यि शिवुंय चुंय ॥

रथ चलॉविथ रास करुंनावतम  
छय रासुं मंडलुंच ट्टुंय ।  
रा'ह ब्यो'न थॉविथ रो'ह करुंनावतम, शे'यि शे'यि शिवुंय चुंय ॥

आकाश खॉरिथ प्रकाश हावतम  
नकाश छावतम चुंय ।  
सू खनुंनॉविथ बू बोलुंनावतम, शे'यि शे'यि शिवुंय चुंय ॥

मो'ह निन्द्राये मंजुं वुजुंनावतम  
हा हू हावतम चुंय ।  
खुह खनुंनॉविथ मुह छलुंनावतम, शे'यि शे'यि शिवुंय चुंय ॥

नार नरुंमॉविथ नूर फवलुंनावतम  
छुख नारानुंय चुंय ।  
गा'ह शोलुंनॉविथ गोव्यंद हावतम, शे'यि शे'यि शिवुंय चुंय ॥

मस चावुंनॉविथ मस्त बनावतम  
ह्यस फिरुंनावतम चुंय ।

## मन पम्पोश

भवानी भाग्यवान पंडित

खाम मरुँनॉविथ खाम मतुँ थावतम, शे'यि शे'यि शिवुँय चुँय ॥

तोल गरुँनॉविथ तोल बरुँनावतम

जल बॉगुँरावतम चुँय ।

नूरुँचि ने'हालि सग वातुँनावतम, शे'यि शे'यि शिवुँय चुँय ॥

दूरिरुँच दूरबीन निशि चुँय थावतम

वारुँ प्रजुँनावतम चुँय ।

नारस नूरुँच नजरा'ह त्रावतम, शे'यि शे'यि शिवुँय चुँय ॥

नूरुँक्यन चमनन गुल फवलुँनावतम

गुल चुँय तुँ बुलबुल बुँय ।

बेरंगुँ पोशस मुशका'ह ह्यावतम, शे'यि शे'यि शिवुँय चुँय ॥

हरदुँनि वावुक प्वछुँरा द्यावतम

श्रावुँनुँज ज़न फवलि हिय ।

थरिनुँय कृष्णुन म्वखुँ लोनुँनावतम, शे'यि शे'यि शिवुँय चुँय ॥

कुकिले गूव्यंद गू करुँनावतम

हू हू करुँहा बुँय ।

भाग्यवान बस्ति सूँत्य दम द्यावुँनावतम, शे'यि शे'यि शिवुँय चुँय ॥

\* \* \* \* \*

## 2 – होशि आयस चानि सोगंदि

होशि आयस चानि सोगंदि लो लो ।  
सत-ग्वरुँ म्यानि पंपोशि ग्वंदि लो लो ॥

ग्वरुँ लगुँयो पंपोशि पादन बो  
अदुँ लगुँयो सत-समवादन बो ।  
अदुँ लगुँयो बालाबंदि लो लो, सत-ग्वरुँ म्यानि पंपोशि ग्वंदि लो लो ॥

अदुँ लगुँयो पंपोशि अथुँनुँय बो  
बे'यि लगुँयो सतुँच्यन कथुँनुय बो ।  
सतुँ सूँतिय जाय म्योन अंदि लो लो, सत-ग्वरुँ म्यानि पंपोशि ग्वंदि लो लो ॥

अदुँ लगुँयो पम्पोशि रंगुँसुँय बो  
बे'यि लगुँयो सत-सतसंगुँसुँय बो ।  
सतुँ सूँतिय सत युस मंदि लो लो, सत-ग्वरुँ म्यानि पंपोशि ग्वंदि लो लो ॥

अदुँ लगुँयो पम्पोशि म्वखुँसुँय बो  
सुय डीशिथ वॉचुँस परमुँ स्वखुँसुँय बो ।  
प्रोवुम आनंद त्रॉविथ गंदि लो लो, सत-ग्वरुँ म्यानि पंपोशि ग्वंदि लो लो ॥

## मन पम्पोश

भवानी भाग्यवान पंडित

अदुँ लगुँयो पंपोशि जामन च़े'य  
म्य ति वनतम क्या छि मनिकामन च़े'य ।  
ग्रे'ज़ि आगुर प्रार्या सें'धि लो लो, सत—ग्वरुँ म्यानि पंपोशि ग्वंदि लो लो ॥

अदुँ लगुँयो पंपोशि कामनाये  
पंपोशिय फो'लिमो जायि जाये ।  
सोंतुँ हरदुँ तुँ रेतुँकालि वंदि लो लो, सत—ग्वरुँ म्यानि पंपोशि ग्वंदि लो लो ॥

अदुँ लगुँयो पंपोशि ने'त्रन बो  
साल करुँहँय सत ख्यलुँवँत्रन बो ।  
बावुँ पम्पोश फो'लिमो व्वंदि लो लो, सत—ग्वरुँ म्यानि पंपोशि ग्वंदि लो लो ॥

अदुँ लगुँयो पंपोशि ड्यकुँसुँय बो  
वछि वॉलिंजि पोंबरि नखुँसुँय बो ।  
पछि पछिनुँय तुँ ये'छि हुँदि कंदि लो लो, सत—ग्वरुँ म्यानि पंपोशि ग्वंदि लो लो ॥

अदुँ लगुँयो पंपोशि सरुँसुँय बो  
चे'शमुँ वंदुँयो ज़रस ज़रुँसुँय बो ।  
खशमुँ सूँतिय तार लो'ग नंदि लो लो, सत—ग्वरुँ म्यानि पंपोशि ग्वंदि लो लो ॥

अदुँ लगुँयो पंपोशि सूरच़ बो  
बे'यि लगुँयो कृष्णुँनि मूरच़ बो ।  
पांछ प्राण तथ च़्य भाग्यवान वंदि लो लो, सत—ग्वरुँ म्यानि पंपोशि ग्वंदि लो लो ॥

### 3 – सतगवरुँ कन थाव

सतगवरुँ कन थाव ज़ीरुँ बमसुँय  
छय महरमसुँय मनि मंज़ जाय ।।

गवरुँ छुम गरि गरि, गरि आश्रमसुँय  
गौर महरमसुँय क्या पुँछुँ दाय ।  
पोँपुँर्युँ गथ कॅर ज़ॉनिथ शमुँसुँय, छय महरमसुँय मनि मंज़ जाय ।।

ओ'म आकार वुछ अंदर ओ'मुँसुँय  
ओ'मुँनुँय रॅट सरखमसुँय जाय ।  
सत बोज़ पथ रोज़ अथ अहमसुँय, छय महरमसुँय मनि मंज़ जाय ।।

ध्यानन ज़ान कॅर अथ अगमसुँय  
छुनुँ आलमुँसुँय पोशनपाय ।  
यार गार तार वुछ च्यथ नावि नमुँसुँय, छय महरमसुँय मनि मंज़ जाय ।।

छो'टि तारुँ बठि लाग सूँत्य ह्यथ शमुँसुँय  
हार बर लारि नुँ कर आहार ।  
छलुँ अकि नाल वो'ल ललि जमजमुँसय, छय महरमसुँय मनि मंज़ जाय ।।



## मन पम्पोश

भवानी भाग्यवान पंडित

---

कृष्ण तुँ कीशव बॉसिथ ब्रमुँसुँय  
कुन छुय कीवल दूर कर छा़य ।  
म्वखतस हार बनि सीनुँ दार त्रमुँसुँय, छय महरमसुँय मनि मंज़ जाय ॥

पय ह्यथ पानस लय कर ओ'मुँसुँय  
स्वय लीला ज़ान अपरंपार ।  
लोलुँक्य नारन लार कॅर यमुँसुँय, छय महरमसुँय मनि मंज़ जाय ॥

गोव्यंदुँ गोव्यंद नाव छुय ओ'मुँसुँय  
कुकिलि दमुँसुँय मंज़ वुछ त्राय ।  
दम ह्यथ दम रठ मव प्रार तमुँसुँय, छय महरमसुँय मनि मंज़ जाय ॥

वाँतिथ अदुँ प्यठ गॉबि गॉबानस  
कर जानानस ल्वलुँ—मतुँ लाय ।  
नारुँ फंवार वुछ आबि ज़मज़मुँसय, छय महरमसुँय मनि मंज़ जाय ॥

गोव्यंद नावस टॉठिस शमुँसुँय,  
मनि मंज़ करुँहॉस ल्वलुँ—मतुँ लाय ।  
न्युव भाग्यवाने सूँत्य आगमुँसुँय, छय महरमसुँय मनि मंज़ जाय ॥

\* \* \* \* \*

## 4 – सत बोज़ सतग्वर

सत बोज़ सतग्वरुँ छुम शक्तिनार्थुँय  
म्य शक्तिपातुँय कॅरिथ गोम ।  
नो'न जानानुँय वंदस जानुँय, तॅम्य सुंद द्यानुँय दॅरिथ गोम ॥

सतग्वरुँ शब्दुँय ये'लि गोम वॅनिथ  
मनुँचे वाजे खॅनिथ गोम ।  
पापन तुँ प्वजन ते'लि गोम हॅरिथ, म्य शक्तिपातुँय कॅरिथ गोम ।

न्यँबरय दो'पनम अंदुँय अचुन  
दिह द्वारिकाये नचुन छुम ।  
सम च्यथ समंदरस तॅरिथ, म्य शक्तिपातुँय कॅरिथ गोम ।

बनुँय आँसुँस खॅचुँस ह्योरुय  
सोरुय मो'रुय हॅरिथ प्योम ।  
युस ग्वरुँ प्रेमय यियी बॅरिथ, म्य शक्तिपातुँय कॅरिथ गोम ।

कुकिलि हुँघ पॉठ्य दित्यमय दमुँय  
वुछुम हमुँय सू हम सू ।  
सूहस तुँ हमस अपोर तॅरिथ, म्य शक्तिपातुँय कॅरिथ गोम ।

## मन पम्पोश

भवानी भाग्यवान पंडित

---

ग्वरन दो'पुम छो'पय छो'पय  
छो'पय नपय नपय छय ।  
वुछ नपुँ नपय गो'ट प्योम हॅरिथ, म्य शक्तिपातुँय कॅरिथ गोम ।

तथ वति नीनस अँदी अँदी,  
बाला बँदी गँडिथ गोम ।  
ज़रस ज़रस ज़र छुम जॅरिथ, म्य शक्तिपातुँय कॅरिथ गोम ।

वॉच़स थानस अन्दर पानस  
ला मकानस हॉविथ गोम ।  
युस ग्वरुँ द्यानस रूदुय सो'रिथ, म्य शक्तिपातुँय कॅरिथ गोम ।

मंज़ ल्वकुँचारस अहंकारस  
सोदागारस द्युतुम नाद ।  
नादान गँयस सोदा कॅरिथ, म्य शक्तिपातुँय कॅरिथ गोम ।

बुजर वुछुम शमन शमन  
ओ'मन रॅटुँम रुमन जाय ।  
यिम आयि शमन तिम गँयि तॅरिथ, म्य शक्तिपातुँय कॅरिथ गोम ।

ललद्यदि थो'वुम तो'दूरुँ बॅरिथ

**मन पम्पोश**

भवानी भाग्यवान पंडित

---

मंसूर काँठिस गॅरिथ गोम ।

भाग्यवान रूजुँय जिंदय मॅरिथ, म्य शक्तिपातुँय कॅरिथ गोम ।

\* \* \* \* \*

## 5 – सतगवरुँ ज़ारन कन थवुम

सतगवरुँ ज़ारन कन थवुम, मन म्योन अनतन कोबूहस ।।

मन म्योन कोता'ह ज़ोरावार, मनुँनुँय कॅरनस यीच़ खार ।  
बन्द रज़ करतस ज़न सुँहस, मन म्योन अनतन कोबूहस ।।

मनुँनुँय त्राँवुँम दोरुँय, पथ छुनुँ मूरान खोरुँय ।  
दोरान छुम रातस द्वहस, मन म्योन अनतन कोबूहस ।।

मनुँसुँय कोता'ह ज़ोरुँय, मन म्योन गव च़ोपोरुय ।  
वो'थ दॅरियावस खो'त को'हस, मन म्योन अनतन कोबूहस ।।

मनुँनुँय कॅर्यनम खंडुँय, मन म्योन थवतम अंडुँय ।  
युथ तन छि आसन निशि रूहस, मन म्योन अनतन कोबूहस ।।

मनुँनुँय रो'टनम थजुँरुँय, मनुँनुँय बंद कॅर नज़रुँय ।  
युथ दम छुय पादर सुँहस, मन म्योन अनतन कोबूहस ।।

मन छुम नुँ रोज़ान डँजे, मनुँनुँय च़चिनम लँजे ।  
छाँडान छु हमस सूहस, मन म्योन अनतन कोबूहस ।।

## मन पम्पोश

भवानी भाग्यवान पंडित

---

मन म्योन कोता'ह बलवान, मन छुनुँ दिवान अथि प्राण ।  
बन्द करतन मंज सू सूहस, मन म्योन अनतन कोबूहस ॥

मनुँसुँय काँचा'ह युक्ती, मनुँनुँय अँनिनम सख्ती ।  
छाँडान गोव्यंदुँ—गो'हस, मन म्योन अनतन कोबूहस ॥

मन फ्यूर ज़रस ज़रुँसुँय, मन वोत निशि ज़रगुरुँसुँय ।  
ज़रुँ ज़रुँ हाव्यम प्रो'भूहस, मन म्योन अनतन कोबूहस ॥

गोव्यंद—गो स्वरि भाग्यवान, लय गछि पानय मन तुँ प्राण ।  
लय गछि स्वय हमस सूहस, मन म्योन अनतन कोबूहस ॥

\* \* \* \* \*

## 6 – वनी वे'स्य च्युय सतग्वरुंसुय

वनी वे'स्य च्युय सतग्वरुंसुय, व्वज क्वसुं पूजा करुंसुय ॥

वँछसय पँतिमे प्यारे, प्रारान दँछिने दारे ।  
दमुं दमुं अमरीश्वरसुंय, वो'ज क्वसुं पूजा करुंसुय ॥

वँछसय न्यत प्रभातस, पूज करुं शक्तीनाथस ।  
जरुं जरुं श्री भास्करुंसुंय, वो'ज क्वसुं पूजा करुंसुय ॥

वो'थुं हॉ सूले वूले, प्रारस तूलहमूले ।  
भवानि भूतीश्वरुंसुंय, वो'ज क्वसुं पूजा करुंसुय ॥

क्षुं क्षुं रातर—द्यनय, पूजा करुं तनुं मनय ।  
गंगाधि गंगाधरुंसुंय, वो'ज क्वसुं पूजा करुंसुय ॥

छाँजोम सुबुँह तय शामय, सोजस को'त पाँगामय ।  
गरुं कति करुणाकरुंसुंय, वो'ज क्वसुं पूजा करुंसुय ॥

छाँजोम जरस जरुंसुंय, गरुँह छुस मन मन्दरुंसुंय ।  
शक्ती शिव शंकरुंसुंय, वो'ज क्वसुं पूजा करुंसुय ॥

## मन पम्पोश

भवानी भाग्यवान पंडित

---

लोलुँ सूँत्य लायस नादुँय, सीवस पंपोशि पादुँय ।  
गरि गरि तस आगरुँसुँय, वो'ज क्वसुँ पूजा करुँसुँय ॥

द्रायस तोशन तोशन, गों'द्य करुँ प्रेमुँ पंपोशन ।  
मुशताक मुशिक अंबरुँसुँय, वो'ज क्वसुँ पूजा करुँसुँय ॥

द्वह गोम प्रारान प्रारान, अशि कनि खून छस हारान ।  
यियि नतुँ अदुँ मा मरुँसुँय, वो'ज क्वसुँ पूजा करुँसुँय ॥

पकुँहाँ सतग्वरुँ राये, वँज दिमुँ जाये जाये ।  
जायि जायि जटाधरुँसुँय, वो'ज क्वसुँ पूजा करुँसुँय ॥

छाँड्यस गोव्यंदुँ नावय, भाग्यवान भक्ती भावय ।  
विजि विजि वे'शंबरुँसुँय, वो'ज क्वसुँ पूजा करुँसुँय ॥

\* \* \* \* \*



## 7 – रसुँ रसय दिल म्य न्यूथम

रसुँ रसय दिल म्य न्यूथम, असुँवुँजे सतग्वरय ॥

मसुँ फेरुँनाव बरुँ बरय, गरुँ मंजय दिम हरय ।  
दिम मुराँरी शंकरय, असुँवुँजे सतग्वरय ॥

प्राण ओसुम व्यसुँमरय, द्यानुँ सूँतिय गव खरय ।  
च्योम प्याला'ह आगरय, असुँवुँजे सतग्वरय ॥

छस गलन ईश्वरुँ शरय, कालुँ भयुँचे छम थरय ।  
नूरुँचिय करतम नजरय, असुँवुँजे सतग्वरय ॥

बो'ड छुम चोनुय दफतरय, अजरय अमरय ।  
चुँय छुख दिल तय दिलबरय, असुँवुँजे सतग्वरय ॥

ब्रोंठ छुम आमुत बुजरय, तमि किञ छस व्यस्मरय ।  
क्वल फेरुँनाव आगरय, असुँवुँजे सतग्वरय ॥

अछि—पोशन मालुँ करय, लछिनावे सतग्वरय ।

## मन पम्पोश

भवानी भाग्यवान पंडित

---

अछि दार ज़न गँयस बरय, असुँवुँजे सतग्वरय ॥

रंगुं कुठिनुँय वथरय, प्रंग म्याने ईश्वरय ।  
यिखनय अदुँ पान मारय, असुँवुँजे सतग्वरय ॥

ते'लि च्योम ओ'मुँकुय हरय, ये'लि टोढ्योम सतग्वरय ।  
चे'यि म्य सथ समंदरय, असुँवुँजे सतग्वरय ॥

वो'न हा भाग्यवानि कन बो दारय, आगरय सतग्वरय ।  
लोलुँकुय करतम गुफतारय, असुँवुँजे सतग्वरय ॥

\* \* \* \* \*

## 8 – तन मीज सतगवरुँ तने

तन मीज सतगवरुँ तने, म्य यार वुछ हनि हने ॥

सतगवरुँ दीवन वो'नुम, दाना'ह तसुन्द ओ'नुम ।  
थोवुम म्य मंज मने, म्य यार वुछ हनि हने ॥

सतगवरुँ दीवन बूजुम, तँम्य दान पनुन सूजुम ।  
थोवुम सुय ब्रोंटुँकने, म्य यार वुछ हनि हने ॥

सतगवरुँ दीवुँय टोठ्योम, व्वज शुर्य—बाशन मेठ्योम ।  
जेठि खोतुँ लो'ग जेठने, म्य यार वुछ हनि हने ॥

सतगवरुँ दीवन पानय, सूजुम म्य प्रेमुक बानय ।  
गुलि कमलस क्यथ अने, म्य यार वुछ हनि हने ॥

सदाशिवनि खोतय, गोव्यंद रूपा वोतय ।  
शोलान म्य ब्रोंटुँकने, म्य यार वुछ हनि हने ॥

गरस हय रोपुँ मंजोलुय, बरस जिगरुक लोलुय ।  
वुछस व्वज कोरुँ कने, म्य यार वुछ हनि हने ॥

## मन पम्पोश

भवानी भाग्यवान पंडित

---

दूरन छु मारान ग्राये, वुछम अंदरिमि राये ।  
वुछस ते'लि ये'लि बने, म्य यार वुछ हनि हने ॥

सदाशिवनि रूपय, ज़न गटि अंदर दीपय ।  
सुय ज़ानि युस यी बने, म्य यार वुछ हनि हने ॥

वुछुँहँन गोव्यंदुँ कोलुय, वो'व तँम्य प्रेमुक ब्योलुय ।  
सुय लोनि यस लोल गने, म्य यार वुछ हनि हने ॥

यी भाग्यवानुँय वने, ती कोनुँ पानय बने ।  
ये'लि लोलुँ कलमुँ खने, म्य यार वुछ हनि हने ॥

\* \* \* \* \*

## 9 – प्यालुं बरुं प्रेमुक हे'यि कुस च्यो'नुय

प्यालुं बरुं प्रेमुक हे'यि कुस च्यो'नुय, सालुं यियि सतग्वर म्योनुये ॥

बो'दुं ब्रोर सूजमस ग्वडन्युक को'नुय, बो'दुं ब्रोर हे'यि द्वद च्यो'नुये ।  
नूरुं सूंत्य ह्यमुँहंस गूरुं करोनुय, सालुं यियि सतग्वर म्योनुये ॥

प्रेमुक बूजन छुम पाकुँवोनुय, पानि कनि द्वद मन्दोनुये ।  
लोलुँकि नारुं छुम पाकुँ अनोनुय, सालुं यियि सतग्वर म्योनुये ॥

भवानि ह्यो'तमस थाल मंगोनुय, ह्यथ यियि भूतीश्वर म्योनुये ।  
गोव्यंद नावस छु साल करोनुय, सालुं यियि सतग्वर म्योनुये ॥

सतुँकि स्वभावुँ सूंत्य म्य रो'नुय, भवानि ह्यो'तुम बाँगरोनुये ।  
वे'द्यायि ह्यो'तनय पानय आपरोनुय, सालुं यियि सतग्वर म्योनुये ॥

वरुणन ह्यो'तनय वर्ष त्रावोनुय, वर्षुन छु अमृत प्रोनुये ।  
प्रेमुक पोत्र छु त्रेशि कनि च्यो'नुय, सालुं यियि सतग्वर म्योनुये ॥

गंगायि गंगा जल ह्यो'त द्युनुय, नँदियन ह्यो'तुन फेरोनुये ।  
ग्वरुँसुँय तमि सूंत्य अथुँ स्वरशोनुय, सालुं यियि सतग्वर म्योनुये ॥

## मन पम्पोश

भवानी भाग्यवान पंडित

ऑशि मति करुँयो पोशुँवरशोनुय, ख्वश कर दिल अज़ म्योनुये ।  
म्योन ठोकुर गछि वुजुँनावोनुय, सालुँ यियि सतग्वर म्योनुये ॥

लोलुँ नार थो'वथम ज़ोरुँ दजुँवोनुय, तमि सूत्य ह्यमुँ शोलोनुये ।  
दमुँ दमुँ क्षमुँ हाँ ओ'मुँ छ्यो'ट चोनुय, सालुँ यियि सतग्वर म्योनुये ॥

गोव्यंद—गो ह्यो'त कुकिलि वनोनुय, शिव—शक्ती बोजुँवोनये ।  
बोज़ कन दारिथ दिल फवलि म्योनुय, सालुँ यियि सतग्वर म्योनुये ॥

भाग्यवानि ह्यो'तुनय लोलुँ वनवोनुय, म्योन सतग्वर हय नुन्दुँबोनुये ।  
साल कँरिथ छुम नालुँ रटोनुय, सालुँ यियि सतग्वर म्योनुये ॥

गटुँ कुठिसुँय गछि बर मुँचरोनुय, ज्ञानुँ च़ोंग गछि ज़ालोनये ।  
वे'शियिकि वावुँ ना छे'तुँ गछोनुय, सालुँ यियि सतग्वर म्योनुये ॥

वटुँ सूतिय गछि वठ फुटरोनुय, त्रटुँ वरशुन च़ालोनुये ।  
खालि बेखाल नेरि लाल अदुँ नो'नुय, सालुँ यियि सतग्वर म्योनुये ॥

सूहम शब्दस कन दारोनुय, ओ'म लयि पन खारोनुये ।  
अटुँ मुँचरिथ गछि पटुँ वोनोनुय, सालुँ यियि सतग्वर म्योनुये ॥

## मन पम्पोश

भवानी भाग्यवान पंडित

---

रठ रूकाँविथ हठ करोनुय, गठ दुशमन करोनुये ।  
नठ नशिराँविथ नो'ट गछि च्यो'नुय, सालुँ यियि सतग्वर म्योनुये ॥

गटि सूँत्य लो'गमुत जूनि ओस ग्रुहनुय, लटि लटि हाव दरशोनुये ।  
सिरियिनि छटि गोम पोशि वरशोनुय, सालुँ यियि सतग्वर म्योनुये ॥

क्रालन मो'डनम मे'चि हुन्द बो'नुय, रूपा बन्योम नुन्दुँबोनुये ।  
अँद्रिम जानानुँ ह्यो'तनम बदलोनुय, सालुँ यियि सतग्वर म्योनुये ॥

लोलुक असरार भाग्यवानि वो'नुय, सतग्वर म्योन नुन्दुँबोनुये ।  
भाग्यवान कलमुँ सूँत्य गछि लेखोनुय, सालुँ यियि सतग्वर म्योनुये ॥

\* \* \* \* \*

## 10 – ग्वरुँ वाकुँह वर म्यूल

ग्वरुँ वाकुँ वर म्यूल गरि गरि लले  
बो गलि गले चॉवनस मस ॥  
ख्वनि क्यथ खॉरनस बुँ मंज क्वले, बो गलि गले ...

यस टोठि सतग्वर सु कवो डले  
सुय गलि गलि चे'यि प्रेमुक मस ।  
रोजि मंज ज्वले अदुँ कोनुँ जले, बो गलि गले चॉवनस मस ॥

स्यदुँ मॉल्य् अर्था प्रुँछोव लले  
लॅल्य् म्य ति वनतम म्य ति दितुँ ह्यस ।  
ह्यसुँकुय मस छुय प्रेमुँचि क्वले, बो गलि गले चॉवनस मस ॥

निंद्रायि दकुँ दिथ कासि ज्वलि ज्वले  
कलि कलि थवि क्वलुँ बँठिनुँय ह्यस ।  
दम दिथ दुरदानुँ खारि मंज क्वले, बो गलि गले चॉवनस मस ॥

ल्वति ल्वति लाल खारि यँच मो'लले  
बे'यि मंज क्वलि चे'यि प्रेमुक मस ।  
दामा च्यथ अदुँ पानय फ्वले, बो गलि गले चॉवनस मस ॥



## मन पम्पोश

भवानी भाग्यवान पंडित

---

म्वलुँल्यन लालन मालुँ ये'लि करे  
थरि पोश ज़न यिधि हरुँसुँय ह्यथ ।  
घरुँसुँय मंज़ तस ललुँविय ल्वले, बो गलि गले चॉवनस मस ॥

हरुँ सँदि ललवुँनुँ कुल मल छले  
लोलुँ सूकले सुय वलि पान ।  
यस ग्वर छले प्रेमुँ सयकले, बो गलि गले चॉवनस मस ॥

मनुँकिस ऑनस मल ये'लि तुले  
ज़न मंज़ माले चमकिय लाल ।  
सुय ग्वरुँ चरणन जुव कोनुँ मले, बो गलि गले चॉवनस मस ॥

यस ग्वरुँ दया, सु नो ज़ां'ह डले  
ह्वछिमुँचि क्वले सुय अनि ज़ल ।  
सरुँसुँय मंज़ ज़न पंपोश फ्वले, बो गलि गले चॉवनस मस ॥

गोव्यंदगू को'र अमि कुकिले  
शीवस तुँ शक्ती लोयुन नाद ।  
भवानि भाग्यवानि ह्योत मंज़ ल्वले, बो गलि गले चॉवनस मस ॥

\* \* \* \* \*

## 11 – म्यानि सतगवरुं चानि चिकुंचावय

म्यानि सतगवरुं चानि चिकुंचावय  
भवसरुंसुंय गंडुं हॉय नावय ॥

वथ शेरय ओं'गलय ओं'गलय  
अथुंनुंय मंज लदुंहॉय बो'गलय ।  
कथुंवुंय सूत्य गुल फो'लुंनावय, भवसरुंसुंय गंडुं हॉय नावय ॥

जंन गाड छस मंज दरियावस  
यूत ज़ोर छा लोलुंकिस वावस ।  
छुम न रूकन क्या रूकावय, भवसरुंसुंय गंडुं हॉय नावय ॥

साल करुंहॉय चे'य जानानस,  
फरशि मखमल प्यठ डालानस ।  
लोलुं प्यालय छिम त्रावुं त्रावय, भवसरुंसुंय गंडुं हॉय नावय ॥

साल करुंहॉ चाजन मित्रन  
प्यालुं गरुं हा पंपोशि पत्रन ।  
अन्न अनुंहा सूहम छावय, भवसरुंसुंय गंडुं हॉय नावय ॥

## मन पम्पोश

भवानी भाग्यवान पंडित

---

ये'लि चे'य निशि बूज़न अनय  
ते'लि बागन गुल फवलुनय ।  
गुलि दस्तव करुँहॉय वावय, भवसरुँसुँय गंडुँ हॉय नावय ॥

माल करुँ हॉय लोलुँक्यन पोशन  
कुनि रोशन कुनि छस तोशन ।  
कुनि वनुँहॉय अँदरिमि ग्रावय, भवसरुँसुँय गंडुँ हॉय नावय ॥

माल करुँहॉय गुलि कोसुमन  
साल करुँहॉय बमन बमन ।  
सीनुँ मुँचरिथ सीरुँ कथुँ बावय, भवसरुँसुँय गंडुँ हॉय नावय ॥

मनुँ मँज़लिस मंज़बाग थावथ  
युथ रेशख ते'लि मनुँनावथ ।  
लो'लुँ मंज़ुल लो'त अलुँरावय, भवसरुँसुँय गंडुँ हॉय नावय ॥

कृष्णुँ रूपन दिल न्यूम चूरे  
सनुँ को'रनम र्वगुँचि हूरे ।  
तनि सूँतिय तन मिलुँनावय, भवसरुँसुँय गंडुँ हॉय नावय ॥

द्युत कुकिले गोव्यंदुँ आलव  
पानुँ शिव आव तिमुँवुँय नालव ।

**मन पम्पोश**

भवानी भाग्यवान पंडित

---

ज्यादुं टोठ छुम गोव्यंद नावय, भवसरुसुंय गंडुं हॉय नावय ।।

सो'र भाग्यवानि गोव्यंद नावुंय

यि छु सोरुय भक्ती भावुंय ।

छो'ल म्य गम बम गोव्यंद नावय, भवसरुसुंय गंडुं हॉय नावय ।।

\* \* \* \* \*

## 12 – सतग्वरुँ तनि गोम

सतग्वरुँ तनि गोम तन मिलुँनॉविथ ।  
सोरुय सीर अज़ बॉविथ गोम ॥

कुस हे'कि बूज़िथ कस ह्यकुँ बॉविथ  
मनुँकिस ऑनस नॉविथ गोम ।  
गरि गरि रूज़ुँस लरि पान सॉविथ, सोरुय सीर अज़ बॉविथ गोम ॥

रंगुँ कुठि थो'वमस प्रंग व्वथरॉविथ  
सोरुय गम गोसुँ त्रॉविथ गोम ।  
ऑशिमो'त पोशिगों'द शादुँ कनि थॉविथ, सोरुय सीर अज़ बॉविथ गोम ॥

ललुँ मचि नफचस कलुँ तुलुँनॉविथ  
तों'दरस मंज़ बुज़ुँनॉविथ गोम ।  
तनहा तॉमील ओ'न म्य करुँनॉविथ, सोरुय सीर अज़ बॉविथ गोम ॥

बुजिरस द्युतुनम बहार हॉविथ  
सोरुय सोदा छॉविथ गोम ।  
नाहक ल्वकुँचार छुन म्य रावुँरॉविथ, सोरुय सीर अज़ बॉविथ गोम ॥

## मन पम्पोश

भवानी भाग्यवान पंडित

---

ललुँ मचि ग्वरुँसुँय यी द्युत हॉविथ  
नेँदरे मंजुँ वुजुँनॉविथ गोम ।  
शेरस शा'हमार लाकम द्यॉविथ, सोरुय सीर अज बॉविथ गोम ॥

सत दॅरियावुँय पथकुन त्रॉविथ  
बठि प्यठुँ बूल्य् बोजुँनॉविथ गोम ।  
हमसुँजव परवुँय दम उडनॉविथ, सोरुय सीर अज बॉविथ गोम ॥

गगनस खँसिथ आकाश हॉविथ  
पातालुँ ब्वन वातुँनॉविथ गोम ।  
पापन पडताल गोम करुँनॉविथ, सोरुय सीर अज बॉविथ गोम ॥

पापन तुँ प्वजन वो'न दिथ द्याविथ,  
नो'न संगलाल कडुँनॉविथ गोम ।  
शिवुँ सुँजि शशकलि सुँत्य छलुँनॉविथ, सोरुय सीर अज बॉविथ गोम ॥

भवानि भाग्यवानि यी द्युत हॉविथ,  
गोव्यंदगू करुँनॉविथ गोम ।  
सतग्वर गोमो दिल फवलुँनॉविथ, सोरुय सीर अज बॉविथ गोम ॥

\* \* \* \* \*

**मन पम्पोश**  
भवानी भाग्यवान पंडित

---

## 13 – द्युत कुकिले कुकिलि दम

द्युत कुकिले कुकिलि दम तुँ लो लो  
ग्वरुँ कासुम व्वज सरखम तुँ लो लो ॥

ग्वडुँ बोजुम लोलुक नादुँय म्योन  
अदुँ वुछय ग्वरुँ प्रसादुँय चोन ।  
बोजुँनावतम कुस ओ'म तुँ लो लो, ग्वरुँ कासुम व्वज सरखम तुँ लो लो ॥

अदुँ बोजतो सूहम नादुँय म्योन  
लोलुँ पूजय पंपोश पादुँय चोन ।  
सरखमुँकुय छुम म्य गम तुँ लो लो, ग्वरुँ कासुम व्वज सरखम तुँ लो लो ॥

बॉल्य् बॉली फीरुँस बालुँ बावस  
युथ नुँ खॉली रोजय दयुँ नावस ।  
खासुँ म्वखतस तौर्यज्यम त्रम तुँ लो लो, ग्वरुँ कासुम व्वज सरखम तुँ लो लो ॥

ल्वकुँचारस गिंदुय ज़ारस म्य  
सूत्य गिंदुमय तस गमखारस म्य ।  
गमखारन ह्यो'तुनम नुँ गम तुँ लो लो, ग्वरुँ कासुम व्वज सरखम तुँ लो लो ॥



## मन पम्पोश

भवानी भाग्यवान पंडित

वारुँ वारुँ गव ज़ायि ल्वकुँचार म्योनुय  
सोर द्रावुँय नुँ यि गमखार म्योनुय ।  
गम ख्यौविथ छ्यफ दिचनम तुँ लो लो, ग्वरुँ कासुम व्वज सरखम तुँ लो लो ॥

ल्वकुँचारस फीरुँस मंदरन मंज  
सूत्य व्यसन दासन तुँ स्वंदरन मंज ।  
श्यामुँ—स्वन्दरन ह्योत म्योन गम तुँ लो लो, ग्वरुँ कासुम व्वज सरखम तुँ लो लो ॥

श्यामुँ—स्वन्दरन जॉनिस कूरुँय बो  
वादुँ चोनुय अज हय करुँ पूरुँय बो ।  
अनिगँटिसुँय थवथ शम तुँ लो लो, ग्वरुँ कासुम व्वज सरखम तुँ लो लो ॥

गरुँ मंजय ऑसुँस दूरि बाज़ार  
म्वलुँनावान ऑसुँस कुंदन कार ।  
सतग्वरुँनुँय नारुँ कँडनस तुँ लो लो, ग्वरुँ कासुम व्वज सरखम तुँ लो लो ॥

नख्वि निगार कॅर्यनस ज़ेवरुँसुँय  
यिछ मूरत आसान खावरुँसुँय ।  
सतग्वरुँय मिम्बर छुम तुँ लो लो, ग्वरुँ कासुम व्वज सरखम तुँ लो लो ॥

द्युत कुकिलव गोव्यंद नादुँय चोन  
गोव्यंदुँय दिल करि शादुँय म्योन ।

## मन पम्पोश

भवानी भाग्यवान पँडित

---

हावि ओ'म ओ'म द्यावि सुय तम तुँ लो लो, ग्वरुँ कासुम व्वज सरखम तुँ लो लो ॥

रो'ट भाग्यवानि गोव्यंदुँ दामानय

सतग्वरुनुय ओसुस बहानय ।

ललि हुँद्य पॉठ्य दियि दम तुँ लो लो, ग्वरुँ कासुम व्वज सरखम तुँ लो लो ॥

\* \* \* \* \*

## 14 – सतग्वरुँ सोजुम सतुँकुय

सतग्वरुँ सोजुम सतुँकुय प्यालय  
शीरीज शुर्य खयालय बोज ॥

लोलुँ सूँत्य दिचुँनम ब्रोंटुँकनि डालय  
रोजि भाग्यवाँनी गोशव बोज ।  
त्रे'चि प्यठ थुरुँमय पानय प्यालय, शीरीज शुर्य खयालय बोज ॥

वुछ ग्वरुँ चालय किछ ग्वरुँ डालय  
क्रालय सुँद्य पौँट्य तुलनय सोज ।  
ख्वश डोल थुरुँनय म्योनुय प्यालय, शीरीज शुर्य खयालय बोज ॥

लोलुँ सूँत्य थुरुँनय म्योनुय प्यालय  
लोलुँ अथुँ दौँरिथ ब्रोंटुँकनि रोज ।  
लोलुँ म्वखुँ च्यतुँ मय रटुँथय नालय, शीरीज शुर्य खयालय बोज ॥

लोलुँ सूँत्य थुरमय चोनुय प्यालय  
लोलुँक्यव गोशव वारय बोज ।  
जामुत द्वद तय ओमुय प्यालय, शीरीज शुर्य खयालय बोज ॥

## मन पम्पोश

भवानी भाग्यवान पंडित

---

वारुं वारुं रँटिऒ्यम नॉली नालय  
लोलुं म्वख दॉरिथ वारुं वारुं रोज़ ।  
यो'त ताज छॉडस पयनुंच चालय, शीरीज शुर्य खयालय बोज़ ॥

अमि लोलुं प्यालुंच च़े'य छय मालय  
क्रालय सुँद्य पॉढ्य तुलुमय सोज़ ।  
नख्वन करिमस कृष्णुंनि चालय, शीरीज शुर्य खयालय बोज़ ॥

च़टनस ओ'नमस शेवुन कीशिय  
वारुं वारुं नारस नीशी वोत ।  
लोलुं नारन पो'य कांह कांह खालय, शीरीज शुर्य खयालय बोज़ ॥

चोनुय नारुंय ज़ोरावारुंय  
चोनुय प्यालय पयनय आव ।  
रंगुं कनि कँरिमस ज़रुंची चालय, शीरीज शुर्य खयालय बोज़ ॥

मँस्तीयि फ्युरनस मसुँकुय प्यालय  
मजुँह वुछि पानय मँस्तीवोल  
मँस्ती सुँत्य दियि नचुँनुंचि डालय, शीरीज शुर्य खयालय बोज़ ॥

मसुँकुय प्यालुँह छु त्रावय त्रावय  
सू हम सू सुँत्य छावय आव ।

## मन पम्पोश

भवानी भाग्यवान पंडित

---

यिम युथ मस च्यन तिम मतुँवालय, शीरीज शुर्य खयालय बोज़ ॥

अमि मसुँह सूँत्य गँयि मतवालुँह कूँतिय

यिम अथ मसुँसुँय सूँतिय रूद्य ।

युथ मस द्युतमय काँसि काँसि खालय, शीरीज शुर्य खयालय बोज़ ॥

युथ मस छु च्यवान युथ लोलुँ वोलुय

गोवे'न्द कोलुय मोलुय म्योन ।

लोलुँ सूँत्य रो'टमय नाँली नालय, शीरीज शुर्य खयालय बोज़ ॥

युथ मस ओसुय गो'डुँ स्यदुँ मॉलिस

ललद्यदि थो'व निथ ऑलिस मंज ।

आलि मंजुँ रो'टनम नाँली नालय, शीरीज शुर्य खयालय बोज़ ॥

भाग्यवान दपान ती बुँति हावय

गोव्यंदुँ कोलुँनि नावय सूँत्य ।

लोलुँ मस च्यथ दियि लोलुँचि डालय, शीरीज शुर्य खयालय बोज़ ॥

\* \* \* \* \*

## 15 – पर उपकारियन परमुं ग्वरुंनुंय

पर उपकारियन परमुं ग्वरुंनुंय  
तँम्य ह्यस फ्युरनय म्य ॥

छाँडिथ कति ओ'न शिवशंकुरुंनुंय  
ज़न हय आँस नारुँच रे'ह ।  
लोलुँ प्यालुँ द्युतनय परमुं ग्वरुंनुंय, तँम्य ह्यस फ्युरनय म्य ॥

फ्युर तँम्य द्युतनय कुल दफतरुंनुंय  
दो'पनम शशकल च्य ।  
ग्वडुँ साल करुँहा श्री सतग्वरुंनुंय, तँम्य ह्यस फ्युरनय म्य ॥

गछि नय खोचुन शेरि बबरुंनुंय  
ये'लि आसि शोरस रे'ह ।  
लोलुँ तीर सोरुँना निशि तीरगरुंनुंय, तँम्य ह्यस फ्युरनय म्य ॥

तार लो'ग सतुँवुँज समंदरुंनुंय  
पानि मंजुँ वुछ म्य नारुँ रे'ह ।  
द्वशुँवुँज तार द्युत परमुं ग्वरुंनुंय, तँम्य ह्यस फ्युरनय म्य ॥

## मन पम्पोश

भवानी भाग्यवान पंडित

---

तरुँनय तिम यिम जिंदय मरुँनुँय  
पनुनुय माजुँय पानय ख्य ।  
नूरस नारस छि श्राख मा तरुँनुँय, तँम्य ह्यस फ्युरनय म्य ॥

काँत्या'ह चायि सतग्वरुँ गरुँनुँय  
काँसे मंज छअ शोरुँच रे'ह ।  
जोरुँ शोरस छिय काँत्या'ह डरुँनुँय, तँम्य ह्यस फ्युरनय म्य ॥

जन्मादि जन्मन हरुँ हरुँ करुँनुँय  
ग्वरुँनुँय बरतल ब्यह ।  
आँथस वॉत् वॉत् तोति खे'यि गरुँनुँय, तँम्य ह्यस फ्युरनय म्य ॥

सतग्वरुँ स्वाँमियस गँयिसय शरनुँय  
दिचनम लोलुँच रे'ह ।  
अमृत ज़ोनमय ग्वरुँसुँद्य चरनुँय, तँम्य ह्यस फ्युरनय म्य ॥

आशकस निशि छुम माशोक डरुँनुँय  
यिछ छि लोलुँ नारुँच रे'ह ।  
तथ रे'हि सीनुँ दोर श्री भास्करुँनुँय, तँम्य ह्यस फ्युरनय म्य ॥

लोलुँक्य'न पोशन मालुँ रोज़ करुँनुँय  
ओ'मुँ सूँत्य तारुँज हे' ।

## मन पम्पोश

भवानी भाग्यवान पंडित

---

खमुँ सूँत्य सर दोर शिवशंकरुँनुँय, तँम्य ह्यस फ्युरनय म्य ॥

हरुँ सुँदि हरुँ सूँत्य गरुँ आव बरुँनय  
शक्तीयि शक्ती छे' ।

शशकलि भक्तन छु शक्तिपात करुँनुँय, तँम्य ह्यस फ्युरनय म्य ॥

ओ'मा ओ'मुँसुँय मालुँ यिम करनय  
सजि कोनुँ तिमुँनुँय तिय ।

गुलि अनार गछि गुलि जाफरनुँय, तँम्य ह्यस फ्युरनय म्य ॥

शिवपूजायि कित्य पोश यिम चारनय  
शिवुँसुँय निशि तिम छिय ।

पवनुँ सूँत्य पो'ज तिम द्वदुँ निशि चारनय, तँम्य ह्यस फ्युरनय म्य ॥

गोव्यंदगू यिम शा'हस खारनय  
मदुँ हो'स मारनुँय छिय ।

दारि बर त्रो'परिथ नवन द्वारुँनुँय, तँम्य ह्यस फ्युरनय म्य ॥

सीनुँ यिम दारुँनय शोरुँ शा'हमारुँनुँय  
सूँत्य ओ'मकारनुँय छिय ।

बीन तिम वारुँनय सूहम तारुँनुय, तँम्य ह्यस फ्युरनय म्य ॥



## मन पम्पोश

भवानी भाग्यवान पंडित

---

ललघदि कल कॅर डल शिकारुँनुँय  
ग्वरुँसुँय दो'पनय ख्य ।  
हरदुँ फो'ल्य दरदुँपोश सोँतुँ सबजारुँनुँय, तँम्य ह्यस फ्युरनय म्य ॥

गालनस तुँ गेलनस छि काँत्या डरुँनय  
गाँलिथ छि मूरान ते'ह ।  
गाँलिथ छु मेलान ललि हुंद वरनुँय, तँम्य ह्यस फ्युरनय म्य ॥

नालुँ यिम रटनय कालुँ बोँ'बरनुँय  
यँम्बुर ज़लय छे' ।  
मालुँ तिम करनय लालि जवहरुँनुँय, तँम्य ह्यस फ्युरनय म्य ॥

लल आँस वॅरमुँच शिवशंकुरुँनुँय  
शक्ती पानय छे' ।  
बन्द शेर को'रनय शेरि बबरनुँय, तँम्य ह्यस फ्युरनय म्य ॥

भाग्यवानि मोँ'गमुत ललि हुंद वरनुँय  
ग्वरुँनुँय मनि मंज छे' ।  
बूजुस ग्वरुँनुँय तुँ परमा'ह—ग्वरुँनुँय, तँम्य ह्यस फ्युरनय म्य ॥

\*\*\*\*\*

**मन पम्पोश**  
भवानी भाग्यवान पंडित

---

## 16 – सतग्वर हय आमुत

सतग्वर हय आमुत कथुँ बोजुँनि अस्तय अस्तय ।  
बुँ लोलुँ पोशन मालुँ करुँसय किनुँ पोशि दस्तय ॥

मन छुम गो'मुत म्य गमुँसुँय मंज ज़न बस्तय ।  
पँजरुँ म्योनुय फुटुँरावि ना पनुँने दस्तय ॥

परवाज करुँहॉ हंसुँनिय पर मँगिमस तय ।  
द्याना'ह द्युतुन म्योन भक्त कँम्य को'र खस्तय ॥

खुर्य आव कासान शुर्य गॉमुँत्य् अँथ्य् मंज बस्तय ।  
चटख यि ज़ालुँय नालुँ रटख अस्तय अस्तय ॥

धनुँ तुँ दौलत सु ति गोमुत सोरुय खस्तय ।  
दयि धनुँह बिसियार गछि तमुन दुश्मनस तय ॥

बुँ गरुँ मंजय करुँ तजवीज ज़रगरस तय ।  
बुँ ज़रुँ ज़रुँ सूँत्य गरुँ बरस तय ॥

शमुँ हिव्य भक्त गमुँकुय ज़ाल अज चो'टमस तय ।

## मन पम्पोश

भवानी भाग्यवान पंडित

---

छुम सीनुँसुँय मंजु सूहमुक बीन बाजि तस तय ॥

तारव कने कीशवुन कीश गों'डमस तय ।  
सूँत्य ओ'मकारय वारुँ वारय चार द्युतुँमस तय ॥

छो'जन जायन बालुँ कृष्णुँनि र्व'नि गंजिमस तय ।  
सूहम लये वारुँ वारय वायान छस तय ॥

कन दारि सतग्वर शब्दुँ सूँत्य प्राण गोम बस्तय ।  
प्यठ अखँडस कुञ तुँ कीवल प्रारान छस तय ॥

गोव्यंद नावस अथुँ दारिथ भाग्यवान छस तय ।  
च्यमुँ लोलुँ प्याला'ह गुलदस्तस ह्यस फ्युरमस तय ॥

\* \* \* \* \*

## 17 – म्यानि सतगवरुँ

म्यानि सतगवरुँ ख्वश सूरुँतय, च़े'य पतय पतय यिमय ॥

मन न्यूथम स्वरगुँचि हूरे, पानुँ रूदुख दूरे दूरे ।  
बालुँ कृष्णुँनि हिशि छय कथय, च़े'य पतय पतय यिमय ॥

राजुँ हँस लँजिस ज़ालय, शशपँजस गोम दुखालय ।  
बालुँ कृष्णुँनि हिशि छय मालय, च़े'य पतय पतय यिमय ॥

छुम तमा'ह करय सालय, छुम नुँ पता'ह मीम क्या'ह दालय ।  
बालुँ कृष्णुन ह्यू छुय खालय, च़े'य पतय पतय यिमय ॥

छुम तमा'ह बूज़न रनय, स्वदामुन द्युतुथम धनय ।  
बालुँ कृष्णुन ह्यू छुय मनय, च़े'य पतय पतय यिमय ॥

छुम तमा'ह क्षमय छ्यो'टुय, छे'टि चाने च़ो'लुम गो'टुय ।  
बालुँ कृष्णुन ह्यू छुय हो'टुय, च़े'य पतय पतय यिमय ॥

छे'टि चाने च़ँजिम ब्वछे, छुम तमा'ह रो'ज़य क्वछे ।  
लोलुँ भक्तस निशे हे'छे, च़े'य पतय पतय यिमय ॥

## मन पम्पोश

भवानी भाग्यवान पंडित

---

छे'टि चाने रूजुंस शादुंय, छे'टि विजे हे'तम यादुंय ।  
बालुं कृष्णुनि हिव्य् छिय नादुंय, चे'य पतय पतय यिमय ॥

छे'टि चाने बजोम ज्ञानुंय, तथ छे'टिस वंदय प्राणुंय ।  
बालुं कृष्णुन ह्यु चोन द्यानुंय, चे'य पतय पतय यिमय ॥

छुम तमाह रो'जय निशे, करमुं लॉनिस चोनथम पुशे ।  
बालुं कृष्णुंज हिव्य् छिय कीशे, चे'य पतय पतय यिमय ॥

म्वखुं म्वखय चे'य कुन वुछे, जसुदाये निशे हे'छे ।  
बालुं कृष्णुनि हिशि छय म्वछे, चे'य पतय पतय यिमय ॥

छुम तमा'ह हावतम शीवुंय, अदुं सतग्वरुं गीतुंय ग्यवय ।  
बालुं कृष्णुनि हिशि छय गावय, चे'य पतय पतय यिमय ॥

ललि हुंदुय वर म्य गछिय, युस च्य निश वातुन ये'छिय ।  
बालुं कृष्णुनि हिव्य् छिय वॅछिय, चे'य पतय पतय यिमय ॥

छुम तमा'ह वुछय वतय, ये'लि बोजय चाने कथय ।  
बालुं कृष्णुनि हिव्य् छिय अथय, चे'य पतय पतय यिमय ॥

## मन पम्पोश

भवानी भाग्यवान पंडित

---

वारुँ वोनुम प्रेयमुक ज़ालय, वारुँ हावुम अज़ संगलालय ।  
बालुँ कृष्णुनि हिशि छय चालय, च़े'य पतय पतय यिमय ॥

लोलुँ सूत्य करतम कथय, दकुँ दिहँम फेरय नुँ पथय ।  
बालुँ कृष्णुनि हिशि छय थ्यथय, च़े'य पतय पतय यिमय ॥

म्यानि सतग्वरुँ आनंदुँ कंदय, तथ रूपस बुँ सोरुय वंदय ।  
बालुँ कृष्णुञ्ज हिव्य् छिय खन्दय, च़े'य पतय पतय यिमय ॥

म्योन सतुँगवर आनन्दुँ कन्दय, बब मॉज म्योन बोय तुँ बन्दय ।  
बालुँ कृष्णुञ्ज हिव्य् छिय दंदय, च़े'य पतय पतय यिमय ॥

छुम तमा'ह रातो दनय, ग्वरुँ भजन चॉनी वनय ।  
बालुँ कृष्णुन ह्यू छुय क्षणय, च़े'य पतय पतय यिमय ॥

म्वखुँ म्वखुँ युस च़े'य कुन वुछिय, रक्षमन तुँ राधा सु छुय ।  
बालुँ कृष्णुनि हिशि छय अँछिय, च़े'य पतय पतय यिमय ॥

छुम तमा'ह यिख कर योरुँय, लोलुँ वावन त्राँवुम दोरुँय ।  
बालुँ कृष्णुञ्ज हिव्य् छिय खो'रुँय, च़े'य पतय पतय यिमय ॥

छुम तमा'ह लोला'ह बरय, अदुँ वुछन श्री भास्करय ।

## मन पम्पोश

भवानी भाग्यवान पंडित

---

बालुँ कृष्णुन ह्यु छुय सरय, च़े'य पतय पतय यिमय ॥

म्वख म्य हावुम दमय दमय, मंज़ गटे वुछुथ शमय ।  
बालुँ कष्णुनि हिशि छय बुमय, च़े'य पतय पतय यिमय ॥

नाव चोन छुम गोव्यंद रूपुँय, मंज़ गटे प्रज़लान दीपुँय ।  
भाग्यवाने सोरुय मुफ्तुँय, च़े'य पतय पतय यिमय ॥

\* \* \* \* \*



## 18 – सुय छुय ईश्वर सुय

सुय छुय ईश्वर सुय अमीश्वर, सुय छुय सतग्वर म्योनुये ।  
तस कुन वुछिथ मन रूदुम थ्यर, सुय दिल तुँ दिलबर म्योनुये ॥

जरुँ जरुँ वुछमय सुय जरुँ भासकर, सुय स्वंदर नुंदुँबोनुये ।  
तस कुन वुछिथ म्य चो'ल कालुन डर, सुय छुय सतग्वर म्योनुये ॥

तोशन तोशन पोशन अंबर, पूजायि छुस नो'व तुँ प्रोनुये ।  
गरुडस खँसिथ बूजुम डुमर, सुय छुय सतग्वर म्योनुये ॥

कुकिल ऑसिथ बजोम कुमर, बोल्यान नुँ अर्थ ज़ोनुये ।  
वावस अपोर नेर्यस समर, सुय छुय सतग्वर म्योनुये ॥

वावस मंजुँय हँरिम म्य पर, छॉनिथ पथ क्या छोनुये ।  
गोव्यंदुँ वंदय आश्चर अछर, सुय छुय सतग्वर म्योनुये ॥

जरस ज़ोरावर प्योम ज़रगर, नारस नूरुक ग्रोनुये ।  
तमिय शिजाह शिजन शंकर, सुय छुय सतग्वर म्योनुये ॥

वुछ दीशि त्यागुँय कुस दीशान्तर, लो'ब ओस म्य रूजिथ लोनुये ।

## मन पम्पोश

भवानी भाग्यवान पंडित

स्वन गॅयि ब्वन कुन मन गव मनोहर, सुय छुय सतग्वर म्योनुये ।।

यमस जीनिथ म्य मंज सु वर, कश्यप रे'शिस ति कोनुये ।  
गागुरि मंजुंय ह्यथ आम सागर, सुय छुय सतग्वर म्योनुये ।।

हम हमशानुंह सुय युस छु किशवर, तस छुय निशानुं म्योनुये ।  
बुमन मंज छुस रुमन खंजर, सुय छुय सतग्वर म्योनुये ।।

आकाश पाताल अँजनम खबर, सुय शेरि बबर म्योनुये ।  
अंदर अँचिथ नेर्यम नुं न्यबर, सुय छुय सतग्वर म्योनये ।।

सिया'ह कलम सिया'ह दफतर, सिया'ह सूँत्य लेखवोनुये ।  
सिया'ह चे'शमव कॅरनम म्य नज़र, सुय छुय सतग्वर म्योनुये ।।

पूरब पश्चिम दक्षिण उत्तर, ह्यो'त ललि ती ललुँवोनये ।  
आबस आबुँक्य छिय जानावर, सुय छुय सतग्वर म्योनुये ।।

वतन वुछिम कथन शकदर, अथन ह्यथ ताज़ोनुये ।  
सामानुं ह्यथ छम रामुँज लशकर, सुय छुय सतग्वर म्योनुये ।।

खबर म्य साँरुँय अंदर न्यबर, गज़लन गज़लुँ लोनुये ।  
नॅटिस मंज छुम नटान नटवर, सुय छुय सतग्वर म्योनुये ।।

## मन पम्पोश

भवानी भाग्यवान पंडित

---

छय भाग्यवानुंय जंगम थावर, यस मंज बावर चोनुये ।  
भूगिथ छि भूगी कम यूगीश्वर, सुय छुय सतग्वर म्योनुये ॥

\* \* \* \* \*

## 19 – ग्वरुँवुँय म्य कॅरहम यॉरिये

ग्वरुँवुँय म्य कॅरहम यॉरिये, ग्वरुँ पादन लगय पॉर्य पॉरिये ।।  
नाम म्यॉञ गामुँ शहॉरिये, ग्वरुँपादन लगय पॉर्य पॉरिये ।।

ग्वरुँवुँय आवाहन को'रुम, स्वखुँ सान रातर—घन दो'रुम ।  
मालस करुँञ शूमॉरिये, ग्वरुँपादन लगय पॉर्य पॉरिये ।।

तशनन करुन छुम वर्शुनुय, दुखियन दवा म्योन दर्शुनय ।  
सुखियन सतुँच नादॉरिये, ग्वरुँपादन लगय पॉर्य पॉरिये ।।

ग्वरुँवुँय द्युतुँहॅम दफतरुँय, आगरुँ आमुत अफसरुँय ।  
रुमुँ रुमुँ छु बुमुँ चॉर्य चॉरिये, ग्वरुँपादन लगय पॉर्य पॉरिये ।।

मूड छस मूर्ख वन ज़ानुँ क्या, इला करुन ऐलान क्या ।  
करनस करुँञ हुशियॉरिये, ग्वरुँपादन लगय पॉर्य पॉरिये ।।

ग्वडुँ छुम वुछुन नादानुँनुँय, रँखियन हुँघन रथबानुँनुँय ।  
दुशवारुँकिय दरबॉरिये, ग्वरुँपादन लगय पॉर्य पॉरिये ।।

ज़ख वातुँनावुन ज़ीरुँकस, हातमि—तय कुय हीरुँ कस ।

## मन पम्पोश

भवानी भाग्यवान पंडित

---

यस छस हकुँच हमवॉरिये, ग्वरुँपादन लगय पॉर्य पॉर्यये ॥

फेरुन म्य च्ववापोर छुम, बुतरॉच वालुन बोर छुम ।  
कुफरस तुँ काबस कौरिये, ग्वरुँपादन लगय पॉर्य पॉर्यये ॥

वनुँ सोरुय दिल खूलिथुँय, अँलिफस तुँ वावस मील्लिथुँय ।  
बाज़न करुँज बम्बॉरिये, ग्वरुँपादन लगय पॉर्य पॉर्यये ॥

सतग्वरुँ—नावुँय टिकुँ म्य, नवि सालुँ द्युतुँहँम सिकुँ म्य ।  
शेरे बबर सवॉरिये, ग्वरुँपादन लगय पॉर्य पॉर्यये ॥

सतग्वरुँ नावुक म्य शान छुम, तवुँ किज नाव भाग्यवान छुम ।  
शीव—शक्ती नर नॉरिये, ग्वरुँपादन लगय पॉर्य पॉर्यये ॥

\* \* \* \* \*

## 20 – क्या'ह लोलुँ कॅर्यथम पारुँ

क्या'ह लोलुँ कॅर्यथम पारुँ  
कुस जानावारुँय च्युँय ॥

पनुँन्यन मंजु नुँ च़े'य जाय, परघन हुंद खाकिपाय ।  
छुख बॅनिथ बरखुरदार, कुस जानावारुँय च्युँय ॥

पनुँन्यन निशि ज़न शीन, परघन हुन्द खुर्दबीन ।  
दूरि रूज़िथ च्य दुचारुँ, कुस जानावारुँय च्युँय ॥

पनुँन्यन कौर मौर्य मौर्य, परघन बंदुँ बरदौर्य ॥  
खंदुँ अकि रूदुम खारुँ, कुस जानावारुँय च्युँय ॥

पनुँन्यन रूदुख दूर, परघन होवुथ नूर ।  
तवुँ पो'र म्य सूरुँ सिपारुँ, कुस जानावारुँय च्युँय ॥

म्य ज़ार वॅन्चु बालुँ यारस, तवुँ गोम संगिफारस ।  
रंगि क्याह गुलि अनार, कुस जानावारुँय च्युँय ॥

परघन सूँत्य रलुन, पानस खाक मलुन ।

## मन पम्पोश

भवानी भाग्यवान पंडित

---

छुय छलुन नरकुँनि नारुँ, कुस जानावारुँय चुँय ॥

पानस पान भारे, गरुडस सवारे ।

हंसन सूँत्य रफतार, कुस जानावारुँय चुँय ॥

जन्मन हुँदी भूग, भूगिथ म्यूलुम यूग ।

को'रमस सूँदुँ बापार, कुस जानावारुँय चुँय ॥

ग्वरुँवुँय द्युतुँहँम ज्ञान, तवुँ छम पतिमुँय ज्ञान ।

बनुँहा दस्तबरदार, कुस जानावारुँय चुँय ॥

केँह भूग भूगुँज छिम, ग्वरुँवुँय दितिहँम तिम ।

तथ छुम वारुँ करार, कुस जानावारुँय चुँय ॥

तमि किञ रोजुन प्योम, जन्मस ओसुम बोम ।

बालुँ बावुँ करुँ खे'लुँ तारुँ, कुस जानावारुँय चुँय ॥

छुम बनून नवजवानुँय, तवुँ नाव भाग्यवानुँय ।

गरुँ म्योन हर दरबार, कुस जानावारुँय चुँय ॥

गरि गरि बुँ हरुँसुँय सूँत्य, ज़र ज़रगरुँसुँय सूँत्य ।

जरुँ ज़रुँ कँडनस नारुँ, कुस जानावारुँय चुँय ॥

## मन पम्पोश

भवानी भाग्यवान पंडित

---

कुकिलि म्य गोव्यंदुँ लोल, हंसन ह्यो'र म्योन ओल ।  
दयालुँ सुँदि यख्तियारुँ, कुस जानावारुँय चुँय ॥

\* \* \* \* \*



## 21 – अनू खबरा'ह लोलुंकि

अनू खबरा'ह लोलुंकि वावय लो ।।

कन दारय दिल फवलुंनाव म्योनुय

सतगवरुंसुंय गवडुं वन नाव म्योनुय ।

अदुं वनतस लोलुंकि ग्रावय लो, अनू खबरा'ह लोलुंकि वावय लो ।।

गवडुं वनतस लोल आस बारुं चोनुय

अदुं वनतस बे'यि दुबारुं म्योनुय ।

रो'नमुत अन्न अनिहे'म छावय लो, अनू खबरा'ह लोलुंकि वावय लो ।।

अदुं दफतस अलुंरावि दूरय कन

पूरुं पूरय वातुंनावि सारिनुंय अन्न ।

अदुं लेखख ब्यो'न ब्यो'न नावय लो, अनू खबरा'ह लोलुंकि वावय लो ।।

लोलुं सुंति य खस्तुं गव पान म्योनुय

लोलुं सुंति य फवलि मन प्राण म्योनुय ।

लोलुं सुंति य बो'ठ लाग नावय लो, अनू खबरा'ह लोलुंकि वावय लो ।।

लोलुं सुंति य शाद रोजुं हनि हने

## मन पम्पोश

भवानी भाग्यवान पंडित

लोलुँ सूँतिय मिलनावुँ तन तने ।  
लोलुँ सूँतिय मन—ऑनुँ नावय लो, अनू खबरा'ह लोलुँकि वावय लो ॥

लोलुँ सूँतिय कास गटुँकार म्योनुय  
लोलुँ सूँतिय फवलि गुलज़ार म्योनुय ।  
लोलुँ अमृत अन दॅरियावय लो, अनू खबरा'ह लोलुँकि वावय लो ॥

लोलुँ गुलुँनुँय लोलुक सग दिम म्य  
लोलुँ दानस लोलुक गग दिम म्य ।  
लोलुँ अन्न ख्यथ लोलुँ छ्यो'ट ख्यावुँय लो, अनू खबरा'ह लोलुँकि वावय लो ॥

लोलुँ बानन लोलुक अन्न दिम म्य  
लोलुँ यँदरस लोलुक पन दिम म्य ।  
लोलुँ पो'बॅर्य करुँयो वावय लो, अनू खबरा'ह लोलुँकि वावय लो ॥

लोलुँ म्वखतस लोलुकुय त्रम दिम म्य  
लोलुँ त्रमुँसुँय पन सूहम दिम म्य ।  
लोलुँ सूहम ओ'मकार नावय लो, अनू खबरा'ह लोलुँकि वावय लो ॥

लोलुँ पोंबर तुँ लोलुकुय थर दिम म्य  
लोलुँ पनुँसुँय लोलुक ज़र दिम म्य ।  
लोलुँ ज़र छुय गोव्यंद नावय लो, अनू खबरा'ह लोलुँकि वावय लो ॥

## मन पम्पोश

भवानी भाग्यवान पंडित

---

लोलुं पोंबर वलुंहाँय लोलुं नखुंनुंय  
लोलुं खतुंखाल वुछुंहाँय लोलुं डखुंनुंय ।  
लोलुं पोंबर लोलुं तनि छावय लो, अनू खबरा'ह लोलुंकि वावय लो ॥

लोलुं चे'श्मव वुछिहिय लोलुं भाग्यवान  
लोलुं रूपस वन्दुंहुंय लोलुक प्रान ।  
लोलुं सूंतिय दिम सत—स्वभावय लो, अनू खबरा'ह लोलुंकि वावय लो ॥

लोलुं छयो'ट छांडान छय भाग्यवानुंय  
गोव्यंदुंनुय रो'टनय दामानुंय ।  
गुलि दस्तव कॅर्यज्यस वावय लो, अनू खबरा'ह लोलुंकि वावय लो ॥

\* \* \* \* \*

## 22 – लोलन द्युतुनम नुँ

लोलन द्युतुनम नुँ दानुँ करारय, लोलुँ वायि लोलुँ सेतारय बो ॥

लोलुँ वनुँ वोलुम लोलुँ दिवदारय

तथ गरुँ लोलुँ सेतारय बो ।

लोलुँ छान आमुत छु लोलुँ खुमारय, लोलुँ वायि लोलुँ सेतारय बो ॥

लोलुँ सूँत्य कॅर्यनस नक्शि निगारय

बे'यि तारुँ गंजिनस वारुँ मो'ह मो'ह ।

सूहम सू सूँत्य द्युतुँनख चारय, लोलुँ वायि लोलुँ सेतारय बो ॥

लोलुँ तारुँ गंजिनस नारो नारय

लोलुँ भजनन करि लोलुँ हो हो ।

लोलुँ सतग्वर दारि लोलुँ गोशुँवारय, लोलुँ वायि लोलुँ सेतारय बो ॥

लोलुँनुँय को'रनम पारय पारय

लोलुँ सूँत्य रोजुँ खुमखारय बो ।

लोलुँ सूँत्य वुछुमय चँद्रम तारय, लोलुँ वायि लोलुँ सेतारय बो ॥

लोलुँ सूँत्य कोसनम कुल गटुँहकारय

## मन पम्पोश

भवानी भाग्यवान पंडित

---

लोलुँ सेतारुँ खावारय छू ।  
ओ'म ओ'म बोलुँनावि सूँत्य ओ'मकारय, लोलुँ वायि लोलुँ सेतारय बो ॥

लोलुँ ओ'मकारुक वो'न म्य असरारय  
लोलुँ सूँत्य लोलुँ बहारय आम ।  
लोलुँ सूँत्य को'रमय लोलुँ बापारय, लोलुँ वायि लोलुँ सेतारय बो ॥

लोलुँ बापारय छु लोलुँ बाजारय  
लोल म्योन कुन्दनकारुँय छू ।  
सतग्वर करिसय नक्श निगारय, लोलुँ वायि लोलुँ सेतारय बो ॥

लोलुँ सूँत्य गो'रनस गुलि गोशवारय  
लोलुँ सूँत्य लोलुँ गोश दारय बो ।  
लोलुँ नाम रोज़न लोलुँ शहारय, लोलुँ वायि लोलुँ सेतारय बो ॥

लोलुँ असरारन छु लोलुँ म्वल बारय  
लोलुँ गोशवारन गोश दारुँ बो ।  
लोलुँ गोश मीलम सतग्वरुँ द्वारय, लोलुँ वायि लोलुँ सेतारय बो ॥

लोलुँ सूँत्य मो'दमय कुल शहारय  
सतग्वरुँ द्वारय वॉचुँस बो ।  
रंगुँ रंगुँ मीलम हंगुँ तूमारय, लोलुँ वायि लोलुँ सेतारय बो ॥

## मन पम्पोश

भवानी भाग्यवान पंडित

---

लोलुं नेत्रुं—कमलव वुछुंहा वारय  
गुलि गोशवारय छु नारोनार ।  
नारुं मंजुं द्रामुंत्य् छि कुंदनकारय, लोलुं वायि लोलुं सेतारय बो ॥

सतग्वर सांमियस प्रुंछुंहा वारय  
गुलि गोशवारय चे'य रो—ब—रो ।  
या वुछ वारय नतुं कर चारय, लोलुं वायि लोलुं सेतारय बो ॥

गोव्यंद छु वनान बारम्बारय,  
लोलुं असरारय छु ज़ोरावार ।  
भाग्यवान अंशकुंपेचान रजि खारय, लोलुं वायि लोलुं सेतारय बो ॥

\* \* \* \* \*

## 23 – वलो लोलो म्य को'रमय

वलो लोलो म्य को'रमय साल लो लो ।।

वनू लोलो च्य क्या छुय नाव लो लो

वनू लोलो च्य क्युथ स्वभाव लो लो ।

चुँ रूदुख ना म्य नॉली नाल लो लो, वलो लोलो म्य को'रमय साल लो लो ।।

वनू लोलो च्य क्युथ छुय खाल लो लो

म्य हावुम वारुँ नचनुँच डाल लो लो ।

बुँ मारय लोलुँ ज़ोरुँच ताल लो लो, वलो लोलो म्य को'रमय साल लो लो ।।

वनू लोलो च्य किथ्य् छिय जामुँ लो लो

म्य वुछमख लोलुँ छुख अनाम लो लो ।

चुँ रूदुख म्य पतय दुंबाल लो लो, वलो लोलो म्य को'रमय साल लो लो ।।

वनू लोलो च्य क्युथ छुय रंग लो लो

वनू लोलो च्य क्युथ सतसंग लो लो ।

म्य वूनुथ वारुँ प्रेयमुक ज़ाल लो लो, वलो लोलो म्य को'रमय साल लो लो ।।

वनू लोलो च्य किथ्य् छिय खो'र लो लो

## मन पम्पोश

भवानी भाग्यवान पंडित

---

च्य त्रोवुथ लोलुँ वावुक दोर लो लो ।  
च्य होवुथ लाल सुय बेखाल लो लो, वलो लोलो म्य को'रमय साल लो लो ॥

वनू लोलो च्य क्युथ छुय पान लो लो  
म्य कँडिथम लोलुँ सूँतिय प्राण लो लो ।  
तिमन गोव्यंद म्य छुम दुंबाल लो लो, वलो लोलो म्य को'रमय साल लो लो ॥

वनू लोलो च्य क्युथ अनहार लो लो  
वनू लोलो च्य क्युथ दरबार लो लो ।  
च्य कँरथम लोलुँ जादू चाल लो लो, वलो लोलो म्य को'रमय साल लो लो ॥

वनू लोलो च्य क्युथ छुय नूर लोलो  
च्य होवुथ लोलुँ नूरुक नूर लो लो ।  
च्य को'रथम दुंबरे दुखाल लो लो, वलो लोलो म्य को'रमय साल लो लो ॥

वनान गोव्यंद छु लोलुक हाल लो लो  
छु हावान लोलुँ ज़ोरुँच चाल लो लो ।  
म्य द्युतनम लोलुँ लोलुक प्यालुँ लो लो, वलो लोलो म्य को'रमय साल लो लो ॥

च्य नावुँय लालुँ कालुँ संहार लो लो  
चुँ हावुम पानुँ दुश्मनदार लो लो ।  
को'रुथ शशपंजुँसुँय दुखाल लो लो, वलो लोलो म्य को'रमय साल लो लो ॥



## मन पम्पोश

भवानी भाग्यवान पंडित

---

वनन भाग्यवान यिमय असरार लो लो  
चुँ व्वज सतग्वर यिमन कन दार लो लो ।  
छु शेवुँय व्वज म्य नॉली नाल लो लो, वलो लोलो म्य को'रमय साल लो लो ॥

\* \* \* \* \*

## 24 – छु लोलुय लोलुसुंय गारान

छु लोलुय लोलुसुंय गारान, छु लोलुय लोलुसुंय गारान ॥

म्य मोलुय गोव्यंद—कोलुय, शुप्यन क्यथ म्वखतुँह अँम्य डोलुय ।  
म्वखुँ किन्य् ज़न छु सुय नारान, छु लोलुय लोलुसुंय गारान ॥

वनन भाग्यवान छय म्यॉनी द्रुँय, त्वकुँट बेटी छसय ना बुँय ।  
अमिय आँसुँस बुँ च्यय प्रारान, छु लोलुय लोलुसुंय गारान ॥

गरिय बूजुम म्य चोनुय नाव, मंगान हम छनुँ यि चॉनी नाव ।  
पनुँनि खोरे च़ुँ छुख तारान, छु लोलुय लोलुसुंय गारान ॥

छअ आसान आवलुँनिसुँय मंज़, करान गोव्यंद छु तमिकुय संज़ ।  
भयन यकदम शिन्या'ह करान, छु लोलुय लोलुसुंय गारान ॥

ज़यन हुँदुय च़ुँ छुख सागर, ज़हर प्यालस म्य अमृत कर ।  
भक्त छिय म्वख ह्यथुँय प्रारान, छु लोलुय लोलुसुंय गारान ॥

अमिय आयस बुँ च्य निशे, म्य मा रूदुम केँ'ह पुशे ।  
अनुम ते'लि अमृतुक बारान, छु लोलुय लोलुसुंय गारान ॥

## मन पम्पोश

भवानी भाग्यवान पंडित

---

ओ'नुम स्वनुँ शीन गरुँसुँय मंज़, करान गोव्यंद छु तमिकुय संज़ ।  
बुँ तथ शीनस छसय प्रारान, छु लोलुय लोलुँसुँय गारान ॥

वो'नुय असरार भाग्यवाने, म्य लोलुक प्यालुँ मंज़ मने ।  
सुँ ह्यथ छस सतग्वरस प्रारान, छु लोलुय लोलुँसुँय गारान ॥

\* \* \* \* \*

## 25 – वलय वे'स्य वनुंयय लोलुक हालुंय

वलय वे'स्य वनुंयय लोलुक हालुंय, शशपँज मंज दुखालय गोम ।।

बुं वे'स्य वनुंयय कुस गव लोलुंय, बूजिथ पनुंनुय मोलुय गोम ।  
वुछ वे'स्य गोव्यंदुं कोलुंज चालुंय, शशपँज मंज दुखालय गोम ।।

बोजी वे'स्य कोता'ह लोलुंय वनय, खॉरिथ जॉव्युल पनुंय गोम ।  
लोलुं सूंत्य वो'लुंनम लोलुं दुशालय, शशपँज मंज दुखालय गोम ।।

बोजी वे'स्य लोलुंय छु कुने कुने, कँतिथ लोलुं काचुं जूने गोम ।  
सतुं सूंत्य करिनस सिरियिनि चालय, शशपँज मंज दुखालय गोम ।।

बोजी वे'स्य गोशव लोल क्या करन, पानय वोवुंर्य गरन गोम ।  
लोलुं वोवुंर्य कँर लोलुंच्य चालय, शशपँज मंज दुखालय गोम ।।

बोजी वे'स्य लोलुंय जं'ह नय मशिनुंय, दुशमन पशिनुंय पशिनुंय तल ।  
दशिनुंय कँरिनस कृष्णुंज चालय, शशपँज मंज दुखालय गोम ।।

बोजी वे'स्य गोशव लोलुक शरफुंय, लोलुं रंगुं बरफा बरफुंय गोम ।  
चोरन तरफन छअ ग्वरुंसुंज चालय, शशपँज मंज दुखालय गोम ।।

## मन पम्पोश

भवानी भाग्यवान पंडित

लोलुं रंग द्युतुंनस गरमा गरमुंय, लोलुं सूंत्य नरमा नरमुंय गोम ।  
लोलुं नारानुन छुस खत-खालय, शशपँज मंज दुखालय गोम ॥

लोलुं सूंत्य् छोंडुम लोलुं कौर्यगरुंय, बूजिथ ज़रुंय ज़रुंय गोम ।  
पसिनुंय कॅरनस प्रेयमुंच चालय, शशपँज मंज दुखालय गोम ॥

बोजी वे'स्य कोता'ह लोल गोम खलुंसुंय, वो'डि दिथ लोलुंकिस कलुंसुंय गोम ।  
लोलुं सूंत्य होवुंनम मीम क्या दालुंय, शशपँज मंज दुखालय गोम ॥

बोजी वे'स्य कोता'ह लोलुंय तोशन, लोल गव सतग्वर गोशन मंज ।  
लोलुं सूंत्य रॅटनस नॉली नालय, शशपँज मंज दुखालय गोम ॥

लोलुं सूंत्य छोंडुम लोलुक ज़रुंय, लोलुं सूंत्य लोलुं ज़रगरुंय आव ।  
ज़रुं सूंत्य कॅरनम ज़रुंची चालय, शशपँज मंज दुखालय गोम ॥

लोलुं सूंत्य सतग्वर नावय बलय, लोलुं सूंत्य जलय जलय आव ।  
लोलुं सूंत्य च्यमुंवय लोलुक प्यालय, शशपँज मंज दुखालय गोम ॥

बोजी वे'स्य गोशव लोल क्युथ बनन, छॉडुंनि कुल सतजंनन गोम ।  
सतुंवय च्यमुंवय सतुंकी प्यालय, शशपँज मंज दुखालय गोम ॥

## मन पम्पोश

भवानी भाग्यवान पंडित

---

भाग्यवानि कॅरमुँच लोलन जायिय, छँडुँनि सतग्वर जाये गोम ।  
सतग्वर रो'टमय नॉली नालय, शशपँज मंज दुखालय गोम ॥

\* \* \* \* \*

## 26 – लोलुं मंजलिस लोल

लोलुं मंजलिस लोल वथरोनये लो  
लोलुं ग्वरुंसुंय छु गूरुं करोनये लो ॥

लोलुं गोव्यंदुं ओ'नमय लोलुं सालय  
लोलुं सूंत्य बॅर्यनस लोलुं प्यालय ।  
लोलुं डाल दिथ लोल हे'यि च्यो'नुये लो, लोलुं ग्वरुंसुंय छु गूरुं करोनये लो ॥

लोलुं सूंत्य गँजरस लोलुं डालय  
लोलुं सूंत्य वुछुंसय खत-खालय ।  
लोलुं दूर हे'यि लोलुं अलुंरुनुये लो, लोलुं ग्वरुंसुंय छु गूरुं करोनये लो ॥

लोलुं सूंत्य बे'हमय लोलुं दारे  
लोलुंकुय द्वद फिरसय लोलुंवारे ।  
लोलुं दाने ह्यमुं मन्दोनुये लो, लोलुं ग्वरुंसुंय छु गूरुं करोनये लो ॥

लोलुं दानस छुम सौंद्रुनुये लो  
लोलुं बूजन छुम पाकुंवोनुये लो ।  
लोलुं नारुं छुम छावुं अनोनुये लो, लोलुं ग्वरुंसुंय छु गूरुं करोनये लो ॥

## मन पम्पोश

भवानी भाग्यवान पंडित

लोलुं ज़रुंकुय थाल गरुनुये लो  
गुलदस्तुक प्यालुं अनोनुये लो ।  
भाग्यवाने छु बतुं बांगरोनुये लो, लोलुं ग्वरुंसुंय छु गूरुं करोनये लो ॥

लोलुं बूज़न ब्रोंटुंकुन ओ'नये लो  
लोलुं बाज्यन सूंत्य सूंत्य ख्यो'नुये लो ।  
खाल काँसि छुम साल करोनये लो, लोलुं ग्वरुंसुंय छु गूरुं करोनये लो ॥

सतग्वरुंनुंय पानुं द्युत वो'नये लो  
लोलुं नारन जोश कस ओ'नुये लो ।  
तँस्य तँस्य छुय ओ'मुं छयो'ट ख्यो'नुये लो, लोलुं ग्वरुंसुंय छु गूरुं करोनये लो ॥

लोलुं सूंत्य तँम्य हायुक ओ'नुये लो  
भाग्यवानि ह्यो'त मुर दारोनुये लो ।  
युथ नुं रोज़्यस परमानुं छो'नुये लो, लोलुं ग्वरुंसुंय छु गूरुं करोनये लो ॥

सतग्वरुंसुंय छु वारुं द्युन वो'नुये लो  
लोल कस मंज़ छु गनि खो'तुं गो'नुये लो ।  
सुय मिंबर गछि आसोनुये लो, लोलुं ग्वरुंसुंय छु गूरुं करोनये लो ॥

वो'न भाग्यवानि लोलुक दासतानय  
तुलि गोव्यंद लोलुं कलम पानय ।



**मन पम्पोश**

भवानी भाग्यवान पंडित

---

अमिसुँय शूभि खताब द्युनुये लो, लोलुँ ग्वरुँसुँय छु गूरुँ करोनये लो ॥

\* \* \* \* \*

## 27 – प्रेयमुँकुय को'रमय सवाला

प्रेयमुँकुय को'रमय सवाला, रो'ट म्य प्रेयम नालुँ हू ।।

ह्यो'र म्य प्रेयम ब्वन म्य प्रेयम, शे'हमुखी शे'यम दँरुँम ।  
मीमुँसुँय मंज़ वुछ म्य दाला, रो'ट म्य प्रेयम नालुँ हू ।।

वति म्य प्रेयम अथि म्य प्रेयम, दति म्य प्रेयमुक कुल द्युतुम ।  
लँज्य फुलय अनवारि आला, रो'ट म्य प्रेयम नालुँ हू ।।

ज़र प्रेयम ज़ेवर म्य प्रेयम, सर प्रेयम गुफतारि हू ।  
प्रेयमुँसुँय मंज़ वुछ म्य चाला, रो'ट म्य प्रेयम नालुँ हू ।।

क्रूर प्रेयम नूर प्रेयम, पूर प्रेयम आमुँताव ।  
सूरुँ प्रेयमुँक्य परि यि लॉला, रो'ट म्य प्रेयम नालुँ हू ।।

अनुँ म्य प्रेयम धनुँ म्य प्रेयम, तनुँ म्य प्रेयम छोरुँमय ।  
प्रेयमकुय वो'लमय दुशाला, रो'ट म्य प्रेयम नालुँ हू ।।

दोस्त प्रेयम पोस्त प्रेयम, ओस प्रेयम द्वन मजे ।  
कोस ये'म्य तस छि ज़वाला, रो'ट म्य प्रेयम नालुँ हू ।।

## मन पम्पोश

भवानी भाग्यवान पंडित

---

ग्वरुँ प्रेयम ग्वरुँ ग्वरुँ म्य प्रेयम, स्वर म्य द्युतुनम प्रेयमुँकुय ।  
प्रेयमुँसुँय मुशताक माला, रो'ट म्य प्रेयम नालुँ हू ॥

सत प्रेयम असत प्रेयम, अथवा प्रेयम कथ जायि रूद ।  
प्रेयमुँची वँनिमय मिसाला, रो'ट म्य प्रेयम नालुँ हू ॥

वाज प्रेयम राज प्रेयम, साज रो'टमय प्रेमुँकुय ।  
प्रेयमकुय जहाज बाला, रो'ट म्य प्रेयम नालुँ हू ॥

मनि प्रेयम रक्षमनि प्रेयम, खनि प्रेयम ओ'मकारुँ रूप ।  
प्रेयमुँकुय द्वन बनि गवाला, रो'ट म्य प्रेयम नालुँ हू ॥

प्रेयमुँकुल छय भाग्यवाँनी, प्रेयमुँ गुल नुँदुँबाँनिये ।  
हरदुँ फो'ल्युँमुँत्य ख्वरदुँह साला, रो'ट म्य प्रेयम नालुँ हू ॥

\* \* \* \* \*

## 28 – आव लोलुं कलम

आव लोलुं कलम ओरय, तथ अथुं बुं दारुं वे'सिये ।  
बुं ले'खुं कोता'ह लोलुय, छुनुं तथ शुमार वे'सिये ॥

छु लोल भावुंकि रूपय, बे-यखतियार वे'सिये ।  
ह्यचोव म्य दूर दूरुंय, दियि ना करार वे'सिये ॥

यि लोल बे'यि पो'त फ्यूरुय, छु यार तयार वे'सिये ।  
छु लोल पानस निशे, छु न कुनि शहारुं वे'सिये ॥

बुं पन तारस ज़ोरय, सूहमचि तारुं वे'सिये ।  
छु लोल ओ'मुंके रूपय, छु खुश-गुप्तार वे'सिये ॥

बुं मीठ्य दिमसय पादन, छु ग्वर तयार वे'सिये ।  
छु लोल ग्वरुंसुंदि रूपय, ज़न म्वखतुं हार वे'सिये ॥

छु लोल बोज़न वोलुय, भक्त छि तयार वे'सिये ।  
छु लोल गटि गवहारुंय, छु गंगाधार वे'सिये ॥

छु लोल शशकलि रूपय, ह्यथ शिव तयार वे'सिये ।

## मन पम्पोश

भवानी भाग्यवान पँडित

---

छु लोल शोरुँकि रूपय, छु नारो नार वे'सिये ।।

छु लोल पारय पारय आशक छि तयार वे'सिये ।  
छु लोल तीरुँकि रूपय, शिकार तयार वे'सिये ।।

छु लोल हमसनि रूपय, छारन छु गार वे'सिये ।  
छु गार लोलस गारन, छु ग्वर तयार वे'सिये ।।

छु लोल सरुँकि रूपय, कमल छि खुमखार वे'सिये ।  
छु लोल भाग्यवान रूपय, दम दिथ बुखार वे'सिये ।।

छु लोल गोव्यंद रूपय, छु गुलि नहार वे'सिये ।  
छु लोल भूषन रूपय, भाग्यवान तन दार वे'सिये ।।

\* \* \* \* \*

## 29 – वनुँ कस मडुँनो

वनुँ कस मडुँनो वनुँनस वार नो  
यारि गमखार हो तनि सूँत्य तन ॥

लोलस ह्यू कां'ह ज़ोरावार नो, लोलन को'रनम सरतलि स्वन ।  
द्वन गोशन मंज लोलुक बार नो, यारि गमखार हो तनि सूँत्य तन ॥

लोलस ह्यू कां'ह आतश नार नो, लोलुँय फ्यूरुम च्वन तरफन ।  
ख्वनि ये'म्य ललुँवुय तस करार नो, यारि गमखार हो तनि सूँत्य तन ॥

लोलस ह्यू कां'ह चन्दन दार नो, करतलि कॅर्यनम हनि हनि गन्न ।  
चन्दुँनस सूँत्य मान करि दिवुँदार नो, यारि गमखार हो तनि सूँत्य तन ॥

लोलस ह्यू कां'ह खुशबूदार नो, लोलन हॅरिनम जंगल तुँ वन ।  
मस च्यथ मस युस तस निशि गार नो, यारि गमखार हो तनि सूँत्य तन ॥

लोलस ह्यू कां'ह बाँनीकार नो, लोलन कॅरनम लॉज मिलुँवन ।  
संग ये'म्य फुटुँरिय तस जंगार नो, यारि गमखार हो तनि सूँत्य तन ॥

लोलस ह्यू कां'ह उमेदवार नो, लोलन गम गोसुँ को'डनय द्वन ।

## मन पम्पोश

भवानी भाग्यवान पंडित

रुजिथ रोजन मंज सहार नो, यारि गमखार हो तनि सूँत्य तन ।।

लोलस ह्यू कां'ह म्वख्तयहार नो, लोलुँ सूँत्य दारुँमस लोलुँ गरदन ।  
नाँली नाल यस तस गुप्तार नो, यारि गमखार हो तनि सूँत्य तन ।।

लोलस ह्यू कां'ह फैशनदार नो, लोलन गँडिनम कम भूषन ।  
छोव ये'म्य बहार रोव ल्वकुँचार नो, यारि गमखार हो तनि सूँत्य तन ।।

लोलस ह्यू कां'ह कुन्दनकार नो, लोलन ताँवुँम नारुँ मनन ।  
गालि यथ ज़रगर गालि तथ खार नो, यारि गमखार हो तनि सूँत्य तन ।।

लोलस ह्यू कां'ह वज़नदार नो, लोलुँ सूँत्य लोलस छिय तोलन ।  
सीम बानुँ ज़ानिय नीम प्वखतुँकार नो, यारि गमखार हो तनि सूँत्य तन ।।

लोलस ह्यू कां'ह पुर खुमार नो, चूरुँ चूरुँ को'रनय दूरि आशकन ।  
सूरुँ पॅर्य पॅर्य कुनि पूरुँ शुमार नो, यारि गमखार हो तनि सूँत्य तन ।।

लोलस ह्यू कां'ह खॅरीदार नो, लोलन दो'पनम लोलुँय च्यन ।  
रो'ल क्या गो'ल क्या नो'ल नतुँ हार नो, यारि गमखार हो तनि सूँत्य तन ।।

लोलस ह्यू कां'ह तालेवार नो, लोलुँय छुय निशि **भाग्यवानन** ।  
भस्मा'ह बॅनिथ भस्मुँ आकार नो, यारि गमखार हो तनि सूँत्य तन ।।

**मन पम्पोश**  
भवानी भाग्यवान पंडित

---

\* \* \* \* \*



## 30 – चँजिम गट्टु दूर

चँजिम गट्टु दूर सिरियन त्रोव प्रकाश ।  
वलय वन हॉर्य मुँचर बर तौर्य फो'ल गाश ॥

म्य कँरिमुँत्य चानि बापत दारि बर बंद  
च्य को'रथख चूरुँ चूरुँ पूरुँ अंदुँ वंद ।  
मुँचर मखमूर गछिमा द्वन सिरन फाश, वलय वन हॉर्य मुँचर बर तौर्य फो'ल गाश ॥

म्य हे'चुँमुँच चानि बापत छम फँकीरी  
च्य कँरथम आलुँमन द्वन प्यठ अँमीरी ।  
खसख आकाश भ्रमुँरिथ छांडुँ कति लाश, वलय वन हॉर्य मुँचर बर तौर्य फो'ल गाश ॥

म्य को'रमुत चानि बापत नामुँ पैगाम  
च्य थविथम पामुँ रोजन सौरिसुँय नाम ।  
म्य आँसुँम आश हावख पूरुँ प्रकाश, वलय वन हॉर्य मुँचर बर तौर्य फो'ल गाश ॥

छु ग्वरुँसुंद वाक्य आसान द्वन बरन तोर  
छु ग्वरुँसुन्द वाक्य आसान छो'पि अन्दर शोर ।  
छु ग्वरुँसुन्द वाक्य आसान कुन्दुँनस चाश, वलय वन हॉर्य मुँचर बर तौर्य फो'ल गाश ॥

## मन पम्पोश

भवानी भाग्यवान पँडित

छु ग्वरुँसुन्द वाक्य आसान गटि अन्दर शम

छु ग्वरुँसुन्द वाक्य आसान सुबह शबनम ।

छु ग्वरुँसुन्द वाक्य आसान दुशमनस दाश, वलय वन हॉर्य मुँचर बर तॉर्य फो'ल गाश ॥

यिमन सतग्वर पनुन आसिय दयाये

तिमन छुय सायिबानय जायि जाये ।

समंदर तस बनिय यो'द आसि अख माश, वलय वन हॉर्य मुँचर बर तॉर्य फो'ल गाश ॥

ये'मिस सतग्वर पनुन करि शक्ती पातुँय

तँमिस बब माज शक्ती तुँ शक्ती नाथुँय ।

तँमिस कति भय सु छुय अभय तुँ अभिनाश, वलय वन हॉर्य मुँचर बर तॉर्य फो'ल गाश ॥

गछय्म आसुन पनुन सतग्वर ख्वने मँज

थवन तिथुँ पॉठय् छु यिथुँ जामुँ तने मँज ।

बँनिथ शा'हमार छोंडुम मनुँकुकुय गाश, वलय वन हॉर्य मुँचर बर तॉर्य फो'ल गाश ॥

छि मनुँकुक गाश छॉडान भाग्यवानुँय,

वनय क्या'ह तस छु युस अथ गॉरजानुँय ।

तँमिस छु हिवुय सितारुँ तुँ सिरियुँ प्रकाश, वलय वन हॉर्य मुँचर बर तॉर्य फो'ल गाश ॥

\* \* \* \* \*

**मन पम्पोश**  
भवानी भाग्यवान पंडित

---

## 31 – युस लोलुं सूकलि

युस लोलुं सूकलि पान वले अदुं फवले सू ॥

ननुंवाँर गँयसस भाग्यवानुंय वुछ म्य पानय सू ।  
ग्वरुंनुंय वुछनम थलि थले अदुं फवले सू ॥

ग्वरुंनुंय कोसुम ज़रुं ज़रय यी ना ज़रय बू ।  
ज़न गाड़ ऑसुंस मंज क्वले अदुं फवले सू ॥

कथुं म्यानि बोज़तो दूरुं फवले वथ छु हावान सू ।  
तिछ वथ छु हावान युथ नुं डले अदुं फवले सू ॥

नें'दुँर म्य गँजिम ज्वलि ज्वले चानि कले सू ।  
बों'बुर म्योन युथ नो डले अदुं फवले सू ॥

शशकल चे'यिमो गलि गले शीवुं सुँजुंय बू ।  
अदुं हिय गँयिमो मसवले अदुं फवले सू ॥

त्युथ वर द्युतुंथम युथ लले गलि गले सू ।  
युस ग्वरुंसुंय प्यठ पान गाले अदुं फवले सू ॥

**मन पम्पोश**  
भवानी भाग्यवान पंडित

---

\* \* \* \* \*

## 32 – न बुँ मस्तानय

न बुँ मस्तानय न बुँ देवानय ।

म्य जानानय पानय आव ॥

मनुँ किञ्छ छोंडुम सत—ग्वरुँ थानय, पानुँ भगवानय म्य निशि आव ।

गोव्यंदुँह नावस रटि भाग्यवानय, म्य जानानय पानय आव ॥

ग्वरुँनुँय द्युतुँनम कृष्णुँह सुंद ध्यानुँय, मंज कौदखानय देवकी आव ।

जसुदा तुँ नदुँगूर तस प्रारानय, म्य जानानय पानय आव ॥

दुय त्रॉविथ छुम दो'युम द्यानुँय, शिव शक्ती ह्यथ पानय आव ।

अशि कनि वुछुनम खूनि बारानय, म्य जानानय पानय आव ॥

त्रे' कारण छिम सूँत्य सूँत्य पानय, चोर वीद व्यस्तारानय आव ।

सत—ग्वरुँ वुछुनम पूँचिम प्राणय, म्य जानानय पानय आव ॥

शशकलि दोरमस शीतल बानय, सत—स्वबावुक को'रनम भाव ।

अष्टस्यजुँह थविनम पतुँ दोरानय, म्य जानानय पानय आव ॥

नवन द्वारन दारि दिमुँ पानय, छे'तुँ करुँ पानय वे'शियुन वाव ।

## मन पम्पोश

भवानी भाग्यवान पंडित

द्वादशहारुक अदुँ करुँ श्रानय, म्य जानानय पानय आव ॥

यकादशी हुंद क्षमव खानय, कृष्णुनि यारुँबलुँ प्रारान नाव ।  
तथ मंज शमा'ह तुँ बे'यि परवानय, म्य जानानय पानय आव ॥

बा'हन बुरजन मंज बुँय पानय, त्रे'योदशि सिरियि सुन्द छुम स्वभाव ।  
द्वदहुँशि हुँज जून छस पूरि नूरानय, म्य जानानय पानय आव ॥

पुँनिम द्वह वुछुमय सिरियि ताबानय, खावरसुँय प्यव भास्कर नाव ।  
अकि ज्योति वुछुमय नो'न नारानय, म्य जानानय पानय आव ॥

मालामाल छुय अमृत बानय, च्यनुँ वाल्यन छिय ब्यो'न ब्यो'न नाव ।  
बानुँ छु कुनुय तुँ ब्यो'न ब्यो'न खानय, म्य जानानय पानय आव ॥

वुछुँहा पानय अकि अकि दानय, कस कूत कोता'ह लेखुँनुँ आव ।  
ग्वरुँसुँय सुँत्य करि शे'ष्य ति मान मानय, म्य जानानय पानय आव ॥

नजरा दिचुँमय दुतरफानय, कस प्यठ कोता'ह ग्वरुँ सुंद भाव ।  
करुँवुन पानय ग्वरुँ बहानय, म्य जानानय पानय आव ॥

दारि प्य'ठ ड्युँठुम यारि दुरदानय, सरुँ प्यारि करुँहोँ चोनुय नाव ।  
कारि पँत्य वुछुँमय मारि पेचानय, म्य जानानय पानय आव ॥

## मन पम्पोश

भवानी भाग्यवान पंडित

---

सिरियि सुँदि रूपुँ आव सर्व सामानय, सतुँचे कथुँ करानय आव ।  
अरजुन दीवुन वुछ म्य रथुँबानय, म्य जानानय पानय आव ॥

तोशिना द्युतनम पोशि विमानय, शिव ह्यथ शिव निर्वानय आव ।  
सत—ग्वर वुछुमय चरागानय, म्य जानानय पानय आव ॥

शुर्यु—बाशन ओस शुर्यु दोस्तानय, खुर्यु वालुँ—वाशि लागानय आव ।  
खुर्यु वालुँ—वाशन गोम ज़ोलानय, म्य जानानय पानय आव ॥

भाग्यवानि वँनिनय लोलुँ अफसानय, सतग्वर म्योन छुय कृष्णुँह सुंद नाव ।  
परमुँ—ग्वर म्योन छुय नवशेरवानय, म्ये जानानय पानय आव ॥

\* \* \* \* \*



### 33 – ही अघोरय नूरुंकि नूरय

ही अघोरय नूरुंकि नूरय, बुँ गूरुँ गूरय करौयो ।  
म्य मंज् म्वने छम चानि र्वने, बुँ छ्वनि छ्वने करौयो ॥

ही सतग्वरय च़राच़रय, च़े'य च़ामरय करौयो ।  
ही गोव्यंदय च़रनारबे'दय, बुँ बंदुँ बंदय छलौयो ॥

सूहम लये कालुँनि भये, चाने ज़ये बलौयो ।  
कनन अंदर कनुँ दूरय, च़े'य कोफूरय मलौयो ॥

ही सतग्वरय हा आगरय, कर सोर्यम क्या'ह करौयो ।  
मंज् हृदये गोख उदये, बुँ पम फवलय सरौयो ॥

छुख म्वखुँ म्वखय, च़ो'लुम द्वखय गरक गॅयस घरौहयो ।  
सुदाम ज़ौनिथ सुधाम द्युतुँथम, युस मों'ग यूगीश्वरौयो ॥

छुख मा शुरुय करमुन खुरुय, म्य कास सु छुम ज़रौयो ।  
अंदर अचय अंदरी नचय, फेरय नुँ बरुँ बरौयो ॥

प्रेयमुँचि ब्वछे म्य ह्यतुँ क्वछे, निनम नुँ यमुँकेकरौयो ।

## मन पम्पोश

भवानी भाग्यवान पंडित

---

सु छुम डरुँय मों'गमय म्य वरुँय, द्युतुँथम शिवशंकराँयो ॥

छस अनज़ानुँय अन परमानुँय, तोलुम पूरुँ दरौयो ।  
यस चाँज ज़ानुँय स्वय भाग्यवानुँय, वनान छुम सतग्वराँयो ॥

\* \* \* \* \*

## 34 – कुनिय कथ म्याँज

कुनिय कथ म्याँज कर मंज़ूर, वनन छय बागि इरमुँच हूर ॥

वुछुम वीदन पुरानन मंज़, वुछुम ऑयीन कुरानन मंज़ ।  
वुछुम द्वन मज़हबन सुय नूर, वनन छय बागि इरमुँच हूर ॥

डलन छुम द्वन अँछन स्वरमय, छलन छस चानि शबनमय ।  
गलन छस यारुँ मो ह्यम दूर, वनन छय बागि इरमुँच हूर ॥

ह्यँचुँम यारस पतय खॉरी, तमिय आयम म्य अनवॉरी ।  
ह्यथुँय सॉरिय गॅयस मंज़ूर, वनन छय बागि इरमुँच हूर ॥

यि को'रनम ग्वरुँ सुँदी वाक्यन, नअ खूचुँस काँतिलन श्राकन ।  
नअ रूजुँस लोलुँ तीरन दूर, वनन छय बागि इरमुँच हूर ॥

म्य निश मो रोज़ क्षनस चुँय दूर, यि कथ म्याँनी करतुँ मंज़ूर ।  
मनुक मंज़ुल, ओ'मुक गूरुँ गूर, वनन छय बागि इरमुँच हूर ॥

म्य मौ'गमय ग्वरुँ सुंदुय द्यानय, तो'तुय प्यठ दिम म्य परवानय ।  
तिमय पूरन करुँज छिम पूर, वनन छय बागि इरमुँच हूर ॥

## मन पम्पोश

भवानी भाग्यवान पंडित

---

ग्वरस सूँतिय करुम कीवल, वरुँय दिथ यी म्य मों'गमय फल ।  
कुकिलि हुँजि बोलि मंज को'स्तूर, वनन छय बागि इरमुँच हूर ॥

करुन त्रे'यलूकिये प्रक्रम, गछ्यम आसुन गुलस शबनम ।  
गुलस सूँतिय जलान छय मूर, वनन छय बागि इरमुँच हूर ॥

जिंदस गिंदुन म्य जानानय, मँरिथ दिम शिव निर्वानय ।  
वतन यावुन सतुक संतूर, वनन छय बागि इरमुँच हूर ॥

म्य मों'गमय अवलि प्रभातन, गछ्यम सतग्वरुँ पनुन क्षन क्षन ।  
करन भाग्यवान च्य अँथ्य मजबूर, वनन छय बागि इरमुँच हूर ॥

\* \* \* \* \*

## 35 – पालुँवुँज अज हय वादुँ

पालुँवुँज अज हय वादुँ म्योन पोलुय लो  
वलय करुँसय ख्वनि मंजोलुय लो ॥

अख राधायि बे'यि मनि रुँक्षमने  
भाग्यवाने जसुदायि ह्यो'तुँहँय ख्वने ।  
लोलुँ वायस लोलुक डोलुय लो, वलय करुँसय ख्वनि मंजोलुय लो ॥

गूर्य कनिकुँ तुँ बे'यि द्रायि गूर्य—बाये  
वलय छाँडोन कृष्ण जायि जाये ।  
हट्युक हँजरुँ कनुँकुय वोलुय लो, वलय करुँसय ख्वनि मंजोलुय लो ॥

वलय छाँडोन बिन्द्राबनुँसुँय मंज  
मुरली नाद गछि ना कनुँसुँय मंज ।  
बादामुक यि बादाम खोलुय लो, वलय करुँसय ख्वनि मंजोलुय लो ॥

वलय छाँडोन जमनायि नालन मंज  
चलय आसि मा शुर्य खयालन मंज ।  
मुरिनुँय क्यथ वो'वुन म्वख्तुँ ब्योलुय लो, वलय करुँसय ख्वनि मंजोलुय लो ॥

## मन पम्पोश

भवानी भाग्यवान पंडित

---

जान क्या'ह सोन जानि जानानय छुय

जानानय पनुँने पानय छुय ।

बोय बन्द सोन मॉज तय मोलुय लो, वलय करुँसय ख्वनि मंजोलुय लो ॥

नाव अँम्यसुन्द शूबिय श्याम लालुँय

अँमिय लालन वो'लुँनम दुशालुँय ।

वाजि हुंदुय क्रेँख म्वलोलुय लो, वलय करुँसय ख्वनि मंजोलुय लो ॥

वलय छँडोन ज़रस ज़रुँसुँय मंज

च़लय आसि मा कुनि गूर्य ग़रुँसुँय मंज ।

ड्यकुँकुय टिकुँ व्वडि हुन्द सोलुय लो, वलय करुँसय ख्वनि मंजोलुय लो ॥

\* \* \* \* \*

## 36 – ऐ दुश्मने दाना

ऐ दुश्मने दाना, जानानुँ रूदुम सायिसुँय ।।

गटुँ कुठि वो'थ गव बरुँय, नो'न द्राव शिवशंकरुँय ।  
रव त्रोव म्य सतग्वरुँ दयिसुँय, जानानुँ रूदुम सायिसुँय ।।

मन मंदरस वथरोनुय, नो'न द्राव जानानुँ म्योनुय ।  
रोजुँ ना बुँ करनि गँजगा'ह, जानानुँ रूदुम सायिसुँय ।।

प्रछहँस क्या क्या खे'ये, सतग्वर ओ'नुम लये ।  
फो'ल सू हम सू चो'ल प्रा'ह, जानानुँ रूदुम सायिसुँय ।।

च्योमय म्य प्रेयमुक मयी, तमिय टोद्योम दयी ।  
ग्वरुँ सुँदि सुँत्य् को'र म्य वा'ह वा'ह, जानानुँ रूदुम सायिसुँय ।।

बे'ह ना बुँ तस ब्रोंतुँ कने, बयान को'र म्य हनि हने ।  
बयानुँ सुँत्य् गोम बंद शा'ह, जानानुँ रूदुम सायिसुँय ।।

जरुँनुँय म्य होवुम जरुँ जर, तमि किञ टोद्योम सतग्वर ।  
मों'गुम म्य यी दरगा'ह, जानानुँ रूदुम सायिसुँय ।।

## मन पम्पोश

भवानी भाग्यवान पंडित

---

रूज़िन यि सतग्वर गरे, पानय बयान करे ।  
बैहियन तार्यस पनुन शा'ह, जानानुँ रूदुम सायिसुँय ॥

अरज़ा'ह को'र भाग्यवाने, म्योन सतग्वर कति बने ।  
छाँडिथ ज़रुँसुँय अने, जानानुँ रूदुम सायिसुँय ॥

\* \* \* \* \*



## 37 – ओ'मकारुँ सुंद सिंगार

ओ'मकारुँ सुंद सिंगार, ग्वरद्वारुँ म्यूलुम म्य ॥

शब्बानुँ शूबान छुम, ताबानुँ छुम ओ'म ओ'म ।

चे'श्मन हुन्द खुमार, ग्वरद्वारुँ म्यूलुम म्य ॥

म्य प्यठकुन दिचुँनम जाय, तथ दे'पुँह्य सतग्वरुँ माय ।

यथ ओँसुँस उमेदवार, ग्वरद्वारुँ म्यूलुम म्य ॥

मोरुँ छलुँ छम चारोपास, तिम मेलन खासो खास ।

तथ म्वख्तुक छुम जालार, ग्वरद्वारुँ म्यूलुम म्य ॥

बुँय म्वख्तस अन्दर चूज, यी लैलायि वो'न मजनूज ।

ग्वरद्वारय ज़ोनुम गार, ग्वरद्वारुँ म्यूलुम म्य ॥

छुम शोलान शमा'ह रो'य, हिय फो'जिम सिया'ह मो'य ।

तथ दो'पुँह्य नव—बहार, ग्वरद्वारुँ म्यूलुम म्य ॥

बुँय राधा बुँय रँक्षमन, तवुँ मीजिम तनि सुँत्य तन ।

शिल न्यूथम दिल करार, ग्वरद्वारुँ म्यूलुम म्य ॥

## मन पम्पोश

भवानी भाग्यवान पंडित

---

दरि दस्त छुम गुलि कमल, दस्त बस्त यॅम्बुरज़ल ।  
तल पादन मंज़ आबुशार, ग्वरद्वारुँ म्यूलुम म्य ॥

बोश खोरुम मस्तानन, गोश दितिमस अस्तानन ।  
छुम सायस आयुँ सिपार, ग्वरद्वारुँ म्यूलुम म्य ॥

तनुँ छोंडुम जानि जानान, बुँय तॅम्यसुँन्ज़ महलखान ।  
वो'नमुत छुम बारम्बार, ग्वरद्वारुँ म्यूलुम म्य ॥

पारिज़ातस तल बीतुँस, राधायि हुँद्य पॉट्य् रूतुँस ।  
तमि किञ्च प्योम युन दूबार, ग्वरद्वारुँ म्यूलुम म्य ॥

तवुँ रॅक्षमन छय नालान, व्वञ्च दूर्यर छनुँ च़ालान ।  
भाग्यवानि वॅञ्च असरार, ग्वरद्वारुँ म्यूलुम म्य ॥

\* \* \* \* \*

## 38 – शबानुं यिखना सोन

शबानुं यिखना सोन, जानानुं वंदय क्रोन ॥

लोलुं वावन त्रॉवुंम दोर, सूंत्य कावन आयस योर ।  
यि लोल ओसुम प्रोन, जानानुं वंदय क्रोन ॥

तमि किज म्य पंजरुं चो'ट, क्वमि ओ'नुंमय म्य अमृत नो'ट ।  
मंज थो'वमस सूहम दोन, जानानुं वंदय क्रोन ॥

यि दामुं च्यतम च्युंय, छय श्यामुं म्यांनी द्रुंय ।  
वे'चारुं परिनिस छोन, जानानुं वंदय क्रोन ॥

मस च्यथ यियि वसलुक जोश, अदुं दारुम लोलुंक गोश ।  
बरतल हा सर छुय म्योन, जानानुं वंदय क्रोन ॥

तमि पे'ठ्य छम चॉनी वथ, तति ब्वन कुन पे'यि कसरत ।  
हर च्यथ छुम ज़रुं ज़रुं चोन, जानानुं वंदय क्रोन ॥

यो'त नियिथस पानस सूंत्य, तो'त वुछ वॉतिय कूंत्य ।  
तमि अपोर द्युत म्य वोन, जानानुं वंदय क्रोन ॥

## मन पम्पोश

भवानी भाग्यवान पंडित

---

तति वुछुम ज़रुँय ज़र, तनुँ ऑसुँस बेखबर ।  
कति रूजिथ म्योनुय लोन, जानानुँ वंदय क्रोन ॥

सुय वुछुम बॉनीकार, तनुँ दॉरिन कम अवतार ।  
वुछ दीदव वीदव वोन, जानानुँ वंदय क्रोन ॥

को'र कुकिले गोव्यंदगू, तँथ्य मंज़ छुय सूहम सू ।  
मंज़ सूहस सदा म्योन, जानानुँ वंदय क्रोन ॥

ग्वडुँ छोवुम ज़रुँय ज़र, अदुँ हरन द्युतुँनम हर ।  
मंज़ स्वठकस म्वखतुक दोन, जानानुँ वंदय क्रोन ॥

तँथ्य म्वखतस को'रमय हार, बन तमिकुय खँरीदार ।  
छुय ज़रस जीत म्योन, जानानुँ वंदय क्रोन ॥

दो'न चे'शमन जरय लाल, तथ मंज़ छुय चोनुय खाल ।  
ह्यो'त चे'शमव ओ'श त्रावोन, जानानुँ वंदय क्रोन ॥

वुछ द्वन चे'श्मन मा गाश, तति सीरस वुछुमय फाश ।  
भाग्यवाने वो'नुँनय नोन, जानानुँ वंदय क्रोन ॥

## 39 – कृष्णुं नावस लगय पॉरी

कृष्णुं नावस लगय पॉरी, वुछिव कुस कृष्णुं मुरॉरी ।।

छलस पाद अशिके ज़लुं सूँती, सूहम ने'त्रुं कमलुं सूँती ।  
छलस पादुँय लगस पॉरी, वुछिव कुस कृष्णुं मुरॉरी ।।

दिमस गो'ड अशिके ज़लुं सूँती, सूहम ने'त्रुं कमलुं सूँती ।  
दिमस गो'डुय लगस पॉरी, वुछिव कुस कृष्णुं मुरॉरी ।।

पूज़ायि लागस सतुँकी पोश, सूहम सरुँकुय सुय पंपोश ।  
करस पूज़ा लगस पॉरी, वुछिव कुस कृष्णुं मुरॉरी ।।

म्य द्युतुँनम सतुँकुय स्वभावुँय, वुछिव क्युथ कृष्णुं सुंद नावुँय ।  
कृष्णुँह नावस लगस पॉरी, वुछिव कुस कृष्णुं मुरॉरी ।।

सतुक अमृत सतुक बानय, चे'ने गँयि पानुँ भाग्यवानय ।  
च्यमस अमृत लगस पॉरी, वुछिव कुस कृष्णुं मुरॉरी ।।

## मन पम्पोश

भवानी भाग्यवान पंडित

---

गोव्यंदुं नावुक ट्यो'कुय को'रनम, टे'किस मंज ज़रुंची चूज जॅरनम ।  
जरस चूने लगस पॉरी, वुछिव कुस कृष्णुं मुरॉरी ॥

\* \* \* \* \*

## 40 – चंगुं बीन मुर्ली

चंगुं बीन मुर्ली नादा बूजुम, राधा—स्वामी हय ॥

दया कॅरनम दीनुं दयालन, यथ दपान हातमि तय ।  
ऑठन बॅनिथ कुनिय रूजुंम, राधा—स्वामी हय ॥

संतव साधव हिसाब बूजुम, फॉज़िल बाकुंय नय ।  
गागुंरि मंजुंय सागर पूजुम, राधा—स्वामी हय ॥

जुरुं जुरुं वुछमस जुरुंकुय माया, छाया कॅसिथ भय ।  
विज़ि विज़ि शशकल सूहम वुजुम, राधा—स्वामी हय ॥

ब्वन कुन रुज़िथ च्वन मंजुं छोरुम, शे'न हुंजुं ऑसम प्रय ।  
द्वन सूंत्य मीलिथ कुनुय सूजुम, राधा—स्वामी हय ॥

आगमुं दीशुक पय ये'लि बूजुम, नयि मंजुं हू तय हय ।  
तों'दुंकि नारय बुजुमुत बुजुम, राधा—स्वामी हय ॥

पातॉल्य पकनन पॅद्य ये'लि जॉलिम, आकॉश्य् तुजुंमस खय ।  
नॅहविथ ननि क्या वनुंनुक नजुंम, राधा—स्वामी हय ॥

## मन पम्पोश

भवानी भाग्यवान पंडित

---

हू छा हा छा मेहवर मा'ह छा, जा'ह बुँ जा'ह क्या छय ।  
सुय गव नजुँम इस्मि अजुँम, राधा—स्वामी हय ॥

इस्मि अजुँमस कन छस दारिथ, फ्यारिथ च्योमय मय ।  
ये'ति क्या रो'टुम तो'त क्या सूजुम, राधा—स्वामी हय ॥

भागि छु आमुत यी भाग्यवानस, अबक छानस सय ।  
ये'मिय बुँ पूजुँस सुय म्य पूजुम, राधा—स्वामी हय ॥

\* \* \* \* \*



## 41 – दिलबरुँ दिलारामुँ

दिलबरुँ दिलारामुँ च्युये मनि निगारो ॥

प्रणाम ग्वडुँनिकि थानुँ, बो'जुँ हुँदि द्यानुँ निगारो ।  
प्याला रूजुँस चे'नि अंदर मनि निगारो ॥

द्वन अछि पोशन मालुँ, चे'य दुंबालुँ निगारो ।  
रठ नालुँ पन मा छे'नि अन्दर मनि निगारो ॥

आम्यन पनन पोश तौरिम, तोशि निगारो ।  
चे'य निशि लँग्य् चमकुँनि अंदर मनि निगारो ॥

यिछ तारुँकन मंजु जूनि शूबान, चूनि निगारो ।  
नक्काश नकशुँ खनि अन्दर मनि निगारो ॥

सिरियन होवुम तीजु छु क्या'ह, चीजु निगारो ।  
ठंड ये'लि प्रचंड बनि अंदर मनि निगारो ॥

शिवस कँरिम बोसुँ, वलस तोसुँ निगारो ।  
बस गोम बसम तनि अंदर मनि निगारो ॥

## मन पम्पोश

भवानी भाग्यवान पंडित

---

हा'ह रूद हूचे जायि ज़ोनुम नुँ पायि निगारो ।  
छॉनिथ पथ क्या छे'नि, अंदर मनि निगारो ॥

ग्वरन दो'पुम दाय हमसनि त्रायि निगारो ।  
यि ओस ती रूद बनि अंदर मनि निगारो ॥

गोव्यंदुँ नावस लोल बो'रुम शोलुँ निगारो ।  
कुकिलि ओ'नुम वनि अंदर मनि निगारो ॥

केंचव छोंडुय तूरि चंदुन दूरि निगारो ।  
केंचव मो'लुय तनि अंदर मनि निगारो ॥

कें'ह बरुँ नीरिथ न्यासुँ थँविथ दास निगारो ।  
कें'ह सास मँलिथ छे'न्य् अन्दर मनि निगारो ॥

हर मंदुँ सूहम दानि प्रेमुँ चानि निगारो ।  
भाग्यवान ती रूज़ चे'नि अन्दर मनि निगारो ॥

\* \* \* \* \*

## 42 – नो'वुय बुलबुल नो'वुय गुलज़ार

नो'वुय बुलबुल नो'वुय गुलज़ार  
नो'वुय बहार वुछमय म्य ॥

सो'रुम सूहम को'रुम छ्वपुँह दम  
छ्वपि गुफतार वुछमय म्य ॥

नो'वुय तथ ज़ीरुँ बमसुँय तार  
वज़न मज़ुँदार वुछमय म्य ॥

नो'वुय छुस साज़ नो'वुय आवाज़  
दो'गुँज तथ चार वुछमय म्य ॥

नो'वुय छुस च्यथ नो'वुय अमृत  
बे शुमार वुछमय म्य ॥

नँविय सतज़न छि दारिथ कन  
उमेदवार वुछमय म्य ॥

नँविय बरतन नो'वुय छुख अन्न

## मन पम्पोश

भवानी भाग्यवान पँडित

---

करुन आहार वुछमय म्य ॥

नो'वुय सोदा तुँ सोदागार  
नो'वुय बापार वुछमय म्य ॥

नँविय छ्वख ऑस्य गॉमुँत्य इज़हार  
नो'वुय बुलगार वुछमय म्य ॥

नो'वुय परहेज़ तुँ परहेज़गार  
नो'वुय अनवार वुछमय म्य ॥

नो'वुय छुय शा'ह नो'वुय गव गा'ह  
नो'वुय दरबार वुछुमय म्य ॥

नँविय सीवक छि सीवाकार  
नो'वुय समसार वुछमय म्य ॥

वनन भाग्यवान लोलुँच ज़ान  
शमशेरि दार वुछमय म्य ॥

ये'मिस बनि ज़ान सु छुय भाग्यवान  
स्यठाह दुशवार वुछमय म्य ॥

**मन पम्पोश**  
भवानी भाग्यवान पण्डित

---

\* \* \* \* \*

## 43 – जल वलुँ जलवुँ म्य हाव

जल वलुँ जलवुँ म्य हाव ।

म्य मो तंबुँलाव मत्यो ॥

बुँ वँछसय पँतिमे प्यारे, प्रारय दँछिनि दारे ।

चुँ कीश मुचुँराव मत्यो ॥

म्य छम नुँ चॉनी ज़ीर, म्य हावुम पनुनुय पीर ।

दूर्यर मुँ पाव मत्यो ॥

बुँ वुछुँहँन रो—ब—रो सुय, चलयम अदुँ साँरुँय दुँय ।

म्य सोरुय भाव मत्यो ॥

म्य होवुथ क्या'ह यि ख्वाबुँय, गँयस ना बेताबुँय ।

सु आबुँय च्याव मत्यो ॥

बुँ वुछुँहँथ सुबुँह दमय, चलयम अदुँ सोर गमय ।

ओ'मुँय बोलुँनाव मत्यो ॥

चुँ रूदुख दूरि दूरुय, म्य सूँत्य कर वादुँ पूरुँय ।

म्य मो मंदुँछाव मत्यो ॥

बुँ दशिनुँय म्वखतुँ वूरय, करॉयो गूरुँ गूरय ।

चुँ दूर अँलुँराव मत्यो ॥

## मन पम्पोश

भवानी भाग्यवान पंडित

---

म्य दो'पुंमय वथ म्य हाव, स्वरय अदुं चोनुय नाव ।

रोजि नो ग्राव मत्यो ॥

फेरुंहाँ चोपोरुय, अनुं कति त्यूत ज़ोरुय ।

छअ ख्वरन ख्राव मत्यो ॥

पकुंहाँ ननुंवोरुय, बारि छुम गो'ब बोरुय ।

सु गाठ वातुंनाव मत्यो ॥

अमिय छोरुम म्य गोव्यंद, सु वातुंनावि सोरुय अंद ।

चुं मुक्ती द्याव मत्यो ॥

को'रुय तैम्य गम नाशस, छारान भाग्यवान छस ।

चुं अमृत त्राव मत्यो ॥

गछ्यस पानुं भाग्यवानुंय, अन्यस यूर्य पनुंनि पानय ।

बो'रुय क्या चाव मत्यो ॥

म्य मो कर यूत चेरुंय, वुछय नो बो'ठ तुं बेरुंय ।

म्य बर मुचुंराव मत्यो ॥

म्य आमुत लोलुं तीरुंय, तमिय छस मजबूरुंय ।

सिरन कन थाव मत्यो ।।

म्य गोमुत छुम होलुय, वुछन गोव्यंद कोलुय ।  
म्य मो मॅशराव मत्यो ।।

ओ'मुँय रो'टमय म्य लये, अदुँ टोदयोम दये ।  
हिये फवलुँनाव मत्यो ।।

म्य वन कुस गव लोलुँय, मॅठिम शुर्य मॉज मोलुय ।  
चुँ लोल बाँगुँराव मत्यो ।।

बुँ वनुँहा बे'यि बे'ये, बुँ हावुँहा म्वयि म्वये ।  
शे'ये वो'ज थाव मत्यो ।।

म्य डो'लुँमुत ओस मनुँय, रनुँ किथुँ श्रूच अनुँय ।  
हे'यिय किथुँ छाव मत्यो ।।

गॅयस शुद्ध हन हनुँय, ख्यतम व्वज बूजनुँय ।  
चल्यम आमुँताव मत्यो ।।

बुँ ख्यावथ खीरुँ खंडुँय, चुँ हावुम अखंडुँय ।  
टंडा पिलाव मत्यो ।



## मन पम्पोश

भवानी भाग्यवान पंडित

---

फँटिथ ऑसुँस बुँ मोहस, सु रूदुम प्यठ कोहस ।  
दो'हा रव त्राव मत्यो ॥

म्य हावुम गोव्यंदुँय, खुल्यम अदुँ नादुँ ब्यंदुँय ।  
सु नाद वुजुँनाव मत्यो ॥

करुम मन प्राण बंदुँय, म्य हावुम शो'कलुँ—चंदुँय ।  
अंदुँय वातुँनाव मत्यो ॥

वन्योव म्य ल्वकुँचारस, छु युन वो'ज नव—बहारस ।  
छि गुलुँनुँय क्राव मत्यो ॥

च्य थो'वथम नँम्य तँली, यो'त ताम प्योम मो'ल्य मो'ली ।  
च्य छोंडुथ भाव मत्यो ॥

म्य छोंडुय ज़रगरुँय, सु हाव्यम ज़रुँह ज़रुँय ।  
अन्याय अँज़राव मत्यो ॥

गँयस हा भाग्यवानय, म्य वुछिमय दानुँ दानय ।  
लँजिम बो'ठ नाव मत्यो ॥

\* \* \* \* \*

## 44 – वलय गछुँवय सतग्वरुँ द्वार वे'सिये

वलय गछुँवय सतग्वरुँ द्वार वे'सिये,  
सतग्वरुँ द्वार क्या छु शूबिदार वे'सिये ।।

आम काँसिदा पुर खुमार वे'सिये,  
दो'प म्य तस कुन द्वह तारुँ प्रार वे'सिये ।  
वलय वनुँयय तसुंद अनहार वे'सिये, सतग्वरुँ द्वार क्या छु शूबिदार वे'सिये ।।

छुस त्रिशूला'ह त्रिखमदार वे'सिये,  
बे'यि डाबरा'ह क्या'ह डोलदार वे'सिये ।  
सुँह मुँसला'ह सूहमकार वे'सिये, सतग्वरुँ द्वार क्या छु शूबिदार वे'सिये ।।

पाद वुछिमस शमशेरि धार वे'सिये,  
जंगुँ वुछिमस संगि मरमर वे'सिये ।  
नरि वूछिमस थरि गुलजार वे'सिये, सतग्वरुँ द्वार क्या छु शूबिदार वे'सिये ।।

अथुँ वुछिमस सत फम्वार वे'सिये,  
नम वुछिमस गुलि अनार वे'सिये ।  
सीनुँ वुछुमस बीन बाजिवार वे'सिये, सतग्वरुँ द्वार क्या छु शूबिदार वे'सिये ।।

## मन पम्पोश

भवानी भाग्यवान पंडित

योनि वुछुमस दोलुँ शा'हमार वे'सिये,  
हो'ट वुछुमस गटि गवहार वे'सिये ।  
म्वख वुछुमस म्वख्तयहार वे'सिये, सतग्वरुँ द्वार क्या छु शूबिदार वे'सिये ॥

वुठ वुछिमस वो'जुँल्य् नार वे'सिये,  
दंद वुछिमस कंदुँ गुफ्तार वे'सिये ।  
ज्यव वुछिमस दे'वि कुलमार वे'सिये, सतग्वरुँ द्वार क्या छु शूबिदार वे'सिये ॥

नस वुछिमस बस्त दमदार वे'सिये,  
बुमुँ वूछिमस रुमुँ कजिदार वे'सिये ।  
चे'शुँ वुछिमस पुर खुमार वे'सिये, सतग्वरुँ द्वार क्या छु शूबिदार वे'सिये ॥

कन वुछिमस गुलि गोशवार वे'सिये,  
ड्यकुँ वूछुमस टिकुँ खावार वे'सिये ।  
कलुँ वुछुमस कुल संसार वे'सिये, सतग्वरुँ द्वार क्या छु शूबिदार वे'सिये ॥

बंद तथ मंज चँद्रमुँ तार वे'सिये,  
जटुँनुँय मंज जटाधार वे'सिये ।  
नाव तँम्यसुंद कालुँ सम्हार वे'सिये, सतग्वरुँ द्वार क्या छु शूबिदार वे'सिये ॥

तँमिय दो'पुम म्य रजि पान खार वे'सिये,  
सूहुँ सूँत्य लागि मूहस नार वे'सिये ।

## मन पम्पोश

भवानी भाग्यवान पंडित

---

अदुँ हावय गुलि बहार वे'सिये, सतग्वरुँ द्वार क्या छु शूबिदार वे'सिये ॥

रूप वुछुमस दीपुँ आकार वे'सिये,

सुय को'रनम म्य ग्वरुँनुँय यार वे'सिये ।

कालुँ भयुँसुँय कँरनम म्य लार वे'सिये, सतग्वरुँ द्वार क्या छु शूबिदार वे'सिये ॥

वो'नुय भाग्यवानि यो'हो'य असरार वे'सिये,

गोव्यंदुँ-गू शा'हस चुँ खार वे'सिये ।

रठ चुँ सतग्वर गुल तुँ गुलजार वे'सिये, सतग्वरुँ द्वार क्या छु शूबिदार वे'सिये ॥

\* \* \* \* \*

## 45 – दिलुँ गोश दारुम

दिलुँ गोश दारुम विलुँ बोज़ म्याँनी  
शिलुँ पदमाँनी दीदार हाव ॥

नाव कॅम्य् को'रुये नूर बेगाँमी  
नूरुँकि नूरुँ सँत्य दूर अँलुँराव ।  
नारान नावुँचि चूनि जराँनी, शिलुँ पदमाँनी दीदार हाव ॥

स्वरगुँचि आयय हूरुँ वनवाँनी  
दूरन चान्यन ओ'मुँकुय नाव ।  
सूहम कलमुँ सँत्य आव लेखाँनी, शिलुँ पदमाँनी दीदार हाव ॥

शिवशंकरुँनिय छखय राजिरे'नी  
माँलिस चाँनिस हीमाल नाव ।  
स्वरगुँचि हूरुँ छय गूरुँ कराँनी, शिलुँ पदमाँनी दीदार हाव ॥

जामुँ कॅम्य् रँगिये रंगुँर्य नुँदुँबाँनी  
अमृत रंगुँनुँय ह्यो'तमुत छाव ।  
स्वरगुँक्यन जामन वाव कराँनी, शिलुँ पदमाँनी दीदार हाव ॥

## मन पम्पोश

भवानी भाग्यवान पंडित

---

गँहनुँ कँम्य गँरिये गा'ह त्रावाँनी  
गँहनस चॉनिस पासुक बाव ।  
गोव्यंदुँ गू सूँत्य आव गरॉनी, शिलुँ पदमाँनी दीदार हाव ॥

स्वरमुँ कँम्य लोगुँयय स्वरमुँ नुंदुँबाँनी  
सूहम मीलि सूँत्य बरनय आव ।  
चे'शुँ मखमूरस मूरुँ दिवाँनी, शिलुँ पदमाँनी दीदार हाव ॥

नम चॉज रँगिमुँत्य पानुँ नाराँनी  
त्रे' ताप म्याँनी शिहलिथ आव ।  
यि शाप कोसुम चॉज करमुँलाँनी, शिलुँ पदमाँनी दीदार हाव ॥

द्वनुँवय दुनिया'ह द्राव मंदॉनी  
ख्वरन लॉजिन ओ'मुँचिय ख्राव ।  
नावि हुंद नम आव बो'ठ खाराँनी, शिलुँ पदमाँनी दीदार हाव ॥

खूर हय रो'टुनय अथुँ पनाँनी  
प्रेमुँकि पानि सूँत्य बरुँनय आव ।  
गूरुँ गूरुँ को'रनस ग्वरुँनुँय म्याँनी, शिलुँ पदमाँनी दीदार हाव ॥

शशकलि प्यालस छु अथुँ दाराँनी  
शे'यि शे'यि लायान शिवस नाद ।

## मन पम्पोश

भवानी भाग्यवान पंडित

शिव—शक्ती वुछ ग्वरुँनुँय म्याँनी, शिलुँ पदमाँनी दीदार हाव ॥

शिव स्वरूपस दूरि वुछाँनी  
वा'ह वा'ह ओ'मुँ सूँत्य छुस करान वाव ।  
सूहम दानि सूँत्य द्वद मंदाँनी, शिलुँ पदमाँनी दीदार हाव ॥

द्वदुँ मंजुँ खारान लाल दुरदाँनी  
मुश्ताक तथ छुय ज़रगर नाव ।  
मिहनुँ कनि शूबान मारि पेचाँनी, शिलुँ पदमाँनी दीदार हाव ॥

ज़रुँ सूँत्य शूबान सर छुम चोनुय  
हरुँनुँय को'रुँय नुँदुँबोनुय नाव ।  
पारवँतीयि पूर कॅर्य पूरण म्याँनी, शिलुँ पदमाँनी दीदार हाव ॥

वारुँ वारुँ शिवस छअ पानुँ मंगॉनी  
प्याला फिरिज़्यस माला माल ।  
खाल खाल बे'यि च्यन सूँत्य—बाँज्य म्याँनी, शिलुँ पदमाँनी दीदार हाव ॥

म्वखुँ म्वखुँ रुज़िथ वुछि म्वख चोनुय  
स्वखुँ म्वखुँ शूबि दर्शुँनुँय हाव ।  
ऑशिमचि दो'पनम ऑश करॉनी, शिलुँ पदमाँनी दीदार हाव ॥

## मन पम्पोश

भवानी भाग्यवान पंडित

नस चॉज दुरदानुं चे'श्मुं खोबानी  
रुमुं रुमुं बुमुं चानि छम करान वाव ।  
तीरि मिजगान चॉज नूरुं लेखॉनी, शिलुं पदमॉनी दीदार हाव ॥

ड्यकुं चोन फवलुवुन टिकुं नूरॉनी  
गोव्यंदुं नावुं सूत्य गरुंनय आव ।  
तथ मंज ज़रुंची चूनि जरॉनी, शिलुं पदमॉनी दीदार हाव ॥

यिम कन दारन यिमन असरारन  
बे—गोश मानि क्या चारन तथ ।  
यिम गॅयि बे—गोश तिम गॅयि अॅनी, शिलुं पदमॉनी दीदार हाव ॥

लोलुंक्य असरार ये'लि काँसि सॅनिय  
सुय अदुं बनिय सू हम सू ।  
तसुंदुय फसला'ह बॅनिथ बनिय, शिलुं पदमॉनी दीदार हाव ॥

यस ग्वरुं दया तॅम्यसुंय ननिय  
फसलस बयि क्या करनय तस ।  
तस कति रयि छठ फसलस अनिय, शिलुं पदमॉनी दीदार हाव ॥

लावि लावि लोनी गरुं सू अनी  
मुनिथ रनी गरुंसुंय मंज ।



## मन पम्पोश

भवानी भाग्यवान पँडित

---

सुय दियि नो'व यस प्रे'यम गनिय, शिलुँ पदमाँनी दीदार हाव ॥

बोज़ भाग्यवानी हरुँ हरुँ करिय

ज़रगर करिय ग्वरुँ सुँदि सूँत्य ।

गम गँल्य् सॉरिय तुँ गुल फो'ल्य् म्याँनी, शिलुँ पदमाँनी दीदार हाव ॥

\* \* \* \* \*

## 46 – दिलुं मंजुं काँसनम

दिलुं मंजुं काँसनम कुलुंची खोरी  
क्वछि क्यथ कृष्णुं मुरोरी छुम ॥

ग्वडुंन्यथ दोरुम अँम्यसुंद द्यानुंय  
पानुं भगवानय म्य टोड्योम ।

कृष्णुंह सुँद्य नावन सोरी तोरी, क्वछि क्यथ कृष्णुं मुरोरी छुम ॥

कुकिलि म्य लोयुम गोव्युंदुं आलव  
शिव आव तिमुँवुंय नालव सुँत्य् ।

शिवन अमृत जल कोर जोरी, क्वछि क्यथ कृष्णुं मुरोरी छुम ॥

गवरी बे'नि हुंद छुम प्रसादुंय  
तँम्य् बूज् सूहम नादुंय म्योन ।

शिवस रुजुंय अथुं दोर्य् दोरी, क्वछि क्यथ कृष्णुं मुरोरी छुम ॥

शिवन वो'नुस ओरुं समवादुंय  
अँम्य पूज्य् पंपोशि पादुंय सोज् ।

पानस सुँत्य् अँम्य काँत्याह तोरी, क्वछि क्यथ कृष्णुं मुरोरी छुम ॥

## मन पम्पोश

भवानी भाग्यवान पंडित

सानि बापत त्रोवुन कारुं बारय  
मनि मंज लोलुं सेतारय छुस ।  
सूहम तारुं छस तथ चौर्य चोरी, क्वछि क्यथ कृष्णुं मुरोरी छुम ॥

मटि मटि सौरिन लोलुं पोश बारी  
तमिकिज अम्यसुंघ बारी छिम ।  
तमिकिज तारख अम्यसुंघ सारी, क्वछि क्यथ कृष्णुं मुरोरी छुम ॥

गवरी को'रनस जारुं पारय  
बे'यि दुबारय वारुं वनतम ।  
आया सँज्य किनुंह मँज्य बाजोरी, क्वछि क्यथ कृष्णुं मुरोरी छुम ॥

ललि हँघ् पॉट्य् अमि ह्यचुँह दिनि डालय  
अथुँनुय अमृत प्यालय छिस ।  
ताव्या तोंदूरुं किनुं बुखोरी, क्वछि क्यथ कृष्णुं मुरोरी छुम ॥

शिवन वो'नुय पनुनि राजिरे'ने  
यि ति ललुंमचि हुँज बे'ने आँस ।  
अख तावि तोंदूरुं बे'यि बुखोरी, क्वछि क्यथ कृष्णुं मुरोरी छुम ॥

अमि किज म्यूलुस ग्वरुं प्रसादुंय  
बूजुस लोलुक नादुंय तँम्य ।

## मन पम्पोश

भवानी भाग्यवान पंडित

रुमुं रुमुं वुछनस लोलुंकी बाँरी, क्वछि क्यथ कृष्णुं मुराँरी छुम ॥

वारुं वारुं वनिय लोलुं अफुंसानय  
बनिय तमिकुय दुकानय अख ।  
लोल म्वलुंनावन लोलुं बापाँरी, क्वछि क्यथ कृष्णुं मुराँरी छुम ॥

अमिकिज ज़ोनूनय नुं ग्वरुंनुंय चारय  
लोलुक बारुंय छु गो'ब आसान ।  
खाल काँसि बारि छि लोलुंक्य बाँरी, क्वछि क्यथ कृष्णुं मुराँरी छुम ॥

लोलुं सूंत्य म्यूलुस सतग्वरुं द्यानुंय  
नो'न जानानय पानुं ड्युंतुम ।  
लोलुं द्वद चोवुम लोलुं फ्यार्य फ्यारि, क्वछि क्यथ कृष्णुं मुराँरी छुम ॥

लोलुं सूंत्य आँसिस लोलुं अँश्य टारि  
अँम्य ब्वदुं ब्राँरी छँलिनस तिम ।  
सूहम स्वरमुं बँर्यनस टारि, क्वछि क्यथ कृष्णुं मुराँरी छुम ॥

गंगायि गंगाज़ल को'र जाँरी,  
शिव तुं शक्ती सायस छिम ।  
लोलुं सूंत्य आयस ग्वडुं अनवाँरी, क्वछि क्यथ कृष्णुं मुराँरी छुम ॥

## मन पम्पोश

भवानी भाग्यवान पंडित

---

गोव्यंदुं नावुक फल गव जॉरी,  
भाग्यवान दपान लोनुन छुम ।  
गुलि दस्तव सुँत्य् गँडिनस बॉरी, क्वछि क्यथ कृष्णुं मुरॉरी छुम ॥

लोलुँ खल बो'रमय, लोलुँकि फलय  
नखुँनुँय ज़रुँ दुशालय छुम ।  
नारान नावुँच छस किनाँरी, क्वछि क्यथ कृष्णुं मुरॉरी छुम ॥

\* \* \* \* \*

## 47 – छुम पोशि नूलुंज जामुं

छुम पोशि नूलुंज जामुं गंडिथ, कामुं दीवुंय म्योन ॥

छुम साज्ज मुर्ली चंगुं वायान, रंग वुछुमस शोम ।  
छुम नालुं रो'टमुत हरुं प्याला, ओम छा किनुं ज़ोम ॥

हर वुछुमस ओम ज़ामुत, प्यालुं वुछुमस ओम ।  
प्यालुं पो'यमस लोलुं नारय, अदुं सपदुम मोम ॥

शेरि वुछुमस मोरुं छाया, ओ'मकारय नोम ।  
चूरि वुछुमस दूरुं ग्राया, हूरि दिल ह्यथ गोम ॥

पूरि कनि खो'त पूरुं नूरुंय, दूरि गा'ह ये'लि प्योम ।  
नालुं रो'टुमय वारुं वारय, दामुं प्याला च्योम ॥

लछिनोवुय दछि पोंपुर, अछि दारे प्योम ।  
गछि कुठि छा गटुं कुठि छा, वटुं छा डुलोम ॥

नरदुं ग्युंदुनम परदुं छाये, दरदुं बागस गोम ।  
शशपंजस लँजिम ग्राये, दुखाला ओम ॥

## मन पम्पोश

भवानी भाग्यवान पंडित

---

दरदुँ पोशन करदुँ ओ'नमुत, मरदनुँय हँज कौम ।  
नालुँ रो'टनय भाग्यवाने लालुँ निशि उत्तोम ॥

\* \* \* \* \*

## 48 – द्राम तमना'ह अनुँहँन सालय

द्राम तमना'ह अनुँहँन सालय, अख गोपी तुँ बे'यि गोपालय ।।

साल करुँहॉ ग्वडुँ सतग्वरुँसुँय, सतग्वरुँसुँय चराचरुँसुँय ।  
लोलुँ पोशन करुँहँस मालय, अख गोपी तुँ बे'यि गोपालय ।।

श्रूच बूज़न तस क्युत रनी, अख राधा बे'यि रक्षमनी ।  
भाग्यवाने को'रयो सालय, अख गोपी तुँ बे'यि गोपालय ।।

साल करुँहॉ जॉज जानानस, नालुँ रटुँहँन बुँ सूँत्य पानस ।  
जानानय तुँ बे'यि श्यामुँ लालय, अख गोपी तुँ बे'यि गोपालय ।।

खीरुँ खंडय बरुँसय प्यालय, चे'यि प्याला'ह माला मालय ।  
डालानस प्यठ दियि डालय, अख गोपी तुँ बे'यि गोपालय ।।

जसुधा द्रायि तस छारुँने, अख कृष्णस तुँ बे'यि रक्षमने ।  
सु छु फेरान जमुनायि नालय, अख गोपी तुँ बे'यि गोपालय ।।

रुवनि छ्वज छ्वज चोन गोम कनुँसुँय, सु छु फेरन बिन्द्राबनुँसुँय ।  
गोपियन सूँत्य मारन छालय, अख गोपी तुँ बे'यि गोपालय ।।



## मन पम्पोश

भवानी भाग्यवान पंडित

---

वारुँ बूजुम मुरली नादुँय, गँयस शादुँय बोजुँ सम्वादुँय ।  
लोलुँ लायान भाग्यवान नालय, अख गोपी तुँ बे'यि गोपालय ॥

वर द्युतुँथम शुभुँह दरशुनुय, दरशुन अमृत वरशुनुय ।  
प्रेयमुँ प्याला रो'टुमय नालय, अख गोपी तुँ बे'यि गोपालय ॥

जाय कँरमस मंजुबाग मने, तनुँ छोंडुम सनि वो'गुँने ।  
छुम तमना'ह अनुँहँन सालय, अख गोपी तुँ बे'यि गोपालय ॥

\* \* \* \* \*

## 49 – बुँ मालुँ पोशन करुँ च़े'य

बुँ मालुँ पोशन करुँह च़े'य किचुँ पनुँने दस्तय ॥

चुँ प्यठ गोशन बे'ह सतगवरुँह अस्तय अस्तय ।  
गछिनय गोशन गोश म्याँनी गॉमुँत्य् खस्तय ॥

छुख मा रोशन प्यालुँ सूँत्य च्यतुँ मो'दुर मस्तय ।  
अँलुँराव दूरुँय गूरुँ करय अस्तय अस्तय ॥

गोश गँयि खस्तय अमि सूँत्य प्रान गोम बस्तय ।  
ने'त्रव सूँत्य वुछ श्रुक्य् मुच़राव अस्तय अस्तय ॥

मंज़ दँरियावस यीरुँ कँम्य बुँ छुँनिमुँच़ छस तय ।  
दम दिथ खारुम गम कासुम अस्तय अस्तय ॥

मंज़ दँरियावस वुछ ज़रुँनुँय अस्तय अस्तय ।  
पानय वुछिनस पान गोमुत सोरुय खस्तय ॥

को'रुन हू हू दम द्युतुन छाँडुँन बस्तय ।  
स्यमंज़ नारस वुछुन कुंदन अस्तय अस्तय ॥

## मन पम्पोश

भवानी भाग्यवान पंडित

---

सों'बरिथ दानय बंद कॅरिम पनुंने दस्तय ।  
पानुं ज़रगुरुंनुंय गटि लाला'ह बनोवुनस तय ॥

खालि बे खाल लाल होवुन अस्तय अस्तय ।  
खुर्य आव कासान शुर्य ति गॉमुंत्त्य तँथ्य मंज़ बस्तय ॥

दोरुन कनुंय दनुं गोमुत सोरुय खस्तय ।  
शिलुं पदमाने पानुं दो'पुन ब्वन कुन वस्तय ॥

शिव तुं शक्ती ज़रुंसुंय मंज़ सॉरुंय छस तय ।  
द्युतुनम द्यानुंय भाग्यवानुंय प्रारान छस तय ॥

द्युतुनम प्रानुंय युस गोमुत ओसुम खस्तय ।  
बुं मालुं पोशन करुं च़े'य किचुंह अस्तय अस्तय ॥

\* \* \* \* \*

## 50 – हरुँनुँय द्युतुनम हरुँकुय प्यालय

हरुँनुँय द्युतुनम हरुँकुय प्यालय, गरि गरि रो'टमय नालय म्य ॥

मस्तानुँ सुंद च्योम मसुँकुय प्यालय, वुछमय माँसूम खयालय म्य ।  
वला दुशालय किनुँ च्यमुँ प्यालय, गरि गरि रो'टमय नालय म्य ॥

शशकलि को'रनय शीव मो'तवालय, वुछुँमस मस्तानुँ चालय म्य ।  
मस खौंस्य वुछमस मालामालय, गरि गरि रो'टमय नालय म्य ॥

गवरुँसुँय गरि गरि करुँहौँ सालय, गरुँ मंजुँ वुछुँमस चालय म्य ।  
बॅर्य बॅर्य थँविमस प्रेयमुँक्य प्यालय, गरि गरि रो'टमय नालय म्य ॥

बालुँ—बावुँ फ्यूरुम बालय बालय, वुछुँमय शुर्य खयालय म्य ।  
यियिना वलुँहँस हियि दुशालय, गरि गरि रो'टमय नालय म्य ॥

कृष्णन को'रुम ग्वडुँन्यथ सालय, गरि गरि रठखा नालय म्य ।  
यिया गरुँ किनुँ जमुनायि नालय, गरि गरि रो'टमय नालय म्य ॥

शीवस तुँ शक्ती वो'थ खयालय, तिमुँवुँय को'रहँय सालय म्य ।  
शिव मा खार्यम प्यठ पाँचालय, गरि गरि रो'टमय नालय म्य ॥

## मन पम्पोश

भवानी भाग्यवान पंडित

---

ग्वर म्योन रूदुस पानुँ दुम्बालय, तमिकिज द्युतुनय लालय म्य ।  
कुनिसुँय लालस क्या'ह करुँ मालय, गरि गरि रो'टमय नालय म्य ॥

कुनुय लालय छु खालि बे खालय, मनि मंज को'रमस सालय म्य ।  
हूँकुय लालय सुह सम्बालय, गरि गरि रो'टमय नालय म्य ॥

शेरस वेल्युज्या बेरि हुंद शालय, खेरस तौरमय छालय म्य ।  
येरस वून्युज्या तोसुँ दुशालय, गरि गरि रो'टमय नालय म्य ॥

म्वनि मंज रो'टमस र्वनि हुंद खालय, छ्वनि सूँत्य दिचुँनम डालय म्य ।  
र्वनि सूँत्य कॅरिमस रो'हिसुँय मालय, गरि गरि रो'टमय नालय म्य ॥

कीशस दो'पुँमय कीश संबालय, निशि रूदुम कलुँवालय म्य ।  
ग्वरुँसुँय सूँत्य च्योम हरुँकुय प्यालय, गरि गरि रो'टमय नालय म्य ॥

शीवस दो'पुँमय शशकलि वालय, गरि गरि मन म्वतुँवालय म्य ।  
या लाग तनि तन नतुँ पान जालय, गरि गरि रो'टमय नालय म्य ॥

गोव्यंद नावुँक्य कुकिलि दित्य नालय, गोव्यंद नाँली नालय म्य ।  
भाग्यवान ह्यथ खसि प्यठ पंचालय, गरि गरि रो'टमय नालय म्य ॥

## मन पम्पोश

भवानी भाग्यवान पंडित

---

रोवुमुत लाल आव बे'यि बरहालय, रो'टमय नॉली नालय म्य ।  
नालुँ रटि लालस कां'ह कां'ह खालय, गरि गरि रो'टमय नालय म्य ॥

स्वदामुँज हिश कॅरमस चालय, तमि किञ न्यूमस मालय म्य ।  
दशिनुँय वुछिमस दशिलूकुँपालय, गरि गरि रो'टमय नालय म्य ॥

सरुँसुँय वुछिमस ज़रुँची चालय, हर छुय नॉली नालय म्य ।  
गरुँ मंजुँ द्युतुँनम हरुँकुय प्यालय, गरि गरि रो'टमय नालय म्य ॥

भाग्यवानि छोंडुय प्रभात कालय, शक्तिनाथ रो'टमय नालय म्य ।  
कृष्ण तुँ कीशव गूंगरवालय, गरि गरि रो'टमय नालय म्य ॥

\* \* \* \* \*

## 51 – कस वनुं वे'सिये

कस वनुं वे'सिये अँदरिम दोदुंय, बंगॉल्य् जोदूगर हय आम ।।

आकाशि आव किनुं पाताल्य् वो'थुय, मन मथरायि छुम तँम्य्सुंद कयाम ।  
लोलुं थँज्य् वोर्युंनम वॉरागुंह द्रोतुय, बंगॉल्य् जोदूगर हय आम ।।

असवुंनि म्वखुं छुम खुमारुं हो'तुय, तुमारुं वुछुमस जुलफन खाम ।  
बुं मारुं कँरनस लारस तो'तुय, बंगॉल्य् जोदूगर हय आम ।।

लोलुं मीलि यँन्द्रस कलमाह तो'तुय, तमि सँत्य को'रनस नामुं पैगाम ।  
आराम न्यूनम सो'तुय सो'तुय, बंगॉल्य् जोदूगर हय आम ।।

बालुं बावस ओस सालुं आमुतुय, नालुंमति रँटनस दित्यनम जाम ।  
दिमुंसा दाम किनुं च्यमुं लो'त लो'तुय, बंगॉल्य् जोदूगर हय आम ।।

दोलुं वुछनन को'र दिल म्योन मो'तुय, लोलुं सँत्य प्रुँछुनम नुं क्वल तुं क्राम ।  
बंगॉल्य् बोलि तँम्य म्य आलव द्युतुय, बंगॉल्य् जोदूगर हय आम ।।

राधायि सँत्य ओस गोमुत मो'तुय, वादा को'रनम मूलुं कलाम ।  
संग छुस दिल तय रंग छुस छो'तुय, बंगॉल्य् जोदूगर हय आम ।।

## मन पम्पोश

भवानी भाग्यवान पंडित

---

गट्टु कुठि छुनुंनम दरवाजुंह वो'थुय, परवाज तँम्यसुंद वुछुम अनाम ।  
युस तोर वोतुय सुय बन्योव मो'तुय, बंगॉल्य् जोदूगर हय आम ॥

अरुँशिचि कुरसी प्यठ युस खो'तुय, फरशस प्यठ युस शाहे—बहराम ।  
वरशस तिय यी अरुँशस खो'तुय, बंगॉल्य् जोदूगर हय आम ॥

पूजा पान किनुँ पूजा बुतुँय, नय तोर कॅलिमय नय राम राम ।  
मन वनुँनन को'र मंसूर मो'तुय, बंगॉल्य् जोदूगर हय आम ॥

ललुँद्यदि छोरुय तों'दुरा तो'तुय, भाग्यवानि छोरुय गोव्यंदुँ नाम ।  
मनि मंज ललुँवुन ख्वनि लो'त लो'तुय, बंगॉल्य् जोदूगर हय आम ॥

\* \* \* \* \*



## 52 – ही ग्वरुँ हर दिम

ही ग्वरुँ हर दिम दामुँ च़ुँय, परवानुँ बुँय परवानुँ बुँय ।।

सर खम म्य को'रमय पानुँसुँय, वर मो'गमय जानानुँसुँइ ।  
तमिकिज छसय मस्तानुँ बुँय, परवानुँ बुँय परवानुँ बुँय ।।

लायय लोलुँक्य नाद बुँय, पूजय सतग्वरुँ पाद बुँय ।  
तमिकिय वनय अफसानुँ बुँय, परवानुँ बुँय परवानुँ बुँय ।।

चे'य सूँत्य नेरय साँलुँसुँय, अगम दीशस तेलुँसुँय ।  
साँला करय शबानुँ बुँय, परवानुँ बुँय परवानुँ बुँय ।।

खसनस तुँ वसनस सुल को'रुम, परनस तुँ स्वरुँनस म्युल को'रुम ।  
तमिकुय बनय दुकानुँ बुँय, परवानुँ बुँय परवानुँ बुँय ।।

कुँनुँनस तुँ ह्यनुँसुँय तुल को'रुम, शेतानुँसुँय अदुँ बुल को'रुम ।  
जानानुँसुँय हमशानुँ बुँय, परवानुँ बुँय परवानुँ बुँय ।।

ह्यो'र ये'लि खँचसय ब्वन वुछुम, मंज़ हालि म्य कुंदन वुछुम ।  
गाँलिथ बनय दुरदानुँ बुँय, परवानुँ बुँय परवानुँ बुँय ।।

## मन पम्पोश

भवानी भाग्यवान पंडित

---

अगम दीशुक संज मे'य, जानानुं पानस मंज मे'य ।  
अचुँह क्या अंदर बुतखानुं बुँय, परवानुं बुँय परवानुं बुँय ॥

ग्वरुँ वाकुँसुँय हू हू को'रुम, तथ कुन वुछिथ द्वह द्वह बो'रुम ।  
तमिकिज छसय ताबानुं बुँय, परवानुं बुँय परवानुं बुँय ॥

ताबानुं बुँय रवानुं बुँय, बुत बुँय अंदर बुतखानुं बुँय ।  
मिजमानुं बुय मे'हमान बुँय, परवानुं बुँय परवानुं बुँय ॥

छुय पूरुँ नरुक रो'य म्य, छुय सूरुँ परनुक खो'य म्य ।  
सूकलि वॅलिथ पेचानुं बुँय, परवानुं बुँय परवानुँह बुँय ॥

छुय शेरुँसुँय प्यठ मोर म्य, छुय मोरुँ खोरन तोर म्य ।  
जानानुँसुँय चमकानुं बुँय, परवानुं बुँय परवानुं बुँय ॥

वुजुँमलुँ बॅनिथ आकाशुँसुँय, निर्मल बॅनिथ प्रकाशुँसुँय ।  
तस गाशुँसुँय परवानुं बुँय, परवानुं बुँय परवानुं बुँय ॥

गोव्यंदुँ नावुक लोल म्य, गोव्यंदुँ कोलुय मोल म्य ।  
तमिकिज छसय भाग्यवान बुँय, परवानुं बुँय परवानुं बुँय ॥

**मन पम्पोश**

भवानी भाग्यवान पंडित

---

\* \* \* \* \*

## 53 – रूदुम म्य दूरि दूरे

रूदुम म्य दूरि दूरे, मन ह्यथ चो'लुम म्य चूरे ॥

तस पत हे'चुंम म्य खॉरी, सु यार करिना यॉरी ।  
चंदुंनस कर्यम म्य दूरे, मन ह्यथ चो'लुम म्य चूरे ॥

मलस बुँ हनि हने, सु लालुँ यियिना वने ।  
ख्यल मा ज़लस दूरे, मन ह्यथ चो'लुम म्य चूरे ॥

रटिना म्य सूँत्य पानस, युथ रज़ छअ पेचानस ।  
गाश ये'लि गाशस नीरे, मन ह्यथ चो'लुम म्य चूरे ॥

थवि ना म्य सूँत्य सूँतिय, तस पथ मतेयि कूँतिय ।  
युथ मोर पनुँनिय तीरे, मन ह्यथ चो'लुम म्य चूरे ॥

शबानुँ यियिना योरुय, छु निशि छुनुँ दूरुँय ।  
पानस छु पानय चूरे, मन ह्यथ चो'लुम म्य चूरे ॥

रातस रो'टुम नालय, फ्वजि यां संगरमालय ।  
सुबुह फो'ल प्रकाश पूरे, मन ह्यथ चो'लुम म्य चूरे ॥

## मन पम्पोश

भवानी भाग्यवान पंडित

---

लोलन कॅर्यनम ऑली, म्य लोलुँ जामय नॉली ।  
लोलुक बमुन छु मूरे, मन ह्यथ चो'लुम म्य चूरे ॥

ग्वरुँनुँय कॅरुँम म्य यॉरी, पादन लगस बुँ पॉरी ।  
वरि यस तुँ सु कवो यीरे, मन ह्यथ चो'लुम म्य चूरे ॥

वारुँ वुछ अंदर नारस, कुंदन पज़्या खारस ।  
चंदुन बन्या वीरे, मन ह्यथ चो'लुम म्य चूरे ॥

केंचन छु भक्ती—भावुँय, केंचव च्यव दॅरियावुँय ।  
केंचव सो'गुय क्रीरे, मन ह्यथ चो'लुम म्य चूरे ॥

शीवन चॉवुँस बंगय, सत—सुमुँरनके रंगय ।  
रिंदुँ को'र गिंदुना शूरे, मन ह्यथ चोलुम म्य चूरे ॥

लोल बरुँ गोव्यंदुँह नावस, टोठान भक्ती भावस ।  
ह्यो'त भाग्यवानव मूरे, मन ह्यथ चो'लुम म्य चूरे ॥

\* \* \* \* \*

## 54 – दिवान छस कन

दिवान छस कन गछ्यम ना छ्वज, गलान छस यार डेशन व्वज ।।

वुडान गछुँह आलमे बाला, न छुय दीदन न खयाला ।  
न छुय पाफुँय न आसिय प्वज, गलान छस यार डेशन व्वज ।।

वुछान गछ प्यालुँचिय मस्ती, च्यवान गछ त्राव हमहँस्ती ।  
म्वन्यन अंदर करुस अदुँ म्वज, गलान छस यार डेशन व्वज ।।

वुछान गछ रोशनी प्यालुँच, मअ कर तीजी चुँ दुम्बालुँच ।  
ववन फलि फलि करन अदुँ गो'ज, गलान छस यार डेशन व्वज ।।

बनन लोलस संगि फारस, नअ मंज हाले नअ मंज नारस ।  
नअ छुय फारस नअ छय अदुँ कँज, गलान छस यार डेशन व्वज ।।

अंदर छुय लोल मतवालन, नअ छिय त्रावन नअ छिय चालन ।  
नअ छिय तिम पूरुँ नअ छिय तिम छो'ज, गलान छस यार डेशन व्वज ।।

वुछन गछ लोलुँ दीदन मंज, करन छुय मूल खिचुँनुक संज ।  
कँडिथ मूलय दिवान छुय वँज, गलान छस यार डेशन व्वज ।।

## मन पम्पोश

भवानी भाग्यवान पंडित

---

बनन छुय लोलुँसुँय मदहम, बनन छुय लोलुँसुँय सूहम ।  
बँनिथ जामुँ बनन तँथ्य तँज, गलान छस यार डेशन व्वज ॥

करुस लोलस दो'गुन शालय, वलुस पानस रटुन नालय ।  
दियिय डालय करिय छ्वज छ्वज, गलान छस यार डेशन व्वज ॥

यि लोलुँच डॉल्य् गछि हे'नी, गछिय मन प्राण च्यथ कुनिय ।  
यि बो'ज हुँदि प्यालुँ सूँत्य गछि चे'ज, गलान छस यार डेशन व्वज ॥

वुछान गछ लोलुँचे चालय, अजब डॉल्या रटुन नालय ।  
न गछि त्रावुँज न गछि अदुँ चे'ज, गलान छस यार डेशन व्वज ॥

नअ बुँय बूदुँय नअ नाबूदुँय, नअ छुम सोदा नअ छुम सूदुँय ।  
नअ छिम दस्तय नअ वनुँनम रो'ज, गलान छस यार डेशन व्वज ॥

कँरिथ पॉराव छस पानस, नअ दोरानस नअ ठिकानस ।  
नअ छस पॉरिथ नअ छस न्यथुँनँज, गलान छस यार डेशन व्वज ॥

द्युतुम कन लोलुँक्यन नालन, तमिय लँज्य ग्राय मस प्यालन ।  
नअ मे'य निश काँ'ह नअ छस कुज जँज, गलान छस यार डेशन व्वज ॥

## मन पम्पोश

भवानी भाग्यवान पंडित

---

म्य छोंडुम कुकिलि नालन मंज, छु गोव्यंद मस्त खयालन मंज ।  
सुन्दर वॉनी छअ कोमल थंज, गलान छस यार डेशन व्वज ॥

म्य बूलुम कुकिलि गोव्यंदगू, बुँ बनुँ शक्ती चुँ बन शम्भू ।  
वे'शनुँ माया म्य हावुम नँज, गलान छस यार डेशन व्वज ॥

दिवान भाग्यवान छअ लोलस दाम, तिमय अगम तिमय अनाम ।  
यि लोलुँच वँज स्यठाह छय सँज, गलान छस यार डेशन व्वज ॥

\* \* \* \* \*



## 55 – यथ को'र म्य पानय नोश

यथ को'र म्य पानय नोश, च्यथ आम लोलुक होश ।।

प्याला ह्यथ आम सुय, दो'पुँनम यि च्यख ना च्युँय ।  
ग्वडुँ ग्वडुँ गों'डुँनम जोश, च्यथ आम लोलुक होश ।।

सुय दामुँ च्योमस म्य, वुछ लोलुँ नारस रे'ह ।  
ह्यथ आम जिगर गोश, च्यथ आम लोलुक होश ।।

शबानुँ प्याला च्योम, ताबानुँ वुछ नुँदुँबोन ।  
जानानुँ मसॉ रोश, च्यथ आम लोलुक होश ।।

ज़रुँ ज़रुँ ज़र छस बुँय, फो'ज्य् दरदुँ बागस हिय ।  
म्य कुन वुछिथ तोश, च्यथ आम लोलुक होश ।।

गिलि दित्य् म्य ज़िकरे दम, सुलि फो'ल्य् म्य गुलि बादम ।  
आदनुँ रूदिय मोश, च्यथ आम लोलुक होश ।।

वुछ चूरि ज़ागन छिम, ज़न क्रीरनुँय मंज़ क्रिम ।  
मस्तानुँ सुंद छुम बोश, च्यथ आम लोलुक होश ।।

## मन पम्पोश

भवानी भाग्यवान पँडित

---

वन चूरि कॅमिस न्यूम, अल्लाह तय ओ'म ।  
कथ प्यठ म्य छिम नाखोश, च्यथ आम लोलुक होश ॥

हुबहुँकि हूबाबय, रुबा'ह तुँ रुबाबय ।  
वायय च़ुँ दारुम गोश, च्यथ आम लोलुक होश ॥

सिरियस म्य दिच़ुँम छाल, तँथ्य प्यठ म्य त्रोवुम ज़ाल ।  
बुँय पानुँ लाल फरोश, च्यथ आम लोलुक होश ॥

सिरियस म्य दिच़ुँम डॉल्य, जानानुँसुँय छस नॉल्य ।  
पुशिसुँय अथि छिय पोश, च्यथ आम लोलुक होश ॥

भाग्यवान बॉनीकार, ये'म्य नालुँ रो'टुँनय यार ।  
युथ मूरि अंदर पोश, च्यथ आम लोलुक होश ॥

\* \* \* \* \*

## 56 – आलव द्युतुय म्य श्यामन

आलव द्युतुय म्य श्यामन, नालय रो'टुम म्य वे'सिये ॥

तनुँ ओस दूरि दूरे, दजिमचि लावि मूरे ।  
वजुँविथ हय आयि बामन, नालय रो'टुम म्य वे'सिये ॥

द्वह पाँशि रावुँ रॉविन, परघन सूँत्य छॉविन ।  
खूचुम नुँ लूकुँ पामन, नालय रो'टुम म्य वे'सिये ॥

रो'छमुत हय हे'छिनोवुम, चंदनुँ सूँत्य नोवुम ।  
सुबहन तुँ बे'यि शामन, नालय रो'टुम म्य वे'सिये ॥

मो'लमस हय टूरि चंदुन, ह्यो'तमस पान वंदुन ।  
को'र यी सो'दामन, नालय रो'टुम म्य वे'सिये ॥

गँजरस लालुँ मालय, रो'टमय नॉल्य नालय ।  
ऑसुँम म्य मनि कामन, नालय रो'टुम म्य वे'सिये ॥

हनि हनि रक्षमने, लॉजिस तन तने ।  
मुचर्यम तनि जामन, नालय रो'टुम म्य वे'सिये ॥

## मन पम्पोश

भवानी भाग्यवान पंडित

---

रंगुं रंगुं रंग छॉविम, रंगस मिलुंनॉविम ।  
मंग कॅर चांदि त्रामन, नालय रो'टुम म्य वे'सिये ॥

पारुंघ छोर कुंदन, को'रनस वाचुंह बंदन ।  
रोजय नुं निशि खामन, नालय रो'टुम म्य वे'सिये ॥

न्युन छुम सँत्य पानस, अंदर दुरदानस ।  
मजनून लॉलि बामन, नालय रो'टुम म्य वे'सिये ॥

दूरयर यूत पोवुन, कॅछा म्य आंच होवुन ।  
युथ सीतायि रामन, नालय रो'टुम म्य वे'सिये ॥

तमिकिअ आन मॉनिन, अदुं भाग्यवान जॉनिन ।  
रटि कोनुं म्योनुय दामन, नालय रो'टुम म्य वे'सिये ॥

यियस वॉरागुंय, करि कोनुं दीशि त्यागुंय ।  
नॅदियन दूर सामन, नालय रो'टुम म्य वे'सिये ॥

\* \* \* \* \*

## 57 – नालय रँटुस बुँ यारन

नालय रँटुस बुँ यारन, द्युतुँनम म्य प्यालुँ वे'सिये ।  
जॉजिस बुँ लोलुँ नारन, कमि ताज खयालुँ वे'सिये ॥

दम ह्यथ दमा म्य ड्युँतुम, लोलुँकि दुमेलुँ ब्युँतुम ।  
जऱन छुम शिवालुँ वे'सिये ॥

प्राणव करस बुँ गँज्यगाह, द्यानुक वुछुम शहनशा'ह ।  
ज्ञानुक मसालुँ वे'सिये ॥

वनुँहॉ तम्युक बुँ नावुँय, कावन छु टाव टावुँय ।  
बनुँनम बयालुँ वे'सिये ॥

छु कावुँ टावस शोरुँय, तति छुनुँ मूरुन खोरुँय ।  
बनि युस गवालुँ वे'सिये ॥

वँज वँज वनन सु फेरिय, शेरे अंदर शेरी ।  
त्रॉविथ दुखालुँ वे'सिये ॥

आना वुछुम म्य फॉनी, करुँ क्या काँरिसताँनी ।

## मन पम्पोश

भवानी भाग्यवान पँडित

---

यकूँकि यकबालुँ वे'सिये ॥

छि पथ फेरन कावुँय, तिहुंद छु सुय स्वबावुँय ।  
सूहम सवालुँ वे'सिये ॥

जरुँ जरुँ ज़र गोम हाले, निमुँ क्या आगस डाले ।  
गूपालुँ शिवालुँ वे'सिये ॥

कीशन कॅर्यमस शानय, वुछमस परेशानय ।  
त्राँविन म्य ज़ाल वे'सिये ॥

ब्वन कुन गॅयम म्य गरदन, स्वन मा वुछिम गँडिथ स्वन ।  
ओ'नुँमस ज़वालुँ वे'सिये ॥

क्रूठ प्यव म्य यारुँ दोदुय, को'रनय बंगॉल्य जोदुय ।  
यथ प्यठ सु खालुँ वे'सिये ॥

जरुँ जरुँ सुँय वुछि खेलय, यस आसि जरुँकुय ठेलय ।  
करि क्या जदालुँ वे'सिये ॥

रुद्य भाग्यवान खामोशी, जरुँ जरुँ जरुँकुय बोशी ।  
हरुँसुँय छे' नालुँ वे'सिये ॥

**मन पम्पोश**  
भवानी भाग्यवान पण्डित

---

\* \* \* \* \*

## 58 – दशिरावुंने दुरदानुं म्याने

दशिरावुंने दुरदानुंह म्याने ज़ार वनाँयो ॥

कम खंदुं कॅर्यथम चंदनस दिवदार ज़ोनुथ च्य ।  
हे'छिनावुंहेथ अंजानुं म्याने ज़ार वनाँयो ॥

कमि श्रोचि श्राने खोचुंनय सुंह गोछि को'रुथ म्यूठ ।  
मंज खशमसुंय खोबानुं म्याने ज़ार वनाँयो ॥

छुय गुलि कमल पादुंनुंय तल फरशि मखमल म्योन ।  
मंज अरशसुंय रिजवानुं म्याने ज़ार वनाँयो ॥

तवुं पादुंनुंय तल ब्वन म्य त्रॉवुंम छस नुं सुगंदीय ।  
मा शेरुंसुंय भगवानुं म्याने ज़ार वनाँयो ॥

दँह कलुं लॉगिय रावुंनन पूज़ायि शंकरसुंय ।  
कॅहिमिस छे' हान ताबानुं म्याने ज़ार वनाँयो ॥

खंदुं अकि कॅरथस बंदुं बंदय संद म्य करुंज छम ।  
छाव भूशुंनुंय बाहानुं म्याने ज़ार वनाँयो ॥



नैज पौठ्य वनतम सैज तुँ वोगुँज वैज म्य क्या छिम दिज ।

छा बुत बनून बुतखानुँ म्याने ज़ार वनौयो ॥

कर ज़ान लोलुँच लोलुँकिय सामानुँ पौरुँज छिय ।

नतुँ दोलुँ वुछनस मान म्याने ज़ार वनौयो ॥

रठ् लोलुँकुय दामानुँ नतुँ सामानुँ जंगी छुम ।

सूँत्य जानस हा जानानुँ म्याने ज़ार वनौयो ॥

सामानुँ पौरिथ नेरुँ जंगस सूँत्य संगस बो ।

दपुँ क्या तिमन कपतानुँ म्याने ज़ार वनौयो ॥

वो'नमुत छुमय जानानुँ म्याने जान बेगम बुँय ।

शा'ह त्रौविथुँय शाहानुँ म्याने ज़ार वनौयो ॥

बुँय लल आमुँच छल कँरिथ रुक्षमन तुँ राधा बुँय ।

बुँय लक्ष्मी नारानुँ म्याने ज़ार वनौयो ॥

कम ज़्यादुँ वो'नुमय खम म्य त्रौवुम हम वुँ पायस पे' ।

नतुँ शेरुँ सुंद दाहानुँ म्याने ज़ार वनौयो ॥

## मन पम्पोश

भवानी भाग्यवान पंडित

---

सम च्यथ बम छुम चौरिथुंय त्रेलूकिये हुंद शम ।  
नम को'त रटस असमानुं म्याने ज़ार वनोंयो ॥

बुंय शंकरस चंद्रम तारा तवुं म्य तारा नाव ।  
बुंय भू भुवा भयानुं म्याने ज़ार वनोंयो ॥

बा'ह बोलि हे'छिमय लोलुं चाने बो'ह रूप्य् म्योनुय नाव ।  
रठ मा'हवरुंय मंघानुं म्याने ज़ार वनोंयो ॥

\* \* \* \* \*

## 59 – म्य लॉलि पो'रुमय अम सिपार

म्य लॉलि पो'रुमय अम सिपार, मजनूनुं ज़ार वनाँयो ॥

द्वशवुँय पो'रमुत छु फुरकान, द्वशवय ऑस्य् कुरानखान ।  
चुँ वेंज़ीर बुँ सरकार, मजनूनुं ज़ार वनाँयो ॥

ग्वरन हावेयि द्वशवय चीज़, द्वशवय ऑसिय कुनुय बीज़ ।  
हुकुम म्योन छुय नारो नार, मजनूनुं ज़ार वनाँयो ॥

चुँ छुख अकलि हुंदुय शम, हुकुम म्योन छुय लोलुक बम ।  
दीदव छि लेखुँज वीदुँ अखबार, मजनूनुं ज़ार वनाँयो ॥

चुँ छुख अकलि हुंदुय दीप, हुकुम म्योन छुय शशकलि रूप ।  
चरागानस बन सवार, मजनूनुं ज़ार वनाँयो ॥

बन सवार दि अखबार, अकलि हुंद छुख वॉकुँफकार ।  
ग्वडुँ गछि होरुन मालि सरकार, मजनूनुं ज़ार वनाँयो ॥

चुँ छुख अकलि हुंदुय कुल, बुँ छस लंजि लोलुक गुल ।  
पथुँय रोज़य कथ शुमार, मजनूनुं ज़ार वनाँयो ॥

## मन पम्पोश

भवानी भाग्यवान पंडित

---

चुँ छुख अकलि हुंदुय नोक, तमिय ओसुम चोनुय शोक ।  
लोलुक वावा दावादर, मजनूनुँ ज़ार वनाँयो ॥

च्य छुय अकलि हुंदुय बोश, म्य तथ को'रमुत फरामोश ।  
सरा आँसिथ चुँ सीवाकार, मजनूनुँ ज़ार वनाँयो ॥

अकलि निश छय नुँ लोलस जाय, अकल थँवुँय लोलन दाय ।  
तालिय रटिय तालेवार, मजनूनुँ ज़ार वनाँयो ॥

अकलि सूँत्य छुय अहंकार, तमिय लोलन द्युतुस नार ।  
दस पाक कँरिथ दस्त बरदार, मजनूनुँ ज़ार वनाँयो ॥

बेकुँल सो'दामस मंज़ बाव, कृष्णस कीशन वलनुँ आव ।  
स्वशीला बुँय ख्वश गुफ्तार, मजनूनुँ ज़ार वनाँयो ॥

बेकुँल रक्षमन द्वह अकि रूठ, पारि ज़ातस तलुँ कनि बीठ ।  
बंदन गोस चंदन दार, मजनूनुँ ज़ार वनाँयो ॥

राधायि दो'पुस शिहलिस बे'ह, कृष्णुन नाव ज़ां'ह मुँ हे' ।  
परद्यन सूँत्य हय छुस व्यवहार, मजनूनुँ ज़ार वनाँयो ॥

## मन पम्पोश

भवानी भाग्यवान पंडित

---

रक्षमन रूजुँय अंतरद्यान, केंछा ओसुय तस अभिमान ।  
यथ समसारस दिमस नार, मजनूनुँ ज़ार वनॉयो ॥

कृष्णन वुछिय स्वनि हुँज़ चाल, प्याला ओसुस माला माल ।  
राधायि दो'पुन तान्यथ प्रार, मजनूनुँ ज़ार वनॉयो ॥

ये'लि म्य यियी पनुन जोश, पानुँवाँनी करव नोश ।  
तैरिथ गछव अपरम्पार, मजनूनुँ ज़ार वनॉयो ॥

च्यावुन ओसुस पनुन टोठ, तस क्युत गो'रुन चंदन कोठ ।  
द्वह अकि त्राव्यम मुशकुँञ दार, मजनूनुँ ज़ार वनॉयो ॥

छुय भाग्यवाने सुय बापार, यथ मंज़ नार खँटिथ रूद ।  
तथ क्या करनय समसॉर्यदार, मजनूनुँ ज़ार वनॉया ॥

\* \* \* \* \*

## 60 – व्वलो थनि चूरय करय

व्वलो थनि चूरय करय गूरुं गूरय ।  
कवो थनि बानन को'रुथ चूरुं चूरय ॥

च्य त्रॉवुंथ राधा म्य गव वादुं आदा ।  
च्य बंसी म्य सूरय करय गूरुं गूरय ॥

चुं टोठयोख परुंनुंय, अंदर गूर्य गरुंनुंय ।  
बुं प्यठ कोहि तूरय, करय गूरुं गूरय ॥

रँटिथ परदीशय, म्य रँटिमय कीशय ।  
मँशरिथ हूरय, करय गूरुं गूरय ॥

म्य यूगुक बलुंय, सु हा वुजुंमलुंय ।  
बहाना प्रीरय, करय गूरुं गूरय ॥

रँटुंथ रक्षमनुंय, च्य रातर—घनुंय ।  
अंदर मखमूरय, करय गूरुं गूरय ॥

म्य छुम वॉरागुंय, करव दीशि त्यागुंय ।

## मन पम्पोश

भवानी भाग्यवान पंडित

---

मंदुन छुम खीरय, करय गूरुँ गूरय ॥

छु टॉठिस टोटुय, चंदन कोटुय ।  
वुछिथ मंसूरय, करय गूरुँ गूरय ॥

छु यारस यारुँय, दमन शुमारुँय ।  
बमन जँहूरय, करय गूरुँ गूरय ॥

म्य आख बालुँ बावस, अंदर वावस ।  
बँनिथ संतूरय, करय गूरुँ गूरय ॥

कँरिम ललि छलुँय, छलय सोर मलुँय ।  
अंदर तौँदूरय, करय गूरुँ गूरय ॥

विभू आहारय, बबूतुक नारुँय ।  
म्य पूरण पूरय, करय गूरुँ गूरय ॥

खँसिथ ह्यो'र ह्यो'रुय, हो'रुम सोर मो'रुय ।  
शबानुँकि चूरय, करय गूरुँ गूरय ॥

वुछुम अर्द रातन, च्युँ निशि मुसमातन ।  
बँनिथ कोफूरय, करय गूरुँ गूरय ॥

## मन पम्पोश

भवानी भाग्यवान पंडित

---

गॅयायस अँदी, अमा सो'गँदी ।  
बॅनिथ बलुँ वीरय, करय गूरुँ गूरय ॥

यिमय पॅतिमि प्यारे, निमथ अटुँबारे ।  
को'रुम फाश सीरय, करय गूरुँ गूरय ॥

स्वने हुँदि खारय, म्य प्यव युन दुबारय ।  
नकुँल छुय कँतूरय, करय गूरुँ गूरय ॥

गॅलिथ तापुँ सूँतिय, वॅलिथ शापुँह सूँतिय ।  
थवुम पूरि पूरय, करय गूरुँ गूरय ॥

रिंदन हुँज जायी, कुलाबस कलायी ।  
गिंदव दूरि दूरय, करय गूरुँ गूरय ॥

च्य रँटिथम बहानय, दिमय सूदुँ सानय ।  
कसर क्या'ह कँसूरय, करय गूरुँ गूरय ॥

म्य वो'नमुत नो'नुय, बुँ द्वारुक पो'नुय ।  
जहर क्या जँहूरय, करय गूरुँ गूरय ॥



## मन पम्पोश

भवानी भाग्यवान पंडित

---

म्य निशि शक्तिपातुंय, ग्वरू शक्तिनार्थुंय ।  
वरुंय मंजूरय, करय गूरुं गूरय ॥

वनन भाग्यवानुंय, ग्वरुंय गौर ज़ानुंय ।  
थवथ पूरि नूरय, करय गूरुं गूरय ॥

\* \* \* \* \*

## 61 – कुनिय कथ म्यॉज कर मंज़ूर

कुनिय कथ म्यॉज कर मंज़ूर, वनान छय बागि इरमुँच हूर ॥

वुछुम वीदन पुराणन मंज़, वुछुम ऑयीन कुरानन मंज़ ।  
वुछुम मंज़ सूहमसुँय पूर, वनान छय बागि इरमुँच हूर ॥

डलन छुम द्वन अँछन स्वरुँमय, छलन छस चानि शबनमय ।  
गलन छस यारुँ मो ह्यम दूर, वनान छय बागि इरमुँच हूर ॥

ह्यचुँम यारस पथुँय खॉरी, तमिय आयम म्य अनवॉरी ।  
ह्यथुँय सॉरिय गँयस मंज़ूर, वनान छय बागि इरमुँच हूर ॥

यि को'रनम गवरुँ सुँदिय वाकन, न खूचुँस काँतिलन श्राकन ।  
नअ रुजुँस लोलुँ तीरन दूर, वनान छय बागि इरमुँच हूर ॥

म्य निशि मो गछ क्षणस छाये, म्य सूँत्य रोज़ युथ चुँ राधाये ।  
मनुक मंज़ुल ओ'मुक गूरुँ गूर, वनान छय बागि इरमुँच हूर ॥

म्य मो'गमय गवरुसुँदुय द्यानुँय, तो'तुय प्यठ दिम म्य परवानुँय ।  
तिमय पूरन करुँज छिय पूर, वनान छय बागि इरमुँच हूर ॥

## मन पम्पोश

भवानी भाग्यवान पंडित

---

ग्वरस सूंत्यन करुम कीवल, वरुंय दिथ यी म्य मों'गुंमय फल ।  
कुकिलि हुंजि बोलि मंज को'स्तूर, वनान छय बागि इरमुंच हूर ॥

करुन त्रेलूकिये प्रकरम, गछ्यम आसुन गुलस शबनम ।  
गुलस सूंतिय जलन छय मूर, वनान छय बागि इरमुंच हूर ॥

जिंदस गिंदुन म्य जानानय, मरिथ दिम शिवुं निर्वानय ।  
वतन वायुन सतुक संतूर, वनान छय बागि इरमुंच हूर ॥

म्य मों'गुंमय अवलि प्रभातन, गछ्यम सतग्वर पनुन क्षन क्षन ।  
करन भाग्यवान च्य अंथ्य मजबूर, वनान छय बागि इरमुंच हूर ॥

\* \* \* \* \*

## 62 – म्वनि मंज करय गूरुं गूरुं

म्वनि मंज करय गूरुं गूरुं, थनि चूरुं दामा चाव ।।  
थनि चूरुं नूरुंकि नूरुं, थनि चूरुं दामा चाव ।।

निशि आयि जसुधायि, छारान च्य गूरुंबायि ।  
बानन च्य को'रुंथख चूरुं, द्वुं चूरुं दामा चाव ।।

गिंदन सूंत्य राधाये, व्वठ छुंनिथ जमुनाये ।  
छारन च्य अकरुं, बो'हदूरुं दामा चाव ।।

कंसस हॉविथ ज़ोर, बुतरॉच वोलुथ बोर ।  
यंम्बरज्वलन पूरुं, बों'बूरुं दामा चाव ।।

ग्वरु वर ज़ानुन ज़्यूठ, अमृत खो'तुं छु म्यूठ ।  
युथ लोलुं वावस गूरुं, कनुं दूरुं दामा चाव ।।

वर मों'ग सो'दामन, सो'य छम म्य मनि कामन ।  
प्रारन स्वरगुंचि हूरुं, भरपूरुं दामा चाव ।।

तों'दूर तॉविथ छुम, ये'ति ललि को'र ओ'म ओ'म ।

## मन पम्पोश

भवानी भाग्यवान पंडित

---

काँठिस कर गूरुँ गूरुँ, मंसूरुँ दामा चाव ॥

कुकिलि नालन मंज, गोव्यंदुँ नावुक संज ।  
च्वन वीदन मंज पूरुँ, मंजूरुँ दामा चाव ॥

सुय भाग्यवाने ड्युँठ, मूलस को'रनय लूठ ।  
मँजलिस छे' अँलरान हूरुँ, मखमूरुँ दामा चाव ॥

\* \* \* \* \*

## 63 – छुम मुराँरी मंज मने

छुम मुराँरी मंज मने, ह्यो'त म्य ख्वने ललुँवुन ॥

पूरि कनि खो'त पूरुँ नूरय, गूरुँ गूरय करुँहॉस ।  
हूरुँ द्रायस वनुँ-वने, ह्यो'त म्य ख्वने ललुँवुन ॥

जर वुछमस हनि हने, सर वंदस पादनुँय ।  
वर यि द्युतुँनम तिय म्य बने, ह्यो'त म्य ख्वने ललुँवुन ॥

यि च्य मोंगुँनय सो'दामन, तिय म्य कामन मनि छम ।  
डॉल्य् चाँनी कॉल्य् नने, ह्यो'त म्य ख्वने ललुँवुन ॥

तनुँ छोंडुम दूरि दूरे, अज म्य बमुन मूरि आम ।  
युथ आमुत रक्षमने, ह्यो'त म्य ख्वने ललुँवुन ॥

मस द्युतुँनम मस्तानन, जानानन पानुँ म्य ।  
हर वुछुमय हरुँकने, ह्यो'त म्य ख्वने ललुँवुन ॥

ये'ति रुजिथ क्या छु लारुन, गछि फ्यारुन द्वद तुँ पोअ ।  
मंज रुजिथ अंदुँ कने, ह्यो'त म्य ख्वने ललुँवुन ॥

## मन पम्पोश

भवानी भाग्यवान पंडित

---

दोर त्राँविथ बोर ल्वते, स्वति स्वते अंदि क्या ।  
मँज़िलस लॅग्य् वातुँने, ह्यो'त म्य ख्वने ललुँवुन ॥

ग्वरु शब्दस मॉल बरुन, सॉल करुन हे'रि ब्वन ।  
पाश त्रो'पुँरिथ गाश अने, ह्यो'त म्य ख्वने ललुँवुन ॥

रुज़ कुकिल मंज़ दमस, लोलुँ शमस प्रारुँने ।  
तति कीवल द्वन बने, ह्यो'त म्य ख्वने ललुँवुन ॥

बोलि अंदर बोलि गोव्यंद, तोलुँ सूँतिय तोलि पान ।  
लोलुँ मय रोज़ दामुँ च्यने, ह्यो'त म्य ख्वने ललुँवुन ॥

भाग्यवानन हनि हने, मनि गोव्यंद वनि आम ।  
भागि आमुत भाग्यवाने, ह्यो'त म्य ख्वने ललुँवुन ॥

\* \* \* \* \*

## 64 – को'रुम ओ'म ओ'मुँय

को'रुम ओ'म ओ'मुँय ओ'मकारुँय बनून छुम ॥

लगय ग्वरु पादन थवुम गोश नादन ।

बे'हय मंज साधन ग्वरुँनुँय वनुन छुम ॥

वुछुम मनुँ वाजे जगतुक राजे ।

जुँ छस द्वदुँ माजे ना'हकय छे'नुन छुम ॥

दँछिज कृष्ण जीवुँय खोवुँर्य सु शीवुँय ।

छु दीवादिदीवुँय दिहि निशि तनुन छुम ॥

खोवुँर्य त्रिशूला दँछिज सोशीला ।

बँरुँम लोलुँ मीला अछरन खनुन छुम ॥

छु अमृत बानस मनुँकिस थानस ।

अँमिस जानानस ग्वरस क्युत अनुन छुम ॥

दिमस लोलुँ सुँतिय ति च्यन तति कूँतिय ।

तिमय च्यन यिमन सूसूहस मंज सनुन छुम ॥



## मन पम्पोश

भवानी भाग्यवान पंडित

---

खँचस ह्यो'र वारा ये'तिय आयि धारा ।  
म्य वुछुमय सु हारा सो'दूरस सनुन छुम ॥

खचुँस वारुँ वारय नबस ज़न सितारय ।  
वसय मा दुबारय कीवल ननुन छुम ॥

वँजिस चानि माये लगय पो'त छाये ।  
गंगाये गँयाये गोकल गनुन छुम ॥

छु तीज़स तीज़ुँय भँवर क्या चीज़ुँय ।  
स्व छय अख वीज़ुँय बो'बूरुँय बननुन छुम ॥

ग्वरन सूँत्य मेलुन, म्य छुय अदुँ खेलुन,  
हरुन छो'र मो'रुय, छो'ज छोनिय मा छनुन छुम ॥

वुछान गछ चो'पोरुय, मअ कर ज़ोरुँ शोरुय,  
बँनिथ रोज़ चोरुय बे'यन क्या प्रनुन छुम ॥

यि छुम ग्वरुँ वाकुँय, छु क्या व्वज बाकुँय,  
सु पानय साकुँय मित्र निर्धनन छुम ॥

## मन पम्पोश

भवानी भाग्यवान पंडित

---

बँनिथ भाग्यवानन खसुन छुय वे'मानन,  
अंदर अभिमानन कूँत्यन अनुन छुम ॥

\* \* \* \* \*

## 65 – रुम छिम बोलान

रुम छिम बोलान ओ'म ओ'म, ओ'मकारुँ रो'टमख नालय ।

मलालुँ क्या छुय म्योनुय, माशोकुँ अज यितुँ सोनुय ।  
वायय सूहमुँचि तारय, सेतारुँ रो'टमख नालय ॥

ते'लि जूनि प्रकाश हूरे, ये'लि खसि नकाश पूरे ।  
दूरे रोजन नुँ सितारुँ खावारुँ रो'टमख नालय ॥

होवुथ म्य क्या ख्वाबुँय, आबस अंदर आबुँय ।  
तनुन तुँ म्वटुन छु दुशवार, आबशारुँ रो'टमख नालय ॥

ते'लि शीशि करान कुलकुल, ये'लि मेलि गुलस बुलबुल ।  
बुलबुल छु छांडान बहार, ल्वकचारुँ रो'टमख नालय ॥

वैल्यमुँत्य यिम चॉज सोज्ज, तिम रोजुँ दैरिथ रोजन ।  
रातस बोज्जन सिपारुँ, सहारुँ रो'टमख नालय ॥

हर म्वखुँ हर गछि च्यो'नुय, हरी हरस ह्यो'नुय ।  
गंगायि, गँयायि, गुपकारुँ, हरद्वारुँ रो'टमख नालय ॥

## मन पम्पोश

भवानी भाग्यवान पंडित

---

सवारि वुछुमय बृशब, त्रॉविथ तुरिया तुँ सो'शप्त ।  
मंज नें'द्राये करारुँ, सवारुँ रो'टमख नालय ॥

द्युत जोश म्य चॉज लोलन, तमिय आयस बुँ शोलन ।  
कोयुँलन गोंडुन म्य नार, यखबार रो'टमख नालय ॥

सरखम रूजुँस करिथ, प्रेयमुँ ज्ञानुँ बॅरिथ ।  
हॅरिथ आहम अहंकार, उपकारुँ रो'टमख नालय ॥

वाँतिथ स्यमंज स्वथे, पंपोशि लॅक्षमी-पते ।  
द्वन दरवाज़न दुबारुँ, दुयि चारुँ रो'टमख नालय ॥

सूहस तुँ हमस नीरिथ, शेरे अंदर शीरिथ ।  
सोरुय सपुद हमवार, आहारुँ रो'टमख नालय ॥

चो'ल भाग्यवाने शख भ्रम, गोव्यंदुँ नावुँय छु उत्तम ।  
छोरुम गामुँ तुँ शहारुँ, ग्वरुँद्वारुँ रो'टमख नालय ॥

\* \* \* \* \*

## 66 – प्यारे मन मोहन

प्यारे मन मोहन पाया दर्शन, आया मोहन प्यारी ।  
सत सत बोलन सातवां भोजन, और भी सातवां कारी ॥

गंगा गया और बिन्द्राबन, गाना गीत गुहारी ।  
भूखन भूजन देना क्षन क्षन, लेना लैल व निहारी ॥

गुरु धारण या गोवर्धन, धारन कैसा धारी ।  
खानापीना जाना है नन्न, आना माय प्यारी ॥

रोना रोना सोना बचपन, ठाकना ठाकुर द्वारी ।  
फूल गये फूलन पूरण पूरण, पूरण परम पुजारी ॥

कैसी पूजा कैसा तन मन, फूलन करना हारी ।  
सोने का लोटा चाँदी के बरतन, चलती गंगा धारी ॥

लेना है वृत पीना अमृत, नागर गुरु नरनारी ।  
गाना गुहारी लाना मुहारी, खाना दही दुहारी ॥

पाया दर्शन गुरु के चरणन, गोव्यंद गिरधर धारी ।

**मन पम्पोश**

भवानी भाग्यवान पंडित

---

ध्यान में ध्यान है जो भाग्यवान है, प्राण में प्राण की प्यारी ।।

\* \* \* \* \*

## 67 – बुँ सोज़ वनय शबानुँ

बुँ सोज़ वनय शबानुँ, जानानुँ बोज़ुम कनय ॥

आफ़वर वुछुम इला'ह, न सामानय न सिला'ह ।  
दो'गुँज गँयम दसवानुँ, दुरदानुँ बोज़ुम कनय ॥

दौरिथ रोज़ुम दस्तय, लागय अस्तय अस्तय ।  
खावर वुछमय खोबानुँ, ताबानुँ बोज़ुम कनय ॥

लालन करिमय मालय, नालय रँटिथ नालय ।  
यकस वुछुम यकसानुँ, रवानुँ बोज़ुम कनय ॥

मस च्यथ आयम मँस्ती, हॉवुँम म्य हम हँस्ती ।  
पेचस अंदर पेचानुँ, मस्तानुँ बोज़ुम कनय ॥

द्वन येलि सपुद म्युलुय, त्रे'शिवुँज कँरम बुलुय ।  
शाहन अंदर शाहानुँ, हमरानुँ बोज़ुम कनय ॥

पीरन द्युतुम हॉविथ, वीरस सीरा बाँविथ ।  
दो'यि चारुँ रो'टमस दामानुँ, दवानुँ बोज़ुम कनय ॥

## मन पम्पोश

भवानी भाग्यवान पंडित

---

बूज़िथ कॅरनम यॉरी, खॉली वुछिन नॉरी ।  
पॉविथ द्युतुंनम निशानुं, कमानुं बोज़ुम कनय ॥

वॉरागुं शॅस्तुर गॅरिथ, लोलुंकि अलमासुं बॅरिथ ।  
नअ रूद्य तीरुं नअ कमानुं, निशानुं बोज़ुम कनय ॥

हे'रि ति खॅचुंस ह्यो'रुय, छो'रुय हो'रुम मो'रुय ।  
वज़ानुं वुछुम ग्रज़ानुं, खज़ानुं बोज़ुम कनय ॥

मे'चुंय नअ दॅरियावुंय, वावस अंदर वावुंय ।  
नो'वुय वुछुम नवानुं, च्यवानुं बोज़ुम कनय ॥

ब्यंदुंय नअ रूद्य नादुंय, न साधुंनाये साधुंय ।  
न सतुं—संतूर शमानुं, वे'मानुं बोज़ुम कनय ॥

ग्वरन सूंत्य मानुंय, नीरिथ छु न्यरवानुंय ।  
वुछुम पनुन पानुंय, भगवानुं बोज़ुम कनय ॥

गोव्यंदुं चुंय भाग्यवानुंय, वुछमय नव न्यधानुंय ।  
आना कॅरिथ फानुंय, द्युन दान बोज़ुम कनय ॥



## 68 – च्युंय गोव्यंदय ह्यो'र

च्युंय गोव्यंदय ह्यो'र क्या बो'नुंय, म्य मंज संग्गासनुंय छुय ।।

संग्गासनुंय छुय स्व'नुं सुंदुय, प्याला द्वंदा द्वंदुय छुय ।  
अँछन मंज त्राव दँछिन्न ख्वनुंय, म्य मंज संग्गासनुंय छुय ।।

संग्गासनस जरिमय र्वने, केंचन जायन छ्वने छय ।  
कें'ह छुय ह्यो'र तुँ कें'ह ब्वन कुनुय, म्य मंज संग्गासनुंय छुय ।।

संग्गासनस छुय वथरुनुय, प्रकाशि खोतुँ तो'नुय छुय ।  
नकाश वुछमय रव रम्बुँवुनुय, म्य मंज संग्गासनुंय छुय ।।

संग्गासनस च्य चार बॉलीनय, ओ'नमुत म्य चीनमा—चीनय छुय ।  
तो'त बालि सूजुम कोतुर को'नुय, म्य मंज संग्गासनुंय छुय ।।

संग्गासनस च्य वुरुन श्जालय, अन्दन म्वखतुँचि चालय छय ।  
डाला दितम पछिम कुनुय, म्य मंज संग्गासनुंय छुय ।।

## मन पम्पोश

भवानी भाग्यवान पंडित

जुँचय चाने वुछे'म रुँचय, वनतो यिम कस किचय छय ।  
अमिय आयस चे'य ब्रोंटुँकुनुय, म्य मंज संग्गासनुँय छुय ॥

गँयम तँरिथ पे'यस हरिथ, अलमासुँ खोतुँ बँरिथ छय ।  
तमिय म्य सोरुय को'डुम नो'नुय, म्य मंज संग्गासनुँय छुय ॥

गँयम पारय वारय वारय, वारय शमशेरि धारय छय ।  
कशा को'डुथ खश गोम सो'नुय, म्य मंज संग्गासनुँय छुय ॥

तमिय छोंडुम म्य मरहमुँय, केंचन गोमुत दमुँय छुय ।  
केंचन लँदिथ गव लूहरुनुय, म्य मंज संग्गासनुँय छुय ॥

तीजय चोनुय छु क्या चीजँय, म्य किच वन क्वसुँ वीजुँय छय ।  
ये'लि बुँ मंगय ते'लि छुय द्युनुय, म्य मंज संग्गासनुँय छुय ॥

छस उदोँसी थवुम म्य दोँसी, कस कित्प्रेयमुँक् खोँसी छिय ।  
यस निश प्रेयम वुछुथ गो'नुय, म्य मंज संग्गासनुँय छुय ॥

कृष्णनि हिशे वुछिमय चालय, सोरुय म्य हवालय छुय ।  
नअ काँसि ह्यो'नुय नअ काँसि द्युनुय, म्य मंज संग्गासनुँय छुय ॥

वो'न भाग्यवाने च्य बे'यि बे'ये, सदाशेवुँज द्रुँये छय ।

**मन पम्पोश**

भवानी भाग्यवान पण्डित

---

सदा म्य निशि छुय रोजुनुय, म्य मंज संगसनुय छुय ।।

\* \* \* \* \*

## 69 – दिमय लोलुं आलव

दिमय लोलुं आलव असुंवुंनि हों'जे ।  
बुं प्यठ पोशि लंजे करय गूरगूर ॥

गँयम ललि ज्वलय अंदर तों'दूरस  
तँतिय सूँत्य् सूरस सपदुम सूर ।  
हे'तिय सूरुं मँतीय द्युतुम हुसनुं गंजे, बुं प्यठ पोशि लंजे करय गूरगूर ॥

च्य लोगुथ ओ'नुय म्य द्युतुंथम वो'नुय  
वनन छिम लॉला बिहिशतुंच हूर ।  
शबानुं सॉला करव छों'जि छों'जे, बुं प्यठ पोशि लंजे करय गूरगूर ॥

शबानुक शमुंय बुं नूर बेगमुंय  
तमिय यकदमुंय गँयस मंज़ूर ।  
म्य शा'ह शाहानय छु रूजिथ पें'जे, बुं प्यठ पोशि लंजे करय गूरगूर ॥

बिंद्राबनुंय अंदर रक्षमनुंय  
द्रायस छँडुंनि कनुं कुय दूर ।  
म्य मंज़ लालुं गोशन वुछुम स्वनि रंजे, बुं प्यठ पोशि लंजे करय गूरगूर ॥

## मन पम्पोश

भवानी भाग्यवान पंडित

गो'मुत ह्यंजि भये छु प्रेयमुँचि शे'ये  
सु हातुँमि तये म्य निशि छुनुँ दूर ।  
द्युतुम भरथेरियन म्य ख्यव खंजि खंजे, बुँ प्यठ पोशि लंजे करय गूरगूर ॥

तमिय जानानय म्य छोंडुम पानय  
तँमिस सूँत्य पूरन करुँज छिम पूर ।  
म्य द्युतुँमस दानय वँसिथ पे'यि कंजे, बुँ प्यठ पोशि लंजे करय गूरगूर ॥

भयानक स्वने म्य न्युव हनि हने  
तँमिस नूँ तने छु फो'लमुत सूर ।  
लँजिय लूकुँ पामन गँजिय चंजि चंजे, बुँ प्यठ पोशि लंजे करय गूरगूर ॥

अंदर दफतरस गँयस आगरस  
ततिय किशवरस ह्यो'तुम ओ'म्बूर ।  
तँरिथ गव खातस म्य को'रमस पंजे, बुँ प्यठ पोशि लंजे करय गूरगूर ॥

जटन मंज जटा, जटा मुकटा  
म्य न्युव इकवटा सतुक सोबूर ।  
तर चुँ तारचे संगुँय मा छु डंजे, बुँ प्यठ पोशि लंजे करय गूरगूर ॥

च्य ग्युंदुथ ज़ारुँय परस्पर प्यारुँय  
वुछुम दशवारुँय पछिम क्या पूर ।

## मन पम्पोश

भवानी भाग्यवान पंडित

बियाबानुँनुँय मंज शय्या मा छे' डंजे, बुँ प्यठ पोशि लंजे करय गूरगूर ॥

च्य निशि छे'नुँ गोमुत सत तुँ असतुँय

तमिय लोलुँ वथुँय च्य निशि छनुँ पूर ।

फो'लिम कोयलनुँय गुल वॅलिम रों'जि रों'जे, बुँ प्यठ पोशि लंजे करय गूरगूर ॥

म्य पॉरुम पानय सतुक सामानय

को'रुम कुरबानय दिलुक दूर दूर ।

शिलुक ताबानय म्य अंदर वंजे, बुँ प्यठ पोशि लंजे करय गूरगूर ॥

चुँ कृष्णुँनि खालय वो'नुय कॅम्य दयालय

बुँ हावय मजालय सतुक संतूर ।

अंदर कलि कालय गुंदुम क्या ब्रिंजे, बुँ प्यठ पोशि लंजे करय गूरगूर ॥

तुलुथ म्व'ख्तुँ हारा छुनुथ नॉल्य होने

वलनुँ आव धोने सु नूरुक नूर ।

कल ही चल चली गली में कुंजे, बुँ प्यठ पोशि लंजे करय गूरगूर ॥

छु अँक्यसुँय शाफुँय बे'यन कवुँ ज़ाफुँय

म्य वो'नमय साफुँय छु द्वन क्युथ क्रूर ।

रटख निशि पानस अंदर शिकंजे, बुँ प्यठ पोशि लंजे करय गूरगूर ॥

**मन पम्पोश**

भवानी भाग्यवान पंडित

---

बॅनिथ भाग्यवानुंय कमालुंच्य कमानुंय  
तमिय यखसानुंय सपुद मंसूर ।  
छे' जीतिथ ज़ारस अंदर शतरंजे, बुं प्यठ पोशि लंजे करय गूरगूर ॥

\* \* \* \* \*

## 70 – संगरमालन क्वलुँ क्वलो

संगरमालन क्वलुँ क्वलो, संगर छँडिथ सोन व्वलो ॥

पृथवी परमधामुँसुँय, आगमस अनामुँसुँय ।  
वो'थ आकाशस ज़िलज़िलो, संगर छँडिथ सोन व्वलो ॥

ये'मि पुछि च्य को'रमुत दीशि त्याग, तमिकुय ओसुम वॉराग ।  
हमि मा यिमन नँदियन ज़लो, संगर छँडिथ सोन व्वलो ॥

अँगनस तुँ वावस अर्थुवास, नअ रोज़ि सूर तय नय सास ।  
न रोज़ि फल अदुँ नय खलो, संगर छँडिथ सोन व्वलो ॥

छय त्रेशि हतिनुँय त्रेश दिज, केंचन काशी काँश्य निज ।  
केंचन पेमुँच नें'द्रे ज़वलो, संगर छँडिथ सोन व्वलो ॥

कें'ह न्यँदरि हँत्य् वुजुँनावुँनी, केंचन सीर छिय भावनी ।  
पज़िच्यन रज़न छुयनो म्वलो, संगर छँडिथ सोन व्वलो ॥

कें'ह छिय प्रारन दर्शनस, कें'ह अमृतुँकिस वरशनस ।  
केंचन रिंदन ग्युँदुथम छलो, संगर छँडिथ सोन व्वलो ॥



कें'ह न्यँदरि मंजं च्य आलव दिवान, कें'ह सालुँ मँत्य् सालव निवान ।

कें'ह यार प्रारन यारुँबलो, संगर छँडिथ सोन व्वलो ॥

रंगुँ रंगुँ बागस गुल फँलिय, द्रुँय छम चॉज जुँय छि मो'ली ।

सो'म्बुल तुँ बे'यि यँबुँरजलो, संगर छँडिथ सोन व्वलो ॥

रशवथ बनून दुशवार छुय, गुलुँनुँय निशि सग नार छुय ।

हम तुल अथस छुख हॉमिलो, संगर छँडिथ सोन व्वलो ॥

कमज्यादुँ वो'नमय खम च्रुँ त्राव, बस कर बदस व्वज बर मुँ चाव ।

स्वन छुम छुनिथ ब्वन कलो, संगर छँडिथ सोन व्वलो ॥

दस्तुँ पनुँनि तमि खो'नुन चाह, अस्तुँ छुनिम बस ला-इला'ह ।

से'हरय सुलयमान ठान पलो, संगर छँडिथ सोन व्वलो ॥

छुख शे'यि, बे'यि वुनि नेरि मा, नीरिथ गॉमुँच अकि क्रेरि मा ।

तति डुँगुँ लॉयिथ डुँगुँलो, संगर छँडिथ सोन व्वलो ॥

वो'ज नो च्य मंजं तिम ज़ोर छिय, वुछ मोरुँ सुँद्य हिव्व् खोर छिय ।

ये'मि हाचि रँटथस हाचलो, संगर छँडिथ सोन व्वलो ॥

## मन पम्पोश

भवानी भाग्यवान पँडित

---

शा'ह छांडनस क्या रा'ह खो'तुम, गजिक्युत म्य गँज्यगाहन मा ह्यो'तुम ।  
सत छुम अथस पत मा डलो, संगर छँडिथ सोन व्वलो ॥

आदनुँ साधन हुंद चुँ सर, ताजे हिलाल ताबानुँ तर ।  
वादन थो'वुक पादन तलो, संगर छँडिथ सोन व्वलो ॥

म्य सूँत्य रो'जुन छुय सदा, शेरस सवारे छुय गदा ।  
डेरस वुछुस मा अख पलो, संगर छँडिथ सोन व्वलो ॥

पछ नय यियी व्वज दूर नो, साधन ति वादा पूर नो ।  
कर हू हू अल आँकुँलो, संगर छँडिथ सोन व्वलो ॥

छय भाग्यवान लॉला अँलिफ, साँला करव अज़ मुखतँलिफ ।  
ख्यन छुम नुँ केँह च्यो'न छुम ज़लो, संगर छँडिथ सोन व्वलो ॥

\* \* \* \* \*

## 71 – परवाय छुम नो दानुँ

परवाय छुम नो दानुँ, परवानुँ गत्यो हो ।  
चे'य सँत्य म्य गोम यखसानुँ, जानानुँ मत्यो हो ॥

अथ शमह रोयस पथ, नाहक म्य कँरमय गथ ।  
नअ वुँ ह्यो'द नअ मुसलमानुँ, जानानुँ मत्यो हो ॥

म्यानि खो'तुँ छुख कमजोर, पथ प्योम मूरुन खोर ।  
सथ गँयिमुँ वहदत वानुँ, जानानुँ मत्यो हो ॥

जरसुँय प्योम ज़रगर, पथ कुन म्य दिचुँमय थर ।  
ताबन करस ताबानुँ, जानानुँ मत्यो हो ॥

म्वखतस म्य को'रनम हार, ज़न छुम चँद्रमुँ तार ।  
वुछि क्या म्य तथ अनज़ानुँ, जानानुँ मत्यो हो ॥

शीवस छस शेरि, यकांतुँचि हेरि ।  
दम ह्यथ छु नवशेरवानुँ, जानानुँ मत्यो हो ॥

होरिय मा म्योनुय दाश, अदुँ छम नुँ बचनुँच आश ।

## मन पम्पोश

भवानी भाग्यवान पंडित

---

कनुँनुँय गॅयम कनुँवानुँ, जानानुँ मत्यो हो ॥

लॉलि हुँज हूज आये, थँवुँथन छायि छाये ।  
लोगुथ मजनून खानुँ, जानानुँ मत्यो हो ॥

हारा छुँओथस नॉल्य, तमि निशि कॅरमय खॉल्य् ।  
सन यथ वनुँ ननि वानुँ, जानानुँ मत्यो हो ॥

कॅम्य लोग होनि यखलास, दस दोनि द्युतुनय वास ।  
बस कर बजोस बिरियानुँ, जानानुँ मत्यो हो ॥

वुछमख आदमि खाव, किथुँ वनुँ तमिकुय नाव ।  
तमिकिज कॅरमय मानुँ, जानानुँ मत्यो हो ॥

ख्यन—च्यन तवुँ त्रोवुम, घन रात न्यंगुँलुवुम ।  
पथ रोज़ पस—पयमानुँ, जानानुँ मत्यो हो ॥

चे'य मंज ओस आहम, तवुँ छिय सॉरिय गम ।  
वुजि तोश छुय आदान, जानानुँ मत्यो हो ॥

चढ् ज़ाल युस वूनुथ, वूनमुत किथुँ दूनुथ ।

## मन पम्पोश

भवानी भाग्यवान पंडित

---

लोगुथ नाफरमानुं, जानानुं मत्यो हो ॥

म्य अथि सोरुय छुय, तथ छम चॉनिय द्रुंय ।  
भगवानुं बनख भाग्यवानुं, जानानुं मत्यो हो ॥

\* \* \* \* \*

## 72 – मैं गुरु की दास दयालू

मैं गुरु की दास दयालू, मैं गुरु के पास हूँ ॥

पीछे गजगाह नीचे दरिया, वासदेवों का वास हूँ ।  
राजमहल की रास दयालू, मैं गुरु के पास हूँ ॥

पहले हमने हर दिया था, पीछे उस ने वर दिया ।  
खासों से खास दयालू, मैं गुरु के पास हूँ ॥

पीके पीके फस गया था, जैसे नस में मास है ।  
सत असत अभ्यास दयालू, मैं गुरु के पास हूँ ॥

मैं गुरु की नाम दयालू, और नहीं कुछ खास है ।  
विशय विषय विश्वास दयालू, मैं गुरु के पास हूँ ॥

भाग्यवानी प्रेमवानी, मुख मुक्ती मुख्वास हूँ ।  
गंधरब ग्रंथ ग्रास दयालू, मैं गुरु के पास हूँ ॥

\* \* \* \* \*

## 73 – युस म्य ओसुय

युस म्य ओसुय रूटुमुत, सुय श्याम म्य निशि ब्यूटुमुत ।  
ला'ह कॅरिथ छुम लूटुमुत, सुय श्याम म्य निशि ब्यूटुमुत ॥

छुम मुश्ताक हुस्नि गंजस, शतरंजस गिंदनि द्राम ।  
दरदि दिल तॅम्य ड्युँटुमुत, सुय श्याम म्य निशि ब्यूटुमुत ॥

जीत जीतम जानानस, जेलखानस जामि जम ।  
पेचानस वूटुमुत, सुय श्याम म्य निशि ब्यूटुमुत ॥

सथ कॅरम ग्वरुँवुँय, करुँज गथ तथ शमस पथ रात तुँ घन ।  
मय तुँ मदहम म्यूटुमुत, सुय श्याम म्य निशि ब्यूटुमुत ॥

ललि हुँद्य पॉक्य डाल दिचुँ म्य, नालुँ रो'टमय रो-ब-रो ।  
शीव-शीवालुँ शूटुमुत, सुय श्याम म्य निशि ब्यूटुमुत ॥

काँ'ह दो'युम मा सूँत्य थो'वमस, कूँत्य ऑसिम ज़ागुँनस ।  
याद आमुत मूटुमुत, सुय श्याम म्य निशि ब्यूटुमुत ॥

कारि पॅत्य् फो'ल्य् वारि म्याने, प्यारि रोज़य लागुँने ।

## मन पम्पोश

भवानी भाग्यवान पंडित

---

छु पारिजाथा द्रूटुमुत, सुय श्याम म्य निशि ब्यूटुमुत ॥

मनुँनोवुम मानुँनोवुम, थानुँसुँय ठोकुर थो'वुम ।  
दूरिरुक दुपुँ च्यूटुमुत, सुय श्याम म्य निशि ब्यूटुमुत ॥

ग्वडुँ दूरयर यूत पोवुन, अदुँ प्रोवुन आश्रम ।  
आदुनुक अन्न कूटुमुत, सुय श्याम म्य निशि ब्यूटुमुत ॥

शीत—शक्ती भोग भक्ती, ह्यथ म्य ऑसिम आमुँती ।  
युक्ती यखुँ गूटुमुत, सुय श्याम म्य निशि ब्यूटुमुत ॥

भाग्यवाने गॉर ज़ाने आनि माने गव न केँह ।  
पज़ि तैस्य् यस पूटुमुत, सुय श्याम म्य निशि ब्यूटुमुत ॥

\* \* \* \* \*



## 74 – जागो जागो कृष्णा

जागो जागो जागो कृष्णा, जागो कृष्ण मुरारी ।  
आओ आओ आओ कृष्णा, पियो तू अमृतधारी ॥

खाओ खाओ खाओ कृष्णा, खाओ दही दुहारी ।  
जाओ जाओ जाओ कृष्णा, जाओ बाहर बिहारी ॥

लाओ लाओ लाओ कृष्णा, लाओ लोटा लुहारी ।  
भावो भावो भावो कृष्णा, भावो भुही भुहारी ॥

चाओ चाओ चाओ कृष्णा, चाओ चुली चुहारी ।  
रागो रागो रागो कृष्णा, आगय राधा प्यारी ॥

बोलो बोलो बोलो कृष्णा, खोलो मोती मुहारी ।  
तोलो तोलो तोलो कृष्णा, तुल गय तुली तुलारी ॥

गाओ गाओ गाओ कृष्णा, गाओ गीत गुहारी ।  
थाओ थाओ थाओ कृष्णा, थक गय माय प्यारी ॥

बाली बाली बाली कृष्णा, बाली घूंगरवाली ।

## मन पम्पोश

भवानी भाग्यवान पँडित

---

उठी उठी माय देखो, आगय कृष्ण मुरारी ॥

माय की प्यारी राज दुलारी, लाओ मोती मुहारी ।  
मत रो भाग्यवान बेटा कृष्णा, बेटा राज दुलारी ॥

\* \* \* \* \*

## 75 – चॉन्य लोलन

चॉन्य लोलन कॅरस बाँबरे, गरि गरे सू हम सू ।  
पान नाँविथ साँविथ च्य लरे, गरि गरे सू हम सू ॥

म्वख हावतम छुख कथ गरे, पोशि थरे सू हम सू ।  
सिलसिलुँकुय गुल नो हरे, गरि गरे सू हम सू ॥

रव सिरियस प्रव मा'हवरे, कनुँ दरे सू हम सू ।  
गुरुँ करुँयो दुरदानुँ दरे, गरि गरे सू हम सू ॥

लय ये'म्य कॅर भय तस हरे, रोजि गरे सू हम सू ।  
यारस सुँत्य नारस तरे, गरि गरे सू हम सू ॥

बूद नाबूद सूद क्या तरे, रछि दरे सू हम सू ।  
जुरुँ अँद्रय ज़र मा हरे, गरि गरे सू हम सू ॥

छुय सागर मंज गागरे, चरखरे सू हम सू ।  
मो'र ये'म्य हो'र तस क्या मरे, गरि गरे सू हम सू ॥

चे'शमि आहू लब शकरे, प्यालुँ बरे सू हम सू ।

## मन पम्पोश

भवानी भाग्यवान पँडित

---

कन दारिथ मन मंथरे, गरि गरे सू हम सू ।।

नालुँ रँटिथ आलवय नरे, मन धरे सू हम सू ।  
गथ गतुँरे'ज पथ कथ करे, गरि गरे सू हम सू ।।

म्वखतुँ हारय म्यानि दु—लरे, रोज़ लरे सू हम सू ।  
छे'न बनुँनय पथ कथ तरे, गरि गरे सू हम सू ।।

ये'लि खँचसय प्यठ चरखरे, हेरि हेरे सू हम सू ।  
छो'ज छो'ज गोम बुंगरि नरे, गरि गरे सू हम सू ।।

डखि रोज़ुस कुंदन करे, दारि बरे सू हम सू ।  
अँद्रुँ जँद्रय नतुँ किथुँ दरे, गरि गरे सू हम सू ।।

राजुँ हंसस पर मा हरे, लो लरे सू हम सू ।  
तम को'डमय हमसुँनि गरे, गरि गरे सू हम सू ।।

प्यालुँ चे'यिमय बालादरे, गँयि वरे सू हम सू ।  
द्वन ख्वन दार गुलदख परे, गरि गरे सू हम सू ।।

आयि भाग्यवान कुकिलि मरे, बोलि करे गोव्यंदुँ—गू ।  
गोव्यंदुँनुय ध्याना दरे, गरि गरे सू हम सू ।।

**मन पम्पोश**  
भवानी भाग्यवान पंडित

---

\* \* \* \* \*

## 76 – मतुँ गिन्दतम

मतुँ गिन्दतम छे'पुँह छारे'न, गाशि ब्रार्यन प्रारुँयो ।।

सिरियि सुंदुय रूप हावुम, दीप ज़ालुम ज्ञानुँकुय ।  
अटुँ मुच़राव वटुँबार्यन, गाशि ब्रार्यन प्रारुँयो ।।

ज्ञानुँ—सिरिये गोम उदय, फो'ल म्य हृदय ज्ञानुँ सूँत्य ।  
ओम नार्यन ज़ोम वार्यन, गाशि ब्रार्यन प्रारुँयो ।।

नालुँ रटुँहँत नॉल्य् नालय, दयालय रो—ब—रो ।  
गुल फवलुँनम कँड्य खार्यन, गाशि ब्रार्यन प्रारुँयो ।।

चरणन हुंद ध्यान स्वरुँनय, बरनुँ आयस ज्ञानुँ सूँत्य ।  
दयि सग छुय वनयार्यन, गाशि ब्रार्यन प्रारुँयो ।।

थनि चूरा र्वनि छ्वज छ्वज, चोन बूजुम गोशिवुँय ।  
होश न्यूनम वन—हार्यन, गाशि ब्रार्यन प्रारुँयो ।।

कृष्णुँ कीशव रूप वुछुमय, दीप वुछुमय कीवलुँय ।  
सत जीनिथ आँठ गार्यन, गाशि ब्रार्यन प्रारुँयो ।।

## मन पम्पोश

भवानी भाग्यवान पंडित

---

नव दारे बंद कॅर्यथुंय दॅह छि हॅरिथुंय पेमुंत्य ।  
कॅहिमे अनवारि खार्यन, गाशि ब्रार्यन प्रारुंयो ॥

बा'हवुंज बुरजन म्य वुछुमय, सिरियि सु छुमय खावरुंय ।  
हावुं कोता'ह बावुं चार्यन, गाशि ब्रार्यन प्रारुंयो ॥

वुछ च्वदुंहशय हुंज जून गॅजुंमा, जां'ह स्व वॅजुंमा ग्रहनुंनुंय ।  
सूंत्य तारख चांदमार्यन, गाशि ब्रार्यन प्रारुंयो ॥

दुय वॅजिम ये'लि सुय म्य डंयूठुम, हिय फो'जिम अदुं बागुंनुंय ।  
तोशिना अन पोश बार्यन, गाशि ब्रार्यन प्रारुंयो ॥

गुल फो'लुम सो'म्बुल फो'लुम म्य रव जो'लुम अदुं गाश आम ।  
लॅज्य् फुलय वनन तुं वार्यन, गाशि ब्रार्यन प्रारुंयो ॥

पूज करुंहाँय गोव्यंदय, नादुं—ब्यंदय रो—बुं—रो ।  
भाग्यवाने शानुं सार्यन, गाशि ब्रार्यन प्रारुंयो ॥

\* \* \* \* \*

## 77 – लोलुं नादन दारिथ

लोलुं नादन दारिथ कन मय डयूँतुवोन ।  
वॅनिवी सॅखियव मनमोहन मय डयूँतुवोन ॥

ग्वडुँ लॉयिमस लोलुंक्य् नादुँय म्य  
अदुँ पूजिमस पंपोशि पादुँय म्य ।  
जिंदुँ पानय बिंद्राबन मय डयूँतुवोन, वॅनिवी सॅखियव मनमोहन मय डयूँतुवोन ॥

मुलीं नाद बूजुम कनुँवुँय म्य  
द्युत हॉविथ ग्वरुँ सतजनुँवुँय म्य ।  
तथ क्षणुँसुँय नाय गोम छ्यन मय डयूँतुवोन, वॅनिवी सॅखियव मनमोहन मय डयूँतुवोन ॥

मोर मुकुटुँ दारिथ श्यामुँ स्वंदर  
छुम तोशन लोलुँ पोशन अंदर ।  
सूँत्य सूँतिय छस रक्षमन मय डयूँतुवोन, वॅनिवी सॅखियव मनमोहन मय डयूँतुवोन ॥

बालुँ बावुँ हॉवुँनम बालुँ लीला  
नालुँ रॅटनस यिछ तस सोशीला ।  
चालुँ वुछिनस सो'दामन मय डयूँतुवोन, वॅनिवी सॅखियव मनमोहन मय डयूँतुवोन ॥



## मन पम्पोश

भवानी भाग्यवान पंडित

श्रान संघा ज़ोनुम नुँ पाठ पूज़ा  
लुकुँ निंघा ज़ॉनिम नुँ कां'ह चीज़ा ।  
कँर म्य दया दयालन मय डयूँतुँवोन, वँनिवी सँखियव मनमोहन मय डयूँतुँवोन ॥

सूहम अन ओ'नुँनम छावय म्य  
भवुँसरुँसुँय गंजिनम नावय म्य ।  
नाव तँम्यसुंद आनंद—ग्रा मय डयूँतुँवोन, वँनिवी सँखियव मनमोहन मय डयूँतुँवोन ॥

मन न्यूनम हूरे चूरे म्य  
भाव को'रमस तोसुँ पोंबूरे म्य ।  
युथ वाव छुय गोवरधन मय डयूँतुँवोन, वँनिवी सँखियव मनमोहन मय डयूँतुँवोन ॥

लोलुँ वावन त्रॉवुँम दोरुँय म्य  
सूँत्य कावन बूजुम शोरुँय म्य ।  
बाज़ फेरुन छुनय हमसन मय डयूँतुँवोन, वँनिवी सँखियव मनमोहन मय डयूँतुँवोन ॥

कावुँ टावुक डर छा हंसुँ रूपस  
मछि हुँदी पर छा निशि दीपस ।  
परवानस तनि सूँत्य तन मय डयूँतुँवोन, वँनिवी सँखियव मनमोहन मय डयूँतुँवोन ॥

अँशकुँ पेचान मुशकुँ रज़ि वलुँनय आव  
माहि ताबान शबनमुँ छलुँनय आव ।

## मन पम्पोश

भवानी भाग्यवान पंडित

---

मंजु तारन रातर—द्यन मय डयूँटुवोन, वॅनिवी सॅखियव मनमोहन मय डयूँटुवोन ॥

भाग्यवाने कुकिलि को'र गोव्यंदु—गू

सू हम सू हमसू हा तय हू ।

शीवुँ शॅम्भू म्योन आदन मय डयूँटुवोन, वॅनिवी सॅखियव मनमोहन मय डयूँटुवोन ॥

\* \* \* \* \*

## 78 – मस नें'दरि मंज

मस नें'दरि मंज मस्त गॅयस मस प्यालुं च्य'वाँनी ।

आराम न्यूथम जलवुं होवुथ गोख रवाँनी ॥

पादन हा वंदय टाठि म्याने टाठ जवाँनी, आराम न्यूथम जलवुं होवुथ गोख रवाँनी ॥

निर्धन वुछिमय मस्त गॉमुँत्य नें'दरायि अंदर छिय

ज़रदार वुछ बेह्यस पेमुँत्य मायायि अंदर छिय ।

माया दिथ तस रावुंनस माया छु हावाँनी, आराम न्यूथम जलवुं होवुथ गोख रवाँनी ॥

माया छय छाया अथ कायायि थवाँनी

वुछ जोरि हुँजे रायि रावुन कोरि निवाँनी ।

वुछ लाँकि छाया रँटनय सायि रवाँनी, आराम न्यूथम जलवुं होवुथ गोख रवाँनी ॥

अथुंवास को'र अँगनन तुं वावन सूँत्य ग्यवाँनी

कर दूर अहम पानुँसुँय न्यम वाँनी छय भवाँनी ।

वुछ पानुँसुँय मंज चो'क तुं मो'दुर रस छु म्यवाँनी, आराम न्यूथम जलवुं होवुथ गोख रवाँनी

॥

मन भूमिकाये ब्योल ओ'मुक रोज़ ववाँनी

गव प्रोन अंदर प्रॉनिँसुँय नो'व आव नवाँनी ।

## मन पम्पोश

भवानी भाग्यवान पंडित

---

सग दिस लोलुन लोलुँ सूँतिय शोलि दवॉनी, आराम न्यूथम जलवुँ होवुथ गोख रवॉनी ।।

रठ नाव वावस दॅरियावस रोज़ च्यवॉनी

दम ह्यथ दमस ज़ाग शमस रोज़ शमॉनी ।

आहार समस बनि रुमस भाव भवॉनी, आराम न्यूथम जलवुँ होवुथ गोख रवॉनी ।।

तनदार रोज़ ज़्यादस तुँ कमस गछ मुँ भ्रमॉनी

म्वखतार बन ओ'मकार ओ'मस गीत ग्यवॉनी ।

गोव्यंदुँ नावस लोलुँ शमस पाद सीवॉनी, आराम न्यूथम जलवुँ होवुथ गोख रवॉनी ।।

छय भाग्यवान तथ ज़ीरुँबमस दाद ह्यवॉनी ।

आराम न्यूथम जलवुँ होवुथ गोख रवॉनी ।।

\* \* \* \* \*

## 79 – शाह तोसुँ

शाह तोसुँ वलुँसय नोजुक पानस,  
करय जानानस हो तय हो ॥

प्राणुक पवुँनुँय चरागानस,  
ध्यानुक हवुँनुँय छु ओ'मा ओ'म ।  
ज्ञानुक ग्यवुन छु अंदर पानस, करय जानानस हो तय हो ॥

गूरुँ गूरुँ को'रमय नूरुँ दुरदानस,  
सूरुँ पॅर्य पॅर्य गोम रात तय द्वह ।  
हूरुँ छम ज़ागान गुलि ज़ाफरानस, करय जानानस हो तय हो ॥

सीनुँ दिथ सिपरस तन दिथ कानस,  
कुफरुँ इसलामस दितिमय छो'ह ।  
आना—फान गव तों'दुँरस तुँ नानस, करय जानानस हो तय हो ॥

प्यारि गोम कारि—खम प्रारान पानस,  
सारि गोम तारि फम्ब को'ह दर को'ह ।  
दो'गन्यार कति रूद ओ'गनिस थानस, करय जानानस हो तय हो ॥

## मन पम्पोश

भवानी भाग्यवान पंडित

---

जानुँ-रे'नि ज्ञान कॅर प्राणुँ ज्ञानस,  
मानुँ-रे'नि दो'पनस मान करुँ बो ।  
पुशि-रे'नि मालुँ करि पोशि वे'मानस, करय जानानस हो तय हो ॥

सतुँ-रे'नि गतुँ-रे'नि वतुँ रे'नि पानस,  
कथुँ रे'न दो'पनस कथुँ करुँ बो ।  
राजुँ-रे'जि राज को'र आकाश थानस, करय जानानस हो तय हो ॥

हर छुम मीलित्थ दानस दानस,  
ग्वर मंजु ध्यानस वुछुँहॉन बो ।  
ग्वर छुम गरि गरि लरि भाग्यवानस, करय जानानस हो तय हो ॥

\* \* \* \* \*

## 80 – शा'ह छुम दीदुँनुँय मंज

शा'ह छुम दीदुँनुँय मंज शॉही चालि वे'सी ।।

गा'ह छुम वादुँनुँय मंज, गा'ह सम्वादुँनुँय मंज ।

गा'ह छुम नादुँसुँय मंज, अंदर मालि वे'सी ।।

गा'ह दॅरियावुँसुँय मंज, गाह छुम वावुँसुँय मंज ।

गा'ह बालुँ—बावुँसुँय मंज, गिंदान बालि वे'सी ।।

गा'ह छुम निशि पानस, गा'ह आकाशि थानस ।

गा'ह मंज बारानस, अमृत वालि वे'सी ।।

गा'ह यारस यारुँय, गा'ह छुम गमखारुँय ।

गा'ह यार लोलुँ नारुँय, कोता'ह चालि वे'सी ।।

गा'ह सतसंगुँनुँय मंज गा'ह मृदंगुँनुँय मंज ।

गा'ह रो'नि जंगुँनुँय मंज, नचान डालि वे'सी ।।

गा'ह व्यवहारुँसुँय मंज, गा'ह गुफतारुँसुँय मंज ।

गा'ह स्वन नारसुँय मंज, अंदर हालि वे'सी ।।

## मन पम्पोश

भवानी भाग्यवान पँडित

---

गा'ह स्वन दानुँ दानय, गा'ह बनि दुरदानय ।  
गा'ह जानानुँ पानय, नॉली नाल वे'सी ॥

गा'ह त्रावि पानुँसय मंज़, दानस दानुँसुँय मंज़ ।  
युथ खोबानुँसुँय मंज़, कुकिल नालि वे'सी ॥

द्युत गोश भाग्यवानव, मदहोशी सदाशिव ।  
गावे'दुँ नावुँसुँय ह्यथ, प्याला'ह डालि वे'सी ॥  
शा'ह छुम दीदनुँय मंज़, शॉही चालि वे'सी ॥॥

\* \* \* \* \*



## 81 – हम त्राव आहम कर छ्वपय

हम त्राव आहम कर छ्वपय  
छ्वपय कॅरिथ वुछ नपुँनपय ।।

ग्वरव वो'नुय म्य यी करुन  
ग्वरुँ ध्यानँसुँय प्यठ छुय दरुन ।  
छ्वपि हुँदि मंत्रय ती ज़पय, छ्वपय कॅरिथ वुछ नपुँनपय ।।

ग्वरुँ सुंद ध्यान गछि धारुनुय  
खन सू तुँ मन गछि मारुनुय ।  
मनुँनुँय तपुँ ऋष्य् वॉल्य् तपय, छ्वपय कॅरिथ वुछ नपुँनपय ।।

छस कुकिलि हुँद्य पॉट्य मंज़ दमस  
दम ह्यथ दमस प्रारान शमस ।  
गोव्यंदुँ नावुक लो'ब म्य पय, छ्वपय कॅरिथ वुछ नपुँनपय ।।

ज़रुँ ज़रुँ ज़र बनिय पानुँसुँय  
हर च्यथ बे'ह डालानुँसुँय ।  
ग्वरुँ दामानस छय थपय, छ्वपय कॅरिथ वुछ नपुँनपय ।।

## मन पम्पोश

भवानी भाग्यवान पंडित

---

ललि हुँद्य पॉद्य गछि तेलुनुय  
पानय पानस मेलुनुय ।  
ग्वरुँ चरणन पथ बुँय छपय, छ्वपय कॅरिथ वुछ नपुँनपय ॥

तों'दुरस तुँ ठानस म्युल करुन  
रिंदय बनून जिंदय मरुन ।  
हिय यियि फो'लिथ अदुँ लुँय त्रो'पय, छ्वपय कॅरिथ वुछ नपुँनपय ॥

शमुँय बॅनिथ पानस न्यमुन  
शो'मिथ शमुन अँकिसुँय लमुन ।  
वग ये'लि रटख ते'लि हो दपय, छ्वपय कॅरिथ वुछ नपुँनपय ॥

स्वय छय क्रय स्वय पूजा  
लबुँखय छ्वपि हुंद चीजा ।  
वुछ अदुँ जीव कुस त कुस हफुँय, छ्वपय कॅरिथ वुछ नपुँनपय ॥

पनुँ पनुँ पन गॅयि सारि च़े'य  
द्वन मिलुँवन गॅयि तारि च़े'य ।  
थाना बॅनिथ रूदुँय कफुँय, छ्वपय कॅरिथ वुछ नपुँनपय ॥

भाग्यवान यँदरस बीठ ललुँय  
जलुँसुँय अंदर वुछ जलजलुँय ।

**मन पम्पोश**

भवानी भाग्यवान पंडित

---

मल छो'ल तुँ ज़ल दपान को'र श्रपय, छ्वपय कॅरिथ वुछ नपुँनपय ।।

\* \* \* \* \*

## 82— रुम छिम बोलान ओ'मुँय

रुम छिम बोलान ओ'मुँय ओ'मुँय, म्य सरखमुँय कोसनम ।।

गोव्यंद नावन म्य जोश ओ'नुय, यि कुस को'नुय सूज़नम ।  
ओस सुय को'नुय युस कुन ज़ो'नुय, म्य सरखमुँय कोसनम ।।

दारन छोरिथ ओ'नुय पो'नुय, रो'नुय छाना छोंडनम ।  
दारस अंदर अज़ गव पो'नुय, म्य सरखमुँय कोसनम ।।

चुँ छुख दार तय बुँ छुस पो'नुय, सोरुय सीरा बोवनम ।  
ग्वरस तुँ शे'ष्यस अज़ गव कुनुय, म्य सरखमुँय कोसनम ।।

भाग्यवाने वो'न ह्यो'त द्युनुय, ग्वरन ध्याना'ह सूज़नम ।  
अंतर वुछुम सनि खो'तुँ सो'नुय, म्य सरखमुँय कोसनम ।।

\* \* \* \* \*

## 83 – आम कुस बहानुं कॅरिथ

आम कुस बहानुं कॅरिथ, लोलुं बॅरिथ गोम ।  
शा'ह छुम खम—शाहानुं कॅरिथ, लोलुं बॅरिथ गोम ॥

मयखानुं ओसुम मय बॅरिथ, तय कॅरिथ गोम ।  
दम दिथ गॅयिसस डूंगुं तॅरिथ, लोलुं बॅरिथ गोम ॥

अज संग वुछुम लाल जॅरिथ, खाल वुछमस शोम ।  
बर हाल वुछुम टुकुरुं कॅरिथ, लोलुं बॅरिथ गोम ॥

म्वखतस ओसुम हार कॅरिथ, ज़ार गिंदिथ गोम ।  
रिंदन सूँत्य् रूद जिंदुं मॅरिथ, लोलुं बॅरिथ गोम ॥

सुय ध्यान रूजुंस मनि धॅरिथ, ओम वुछुम ज़ोम ।  
ग्वरुं शब्दस सूँत्य् मान कॅरिथ, लोलुं बॅरिथ गोम ॥

नय हिश रूजुंस पान गॅरिथ, द्वन वतन कथ प्योम ।  
पय ह्यथ रूजुंस सू सो'रिथ, लोलुं बॅरिथ गोम ॥

सूहस तुं हमस ज़ान कॅरिथ, बानुं बॅरिथ गोम ।

## मन पम्पोश

भवानी भाग्यवान पंडित

---

अज खानुँ आयस बाँगुरिथ, लोलुँ बॅरिथ गोम ।।

हूहस तुँ हाहस ज़ोर कॅरिथ, खोर मूरिथ गोम ।  
द्वन दरवाज़न तोर कॅरिथ, लोलुँ बॅरिथ गोम ।।

गोशन रुज़ुँस गोश थॅविथ, जोश अँनिथ गोम ।  
खामोश रुज़ुँस नोश कॅरिथ, लोलुँ बॅरिथ गोम ।।

मोरस आँसुँस तनि जॅरिथ, शेरि लाँगिथ गोम ।  
कमि वनुँ अँनिनस छ्यनुँ कॅरिथ, लोलुँ बॅरिथ गोम ।।

गोव्यंदुँ नावुक लोल बॅरिथ, भाग्यवानन गोम ।  
हर डींशिथ पे'यि हरनुँ हॅरिथ, लोलुँ बॅरिथ गोम ।।

\* \* \* \* \*

## 84 – न बुँ प्खतय न बुँ खाम

न बुँ प्खतय न बुँ खाम  
म्य कॅम्य आराम न्यूमुत वे'सिये ॥

दमा दम शम शबानय आम  
बुँ सुय सो'दाम बनय वे'सिये ।  
यि छा कीशव, कृष्ण छा राम, म्य कॅम्य आराम न्यूमुत वे'सिये ॥

ग्वरन वो'नुम म्य ग्वरुँ वाकुँय  
अमिय कथि थो'व नुँ के'ह बाकुँय ।  
यि कुस कलुँवाल तुँ साकुँय आम, म्य कॅम्य आराम न्यूमुत वे'सिये ॥

म्य मस द्युत पूरुँ कलुँवालन  
छु ओ'ड खास्यन छु ओ'ड प्यालन ।  
छु मा चालन यि खामुँय दाम, म्य कॅम्य आराम न्यूमुत वे'सिये ॥

बनय प्खतय हरय म्खतय  
फवलन अदुँ गुल पनुँनि वखतय ।  
न छुय अदुँ सुबह न छुय अदुँ शाम, म्य कॅम्य आराम न्यूमुत वे'सिये ॥

## मन पम्पोश

भवानी भाग्यवान पँडित

---

बनिय अदुँ म्वखतुँ म्योनुय ख्यन,  
करय अदुँ सॉर द्वन आलुँमन ।  
दिमय अदुँ दाम च्यमय अदुँ जाम, म्य कँम्य आराम न्यूमुत वे'सिये ॥

बुँ मा सरतल बनय ये'लि स्वन,  
खसय अदुँ ह्यो'र ऑसिथ ब्वन ।  
सितारन मंज करय कयाम, म्य कँम्य आराम न्यूमुत वे'सिये ॥

को'रुम तस मेलुँनुक ये'लि संज,  
वुछुम कें'ह नय म्य कें'हनुँहस मंज ।  
वुछुम कें'ह नय वुछुम बर बाम, म्य कँम्य आराम न्यूमुत वे'सिये ॥

कनन को'रनम सतुक आलव  
गुलव खारव संगरमालव ।  
गुलन अंदर वुछुम गुलफाम, म्य कँम्य आराम न्यूमुत वे'सिये ॥

दमन मंज वुछ दमन शुमार  
कमन मंज छुय सु मदनवार ।  
रुमन वुछुमय बमन बहराम, म्य कँम्य आराम न्यूमुत वे'सिये ॥

म्य कँर्यमस बोस यिनय ये'लि ओस  
ज्यनय ये'लि ओस प्यनय ये'लि ओस ।



## मन पम्पोश

भवानी भाग्यवान पंडित

कॅरिथ जादू मॅरिथ छुम खाम, म्य कॅम्य आराम न्यूमुत वे'सिये ॥

म्य त्रॉवुंम लोलुं वावन दोर

बुं नेरा ब्रॉठ मुरा पथ खोर ।

ह्यमा सूंत्य सूंत्य गोव्यंदुं नाम, म्य कॅम्य आराम न्यूमुत वे'सिये ॥

ग्वरुंय वुछमय सिरस महरम

ग्वरुंय अनाम ग्वरुंय आगम ।

ग्वरुंय छुम शा'ह ग्वरुंय शा'हनाम, म्य कॅम्य आराम न्यूमुत वे'सिये ॥

म्य फो'ज्यमुंत्त लोलुं बागस हिय

सु छाव्यम ती वनस यि बुंय ।

हिये हुंज् जिय दियम यनाम, म्य कॅम्य आराम न्यूमुत वे'सिये ॥

वरस ग्वर भाग्यवानन छुय

यि छुय सुय बुंय गोव्यंदुंय ।

छु गोव्यंदुं नाम स्वंदर—श्याम, म्य कॅम्य आराम न्यूमुत वे'सिये ॥

\* \* \* \* \*

## 85 – गरुं गरुं मशि म्य

गरुं गरुं मशि म्य हरुं हरुं करुंनय ।  
गरुं आम बरुंनय हरुं सुंदि सूंत्य ॥

सतग्वरुं स्वांमियस गंयिसय शरनय  
ख्वश गोम जिंदय मरनय सूंत्य ।  
गम गो'ल सोरुय यम चाव थरुंनय, गरुं आम बरुंनय हरुं सुंदि सूंत्य ॥

ग्वरुंनुंय दो'पनम तिम नय डरनय  
यिम द्यन बरनय ग्वरुंनुंय सूंत्य ।  
तिम शे'ष्य पानय ग्वरुंनुंय वरुंनय, गरुं आम बरुंनय हरुं सुंदि सूंत्य ॥

तति यमुं केकर कति सना दरुंनय  
चलनय सतग्वरुं स्वरनय सूंत्य ।  
रजि पान वलुंनय सू सू करुंनय, गरुं आम बरुंनय हरुं सुंदि सूंत्य ॥

सतुंकिस शंसतुरस आलुं यिम गरुंनय  
तिम गरुं बरुंनय करुंनय सूंत्य ।  
लावि लावि लोनन गो'ज तथ करनय, गरुं आम बरुंनय हरुं सुंदि सूंत्य ॥

## मन पम्पोश

भवानी भाग्यवान पंडित

यिम मॅशिरावन तिम क्या मुरनय  
तिम गॅयि मुर्य मुर्य म्व'छिनुँय सूँत्य ।  
म्व'छि म्व'छि मुरनय सो'दरा पुरनय, गरुँ आम बरुँनय हरुँ सुँदि सूँत्य ॥

पखुँ ये'लि करनख परवुँय वुडुँनय  
अचुँनय सतग्वरुँ गरुँनुँय मंज ।  
सतग्वरुँ नावुँ सूँत्य द्वह रात बरुँनय, गरुँ आम बरुँनय हरुँ सुँदि सूँत्य ॥

अमृत बनोव अमीश्वरुँनुँय  
समसौर्यदार क्या करनय अथ ।  
शशकलि भक्तन ख्वश छुय करुँनय, गरुँ आम बरुँनय हरुँ सुँदि सूँत्य ॥

सूहम कलमस अथुँ यिम दारुँनय  
ग्वडुँ तिम प्रारुँनय सतग्वरनुँय ।  
वा'ह वा'ह ओ'मुँचे मीलि सूँत्य बरुँनय, गरुँ आम बरुँनय हरुँ सुँदि सूँत्य ॥

ओ'म ओ'म स्वरुँनय मशुँका करुँनय  
बे'हनय सतग्वरुँ गरुँ सुँय मंज ।  
सतग्वरुँ स्वामियिनि बॅहिये तारनय, गरुँ आम बरुँनय हरुँ सुँदि सूँत्य ॥

सम्सार्यदार तथ मीलि क्या करुँनय  
जरुँ गॅजुँरनय गरुँसुँय मंज ।

## मन पम्पोश

भवानी भाग्यवान पंडित

अपुँजिस धनुँसुँय ठसुँराय करुँनय, गरुँ आम बरुँनय हरुँ सुँदि सुँत्य ॥

यिम ठस त्रावन ओ'म ओ'म करनय

तिमय स्वरुँनय सतग्वरुँ ध्यान ।

त्युहुँदुय धनुँ छुय सतग्वरुँ चरनय, गरुँ आम बरुँनय हरुँ सुँदि सुँत्य ॥

यिम ग्वरुँ चरणन तल यिन शरनय

तिम क्या करनय यमदारस ।

सूहम नावुँ सुँत्य हू हू करनय, गरुँ आम बरुँनय हरुँ सुँदि सुँत्य ॥

प्रेमुँक्यन पोशन मालुँ यिम करुँनय

पन तथ तारुँनय सू हम सू ।

लोलुँ मालुँ गंडुँहोँ श्री सतग्वरुँनुँय, गरुँ आम बरुँनय हरुँ सुँदि सुँत्य ॥

यिम लो'ब रोज़न तिम क्या करनय

गरि गरि जिंदय मरनय तिम ।

तिमुँनुँय छयफ दिच श्री भास्करुँनुँय, गरुँ आम बरुँनय हरुँ सुँदि सुँत्य ॥

भाग्यवानि मो'गमुत ललि हुँद वरनुँय

बूजुस श्री सतग्वरुँनुँय ती ।

गुलि कमलव सुँत्य वाव छस करनुँय, गरुँ आम बरुँनय हरुँ सुँदि सुँत्य ॥

**मन पम्पोश**

भवानी भाग्यवान पण्डित

---

\* \* \* \* \*

## 86 – तोशुं ना रोशुं मति

तोशुं ना रोशुं मति द्युतुंमय वो'न  
अरशस ह्यो'र तय फरशस ब्वन ॥

गूरुं गूरुं करि युस द्वन दूरन  
मूर मूर दियि चे'शमि मखमूरन ।  
आसि यो'द सरतल साँपुंनिय स्वन, अरशस ह्यो'र तय फरशस ब्वन ॥

पजि नय लागुन परमानुं छो'न  
वनुंचे हारि आव कोतुर को'न ।  
फ्यारि द्वद पानय पोत्र नेरि ब्यो'न, अरशस ह्यो'र तय फरशस ब्वन ॥

दरियाव वुछुमय सनि खो'तुं सो'न  
सूहम दाने ह्यो'तुमय मंदो'न ।  
लोलुंकि नारुं गछि ग्यव कारुन, अरशस ह्यो'र तय फरशस ब्वन ॥

त्वलि मंज लाल गछि ललुंनावुन  
खालि बेखाल गछि प्रजुंनावुन ।  
मीमुं निशि दाल कड वो'न दिथ नो'न, अरशस ह्यो'र तय फरशस ब्वन ॥

## मन पम्पोश

भवानी भाग्यवान पंडित

ज्ञानुँकि ज़ोरुँ गछि ध्यान दारुन  
संगमुँकि यारुँ बलुँ श्रान करुन ।  
युस ववि फलि फलि सुय करि गो'ज, अरशस ह्यो'र तय फरशस ब्वन ॥

रिंदुँ बन गिंदुँवुन गिंदुँनावुन  
मरि निशि ठो'र दिथ दुर चार ब्यो'न ।  
वो'र युस गिंदुँवुँज सुय दियि वो'न, अरशस ह्यो'र तय फरशस ब्वन ॥

ये'म्य पान वो'लुँनय सुय ओस नो'न  
ये'म्य गाश वुछुनय सुय ओस ओ'न ।  
ये'म्य नालुँ रो'टनय सुय रूद ब्यो'न, अरशस ह्यो'र तय फरशस ब्वन ॥

नालुँ रठ दँरियाव प्यालुँ सूँत्य च्यन  
ज्ञान कर पानस मान कर द्वन ।  
प्वखतुँ बन शूभिय म्वखतुँ अदुँ ख्यो'न, अरशस ह्यो'र तय फरशस ब्वन ॥

सुलि फो'ल्य गिलि टूर्य विलि दार कन  
गुलि बेखार छुय कुलि निशि ब्वन ।  
वुलि वसि कांछा थफ दियि द्वन, अरशस ह्यो'र तय फरशस ब्वन ॥

ज़ार गिंद नार वुछ च्वन तरफन  
वार यिथ लार कर द्वन मलकन ।

## मन पम्पोश

भवानी भाग्यवान पंडित

---

यारि गमखार वुछ तनि सूँत्य तन, अरशस ह्यो'र तय फरशस ब्वन ।।

निंद्रायि दकुँ दिथ बंदुरस सन

मंदुरुक ध्यान वुछ अंदर मन ।

स्वंदुरस पूज कर रातर—घन, अरशस ह्यो'र तय फरशस ब्वन ।।

ह्यन च़े'य आसिहिय मशिहिय ख्यन

लशि नारुँ ज़ालुँ हँख पान हन हन ।

नशि ये'लि दुशमन पशि अदुँ स्वन, अरशस ह्यो'र तय फरशस ब्वन ।।

सतग्वरुँ ज़ारन थावतम कन

यारस लागुँ हॉ तनि सूँत्य तन ।

जोश यियि पानय होशदारन, अरशस ह्यो'र तय फरशस ब्वन ।।

लोलन ज़ोनुय नुँ दोस्त तुँ दुशमन

लोलन दारुँय श्राकि गरदन ।

लोलन म्युल को'र द्वन मिलतन, अरशस ह्यो'र तय फरशस ब्वन ।।

लोलन सार को'र द्वन आलुँमन

लोलन वुछनय नुँ ह्यो'र तय ब्वन ।

लोलन ज़ोनुय नुँ ग्वन तुँ अग्वन, अरशस ह्यो'र तय फरशस ब्वन ।।



## मन पम्पोश

भवानी भाग्यवान पंडित

---

लोलन रो'टुनय नालुँ जम जम  
लोलन छोंडुय नुँ मील तय कलम ।  
लोलुँक्य कलुँमन खूनुँ सूँत्य खो'न, अरशस ह्यो'र तय फरशस ब्वन ॥

शक्ती कन दोर कुकिलि नालन  
शेवन मस द्युत मतवालन ।  
भाग्यवानि नालुँ रो'ट बालुँ छालन, अरशस ह्यो'र तय फरशस ब्वन ॥

\* \* \* \* \*

## 87 – नूरुं मंजुं वुछमय

नूरुं मंजुं वुछमय चरागानस, गूरुं गूरुं करुं जानानस बो ॥

गूरुं गूरुं को'रुम नूरुं दुरदानस, खँचुंसय प्यठ आसमानस बो ।  
नूरुं मंजुं वुछमय पनुंसुंय पानस, गूरुं गूरुं करुं जानानस बो ॥

मीलि मंजुं वुछमय कलमदानस, तील ज़न शमा'ह-दानस बो ।  
व्यूर म्य तुलुमय गुलि-ज़ाफरानस, गूरुं गूरुं करुं जानानस बो ॥

गूल्य ज़न वुछमय मंजुं शोरुं-खानस, बूल्य ज़न कोतरखानस बो ।  
श्रो'नि श्रो'नि ओ'सुम र्वनि दामानस, गूरुं गूरुं करुं जानानस बो ॥

जोशुं सूंत्य चायस मंजुं तोशिखानस, नोशलब सूंत्य नुंदुंबानस बो ।  
नोश म्य को'रुमय गजुंलखानस, गूरुं गूरुं करुं जानानस बो ॥

ललघदि कलुं तुल नफिच शेतानस, छल करुं शा'ह हमदानस बो ।  
कारि पंत्य फो'ल्य म्य दानस दानस, गूरुं गूरुं करुं जानानस बो ॥

वनि सुय मनि मंजुं अनि जानानस, सनुं हॉ पनुंसुंय पानस बो ।  
जंदरा मारुं हॉ तों'दुंरुकिस ठानस, गूरुं गूरुं करुं जानानस बो ॥

## मन पम्पोश

भवानी भाग्यवान पंडित

---

भाग्यवानि ज़ार वॅन्य् पनुंसुंय पानस, वातुं हॉ शिवनिवानस बो ।  
सतग्वर थवुंहन पूंचिमिस प्राणस, गुरुं गुरुं करुं जानानस बो ॥

\* \* \* \* \*

## 88 – क्या खबर छम

क्या खबर छम शा'ह म्य वुछुमय गा'ह अंदर बयानुँसुँय ।  
ला म्य को'रमय हा तुँ हूहस बे'यि इमतिहानुँसुँय ॥

ओ'म म्य ज़ो'पमय, नम म्य रो'टमय, खम को'रुम जानानुँसुँय ।  
दम म्य द्युतुँमय शम म्य वुछुमय क्रम को'रुम शबानुँसुँय ॥

दोर म्य त्रॉवुँम मोर म्य वुछुमय मंज़ पॅरिस्तानुँसुँय ।  
व्यूर म्य तुलुमय गूर म्य को'रुमय नूरुँकिस नारानुँसुँय ॥

क्रूर म्य खो'नुमय नूर म्य ओ'नुमय शिनि माँदानुँसुँय ।  
तार म्य द्युतुमय नार म्य वुछुमय सुय अंदर खानुँसुँय ॥

सरुँ म्य को'रुमय हरुँ म्य वुछुमय मा'ह अंदर ज़ोलानुँसुँय ।  
जोशि सूँती नोश म्य को'रुमय कुल गज़लखानुँसुँय ॥

ह्यस म्य फ्युरनम मस म्य द्युतुनम मस्त बॅनिथ मस्तानुँसुँय ।  
जस्त द्युतुनम बस्त को'रुनम प्राण अंदर ध्यानुँसुँय ॥

दक्षणुँ उतरय पश्चिम पूरय धरतिये आसमानुँसुँय ।

## मन पम्पोश

भवानी भाग्यवान पैडित

शा'ह म्य बंद गोम राह म्य प्रुछनम क्या दँजिथ परवानुँसुँय ।।

मल म्य छो'लुनम रल को'डुनम ज़ल गँछिथ जुजदानुँसुँय ।  
सज़ि पानय रज़ि सू सू वज़ि मंज़ पेचानुँसुँय ।।

होशि सूँतिय जोशि आमुँत्य पोश कबरिस्तानुँसुँय ।  
प्यार को'रमस यार वुछुमय प्यठ दरेखानुँसुँय ।।

जायि जाये छायि वुछुमय मल म्वचिथ ताबानुँसुँय ।  
द्राव धरती ताव दि यँदरस चाव वोवुँर्यवानुँसुँय ।।

दो'ब्य लॉजिस सज़ तुँ साबन सुँच कपटिय थानुँसुँय ।  
काचि कॅर्यनस ज़ाँच ब्यो'न बयो'न, मेनि कद मियानुँसुँय ।।

यी छु खानस ती छु बानस ती छु मंज़ पयमानुँसुँय ।  
वुछ चुँ पानस मंज़ ध्यानस क्या छु अंदर पानुँसुँय ।।

काँसि मनि मंज़ नाल वो'लुनय मीलि कलमदानुँसुँय ।  
भाग्यवाने ज़ाल वो'लुनय ग्वरुँ सुँदिस दामानुँसुँय ।।

\* \* \* \* \*

## 89 – सहस्रं दलुं वुजुंमलुं

सहस्रं दलुं वुजुंमलुं तति द्युत म्य दम हय  
वुछ म्य शम हय पनुंनुय पान ॥

ग्वरुं वाक्य् सूंत्य रो'ट च्यथ नावि नम हय  
ग्वर म्यो'न शम हय बारम्बार ।

शशकलि नाग फो'ल्य् गुलि बादम हय, वुछ म्य शम हय पनुंनुय पान ॥

नूर डीशिथ त्रोव दूर म्य कदम हय  
अदुं बालि को'र म्य पूरुं गुफ्तार ।

नूरुक नूर सुय सुय आदम हय, वुछ म्य शम हय पनुंनुय पान ॥

अलमासुं म्व'खतस तोरुम त्रम हय  
अदुं बालि को'रमय म्व'खतस हार ।

यारि गोम पारिजात कुलिकुय भ्रम हय, वुछ म्य शम हय पनुंनुय पान ॥

लोलुंकिस नागस लोलुं ज़मज़म हय  
लोलुं सूंत्य को'रमय सौर्यसुंय आहार ।

लोलुं सूंत्य चोरमस लोलुक बम हय, वुछ म्य शम हय पनुंनुय पान ॥

## मन पम्पोश

भवानी भाग्यवान पंडित

लोलुँकिस बागस पूरुँ प्रक्रम हय,  
लोलुँ सूँत्य वुछुमय लोलुक बहार ।  
लोलुक फल छुय रे'यि शबनम हय, वुछ म्य शम हय पनुँनुय पान ॥

क्रे'यि खोतुँ वुछुमस लोलस दम हय  
शा'ह ह्यू वाति शॉही दरबार ।  
खोचि तति यम करि दूरि सरखम हय, वुछ म्य शम हय पनुँनुय पान ॥

सम्सारस ये'म्य बो'र प्रेयम हय  
तस कति छ्यनुँ गछि नरकुन नार ।  
बोर ग्वबि पापुन बनि सुय थम हय, वुछ म्य शम हय पनुँनुय पान ॥

मायायि कायायि करि लमुँलम हय,  
छायायि तँम्यसुँय वूनुँनय ज़ाल ।  
गरि गरि रोजुँनस घरुँकिय गम हय, वुछ म्य शम हय पनुँनुय पान ॥

सतुँचे वति पख त्राव अहम हय  
प्राव आगम बन बॉनीकार ।  
तेलुन पानस गेलि आलम हय, वुछ म्य शम हय पनुँनुय पान ॥

ओ'मुँचिय सुमरन ओ'मुँकुय पन हय,  
ओ'मुँकिस अकसस ओ'म परकार ।

## मन पम्पोश

भवानी भाग्यवान पंडित

---

सू सू सुय छुय सुय सूहम हय, वुछ म्य शम हय पनुँनुय पान ॥

अष्टुँ स्युँ थविनम पतुँ दोरन हय

दूर दूर ह्यो'तुँमख ज़ोनुम नुँ सार ।

पथ नय ह्यमुँ गछुँमा बरहम हय, वुछ म्य शम हय पनुँनुय पान ॥

सथ गाश वंदुस कर ओ'म ओ'म हय

सतुँची वथ छय अपरम्पार ।

सथ द्वार त्रो'पुँरिथ दार मोनम हय, वुछ म्य शम हय पनुँनुय पान ॥

शीवन बो'रनम म्य ति प्रेयम हय

म्य मंज शक्ती तुँ म्य मंज शिव ।

वति रूद्य वतुँ गत ये'ति रूद्य कम हय, वुछ म्य शम हय पनुँनुय पान ॥

कुकिले हुँद्य हिव्यु दित्यु म्य दम हय

गोव्यंद वुछुमय गरुडय सवार ।

सुय गरुडुँ वाहन सुय आगम हय, वुछ म्य शम हय पनुँनुय पान ॥

भाग्यवान तैस्य सुँत्य रूज हमदम हय

सुय असरार वनि बारम्बार ।

हम सू त्रॉविथ करि छ्वपुँ दम हय,



**मन पम्पोश**

भवानी भाग्यवान पंडित

---

गोव्यंदुं नावुक यस प्रे'यम हय  
सुय छुय ओ'म तय सुय ओ'मकार ।  
भाग्यवानि तँथ्य प्यठ त्रोव कदम हय, वुछ म्य शम हय पनुँनुय पान ॥

\* \* \* \* \*

## 90 – ऐ दिलबरे गुलरो

ऐ दिलबरे गुलरो द्वह गोम दर इंतिज़ारुँसुँय ।।

गव गो'ट पथुँय फो'ल द्वह, दम छुनुँ रोज़ान खारुँसुँय ।  
छनुँ उतराँय छुम को'ह, द्वह गोम दर इंतिज़ारुँसुँय ।।

छुम दूर पकुन मँज़िल, छुम चोनुँय सूँत्य सिलसिल ।  
को'ह छँडिथ कर म्य हो हो, द्वह गोम दर इंतिज़ारुँसुँय ।।

छुम दूर मँज़िल चटुन, किथुँ बनि सोरुय खटुन ।  
छुम पूर हावुन मो'ह मो'ह, द्वह गोम दर इंतिज़ारुँसुँय ।।

ज़रुँ ज़रुँ ब्रोंठ वॉच खबर, छुनुँ नेरुन बरय न्यबर ।  
मंज़ गरय छु रोज़ुन रात तुँ द्वह, द्वह गोम दर इंतिज़ारुँसुँय ।।

ठोकुर छु पूज़ुन गरे, ललि हुँदि वाकुँ म्य वरे ।  
वो'नुनम म्य ग्वरुँनुँय दिज छो'ह, द्वह गोम दर इंतिज़ारुँसुँय ।।

ग्वरुँसुँय छुम म्योन लोलुय, नाव छुस गोव्यंद कोलुय ।  
ल्वलि मंज़ को'रनम हो हो, द्वह गोम दर इंतिज़ारुँसुँय ।।

## मन पम्पोश

भवानी भाग्यवान पंडित

---

लगुं ना यिथिसुंय ग्वरुंसुंय, मंगुंना ती ईश्वरसुंय ।  
अंसुंय ब्रॉठ ब्रॉठ यिमुं बो, द्वह गोम दर इतिजारुंसुंय ॥

भजन वो'नमय पानय, छअ लोलुं हँच भाग्यवानय ।  
सतग्वरुं पादन लगुं बो, द्वह गोम दर इतिजारुंसुंय ॥

\* \* \* \* \*

## 91 – मंगुन हे'छुम मँगिथ ओ'नुम

मंगुन हे'छुम मँगिथ ओ'नुम, मंगल करि पानुँ गोव्यंद गू ।।

कमल सरस अंदर वुछुम कमलि रो'छुम गोव्यंद गू ।  
तँतिय वुछुम तँतिय हे'छुम मनि मंज रो'छुम गोव्यंद गू ।।

तस निशि भोवुम तँमिय होवुम तँतिय छेवुम गोव्यंद गू ।  
छुय म्योन मोलुय गोव्यंद कोलुय वो'व तँम्य ब्योलुय गोव्यंद गू ।।

सूहम लोलय तँम्य दिचुँ शोलय सोरुँय बुँ खोलय गोव्यंद गू ।  
सो'गनम मूलुँय द्युतुँनम अतूलुय अँनिथ म्य तूलुय गोव्यंद गू ।।

वुछुम गो'बुँय बानुँ छु दो'बुँय, लँबिथ म्य लो'बुय गोव्यंद गू ।  
लँबिथ पानय नो'न जानानय, अनि भाग्यवानय गोव्यंद गू ।।

\* \* \* \* \*

## 92 – खत लेखुंनय खताब

खत लेखुंनय खताब म्यूलुम, अदुं तूलुम पनुनुय पान ।।

सत छांडुंनस सतवुंय ग्यूलुम, तथ त्यूलुम पनुनुय पान ।  
वथ हावुंनस सतग्वर म्यूलुम, अदुं तूलुम पनुनुय पान ।।

गोव्यंदुं—गू कुकिलि बूलुम, अदुं म्यूलुम शिव शक्ती ।  
अदुं गरमिथ तों'दूरुं शिहूलुम, अदुं तूलुम पनुनुय पान ।।

ग्वरुं वाकय सू सू को'रुम, सूहम रजि खोरुम पान ।  
अदुं अंदरिम सोरुय खूलुम, अदुं तूलुम पनुनुय पान ।।

दरियावस दम दिथ वोलुम, सूंत्य वोलुम सू ओ'मकार ।  
मंज हाले कुंदन गोलुम, अदुं तूलुम पनुनुय पान ।।

ग्वरुं वानय पान म्वलोलुम, अदुं द्रायस नंज बाजार ।  
अदुं गोरुम ग्वडुंन्यथ गोलुम, अदुं तूलुम पनुनुय पान ।।

ब्वनुं खोरुम हे'रि अदुं वोलुम, म्वखतुं डोलुम शुपिनुंय क्यथ ।  
अदुं ग्वरुंसुंय ब्रोंटुकुन वोलुम, अदुं तूलुम पनुनुय पान ।।

## मन पम्पोश

भवानी भाग्यवान पंडित

---

ग्वरुँ स्वाँमियन ग्वडुँन्यथ लो'लुम, अदुँ बो'लुम अँद्रिम दोद ।  
ये'लि दाँदिस दवा म्यूलुम, अदुँ तूलुम पनुनुय पान ॥

पछि हुँदि पानि ठोकुर छो'लुम, पूजि लॉग्यमस प्रेयमुँक्य पोश ।  
चरनन हुँद अमृत ज़ो'लुम, अदुँ तूलुम पनुनुय पान ॥

गुलि कमलस सूत्य ये'लि रो'लुम, अदुँ फो'लुम प्रेयमुक पोश ।  
सू फो'लुम अहम गो'लुम, अदुँ तूलुम पनुनुय पान ॥

ओ'म शब्दय वारिया'ह बूलुम, सँत्य तूलुम सुहम सू ।  
सतग्वरुँनुँय सति लटि बूलुम, अदुँ तूलुम पनुँनुय पान ॥

ललुँ वाकन कन ये'लि दोरुम, अदुँ गोरुम सतग्वरुँ ध्यान ।  
ललि हुँद्य पाँट्य हू हू फो'लुम, अदुँ तूलुम पनुँनुय पान ॥

ग्वरुँ स्वाँमियन पानय बूलुम, म्य नो फोर्यम सतग्वरुँ वाक्य् ।  
छख चुँ भाग्यवान बू बू बूलुम, अदुँ तूलुम पनुनुय पान ॥

\* \* \* \* \*

## 93 – अय्याँशी अय्यार बुँय

अय्याँशी अय्यार बुँय, अभिनाशी खावार बुँय ।  
वीदन हुंद व्यस्तार बुँय, दीदन हुंद दीदार बुँय ॥

जुल्मातुक जुनार बुँय, शिवालस शा'हमार बुँय ।  
खयालुक परकार बुँय, दयालस दशवार बुँय ॥

दफतरुक सरकार बुँय, आश्चरुक अखबार बुँय ।  
खजानस मा'हवार बुँय, अनजानस उपकार बुँय ॥

सिलसिलुक गिलकार बुँय, बुलबुलस गुलजार बुँय ।  
दुलदुलस सवार बुँय, बेदिलस दिलदार बुँय ॥

सागरस हुंकार बुँय, आगरस फमवार बुँय ।  
नदहरस रफतार बुँय, टीचरस गुफतार बुँय ॥

मुकदर नारो नार बुँय, किशवरस आबुँशार बुँय ।  
बे—अकलस थरदार बुँय, ऑकलस वरदार बुँय ॥

शशकलि हुंद खुमार बुँय, शंकरस मुखतार बुँय ।

**मन पम्पोश**

भवानी भाग्यवान पंडित

---

गॅणीश बुँय कुमार बुँय, तारा तारन तार बुँय ।।

\* \* \* \* \*



## 94 – म्य मंज सादु संगन

म्य मंज सादु संगन वुछुम यार वे'सिये  
नचान र्वनि जंगन मदनवार वे'सिये ॥

ग्वडैज छुय प्रणामुंय अगम तय अनामुंय, छु गुफतार वे'सिये ।  
दो'युम दुय कांसिथ सु कीवल भांसिथ, छु दीदार वे'सिये ॥

त्रे'युंम वुछ त्रगुणुय करुन बंद मनुंय, छु व्यस्तार वे'सिये ।  
चो'वापोर फेरुन ग्वरन सूंत्य नेरुन, छु दशवार वे'सिये ॥

छु पूँचिम प्राणुंय सतग्वरुं ध्यानुंय, सु ओ'मकार वे'सिये ।  
छु शशकलि प्रारुन शिवुंय गछि गारुन, सतुक तार वे'सिये ॥

यिनय अष्ट—से'द्धी तति कॅर्यजि बुद्धी, छे' दरकार वे'सिये ।  
नवन द्वारुंनुंय बंद गछन तौर्य अंदुंवंद, छु आहार वे'सिये ॥

दँहिमे तारुं तरुन वारुं वारुं, छु दशुंहार वे'सिये ।  
कँहिमि थानुं पानय वुछुन जानानय, तँती प्रार वे'सिये ॥

बा'हन बुरजनुंय मंज छु अमि तीजुंकुय संज, छु अनवार वे'सिये ।

## मन पम्पोश

भवानी भाग्यवान पंडित

---

त्रयोदशि नावुँय छु अँम्यसुंद स्वभावुँय, यि सम्सार वे'सिये ॥

च्वदुँहँशि हुँजि जूने छि शूभान चूने तुँ गवहार वे'सिये ।  
छि चून्यन निशानय ज़रुँक्य दानुँ दानय, छु इज़हार वे'सिये ॥

बँनिथ भाग्यवानुँय छि तमिकुय दुकानुँय तुँ बापार वे'सिये ।  
ये'मिस आसि ह्यो'नुय तँमिस बासि कुनुय तरन तारुँ वे'सिये ॥

\* \* \* \* \*

## 95 – छखय शक्ती किनुँ

छखय शक्ती किनुँ छख राजिरे'निये, किनुँ छख म्याँनी बे'निये च्युँय ।।

भाग्यवान आँसुँय कुनिय जँनिये, तस निश द्रायिखय नँनिये च्युँय ।  
स्वरगुँकयन जामन मुचरनय तँनिये, किनुँ छख म्याँनी बे'निये च्युँय ।।

गोव्यंद कोलन किछ दिच वँनिये, द्वदुँ मंजुँ कँडनख थँनिये च्युँय ।  
नालुँमति रँटमख ने'थुँनँनिये, किनुँ छख म्याँनी बे'निये च्युँय ।।

ग्वरुँनुँय पानस सूँत्य सूँत्य अँनिये, शिव—शंकरनिय रँनिये च्युँय ।  
द्वशिबुँज त्रावन यकुँजा खँनिये, किनुँ छख म्याँनी बे'निये च्युँय ।।

गुल दस्तव खो'तुँ रंगुँ छख प्रे'निये, संगि मरुँमरची कँनिये च्युँय ।  
समंदरुँ खो'तुँ जमुना सँनिये, किनुँ छख म्याँनी बे'निये च्युँय ।।

जमनायि बँटिसुँय प्यठ छख नँनिये, कृष्णुँज छख ब्रांदुँ कँनिये च्युँय ।  
शीतल भाव छख तनि खो'तुँ तँनिये, किनुँ छख म्याँनी बे'निये च्युँय ।।

आकाशि गँगायि आँसख कँनिये, नकाँश हे'चुँख गरुँने च्युँय ।  
जरुँसुँय ज़न छख ज़ून जोतुँवँनिये, किनुँ छख म्याँनी बे'निये च्युँय ।।

## मन पम्पोश

भवानी भाग्यवान पंडित

---

कृष्णुह सुँज लीला वुछमय नँनिये, वे'शनुँ माया हावुँवुनिये चुँय ।  
हरुँकुय हर ख्यो'न बे'यि सूँत्य थँनिये, किनुँ छख म्याँनी बे'निये चुँय ॥

म्वनि मंज कृष्णस र्वनि छ्वज छ्वनिये, ओ'म सेतारुँ वायिवुँनिये चुँय ।  
रुमुँन्य बंद छय गुमुँची तँनिये, किनुँ छख म्याँनी बे'निये चुँय ॥

सतुँचे वुछमख कथुँ करुँवुँनिये, रथुँसुँय प्यठ कुज जँनिये चुँय ।  
सथ पथ त्राँविथ गथ गतुरे'निये, किनुँ छख म्याँनी बे'निये चुँय ॥

आशकन आहार छख करुँवुँनिये, नरआहार आसुँवुँनिये चुँय ।  
शोरुँ शमशेर छख नारुँ मंजुँ नँनिये, किनुँ छख म्याँनी बे'निये चुँय ॥

नूरुँकिस नागस मंज छख नँनिये, ब्रॉर भवाज आसुँवुँनिये चुँय ।  
गोव्यंदुँह नावस चुँय रछिवुँनिये, किनुँ छख म्याँनी बे'निये चुँय ॥

शक्ती हुँज शक्ती भाग्यवानि वँनिये, भावुक भोग करुँवुँनिये चुँय ।  
रे'शियन तुँ मुनियन हुँज राजिरे'निये, किनुँ छख म्याँनी बे'निये चुँय ॥

\* \* \* \* \*

## 96 – व्वथन बे'हन श्वंगनुँय

व्वथन बे'हन श्वंगनुँय, मंज़ सादुँ संगन दय वुछुम ।

फेरान थोरान दोरुँनुँय, कृष्ण पया पय वुछुम ।  
मदहम मुर्ली चंगुँनुँय, निशि कलुँवालन मय वुछुम ॥

रंगारंग बेरंगुँनुँय, लाहस तुँ लाबस लय वुछुम ।  
संगन मंज़ सत—संगुँनुँय, मीमस दालस लय वुछुम ॥

जलस थलस तुँ बलुँसुँय, शिजस तुँ शॉनिस शय वुछुम ।  
ओ'मकारुँ ब्यंद गोव्यंदुँय, मंज़ कलिकालस जय वुछुम ॥

पादन वादन तुँ नादुँनुँय, कुल अपरादन क्षय वुछुम ।  
गा'ह चंगुँनुँय सारंगुँनुँय, गा'ह नयि अंदर पय वुछुम ॥

गा'ह रंगुँनुँय मृदंगुँनुँय, गा'ह वासनायन भय वुछुम ।  
ग्वरुँ रूप सुय स्वरूप सुय, गा'ह अभिनाश अभय वुछुम ॥

गा'ह म्य अंदर पानुँ सुय, गाह जानानय बुँय वुछुम ।  
हाहस तुँ हूहस शा'हसुँय, भाग्यवानि मृत्युंजय वुछुम ॥

**मन पम्पोश**  
भवानी भाग्यवान पंडित

---

\* \* \* \* \*

## 97 – ही ग्वरुँ गरुँ गरुँ

ही ग्वरुँ गरुँ गरुँ करुँ हरुँ म्याने  
द्रायस कॅबीलुँ क्राने बो ॥

क्या'ह सना ल्यूखुनम करमय-लाने  
ग्वडुँ गरि द्राये'स प्राने बो ।  
थरि सूँत्य आयस अदुँ मरि चाने, द्रायस कॅबीलुँ क्राने बो ॥

शिवुँसुंद कहार शूब्या वाने  
बुतुँरौच हुंदुय माने हो ।  
कें'ह तुल आलन कें'ह खो'न खाने, द्रायस कॅबीलुँ क्राने बो ॥

रामन तीर त्रोव तीरकमाने  
करुँमुँनि हाने क्या करुँ बो ।  
शोलुँवुँज दूर गरुँ शिलुँ पदमाने, द्रायस कॅबीलुँ क्राने बो ॥

काँसि गव म्वखुँ मंजुँ बे'बि तय बाने  
काँसि हुंद माने मनि मंज छु ।  
काँसि हुंद तीर चाव मंज कमाने, द्रायस कॅबीलुँ क्राने बो ॥

## मन पम्पोश

भवानी भाग्यवान पंडित

---

काँसि को'र आँसिथ आनि तय माने  
काँसि दो'प पानय कथ मंज छू ।  
यस गँधि ज.वलि क्वलि सु कवो छाने, द्रायस कँबीलुँ क्राने बो ॥

केंचव छोरुय हने हने  
काँसि मंज मने छो'लुँय मुंह ।  
काँसि ख्यव ओमुँय काँसि मों'द दाने, द्रायस कँबीलुँ क्राने बो ॥

खाल काँसि तख्त द्युत वक्तुँ पदमाने,  
काँसि न्वखतुँ द्युतुनय म्वखतुँ ह्युव छु ।  
काँसि मॉल बो'रनय लॉलि मिरजाने, द्रायस कँबीलुँ क्राने बो ॥

हर ये'म्य् मों'दुँनय सूहम दाने  
सर खम को'रनय सूहमसू ।  
वर तस द्युतुनय नर नूरजाने, द्रायस कँबीलुँ क्राने बो ॥

पर यस द्युतुनय ज़रुँ पदमाने  
थरि प्यठ ह्यो'तुनय गोव्यंदुँह—गू ।  
सर तँम्य द्युतुनय तीरकमाने, द्रायस कँबीलुँ क्राने बो ॥

कुलि प्यठुँ बूल्य् बूज अमि गॉरजाने  
कुकिलि हुँजि बोलि मंज गोव्यंदुँ—गू ।



**मन पम्पोश**

भवानी भाग्यवान पंडित

---

सुय कुल रो'टुनय भाग्यवाने, द्रायस कॅबीलुं क्राने बो ॥

\* \* \* \* \*

## 98 – बुँय जसुधा बुँय राधा

बुँय जसुधा बुँय राधा बुँय कृष्ण मुराँरी ।  
बुँय गौरी बुँय शंकर बुँय गंगाधॉरी ॥

बुँय गणपत बुँय कुमार बुँय हय ओ'मकाँरी ।  
बुँय सतग्वर बुँय स्वामी बुँय हय नर नाँरी ॥

बुँय कुनुय बुँय कीवल बुँय हय सम्साँरी ।  
बुँय कुनुय बुँय कीवल बुँय हय व्यवहॉरी ॥

त्रे' कारण भाग्यवानि प्रारन ह्यथ अमृतदाँरी ॥  
पियो पियो सतगुरु मेरा प्राण प्यारी ॥

\* \* \* \* \*

## 99 – वना ग्वरुँसुँय किनुँ

वना ग्वरुँसुँय किनुँ भगवानस, किनुँ वनुँ पनुँनिस पानस बो ।।

क्या सना लो'दनम म्यॉनिस बानस, आमत शाहि ज़ाफरानस बो ।  
सरपोश रुदुम सिरुँकिस बानस, किनुँ वनुँ पनुँनिस पानस बो ।।

पूरुँ सीर क्या वनुँ दूरि गॉरज़ानस, किनुँ वनुँ वॉकुँफ नानस बो ।  
तीर त्रम तार्या लाल मिरजानस, किनुँ वनुँ पनुँनिस पानस बो ।।

आयि पायि करुँहॉ आयि कुरानस, किनुँ वनुँ विष्णू पुरानस बो ।  
मनि मंज़ जाय छम तस जानानस, किनुँ वनुँ पनुँनिस पानस बो ।।

रंगुँ रंगुँ न्यामँचुँह लजिनम बानस, प्यादस दिमुँ तलबानस बो ।  
ती ख्यमुँ पानस यी मंज़ खानस, किनुँ वनुँ पनुँनिस पानस बो ।।

वारुँ वारुँ वोनव वोवर्य्—वानस, किनुँ सबि प्यठ डालानस बो ।  
परवानुँ दूर्या चरागानस, किनुँ वनुँ पनुँनिस पानस बो ।।

मार पेच शूब्या मंज़ ज़ोलानस, कारतूस मंज़ शोरुँखानस बो ।  
सबक प्रुँछिज़्या अबक छानस, किनुँ वनुँ पनुँनिस पानस बो ।।

## मन पम्पोश

भवानी भाग्यवान पँडित

---

दँरियाव शूबान मंजु दोरानस, दीवकी ज़न मंजु कौदखानस बो ।  
ज़ून छय शूबान प्यठ आसमानस, किनुं वनुं पनुंनिस पानस बो ॥

दो'ब्ज कँज शूब्या खम्बु कारखानस, ताफ ज़न प्यठ तापुंदानस बो ।  
ग्राख क्या चूर करि वोवुंर्य वानस, किनुं वनुं पनुंनिस पानस बो ॥

मीना वुडिना प्यठ आसमानस, कीना ह्यथ मनि पानस बो ।  
सीना दिमुं ना लोलुंकिस कानस, किनुं वनुं पनुंनिस पानस बो ॥

गोव्यंदुं नावस टॉठिस प्राणस, शिवनिर्वानस सूंत्य सूंत्य बो ।  
प्रकाश छु मीलित्थ आकाश थानस, किनुं वनुं पनुंनिस पानस बो ॥

नालुंमति सुय रटि यारि जानानस, आगुर आबि खानस बो ।  
खाल काँह छाल दियि मालि बेगानस, किनुं वनुं पनुंनिस पानस बो ॥

पोंपुंर्य ग्यूर को'र शमा'ह—दानस, व्यूर तुलुं गुलि ज़ाफरानस बो ।  
नूर अदुं चमकिय माहि ताबानस, किनुं वनुं पनुंनिस पानस बो ॥

दूरबीन वात्या मौलिक शबानस, नूर ज़न शिज मौंदानस बो ।  
गुरुं गुरुं कँर्यज्या शेरि दहानस, किनुं वनुं पनुंनिस पानस बो ॥

## मन पम्पोश

भवानी भाग्यवान पंडित

---

तन गछि लागुंन्य् तनि जानानस, नाज परवानस साज सू सू ।  
बाज गछि हॉरिथ तिफलि नादानस, किनुं वनुं पनुंसिस पानस बो ॥

भाग्यवानि जार वॅज निशि भगवानस, गवर मंज ध्यानस वुछुंहॉन बो ।  
मंगुं क्या नतुं बो संगमुंसिस श्रानस, किनुं वनुं पनुंसिस पानस बो ॥

\* \* \* \* \*

## 100 – गाशरुँ को'रथम

गाशरुँ को'रथम इम्तिहानय, गाश शबानय पानय आव ।।

म्य गोव्यंदुनुय रो'ट दामानय, गोव्यंद पानय म्य निशि आव ।

गूरुँ गूरुँ करुँयो नूरुँ दुरदानय, गाश शबानय पानय आव ।।

पानय फ्यूरुस अकि अकि दानय, वोवुर्य वानय पानय चाव ।

वूनून पानय छो'ल दो'ब्य वानय, गाश शबानय पानय आव ।।

शीतल कनि प्यठ छो'लूनय पानय, छलनस ओ'नुनस नूरुँ दॅरियाव ।

ता'ह करि पानय गा'ह त्रावानय, गाश शबानय पानय आव ।।

सूहम सुँचने सुवुँनम पानय, नवन ता'हन नारानय नाव ।

रो'नि फॅल्स लॉगिस तनि ताबानय, गाश शबानय पानय आव ।।

साति प्रभात आव शक्तिनाथ पानय, सातस प्यव शक्तिपार्थुँय नाव ।

शक्ती यस बनि मे'हरबानय, गाश शबानय पानय आव ।।

तारुँकन मंज छय जून शूबानय, मारुँकन सिरियि ताबानय द्राव ।

ताफ ब्यो'न त्रॉविथ नो'न आसमानय, गाश शबानय पानय आव ।।

## मन पम्पोश

भवानी भाग्यवान पंडित

---

वापस युस चाव नाभिस्थानय, शापस सुय बदलानय आव ।

तापस रूदुम तापय—दानय, गाश शबानय पानय आव ॥

भक्तुँ बडि वुछमय शक्ति—शाहानय, प्खतुँकार म्खतुँ दहानय आव ।

म्खतुँ हार वुछमय तँम्यसुंद खानय, गाश शबानय पानय आव ॥

ब्रोंतुँकनि वुछमस अमृत बानय, चे'नि ओस आमुत बसंतुँ काव ।

यूगुँ किज द्युतुँनस भूगुँ—पयमानय, गाश शबानय पानय आव ॥

ललद्यदि छोंडुय कांदर्यवानय, वारुँ वारुँ चोलुन नारुक ताव ।

खारुँ सुँद्य् पॉट्य् द्रायि दम दिवानय, गाश शबानय पानय आव ॥

भाग्यवानि छोंडुय सतग्वरुँ थानय, सतग्वर वुछमय कषुँ सुंद नाव ।

परमुँग्वर सपदुम मे'हरबानय, गाश शबानय पानय आव ॥

\* \* \* \* \*

## 101 – हा तूँ हू रूदुय अँक्यसुँय जाये

हा तूँ हू रूदुय अँक्यसुँय जाये, म्य मायाये को'रमय साल ॥

शाह छुय रोज़ान गा'ह बारगाये, ललि मंज़ ज़लुँसुँय दिचनम छाल ।  
हरुँसुँय गरुँ छुय मंज़ कायाये, म्य मायाये को'रमय साल ॥

सूर गछि करुन पूर छायाये, दूर कायाये निशि गछि काल ।  
दम वुडुँनावुन हंसनि त्राये, म्य मायाये को'रमय साल ॥

कमलन कँरुँयो आयि तूँ पाये, बुँति मंज़ ज़लुँसुँय वोनूँहा ज़ाल ।  
ख्यल मा खूचुय ज़लुँचे ग्राये, म्य मायाये को'रमय साल ॥

कुकिले दम द्युत गोव्यंद राये, शम ह्यूव वुछुँमस पूरुँ खतुँखाल ।  
भ्रम गव दीवकीयि बे'यि जसुदाये, म्य मायाये को'रमय साल ॥

रुमुँ रुमुँ बुमुँ छय वे'शनुँ मायाये, चे'शमय मयि छस मालामाल ।  
खास छुम भास्कर सास जायि जाये, म्य मायाये को'रमय साल ॥

तारुक रोज़्या ज़ूनि हुँजि जाये, सिरियस रोज़्या ओ'बरुक ज़ाल ।  
ओ'बरुय वुछुमय सिरियस छाये, म्य मायाये को'रमय साल ॥



## मन पम्पोश

भवानी भाग्यवान पंडित

---

न्यबुँरुँय रोजुँनुँ सबरुँचि जाये, सबरस वुछुमय ललि हुँज चाल ।  
बबरुँय मंज छुय शेरि कायाये, म्य मायाये को'रमय साल ॥

गोव्यंद वुछुमय बेपरवाये, शिव जटाये वो'लुनय नाल ।  
शम ह्यूव वुछुमय शिजा शाये, म्य मायाये को'रमय साल ॥

दमुँ दमुँ रोजुँ हों ग्वरुँ सुँजि राये, शमा'ह ह्यूव द्युतनम ओ'म दुशाल ।  
सरुँसुँय को'रनस ज़रुँकुय माये, म्य मायाये को'रमय साल ॥

खाल कां'ह रूदुय शिजा'ह शाये, काँसि मायाये वो'लुनय नाल ।  
सरुँह पान को'रमय गरुँ निशि छाये, म्य मायाये को'रमय साल ॥

पो'ज माया अपुँज कायाये, नालुँमति रटुँ हँन नॉली नाल ।  
सो'दाम खूचुस नुँ लूकुँ निंद्याये, म्य मायाये को'रमय साल ॥

धरमुँ ब्योल युस ववि करमुँ भूमिकाये, सुय मंज ज़लुँसुँय मारिय छाल ।  
दम दिथ नम रठ ओ'मुँ प्रे'तिमाये, म्य मायाये को'रमय साल ॥

शे'यि शे'यि युस अचि शिव ग्वफाये, शक्ती सूँत्य रोजि नॉली नाल ।  
कीश छलि पानय कृष्णुँ गंगाये, म्य मायाये को'रमय साल ॥

## मन पम्पोश

भवानी भाग्यवान पँडित

---

कृष्णुय वुछमय बेपरवाये, राधायि सूँत्य रूद नॉली नाल ।  
चारुँ बनि आरुँकचि सोशीलाये, म्य मायाये को'रमय साल ॥

दमुँ दमुँ मालुँ करि ओ'म मालाये, ओ'मुँचे मालुँ रटि नॉली नाल ।  
कृष्णुह कीश बासिय मंज कायाये, म्य मायाये को'रमय साल ॥

भाग्यवान वँजिनय कृष्णुनि माये, मनुँ मथराये लो'बनय लाल ।  
नालुँमति रटुँहाँन मंज जमुनाये, म्य मायाये को'रमय साल ॥

\* \* \* \* \*

## 102 – ये'लि बनुं फिदा

ये'लि बनुं फिदा ते'लि माशोक जुदा वे'सिये ।  
थो'द तुल निदा तथ छा के'ह हदा वे'सिये ॥

यि ओ'स मुदा ती म्य द्युतुम सदा वे'सिये ।  
छुम बालुं—बावस तस छा के'ह कदा वे'सिये ॥

कदि बेहदा सुय छु दिवान सदा वे'सिये ।  
को'र मनसूरन पान तनि निश जुदा वे'सिये ॥

मन मन को'रुन मन दो'पुन खुदा वे'सिये ।  
कृनिय वानय मेलि कोता'ह सोदा वे'सिये ॥

ये'लि मेलि सोदा ते'लि चलि पानय छो'दा वे'सिये ।  
सुधाम जॉनिथ न्युव म्य सोरुय सोदा वे'सिये ॥

दय गोम पॉदा वादा ये'लि गोम अदा वे'सिये ।  
लोयिमस नादा नालुं रॅटनस राधा वे'सिये ॥

दिल गोम शादा पूर को'रनम वादा वे'सिये ।

## मन पम्पोश

भवानी भाग्यवान पँडित

---

कुकिलि दमन दियि गोव्यंद दादा वे'सिये ॥

मुरली नादा बोज़ि बे'यि सम्वादा वे'सिये ।  
कृष्ण छु गोव्यंद भाग्यवान बनि राधा वे'सिये ॥

गोव्यंद नावस पान को'रुम फिदा वे'सिये ।  
ध्यान रो'ट प्राणन तन साँपुन जुदा वे'सिये ॥

\* \* \* \* \*

## 103 – ज्योति स्वरूप ये'लि प्रजुँनोवुम

ज्योति स्वरूप ये'लि प्रजुँनोवुम, ते'लि प्रोवुम दो'युम मो'रुय ।।

सतग्वरुँसुँय ये'लि हाल भोवुम, ज़ाल चो'टुम दरि खो'तुँ दो'रुय ।

गम त्रोवुम आगम प्रोवुम, ते'लि प्रोवुम दो'युम मो'रुय ।।

ग्वरुँस्वाँमियन ताँमील को'रुम, ज्ञानुँ पूरुम सोरुय फो'रुय ।

टोठ प्राणा जुदा को'रुम, ते'लि प्रोवुम दो'युम मो'रुय ।।

ज्ञान ऑसिथ ध्यान मा दो'रुम, तथ ओसुम मरुचुक ठो'रुय ।

मो'र त्रोवुम तुँ हू हू को'रुम, ते'लि प्रोवुम दो'युम मो'रुय ।।

ओम प्याला अमृतुँ बो'रुम, ग्वरुँ वरुँ गोम दरि खो'तुँ दो'रुय ।

नारुँ तावुँ सूँत्य ज़र ज़न गो'रुम, ते'लि प्रोवुम दो'युम मो'रुय ।।

ज़ल रो'टुम तुँ नो'ट फुटरुम, मनुँ सो'रुम ललि तिय को'रुय ।

ललि ग्वरस प्रेयम बो'रुम, ते'लि प्रोवुम दो'युम मो'रुय ।।

कलमुँ गँरिथ शिगाफ को'रुम, मीलि बो'रुम कुल आगुरुय ।

बो'न ऑसिथ ह्यो'रुय खोरुम, ते'लि प्रोवुम दो'युम मो'रुय ।।

## मन पम्पोश

भवानी भाग्यवान पंडित

---

सर छे'निथ गर गर को'रुम, क्वल छे'निथ रूद आगुरुय ।  
दम दितुम तुँ सन्यर पूरुम, ते'लि प्रोवुम दो'युम मो'रुय ॥

वट्टु चो'लुम तुँ वठ फुटरुम, गटि गवहर दरि खो'तुँ दो'रुय ।  
ग्वरुँ चरणन प्रेयम बो'रुम, ते'लि प्रोवुम दो'युम मो'रुय ॥

शोरुँ बदनस ज़ोरुँ तीर तोरुम, मोरुँ सूरच खोरन खुरुय ।  
मीर पखचन मोरुँ छलुँ को'रुम, ते'लि प्रोवुम दो'युम मो'रुय ॥

सूँत्य्—बाज्यन प्रेयम बो'रुम, वुछ सु प्रेयम मा द्राव दो'रुय ।  
अलमासस आलुँ फाल गो'रुम, ते'लि प्रोवुम दो'युम मो'रुय ॥

दोर त्रॉविथ खोर ठीकुरुम, द्वन पादन रूदुम दो'रुय ।  
निशि पानस सबक पो'रुम, ते'लि प्रोवुम दो'युम मो'रुय ॥

सतुँ सँदूर सूहम पो'रुम, आगमस छु हमसुन मो'रुय ।  
हर वुछिथ बर बंद को'रुम, ते'लि प्रोवुम दो'युम मो'रुय ॥

पुछ म्य पानस यि क्या को'रुम, मनसूरन कति थोव मो'रुय ।  
माज़ मरे तों'दूरुँ पूरुम, ते'लि प्रोवुम दो'युम मो'रुय ॥

## मन पम्पोश

भवानी भाग्यवान पंडित

माज पनुन पानुँ बॉगरुम, श्राकि को'रुम जुदा मो'रुय ।  
ह्यथ कूमत दरस खोरुम, ते'लि प्रोवुम दो'युम मो'रुय ॥

मुह मसतस खूर ये'लि तो'रुम, टूरि बो'रुम नूरुँ आगुरुय ।  
दिल तुँ दिलबर ऑनस दो'रुम, ते'लि प्रोवुम दो'युम मो'रुय ॥

बालुँ—बावस रोब ये'लि को'रुम, सोर वुछुम नुँ दो'युम दो'रुय ।  
कुन तुँ कीवल दॅरिस दो'रुम, ते'लि प्रोवुम दो'युम मो'रुय ॥

ग्वरुँ चरणन प्रेयम भो'रुम, आगरस मंज वोलुरुय ।  
नावि अंदर दॅरियाव तोरुम, ते'लि प्रोवुम दो'युम मो'रुय ॥

वथ वुछिथ पथ खोर मूरुम, सथ छम युस ग्वरन वो'रुय ।  
वतुँ गतन प्रेयम बो'रुम, ते'लि प्रोवुम दो'युम मो'रुय ॥

च्य वनुँनय म्य सखरुम, बो'न मा प्यमुँ खसय ह्यो'रुय ।  
दम द्युतुम हमसू सो'रुम, ते'लि प्रोवुम दो'युम मो'रुय ॥

पॉज पानस प्रेयम बो'रुम, नालुँ रो'टुम पनुँनुय मो'रुय ।  
जाल छ्यो'नुम तुँ काल अदुँ डो'रुम, ते'लि प्रोवुम दो'युम मो'रुय ॥

भाग्यवाने सू सू सो'रुम, गोव्यंदुँ—गू छुम आगुरुय ।

**मन पम्पोश**

भवानी भाग्यवान पँडित

---

आगरिस मंज़ वो'लुर तोरुम, ते'लि प्रोवुम दो'युम मो'रुय ।।

\* \* \* \* \*



## 104 – यियि म्य सुय युस दियि

यियि म्य सुय युस दियि म्य दौदिस मरहमुँय हय वे'सिये ।

नाव तँम्यसुंद भावुँ सो'स्तुय बस क्रमुँय हय वे'सिये ॥

रूप तँम्यसुंद दीपुँ सो'स्तुय ज़न शमुँय हय वे'सिये ।

म्वख तँम्यसुंद स्वखुँ सो'स्तुय दमुँ दमुँय हय वे'सिये ॥

बंग तँम्यसुंद चंगुँ सो'स्तुय ओ'म ओ'मुँय हय वे'सिये ।

नाद तँम्यसुंद वादुँ सो'स्तुय छो'पुँ—दमुँय हय वे'सिये ॥

दीदुँ तँम्यसुंद वीदुँ सो'स्तुय चो'ल भ्रमुँय हय वे'सिये ।

खाल तँम्यसुंद ज़ालुँ सो'स्तुय आलमुँय हय वे'सिये ॥

रंग तँम्यसुंद संगुँ सो'स्तुय आगमुँय हय वे'सिये ।

नाभ तँम्यसुंद लाबुँ सो'स्तुय डुमडुमुँय हय वे'सिये ॥

अथुँ तँम्यसुंद सतुँ सो'स्तुय रुम रुमुँय हय वे'सिये ।

सत त्रॉविथ वथ छु डालान आहमुँय हय वे'सिये ॥

त्राव आहम प्राव आगम शबनमुँय हय वे'सिये ।

## मन पम्पोश

भवानी भाग्यवान पंडित

---

तेलि हन हन मेलि गुलशन तनि तनुँय हय वे'सिये ॥

रास तँम्यसुंद वासुँ सो'स्तुय दयि धनुँय हय वे'सिये ।  
रो'य तँम्यसुंद खो'यि सो'स्तुय मदहमुँय हय वे'सिये ॥

वायिवुँज तथ जायि तनहा चो'ल गमुँय हय वे'सिये ।  
हर छु वायान स्वरुँ मुर्ली पयहमुँय हय वे'सिये ॥

बालुँ बावस नालुँ कुकिले दित्य् दमुँय हय वे'सिये ।  
खाल कांछा भाग्यवानन महरमुँय हय वे'सिये ॥

\* \* \* \* \*

## 105 – आहम बुँये सूहम बुँये

आहम बुँये सूहम बुँये, सुये बुँये केँह नतुँ कया ॥

म्य बर त्रो'परिथ त्रो'पर्यम लुँये, सु बर ड्युँतुम हू तय हा ।  
बबर ड्युँतुम अंदर नये, सुये बुँये केँह नतुँ कया ॥

आकाश मंडलस वॉचुँस बुँये, प्रकाश ड्युँतुम ता'ह बर ता'ह ।  
नकाश वुछुम पनुँनी शये, सुये बुँये केँह नतुँ कया ॥

गागुँरि मंजुँय सागर छुये, क्वसुँ शक्ती कुस छुय शिव ।  
कुस मंज चंगस कुस मंज नये, सुये बुँये केँह नतुँ कया ॥

न छुम मंत्र नअ छम क्रे'ये, न छुम तंतुँर न पूजा ।  
ऑकलस शब्दा'ह वो'नुय रे'ये, सुये बुँये केँह नतुँ कया ॥

केँचन ख्यवान नेँदुँर पे'ये, केँह मंज नेँदरि च्यवान मय ।  
केँह गरुँ नीरिथ पनुँनी शे'ये, सुये बुँये केँह नतुँ कया ॥

यँदरुँक्य् शब्दन नेँदुँरा निये, जंद्रा'ह मॉरिथ त्रोवुन गाह ।  
स्वंद्रा वुछिम च्यवान मये, सुये बुँये केँह नतुँ कया ॥

## मन पम्पोश

भवानी भाग्यवान पंडित

---

ये'लि ग्वरुँ शब्दस बो'रमय प्रे'ये, ते'लि शा'हनुँय मंज वुछुम शाह ।  
अदुँ कस दिमुँ तय अदुँ कुस चे'ये, सुये बुँये केँह नतुँ क्या ॥

ऑसस बुँये तुँ आसय बुँये, ब्रॉठ शे'ये वॉचुँस बुँय ।  
ये'म्य् च्यव तय तँम्य मो'ग बे'ये, सुये बुँये केँह नतुँ क्या ॥

हा ज़ीवुँ कवुँ छुय वाय तय वुये, निशि छुय पानस करतस लय ।  
करख पछ किनुँ हावय बे'ये, सुये बुँये केँह नतुँ क्या ॥

भाग्यवानन दमुँ दमुँ छुये, शम शमा'ह पानस सूँत्य ।  
बागि इरम भागि छु मे'ये सुये बुँये केँह नतुँ क्या ॥

\* \* \* \* \*

## 106 – आसि बिहिथ सु

आसि बिहिथ सु त्रॉविथ लर वे'सिये, यस टोठि श्यामुँ स्वंदर वे'सिये ।।

मनि मंजु युस कृष्णस अनि वने, हनि हने लाग्यस तन तने ।  
दामुँ च्याव्यस हरुँ कुय हर वे'सिये, यस टोठि श्यामुँ स्वंदर वे'सिये ।।

डालुँ दिनि आव बालुँ गूपालुँय म्य, हालुँ अके मॉरनम तालुँय म्य ।  
ज़र वुछमस पाय तुँ सर वे'सिये, यस टोठि श्यामुँ स्वंदर वे'सिये ।।

रोनि ग्वडुँनुँय तनि येलि मिलुँनावी, वासुँ सोस्तुय रास अदुँ खेलनावी ।  
सुय स्वंदर सुय छु शंकर वे'सिये, यस टोठि श्यामुँ स्वंदर वे'सिये ।।

लोलुँ सूँत्य फो'ल लोलुँ बागुँय म्य, लोलुँ सूँत्य आव लोलुँ वॉरागुँय म्य ।  
लोलुँ गुलुँनुँय लोलुँ अदफर वे'सिये, यस टोठि श्यामुँ स्वंदर वे'सिये ।।

मस्तानन कॅरनस मस्तानय, अस्तानन दितिनम परवानय ।  
कुस मस्जिद तुँ कुस छु मंदर वे'सिये, यस टोठि श्यामुँ स्वंदर वे'सिये ।।

नाशि रॅसितिस बाशि करनस लगुँना, टूर्य् गॉमुँत्य् बबरे डूर्य् सगुँना ।  
नाभि मंजु वुछ आबि—कौंसर वे'सिये, यस टोठि श्यामुँ स्वंदर वे'सिये ।।

## मन पम्पोश

भवानी भाग्यवान पंडित

---

श्याम रूपस छारि युस शामुं शामय, मस्त नें'दरे मस चे'यि दामुं दामय ।  
शेरि खारस शीरि मादर वे'सिये, यस टोठि श्यामुं स्वंदर वे'सिये ॥

लोलुंकिय पोश लागस पूजाये, पूजाये खोतुं सूंत्य माये ।  
सुलि फवलुंनय गुलि दुपहर वे'सिये, यस टोठि श्यामुं स्वंदर वे'सिये ॥

ही सतग्वरुं कर उपायिय म्य, वथ हावुम ह्वदुंयि ग्वफायिय म्य ।  
आव नालन शेरि बबर वे'सिये, यस टोठि श्यामुं स्वंदर वे'सिये ॥

को'र कुकिले गोव्यंदुं बूली म्य, पान पनुंनुय त्रोव तूल्य् तूली म्य ।  
सूहम रजि लॉग्यमस दर वे'सिये, यस टोठि श्यामुं स्वंदर वे'सिये ॥

सुय भाग्यवान युस स्वरि सतग्वरुं ध्यान, सतग्वरुंसुंय वंदुंहाँ पाँचवय प्राण ।  
सुय अजर तुं सुय छु अमर वे'सिये, यस टोठि श्यामुं स्वंदर वे'सिये ॥

\* \* \* \* \*

## 107 – रठ नाव अंदर वावुंसुंय

रठ नाव अंदर वावुंसुंय, दॅरियावुंसुंय दॅरियावुंसुंय ।।

नदहरुंसुंय पॉट्य दम द्युनुय, लालस छु लाला मॅल्य ह्यो'नुय ।  
गो'य राजुंह हंस कावुंसुंय, दॅरियावुंसुंय दॅरियावुंसुंय ।।

नठ नदहरुंज छय आलुंस, नालय रॅटिथ छुख ज़म ज़मस ।  
अन्न छुय सूहम छावुंसुंय, दॅरियावुंसुंय दॅरियावुंसुंय ।।

कन थव च़ु सतग्वर नादुंसुंय, वॉतिथ च़ु प्योमुत आदुंसुंय ।  
ज़रुं ज़रुं ज़र छुय जलावुंसुंय, दॅरियावुंसुंय दॅरियावुंसुंय ।।

ओस दानुं दाना'ह गव कुनुय, ड्यकुंसुंय ह्यो'तनय शूभुनुय ।  
छुय शाबुंशिय अथ नावुंसुंय, दॅरियावुंसुंय दॅरियावुंसुंय ।।

ओ'मकार अमिकुय नाव छुय, यस मंज़ भक्ती भाव छुय ।  
वुछ दीदुंवुंय लग दावुंसुंय, दॅरियावुंसुंय दॅरियावुंसुंय ।।

वुछ शूभुवुन तारा मंडल, विज़ि विज़ि वुंज़ि कति वुज़मल ।  
संज़ छुस मंज़ तलावुंसुंय, दॅरियावुंसुंय दॅरियावुंसुंय ।।

## मन पम्पोश

भवानी भाग्यवान पंडित

---

नादस तुँ आदस गव कुनुय, सादस अदुँ ह्यख वातुनुय ।  
सर दिथ लर अदुँ त्रावुँसुँय, दॅरियावुँसुँय दॅरियावुँसुँय ॥

तमि तोर तुलुँखय कदमुँय, न छु ज़मज़मुँय न छु जम जमुँय ।  
वावुँय छु मीलिथ वावुँसुँय, दॅरियावुँसुँय दॅरियावुँसुँय ॥

ह्यो'त भाग्यवानव ती च्यो'नुय, वीदव पुराणव यी वो'नुय ।  
पुशिरिथ गोव्यंदुँ नावुँसुँय, दॅरियावुँसुँय दॅरियावुँसुँय ॥

\* \* \* \* \*



## 108 – द्वन लँज्य मान मान

द्वन लँज्य मान मान त्रे'न मॉर्य मॉरी, चोर वीद च़े'य व्यस्तॉरिये ॥

पॉचुँवय म्य ओ'मुँ सूँत्य वॉल्य् तय खॉरी, पथ ह्यो'त अंहकॉरिये ।  
सूहम रज़ि सूँत्य गँडिमस बॉरी, चोर वीद च़े'य व्यस्तॉरिये ॥

शशकलि रूजुँस प्यालुँ दॉर्य दॉरी, सत छुम रथ सवॉरिये ।  
अष्टुँस्यजुँ डीशिथ मिलुँविम टॉरी, चोर वीद च़े'य व्यस्तॉरिये ॥

नवन द्वारन बंद गँयि तॉरी, दँह रूद्य दॅर्य् चॉर्य् चॉरिये ।  
कँहिमिस थानस आयि अनवॉरी, चोर वीद च़े'य व्यस्तॉरिये ॥

बा'हवुँज बुरजन वुछ म्य च़वपॉरी, त्रेयूदशि सिरियि खुमॉरिये ।  
च़वदुँहँशि हुँजि ज़ूनि नियि नामावॉरी, चोर वीद च़े'य व्यस्तॉरिये ॥

प्रथ विजि सिरियस लूसुँस प्रॉर्य् प्रॉरी, रंग वुछिम ज़रदुँ अनॉरिये ।  
मुर्ली वायान पानुँ मुरॉरी, चोर वीद च़े'य व्यस्तॉरिये ॥

गुलुँसुँय वुछमय कँड्य च़वपॉरी, तनि छिस जामुँ ज़रकॉरिये ।  
बाज़ फेरुन छा नाज़ बरदॉरी, चोर वीद च़े'य व्यस्तॉरिये ॥

## मन पम्पोश

भवानी भाग्यवान पंडित

---

कंडिनुंय रूजुंस सीनुं दार्युं दौरी, गुलुसुंय पथ हे'चम खौरिये ।  
बुलबुल नालन लौलो निहौरी, चोर वीद च़े'य व्यस्तौरिये ॥

फंदुं अकि कॅरमस बंदुं बरदौरी, खंदुं सूत्य गोम मौर्युं मौरिये ।  
बंदुं बंदुं कॅरमस कंदुं गुफतौरी, चोर वीद च़े'य व्यस्तौरिये ॥

कें'ह मनसूर ज़न धारस खौरी, कें'ह लल तौंदरुंकि नौरिये ।  
भाग्यवान गोव्यंदुं नावन तौरी, चोर वीद च़े'य व्यस्तौरिये ॥

\* \* \* \* \*

## 109 – दूरि रूजिथ चूरि ज़ागान यार म्य

दूरि रूजिथ चूरि ज़ागान यार म्य  
नावि हुंदुय नम रँटिथ गमखार म्य ॥

दो'प म्य यारन बे'यि व्वलुँ कथुँ तारुँ कर  
तस जवाबा सूजुम छस बे खबर ।  
शिल रँटिथ दिलुँसुँय अंदर दिलदार म्य, नावि हुंदुय नम रँटिथ गमखार म्य ॥

प्रणवुँय सूँत्य प्राणुँनुँय द्युतुनस द्रसय  
सत-लूकस खौरनस रसुँ रसय ।  
यूगुँकुय वौरागुँकुय रफतार म्य, नावि हुंदुय नम रँटिथ गमखार म्य ॥

अस्तुँ अस्तुँ बस्तुँ आँसुँस जेलुँसय  
खस्तुँ गँछिथ जस्तुँ यारस मेलुँसुँय ।  
बे'यि वनुँहॉ छुमनुँ वनुँनस वार म्य, नावि हुंदुय नम रँटिथ गमखार म्य ॥

स्वनि हुँदे खारुँ द्रायस जंगुँसुँय  
ग्वरुवरुँ सूँत्य अरुँ को'रुय बरुँ टंगुँसुँय ।  
जेलुँकुय दरवाजुँ फुट यकबार म्य, नावि हुंदुय नम रँटिथ गमखार म्य ॥

## मन पम्पोश

भवानी भाग्यवान पंडित

नेरुँ सॉलस तीरुँ तरकश सूँत्य छुम  
फेरुँ जेलस तथ अंदर बे'यि कूँत्य छिम ।  
तालि प्यठ तवुँ बालि तुलुमय नार म्य, नावि हुंदुय नम रँटिथ गमखार म्य ॥

स्वनि हुँदे खारुँ नारस छुम जलाव  
सथ ज़ीनिथ पथ म्य त्रुवुम अख पडाव ।  
नोम तसुंद अनि क्यो'म बँनिथ कुलमार म्य, नावि हुंदुय नम रँटिथ गमखार म्य ॥

स्वनि हुँदे खारुँ को'रमय दीशि त्याग  
खंडुँ खंडुँ खंडरातन गँडिम बाग ।  
वँज फो'जिम वुछ कनि अंदर फम्वार म्य, नावि हुंदुय नम रँटिथ गमखार म्य ॥

स्वनि हुँदे खारुँ पो'रुमय अमुँ सिपार  
तोशिना वो'ज गोशिनुँय छिम गोशवार ।  
दीदुँनुँय दो'रुदुकुय दीदार म्य, नावि हुंदुय नम रँटिथ गमखार म्य ॥

अथुँ द्युतुनम सतग्वरुनुँय कर थफुँय  
नय म्य तस्बी नय माला नय ज़फुँय ।  
गुल वुछुम बुलबुल वुछुम नय खार म्य, नावि हुंदुय नम रँटिथ गमखार म्य ॥

स्वनि हुँदे खारुँ रोज़य नवजवान  
ग्वरुँ वरुँ करुँ ग्वरुँनुँय सूँत्य मान मान ।

## मन पम्पोश

भवानी भाग्यवान पंडित

वारि पनुँने खारि कुस बरदार म्य, नावि हुंदुय नम रँटिथ गमखार म्य ॥

तोरुँ वो'नुँहँम छुय करुन काया कल्प

जोरुँ वेना को'र म्य बना पथ हल्प ।

यारि यस दय कारि खुद को'र कार म्य, नावि हुंदुय नम रँटिथ गमखार म्य ॥

ओ'बरुँ तलय छुम तो'बरुखा'ह ह्यथ लारुनुय

नटि नटवर गटि सग दिमुँ नारुनुय ।

त्रटि जवहर मटि छुम ओ'मकार म्य, नावि हुंदुय नम रँटिथ गमखार म्य ॥

ही सतग्वरुँ क्या म्य ओसुम करमुँसुँय

गुर्य गुपन हँस्य् म्य दितिमुँत्य् धर्मसुँय ।

भूम ब्रह्मा छुम करुन अज कार म्य, नावि हुंदुय नम रँटिथ गमखार म्य ॥

पानुँ ब्रह्मा ओस आमुत वीद ह्यथ

पादुँनुँय तल वादुँ थँविनम पाँसुँ सथ ।

भूमिका भूमासो'रुँज इंकार म्य, नावि हुंदुय नम रँटिथ गमखार म्य ॥

ऋशि मुनी तुँ दीवता कारण ति आँस्य्

परि पूरण ओस लँगुँन पूरनुँ माँस्य ।

यम तुँ यँदर सिरियि चँद्र तार म्य, नावि हुंदुय नम रँटिथ गमखार म्य ॥

## मन पम्पोश

भवानी भाग्यवान पंडित

चूरुं वनतम चूरुं कलम कॅम्य द्युतुय  
चूरुं को'रमस मस छुखा कर बस युतुय ।  
चूरुं सुंदुय ग्वडुं द्युतुम अखबार म्य, नावि हुंदुय नम रॅटिथ गमखार म्य ॥

रुक्षमनी मोहनुंसुंय सूंत्य वाद यिम  
पादुंनुंय तल ज़्यादुं ऑकल साद छिम ।  
जीवन जॅलीखा यूसफे इज़हार म्य, नावि हुंदुय नम रॅटिथ गमखार म्य ॥

अकलि हुँज़ छनुं नकलि राधा मंज़ूर  
चुंय म्य फिदा कॅर म्य जुदा पूरि पूर ।  
बाज ह्योतुंमस राजिकुय दरबार म्य, नावि हुंदुय नम रॅटिथ गमखार म्य ॥

सतग्वरुवुंय द्युत यि कनुं दूर म्य  
नूरुंसुंय सूंत्य मिलुंनोवुंहुंम नूर म्य ।  
सूंत्य सतग्वर ताँर्य अपरम्पार म्य, नावि हुंदुय नम रॅटिथ गमखार म्य ॥

दीशि दीशय कीश रॅगिथ आयिसय  
ग्वर वरुं सूंत्य हरुं द्वारस चायिसय ।  
वादुं पोलुम म्यूलुम ग्वरुंद्वार म्य, नावि हुंदुय नम रॅटिथ गमखार म्य ॥

स्वनुं दादे राम द्रामुत वनवास  
स्वनुं दादे रावणस गव लाँकि डास ।

## मन पम्पोश

भवानी भाग्यवान पंडित

वोरुँ भायव थोव यूसुफ गार म्य, नावि हुंदुय नम रँटिथ गमखार म्य ॥

ग्वरुसुंदुय वादुँ आयस पालुँनुँय

स्वनुँ दाद्युक ब्योल आयस गालुँनुँय ।

नाम रोज़न गाम तय शहार म्य, नावि हुंदुय नम रँटिथ गमखार म्य ॥

नम रँगिम आदँम्य रतय थव कन वनय

बोज़ुवुन ग्वर रोज़ुवुन छुय दयि दनय ।

सोनुँ सपदुम फोनुँसस सूँत्य तार म्य, नावि हुंदुय नम रँटिथ गमखार म्य ॥

सत वो'नुम अँहवथ दि सत बोज़ पथ मुँ रोज़

दक्षि प्रजापतुन यज्ञ ओस पूरुँ सोज़ ।

शिव बँनिथ को'र सौर्यसुँय सम्हार म्य, नावि हुंदुय नम रँटिथ गमखार म्य ॥

वख्तुँ वो'नुमय वारुँ वारुँ प्रेयमुँ सान,

वो'लुँ हावय कुल जँमीनो आसमान ।

चे'य सिवा कुनि वुछ नुँ अहंकार म्य, नावि हुंदुय नम रँटिथ गमखार म्य ॥

तमि किज प्योम वादुँ तोरुक पालुनुँय

राक्षुँसन हुंद ब्योल सोरुय गालुनुय ।

नाव नहवख नाव तरनतार म्य, नावि हुंदुय नम रँटिथ गमखार म्य ॥

## मन पम्पोश

भवानी भाग्यवान पंडित

सतग्वरुवुँय द्युत म्य आलव तुल कदम  
अथुँनुँय छुम वीद कथुँनुँय ज़ीरुँबम ।  
कावुँ टावुक दाव बेशुमार म्य, नावि हुंदुय नम रँटिथ गमखार म्य ॥

कीश रँगिम रंगि लॉला वुछतुँ क्या  
कीशुँनुँय प्यठ निशानय ला—इल्लाह ।  
ज़रुँ ज़ेवर म्योन ज़रगर—द्वार म्य, नावि हुंदुय नम रँटिथ गमखार म्य ॥

अदलि जहाँगीर म्योनुय सरपरस्त  
नेत्रुँ कमल पादुँनुँय तल वो'थुरस ।  
शोलुँ तँम्यसँदि ज़्यादुँ लोलुक नार म्य, नावि हुंदुय नम रँटिथ गमखार म्य ॥

जान—बेगम रोज़ बेगम हर दमय  
बिंद्राबन मंज़ म्य द्युतुँनम आश्रमय ।  
मजनूनस लॉलि गव मिलुँच़ार म्य, नावि हुंदुय नम रँटिथ गमखार म्य ॥

र्यथ वॅरी म्वकलेयि बाकी द्वह छि वो'ज  
नव जवाने भाग्यवाने धन्य धन्य ।  
सूँत्य जंगस कूँत्य वॉकुँफकार म्य, नावि हुंदुय नम रँटिथ गमखार म्य ॥

\* \* \* \* \*



## 110 – हर म्य द्युतुमय नटि नटे

हर म्य द्युतुमय नटि नटे, गटि हुँदे गाशरय ॥

गाश वुछमय गोव्यंदुँय, रव तुँ चंदुँय नँज गँयम ।  
नालुँ रो'टमख लालुँ त्रटे, गटि हुँदे गाशरय ॥

मोरुँ सुँद्य पॉठय् दोर त्रॉवुँम, खोर डीशिथ मंदुँछिस ।  
ब्रॉठ द्रायस शीनुँ छटे, गटि हुँदे गाशरय ॥

मोरुँ पखचन मोरुँ छलन, ज़लज़लय वुछमय करन ।  
श्यामुँ रूपस अनिगटे, गटि हुँदे गाशरय ॥

ओ'मकारस शेरि वुछुमय, शेरुँसुँद्य अदुँ दम दितिम ।  
कोनुँ दितिथम मटि मटे, गटि हुँदे गाशरय ॥

ललि हुँद्य पॉठय् अचुँ तोँदुँरस, रोजुँह जंद्रस बंद कॅरिथ ।  
अँदुँ तोँ'दुँरय युथ नुँ फटे, गटि हुँदे गाशरय ॥

मंसूरन पोस्त वॉलिथ, दोस्त वुछनय अंदुँय ।  
हटि वासुक गंगुँजटे, गटि हुँदे गाशरय ॥

## मन पम्पोश

भवानी भाग्यवान पंडित

---

डे'कि वुछमस टिकुं खावर, करतुं बावर वनुंनसुंय ।  
कमि श्रोचि तुं कमि छे'टे, गटि हुंदे गाशरय ॥

बस्मुं वुछिनन बस्मुं को'रनम, इस्मि अजम क्या वनय ।  
कमि तनि तुं कमि म्वटे, गटि हुंदे गाशरय ॥

गलि नुं पानि तुं हो'खि न वावय, नारुं तावुंय ज़ालि क्या ।  
कुस वाटि तुं कुस च़टे, गटि हुंदे गाशरय ॥

कावुं टावस ज़ांह नुं खूचुंस, छे'टि चाने श्रूचुंसुंय ।  
रातुं—म्वगलुंनि छटुं छटे, गटि हंदे गाशरय ॥

राजुंह हंसस तुं रंगुं च़रे, काव टावुंय करि क्या ।  
म्वखतुं प्वखतन रटुं रटे, गटि हुंदे गाशरय ॥

भाग्यवाने ज़ेरि ज़ेरे, प्रेयमुं हेरे शेरि मंज़ ।  
नेरि तमुंना नारुं छटे, गटि हुंदे गाशरय ॥

गोव्यंदस नादुं बे'दस, स्वछे'दस ललुंविथ ।  
मनि अंदर ख्वनि रटे, गटि हुंदे गाशरय ॥

**मन पम्पोश**

भवानी भाग्यवान पण्डित

---

\* \* \* \* \*

## 111 – करय जुव जान फिदा

करय जुव जान फिदा, लँजिस कमि ज़ालुँ मत्यो ॥

छु प्रोन यखलास असि द्वन, तमिय गव शस्तुरस स्वन ।  
कर्यथ कमुँ चालुँ मत्यो, लँजिस कमि ज़ालुँ मत्यो ॥

करव नँव ऑशिनाँवी, पज़्या नतुँ बे वफायी ।  
गँयस मतवालुँ मत्यो, लँजिस कमि ज़ालुँ मत्यो ॥

म्य वुछिमय चालुँ चाने, वच्यथ कचि शीनुँ माने ।  
ज़लुँक्य् छिम नालुँ मत्यो, लँजिस कमि ज़ालुँ मत्यो ॥

ज़लुँय ज़ल सॉर्यसुँय गोम, पँयिथ थव कोंदुँ छम ओम ।  
बन्यम शिवालुँ मत्यो, लँजिस कमि ज़ालुँ मत्यो ॥

छु शीवुँय गंगि अंदर, अमा छुय श्यामुँह सुंदर ।  
बँनिथ कलुँवाल मत्यो, लँजिस कमि ज़ालुँ मत्यो ॥

द्युतुथ यस पूरि पूरुँय, को'रुथ तस चूरुँ चूरुँय ।  
करय सवालुँ मत्यो, लँजिस कमि ज़ालुँ मत्यो ॥

## मन पम्पोश

भवानी भाग्यवान पंडित

---

निज्यम म्यति सूंत्य पानस, गॅछिथ पथ आसमानस ।  
चुं नॉली नाल मत्यो, लजिस कमि ज़ालुं मत्यो ॥

वुछुम ग्वडुं अजगो'टुय, यो'ताज गटि गाश फो'टुय ।  
छु हरम्वखुं बालुं मत्यो, लॅजिस कमि ज़ालुं मत्यो ॥

वुछुम वे'शिरुपुं दर्शुन, अमा गव पोशि वर्शुन ।  
ग्वरुंय दयालुं मत्यो, लॅजिस कमि ज़ालुं मत्यो ॥

द्युतुम सर पादुंनुंय तल, वुछिम तति नारुं वुजुंमल ।  
बुं कोता'ह च़ालुं मत्यो, लॅजिस कमि ज़ालुं मत्यो ॥

बन्योमुत ज़ल ओसुम, तमिय सूंत्य नार कोसुम ।  
गॅलिथ क्या गालुं मत्यो, लॅजिस कमि ज़ालुं मत्यो ॥

बन्योमुत दुरदानय, तमिय नाव भाग्यवानय ।  
चो'लुम मलालुं मत्यो, लॅजिस कमि ज़ालुं मत्यो ॥

\* \* \* \* \*

## 112 – अवल तुहुंद म्य फाल

अवल तुहुंद म्य फाल वुछुम, त्रिकाल दृष्टी खुलेयम ॥

दो'यिम साँरुँय दुय ये'लि गँजिम, स्यो'वुम सिरिये स्वखस वोत ।

चो'हरुम चरागाना वुछुम, त्रिकाल दृष्टी खुलेयम ॥

पँज पँतरि ग्युंदुम शशकल चे'यम, सतुक स्वभाव सूहम सू ।

अष्टाबुज्जी अशरथ वुछुम, त्रिकाल दृष्टी खुलेयम ॥

नवन द्वारन नादार वुछुम, दँहवय वुछिम दावादार ।

का'हनोव बाहवँज बुरजन वुछुम, त्रिकाल दृष्टी खुलेयम ॥

त्रियोदशी त्रकुँर वुछिम, चो'दुँहशि जूने तोलुन क्या ।

पुँणिम पूरण परम वुछिम, त्रिकाल दृष्टी खुलेयम ॥

तस भाग्यवानी यस भाग्य आमुत तल रागि हुंदुय रवारव ।

स्वठकुक शंकर शिजस वुछुम, त्रिकाल दृष्टी खुलेयम ॥

\* \* \* \* \*

## 113 – म्य जूग्य् द्युत जूग्य् पावरुंय

म्य जूग्य् द्युत जूग्य् पावरुंय, द्वह रात वुछुमय खावरुंय ।।

पछ करतुं म्याँनिस वनुँनसुंय, क्या ज़ानुँ ज़े'वि प्यठ अनुँनसुंय ।  
बूज़िथ करिय कुस बावरुंय, द्वह रात वुछुमय खावरुंय ।।

ज़रुँ ज़रुँ ज़र छुन हालि म्य, ओला वुछुमय प्यठ तालि म्य ।  
दम दिथ हंसुँज छिम परुंय, द्वह रात वुछुमय खावरुंय ।।

दम दिथ बुँ खँचसय ह्यो'र कुनुय, सूहस तुँ हमस को'र कुनुय ।  
यारन म्य कँरनम यावरुंय, द्वह रात वुछुमय खावरुंय ।।

क्या अंदर क्या न्यबरुंय, डीशिथ बुँ छस बे खबरुंय ।  
छुम रँछरुन मा रावरुंय, द्वह रात वुछुमय खावरुंय ।।

छु शे'यि रूज़िथ यियि को'त, म्य सूंत्य पानस नियि को'त ।  
दँज़ रज़ नेर्यस मा वरुंय, द्वह रात वुछुमय खावरुंय ।।

गव छ्यनुँ म्य सोरुय योरुकुय, गव कनुँ म्य आलव तोरुकुय ।  
खस पावरुंय व्वज आवरुंय, द्वह रात वुछुमय खावरुंय ।।

## मन पम्पोश

भवानी भाग्यवान पंडित

---

जाया म्य वूछिमय क्या ज़बर, नय शुमशानय नय कबर ।  
शा'हन छि शॉही टावरुँय, द्वह रात वुछुमय खावरुँय ॥

कें'ह सर कॅरिथ छिय ब्वन कुनुय, कें'ह फेरुँवुँज छिय च्वन कुनुय ।  
केंचन छि गॉमुँच कावरुँय, द्वह रात वुछुमय खावरुँय ॥

केंचन छि आकाशस मुदय, तिमुँनुँय छु प्रकाशिय उदय ।  
रठ मूरुँखन निशि माहवरुँय, द्वह रात वुछुमय खावरुँय ॥

यियि मूरखन दयी लये, चे'यि लोलुकुय लोला मये ।  
ज़यि ज़ागि सूँती ज़ेवरुँय, द्वह रात वुछुमय खावरुँय ॥

च्यव भाग्यवानव सुय मयी, क्या चीज़ छुय हातम तयी ।  
ज़रुँ ज़रुँ सुय ज़रुँ ज़ेवरय, द्वह रात वुछुमय खावरुँय ॥

लोलन गँडुँय अनुँवार म्य, गोव्यंदुँ नावुँय सार म्य ।  
वावस ति कॅरमय वावरुँय, द्वह रात वुछुमय खावरुँय ॥

\* \* \* \* \*



## 114 – कति आयस को'त लँजिस

कति आयस को'त लँजिस, कँम्य ज़ालन वँजिस बो ॥

शिवन को'रनम शक्तिपातय, ग्वरुँ दातय वुछमय म्य ।  
सत ग्वरुँ चरनन कोनो लँजिस, कँम्य ज़ालन वँजिस बो ॥

शक्ती गँयम मे'हरबानुँय, ग्वरव ज़ानुँय कँरहँय म्य ।  
गटि गँजिस ज़ूने फँजिस, कँम्य ज़ालन वँजिस बो ॥

ग्वरुँय बब तय ग्वरुँय मॉज, कुनिय थॉज्य् खे'यिय म्य ।  
छे'टि वानि पनुँनि तँमिय छे'जिस, कँम्य ज़ालन वँजिस बो ॥

ग्वरुँ सुँजि कँज्य् आयि लल आकॉशी, सुय नकॉशी छारुन छुम ।  
लूकुँ हुँजि निंदायि कांदुँर्य खँजिस, कँम्य ज़ालन वँजिस बो ॥

गरनुँ आयस तों'द्रस चायस, करान द्रायस सू हम सू ।  
बँनिथ बस्मा'ह शीवन मँजिस, कँम्य ज़ालन वँजिस बो ॥

शीवुँय अंदर शीवुँय न्यबर, ज़ेर क्या ज़बर सूहम सू ।  
यि कथ वे'प्या नादान दो'जिस, कँम्य ज़ालन वँजिस बो ॥

## मन पम्पोश

भवानी भाग्यवान पंडित

---

दमुँ दमुँ दो'मुम दमन हाले, वुछुम आले गुपिथ पान ।  
पर ये'लि आयम वुफिथ चँजिस, कँम्य ज़ालन वँजिस बो ॥

स्वनि कँरमय स्वनस सरतल, तमिय बरतल आँसुँस बो ।  
असन तुँ गिंदन सरस सँजिस, कँम्य ज़ालन वँजिस बो ॥

गोव्यंदुँ नावस बो'रुम लोलुय, कुकिलि ओलुय वुछुम म्य ।  
हा हू रो'टुम तुँ ज़ांह ना कँजिस, कँम्य ज़ालन वँजिस बो ॥

कृष्णन मुक्ती शिवन भक्ती, ग्वरव युक्ती दिचुँय म्य ।  
आगरुँ ग्रजुन ज़ांह मा डँजिस, कँम्य ज़ालन वँजिस बो ॥

वनुन ज़्यूतुय बोजुन क्रूतुय, सार म्यूतुय सारिज छुय ।  
पनुन माज़ द्युन पानय पुजिस, कँम्य ज़ालन वँजिस बो ॥

खॉरिथ दरस द्युन छुय परस, बुँ मा मरस कर्यम क्या ।  
मुरा त्रावुन वावस तुँ वँजिस, कँम्य ज़ालन वँजिस बो ॥

यि कथ बूजिथ ह्यतो पो'तुय, कदम लो'तुय लो'तुय त्राव ।  
दोरुँय त्रॉवुम सॉरुँय गजिस, कँम्य ज़ालन वँजिस बो ॥

## मन पम्पोश

भवानी भाग्यवान पंडित

सम्सार छुय मो'दुर मसुँय, च्यवान रसुँय लो'गुय क्या ।  
अमि माये क्राये तँजिस, कँम्य ज़ालन वँजिस बो ॥

दितस दकय यिनुँहँय पखय, खॉरिथ नखय त्रावुन ब्वन ।  
युथ अदुँ हज छुय यिवान हॉजिस, कँम्य ज़ालन वँजिस बो ॥

वन क्या करनय शुर्य क्या बॉचुँय, ज़ॉचुँय कां'ह ना मीलित्थ छुय ।  
बुडिथ दपुँनय अकुँल डँजिस, कँम्य ज़ालन वँजिस बो ॥

हरुँ करतो गरुँह गरुँह मशिय, कवो पो'शिय रॉवुँय राथ ।  
शुर्य बॉच दपुँनय नें'दुर गँजिस, कँम्य ज़ालन वँजिस बो ॥

छ्वपि हुँदि मंत्रुँ करतय यादुँय, सतग्वरुँ पादुँय छँलिथ च्य ।  
रूपन तँम्यसँद्य दुपय दँजिस, कँम्य ज़ालन वँजिस बो ॥

सतग्वरुँ मंत्र च्यतस को'रुम, म्य तस ओसुय आगरुँ म्युल ।  
वज़रुँचि नज़रे थज़रस लँजिस, कँम्य ज़ालन वँजिस बो ॥

सीनुँ बुँ सीनुँ रँटनस नालय, दो'गुन शालय वो'लनय म्य ।  
खरुँ खरुँ को'रनम थरुँ मा लँजिस, कँम्य ज़ालन वँजिस बो ॥

दयिय दियिय नीरिथ न्यासय, नतुँ क्रकुँ सासा छँडिथ क्या ।

## मन पम्पोश

भवानी भाग्यवान पंडित

---

गँडिथ गावा जंगल चँजिस, कँम्य ज़ालन वँजिस बो ॥

ग्वर छुम मीलिथ दानस दानस, ग्वर छुम पूँचिमिस प्राणस मंज ॥

वग भाग्यवानस रटुँज तँजिस, कँम्य ज़ालन वँजिस बो ॥

\* \* \* \* \*

## 115 – वाये'य सूहम तारुँ

वाये'य सूहम तारुँ मत्यो, नें'दरि गछू बेदार ॥  
जिंदुँ पानुँ रटव गार मत्यो, नें'दरि गछू बेदार ॥

यिजिहे मंज ल्वकुँचारुँ मत्यो, ऑसुँस ये'लि बेमार ।  
दिजिहे अमृत धार मत्यो, नें'दरि गछू बेदार ॥

बुजिरस ज़ोनुथ नुँ चारुँ मत्यो, ओसुय नुँ फेरुँनस वार ।  
पानय छुख उमेदवार मत्यो, नें'दरि गछू बेदार ॥

ओसुख गुलि बेखार मत्यो, गुलुक ति चोलुम नुँ बार ।  
लोलन कॅर्यनम पारुँ मत्यो, नें'दरि गछू बेदार ॥

ऑसुँस कुंदनकार मत्यो, ज़रगर ज़ोरावार ।  
ज़रुँ ज़रुँ कॅडुँनस नारुँ मत्यो, नें'दरि गछू बेदार ॥

कॅर्यनम नक्शि निगार मत्यो, पानय बाँनीकार ।  
हर च्यथ हर दरबारुँ मत्यो, नें'दरि गछू बेदार ॥

रुजिथ छस खुमारुँ मत्यो, हटि छुम शोरुँ शा'हमार ।

## मन पम्पोश

भवानी भाग्यवान पँडित

---

बीन बाजि वाय वारुँ वारुँ मत्यो, नें'दरि गछू बेदार ॥

वायुन सँत्य ओ'मकारुँ मत्यो, वुछि कांह आसि गाशदार ।  
सहारुँ करि आहार मत्यो, नें'दरि गछू बेदार ॥

मंसूर खो'त बरदार मत्यो, ड्युँटुम ये'लि सु अनवार ।  
कस सँत्य करि गुफतार मत्यो, नें'दरि गछू बेदार ॥

लल दँज तौ'दरुँकि नारुँ मत्यो, गोशिनूँय पोशि सब्जार ।  
तोशिना आयि अनवार मत्यो, नें'दरि गछू बेदार ॥

तस दो'पुख मारि कुलमार मत्यो, मौर्य ये'म्य नारुँ फुकार ।  
शीतल शा'ह वो'ज खार मत्यो, नें'दरि गछू बेदार ॥

राधायि छेवुय बहार मत्यो, रक्षमण छय प्वखतुँकार ।  
मालि मंजु लालि जवहार मत्यो, नें'दरि गछू बेदार ॥

भाग्यवानन दरबारुँ मत्यो, आसन लोलुँ शहार ।  
तँथ्य दो'पुख सीरि सरकार मत्यो, नें'दरि गछू बेदार ॥

\* \* \* \* \*

**मन पम्पोश**  
भवानी भाग्यवान पंडित

---

## 116 – भवानि कॅरमुँच उमेदवॉरी

भवानि कॅरमुँच उमेदवॉरी, भवानि मुचरिम तॉर्ये ॥  
जोतुँवुँनि कथुँ हे'छि तोतुँ गुफतॉरी, भवानि मुचरिम तॉर्ये ॥

हे'रि ब्वनुँ होवुँनम चरागानय , शिव—निर्वानय म्यूलुम म्य ।  
यादाश वुछमस यादावॉरी, भवानि मुचरिम तॉर्ये ॥

सतग्वरुँदीवन वो'नुँनस पानय, सूँत्य जानानय द्युतुँनय म्य ।  
खेरस कॅरमय शेरुँ—सवॉरी, भवानि मुचरिम तॉर्ये ॥

तुलिथ परदस ग्युँदुमय नरदस, सोंतस तुँ हरदस ख्वरदुँ कलान ।  
गगनस कॅरमय अँगनुँ सवॉरी, भवानि मुचरिम तॉर्ये ॥

नअ वुछुम गगनुँय न वुछुम अँगनुँय, त्रे'गुनुय वुछुमय त्रे'न दीशन ।  
शशकलि मटुँनुँय अटुँ चॉर्य चॉरी, भवानि मुचरिम तॉर्ये ॥

भागा'ह को'रनम भॉगरुन द्युतुँनम, वादा ह्यो'तुनम वॅहदतुँकुय ।  
संतन तुँ सादन हुँज म्य जिमुँवॉरी, भवानि मुचरिम तॉर्ये ॥

कें'ह संत वुछिमय जलुँ रो'स नावे, कें'ह छिय तो'दुँनि तावे मंज ।



## मन पम्पोश

भवानी भाग्यवान पंडित

---

तवुँ छम दिलुँसुँय बेकरॉरी, भवानि मुचरिम तॉर्ये ॥

अशिवानि तार द्युत म्य सतुँचे नावे, कुनि कुनि तावे छे'तुँ गव नार ।  
प्रेयमुँक्य पर वुछिम पर—उपकॉरी, भवानि मुचरिम तॉर्ये ॥

तवुँ दिच म्य प्रेयमस दस्त बरदॉरी, गवरुँनुँय पथ हे'चुँम खॉरिये ।  
हरशि आयि भाग्यवान शा'हसवॉरी, भवानि मुचरिम तॉर्ये ॥

\* \* \* \* \*

## 117 – ग्रायि लज्यम आयि परन

ग्रायि लज्यम आयि परन द्रायि हिंदुस्तॉनिये ।  
जाम चे'यम राम परन नाम रोजन म्यॉनिये ॥

रव छोरुय प्रव हरन शिव लो'बुम पॉनिये ।  
कृष्णु वरनय वे'शिन लो'बुम नशि नुँ ज़ांह यिछ वॉनिये ॥  
यम ज़ीनिथ भ्रम चो'लुम खम को'रुम ग्वरुँ ध्यॉनिये ॥॥

स्वनि हुंदुय खारुँ ओसुम वारुँ खचुँस हॉनिये ।  
कतुँरुकुय तॉमीर कॅरिज़्या हट छांडय छॉनिये ॥  
नो'व च्य नकला क्या बनोवुथ प्रोन परातॉनिये ॥॥

ज़रुँ ज़ेवर सूत्य तुलुम कूत्य छिम कुरबॉनिये ।  
शेरि ज़ीनिथ शेर गॅयस हेर ऑसुँम कॉनिये ॥  
ज़फ कॅरिथ ज़पुँमाल तुजिम नॉल्य् छुँज नारॉनिये ॥॥

चाह खॅनिथ कॅम्य् दुआ लो'बुय पान द्युतुन पॉनिये ।  
झूठ वॅनिथ लूठ को'रुँनम पॅरियि पॅरिस्तॉनिये ॥  
दरदुँ बागस हिय म्य फो'जिम ती म्य वो'नुम लॉनिये ॥॥

## मन पम्पोश

भवानी भाग्यवान पंडित

---

रव बुये शिव बुये ओ'म छअ म्यॉनी वॉनिये ।  
ओ'म जॅपिथ ओ'मकार खो'नुम तवुँ म्य जीनिम वॉनिये ॥  
अशबुके अशवानि छँजिम छय नुँ ज़ां'ह डलवॉनिये ॥॥

वावुँसुँय मंज नाव रँटुँम नाव छुम भाग्यवॉनिये ।  
वावुँसुँय आहार को'रुम सार वुछुम फॉनिये ॥  
शीवुँ सुंद शा'हमार गों'डुम नार छुस हारॉनिये ॥॥

कुकिलि हुँद्य हिव्य् पॅर्य् त्रॉविम जूर्य् गोव्यंद सॉनिये ।  
आयिनुँय मंज जाय रँटुँन हे'छिन कुरानखॉनिये ॥  
ललि कुन अदुँ दोलुँ वुछुनय लोलुँ मँजनूनखॉनिये ॥॥

\* \* \* \* \*

## 118 – छु सुबहुक वाव कॅरिथ

छु सुबहुक वाव कॅरिथ पॉराव आमुत  
हने हने स्वने आमुँताव च़ामुत ।।

अंदर अँचिथ स्वंदर जामय छु पॉरान  
न्यबर नेरन रहे बंदर छु शेरान ।  
छ्वने बो'स्तूर र्वन्यन ठँहराव खामुक, हने हने स्वने आमुँताव च़ामुत ।।

छि ब्वनकुन दरदुँ बागस पोशि चमन  
वुछान ह्यो'रकुन लगस ना मॉज़ि नमन ।  
दँछिअ खोवुँर्य अँछन मंज़ भाव आमुत, हने हने स्वने आमुँताव च़ामुत ।।

ज़रस ज़रस सरस प्यठ ज़र म्य शूबान  
माहे ताबान मुकटुँ मे'हवर म्य शूबान ।  
अथन छुय वीद कथन छुम दाव आमुत, हने हने स्वने आमुँताव च़ामुत ।।

कँदीलस मंज़ च्य लो'दुथ हूअ लो'दुय  
कलुँ वँतरे सँतरे अँथरि च़ो'दुय ।  
सतन वतन तम्युक ना नाव आमुत, हने हने स्वने आमुँताव च़ामुत ।।

## मन पम्पोश

भवानी भाग्यवान पंडित

थव्या कां'ह गॅज्यगा'हस मंज हूज जथुंय  
खो'तुस पाफा कथा रूज पतुं वथुंय ।  
तबादलुं छुख कटस ह्यथ गाव आमुत, हने हने स्वने आमुंताव चामुत ॥

म्य वो'नुमय टाठि म्याने पायुंसुंय पे'  
बुं ऑसुंस आब गॅडनस नारुंसुंय रे'ह ।  
कुलाबस प्यठ खंसिथ जलाव आमुत, हने हने स्वने आमुंताव चामुत ॥

दिया कां'ह पोशि बागस नारुं सगुंय  
ति डीशिथ नारुंचिय म्य रॅट यि वगुंय ।  
गॅडिथ गुल्य् रोज़ छु नावन भाव आमुत, हने हने स्वने आमुंताव चामुत ॥

म्य कजिमय दानिमंजय हामुं ब्यो'नुय  
चुं ऑसिथ वीर को'डुंमय सीर नो'नुय ।  
बॅनिथ बुलबुल च्य मंज बुलाव आमुत, हने हने स्वने ...

खबर छय के'ह, के'हस छुख बेखबर  
म्य छुख ना टोठ तवय छुम जेरुं जबर ।  
खबर तोरुंच्य् म्य निशि ह्यथ काव आमुत, हने हने स्वने आमुंताव चामुत ॥

म्य गोमुत वादुं सोरुय पूरि पूरुं  
लाइट त्रावुम वजन छुम संतूरुं ।

## मन पम्पोश

भवानी भाग्यवान पंडित

अथन दा'न किशवरुंज ह्यथ ख्राव आमृत, हने हने स्वने आमुंताव चामुत ॥

च्य सिवा पादुंन्य द्वन लगुं किथुं बो

गंडिथ सामानुं रोजुन राथ तय द्वह ।

दुतरफाना छु द्वन हुंद नाव आमृत, हने हने स्वने आमुंताव चामुत ॥

जंगी सामानुं पौरिम जंगुं बापत

रंगीनुं बोड ल्यूखुम रंगुं बापत ।

संगियन मंज छु म्योनुय नाव आमृत, हने हने स्वने आमुंताव चामुत ॥

म्य निशि मा छुय असतुकुय अख निशानय

तम्युक जामय च्य सुवमुत पॉज पानय ।

छुनिथ छुय नॉल् च्य तमिकुय ख्राव आमृत, हने हने स्वने आमुंताव चामुत ॥

कडुन छुय ते'ल गिंदव आकाश हाले

गिंदिथ बाले चलन छुख नालि नाले ।

गलन छस छुय पनुन स्वभाव आमृत, हने हने स्वने आमुंताव चामुत ॥

निमथ कीशव रंतिथ अजुध्यायि अंदर

छु रामुन राज हावय पंज्य तुं वांदर ।

कसम रामुन अंदर तिलाव आमृत, हने हने स्वने आमुंताव चामुत ॥

## मन पम्पोश

भवानी भाग्यवान पंडित

---

स्वने हुंद बुथ वुछुन वो'ज ज़ां'ह तिनो छुय  
मने थव कन म्य छम तस रामुनिय द्रुय  
बसंत बँनिथ बसंतुँ काव आमुत, हने हने स्वने आमुँताव च़ामुत ॥

वतन प्यठ ऋष्य् तुँ मुनी म्य प्रारान  
मनस मंज रक्षमनी हुंद ध्यान धारान ।  
गौमुँच कृष्णस छु सुय आव आव आमुत, हने हने स्वने आमुँताव च़ामुत ॥

अथन क्यथ ह्यथ छि आमुँत्य पोशिमालय  
बरव शौदी रटुँज असि नौल्य नालय ।  
स्वंदर मने मनस मिलाव आमुत, हने हने स्वने आमुँताव च़ामुत ॥

गछव अजुध्यायि रोजुन बिंद्राबन  
चो'लुम वो'ज शाफ छु च़ापुन नागर पन ।  
म्य छिम धन्य् भाग्यवानी नाव आमुत, हने हने स्वने आमुँताव च़ामुत ॥

\* \* \* \* \*

## 119 – छुम हावस लॉजिनस दावस

छुम हावस लॉजिनस दावस, ओस कावस तुँ हंसस म्युल ।  
स्वन यीरुँ गँयि सीरुँ कथुँ बावस, छे'नुँ कावस गव बुलबुल ॥

गछि कुठिनुँय मंज वथुँरावस, ग्वरुँ वावुक छुम सिलसिल ।  
ग्वडुँ सरुँसुँय ज़र पॉरावस, ओस कावस तुँ हंसस म्युल ॥

पादिकमलन च्यश्मुँ वथुँरावस, को'ल गोमुत ओस बुलबुल ।  
सर थो'द छुम किथुँ न्यमुँरावस, ओस कावस तुँ हंसस म्युल ॥

ज्ञानुँ गावन द्वद चावुँनावस, ध्यानुँ जसुदायि निशि सुम्बुल ।  
महिरावुन अदुँ याद पावस, ओस कावस तुँ हंसस म्युल ॥

गोहारी गीत ये'लि गावस, मुहारी मोती फो'ल ।  
छस नुँ राधा नाव मंडुँछावस, ओस कावस तुँ हंसस म्युल ॥

नागर पन बनुँ करुँनावस, आगरुँ छुम फो'लुमुत कुल ।  
स्यंद सागर ब्यंद अदुँ हावस, ओस कावस तुँ हंसस म्युल ॥

मनि रक्षमन ख्वनि ललुँनावस, वनि क्या छस पनुँनिय बुल ।



## मन पम्पोश

भवानी भाग्यवान पंडित

खानुँ अँदुँय दानुँ मा त्रावस, ओस कावस तुँ हंसस म्युल ॥

गीतायि हुंद हीथ करुँनावस, सीतायि पे'यि कागुँजस मील ।  
पीताम्बर मंज तिलावस, ओस कावस तुँ हंसस म्युल ॥

ते'लि ओसुम मंज चिकुँचावस, ये'लि दिलुँसुँय ओसुस शिल ।  
तीर अथुँ गोस सीर व्यछुँनावस, ओस कावस तुँ हंसस म्युल ॥

ब्यन ज़ोनुम ख्यन च्यन त्रावस द्यन रातस नावस पान ।  
पुन पूरण दँरमय मावस, ओस कावस तुँ हंसस म्युल ॥

दीशि त्यागुक ओसुम नुँ हावस, कीशि प्यतुँरुन पानस प्योम ।  
कीशन सूँत्य कीश गंडुँनावस, ओस कावस तुँ हंसस म्युल ॥

ग्वडुँ चायस तौंदूरुँ तावस, अदुँ छावस सू हम सू ।  
ब्रजबॉसी खौँस्य् गरुँनावस, ओस कावस तुँ हंसस म्युल ॥

रूह थो'वुँमस रामीश्वरुँसुँय, दिह दीशांतुरुँसुँय मंज ।  
काबुँ कबजुँ छुम कँबिलुँकिस नावस, ओस कावस तुँ हंसस म्युल ॥

द्वन दीशुक आमुत आलव, स्वन शालव दौँसी थँव ।  
वुछ अचानक अजगर लावस, ओस कावस तुँ हंसस म्युल ॥

## मन पम्पोश

भवानी भाग्यवान पंडित

---

स्वनुँ दादे दित् म्य बारव, ती चंद्रमुँ तारव बूज़ ।  
रातुँ—क्रूल क्या वुजुँनावि कावस, ओस कावस तुँ हंसस म्युल ॥

लल वॉचुँय सँतिमिस पडावस, हल को'रनय सम ज़ाफरान ।  
कल कँरनय अँलिफस तुँ वावस, ओस कावस तुँ हंसस म्युल ॥

युथ मंसूर ओस प्यठ धारस, तिछ लल ऑस नारस मंज़ ।  
ज़्यादुँ क्या वनुँ आदमि—खावस, ओस कावस तुँ हंसस म्युल ॥

सत ज़ीनिथ रथ गोम बाने, च्यव लॉल मिरजाने ती ।  
सासि मँजनून बासि बुलावस, ओस कावस तुँ हंसस म्युल ॥

भागि भाग्यवान आयि मँजनूनस, जीत जुलाय जूनस मंज़ ।  
कति वुछमय सत—स्वभावस, ओस कावस तुँ हंसस म्युल ॥

\* \* \* \* \*

## 120 – पीरन हॉवुम तीरंदॉजी

पीरन हॉवुम तीरंदॉजी, दय गोम रॉजी भय गोम दूर ।।  
जोति ना ज़ेबा तोति मॉज्य मॉजी, दय गोम रॉजी भय गोम दूर ।।

ग्वडुँन्युक निशानुँ पोवुम मोशन, तोशान छस छुख नुँ पोशनपाय ।  
रिंदि लो'ब फिंदि अकि गुपिथ तुँ गॉजी, दय गोम रॉजी भय गोम दूर ।।

दो'युम त्रोवुम आकाशि मंडुँलस, अनमोल कंडलस रँटुँमय जाय ।  
अवलय अँनिमय उमरि—दरॉजी, दय गोम रॉजी भय गोम दूर ।।

काया कल्पस ज़ोनुथ नुँ चारय, दुआयि दुबारय करुँनोवमख ।  
यारन कँरनम चारयसॉजी, दय गोम रॉजी भय गोम दूर ।।

त्रे'गुन त्रिशूल सूँत्य छुम पानस, स्वशील थानस शक्ती तुँ शिव ।  
शाज़न शक्ती तुँ बाज़न बॉजी, दय गोम रॉजी भय गोम दूर ।।

चूरिम फेरुन छुम च्ववापोरुय, सुय ज़ोरुँ शोरुय बूज़ुम म्य ।  
कें'ह पोशि पूज़ायि कें'ह मुफुँत्य तुँ काजी, दय गोम रॉजी भय गोम दूर ।।

पांचुँवय पांडव छांडान आयस, पंजपँतरि गिंदुम सायस तल ।

## मन पम्पोश

भवानी भाग्यवान पंडित

---

पास पास रूदिम तास नवॉज़ी, दय गोम रॉज़ी भय गोम दूर ॥

शशकल चे'यिमय शे'नुँवुँज तरफन, हातम हरफन लेखुँनुँ आव ।  
तोशिना रोशिमति पोशि फय्याज़ी, दय गोम रॉज़ी भय गोम दूर ॥

सथ रंग दितिमय सतुँवुँज जामन, स्वय मनि कामन ऑसुँम म्य ।  
रँगिमुँत्य म्य अवलय वो'नुँमय अँज़िय, दय गोम रॉज़ी भय गोम दूर ॥

ऑठव कॅर्यमुँत्य म्य पोशन गों'दी, नवन अँदी द्रायस बो ।  
दँहवय दो'गुँन्यार गॅयि कौँस्य कौँसी, दय गोम रॉज़ी भय गोम दूर ॥

का'हनाँव्य हौँविम का'हवय कूनुँय, वुछमय जूनुँय आखताबय ।  
पूँ पूँ गॅयि म्य पूरणमौँसी, दय गोम रॉज़ी भय गोम दूर ॥

बोज़ भाग्यवानी दो'न आनमौँनी, नवि नो'व जवौँनी स्व सोरि नुँ ज़ाह ।  
नतुँ यिथय पतुँकालि कौँत्या औँसी, दय गोम रॉज़ी भय गोम दूर ॥

\* \* \* \* \*

## 121 – सथ ताज दितिम

सथ ताज दितिम सतगवरन, गरि गरि ग्वरुँनुँय गछ शरण ॥  
मे'हराजुँकिय मिनिसटरन, गरि गरि ग्वरुँनुँय गछ शरण ॥

ग्वरुँवुँय लॉजिस दावुँसुँय, ग्वरुँवुँय को'रुँहम हावुँसुँय ।  
अदुँ श्वद्ध गँयम अंता'हकरण, गरि गरि ग्वरुँनुँय गछ शरण ॥

सरखम कँरिथ तल पादुँनुँय, रोजुन संतन तुँ साधुँनुँय ।  
दिन धन्य् धन्य् पुज पाप हरन, गरि गरि ग्वरुँनुँय गछ शरण ॥

निंद्रायि दकुँ बेमारुँनुँय, बे'यि कुनि कुनि हुशियारुँनुँय ।  
बोज कुनि कुनि रँटिहॉस चरण, गरि गरि ग्वरुँनुँय गछ शरण ॥

छय निंद्रा त्रियि भावुँहसुँय, टोठेयि बसंतुँ-कावुँसुँय ।  
कुनि वुनुँ वॉजिन नदुँहरन, गरि गरि ग्वरुँनुँय गछ शरण ॥

गम त्रियुँनुय हुंद ओस म्य, त्रियुँनुय यि संकट कोस म्य ।  
पुरुषन अचुन छुनुँ पर गरन, गरि गरि ग्वरुँनुँय गछ शरण ॥

सुय ब्योल आयस गालुँने, कृष्णस ति मदुँ निशि वालुँने ।

## मन पम्पोश

भवानी भाग्यवान पंडित

---

शाठन लगुन शेरे नरन, गरि गरि ग्वरुँनुँय गछ शरण ।।

रक्षमज अंतर—ध्यानूसुँय, वॉचुँय पनुँनिस थानूसुँय ।  
बा—शान थँव श्यामुँ स्वंदरन, गरि गरि ग्वरुँनुँय गछ शरण ।।

छुय शिव—शक्ती दोस्त म्य, मोकूल अनमोल पोस्त म्य ।  
वुछुमय नुँ युथ जन्मांतरन, गरि गरि ग्वरुँनुँय गछ शरण ।।

छुय शक्ती हुंदुय थान म्य, तवुँ किज नाव भाग्यवान म्य ।  
म्वखतार थँवनस शंकरन, गरि गरि ग्वरुँनुँय गछ शरण ।।

\* \* \* \* \*

## 122 – यारन कॅरनम आरफतॉरी

यारन कॅरनम आरफतॉरी  
वनी वनहॉरी तोतुं गुफतार ॥  
केंचन पशि पशि दॅद्य लशि नॉरी, वनी वनहॉरी तोतुं गुफतार ॥

ग्वडुं ग्वडुं हॉवनम ज़ोरावॉरी  
कॉचा'ह खॉरी तुलुंनॉवनस ।  
हॉर बीठ तख्तस कॉर मॉर्य मॉरी, वनी वनहॉरी तोतुं गुफतार ॥

ग्वडुं ग्वडुं होवुंनम कलमुक नोखुंय  
न्यूमस तुं वुछमय दोखयबाज़ ।  
वीरन ति तीर लॉय मीर शिकॉरी, वनी वनहॉरी तोतुं गुफतार ॥

ग्वडुं ग्वडुं होवुंनम क्वसुं छम दॉसी  
अदुं वनवॉसी को'रमय म्य ।  
खामन वुछिमय नुं नामावॉरी, वनी वनहॉरी तोतुं गुफतार ॥

ग्वडुं ग्वडुं होवनम ऑकुंल पानुंय  
युथ नादानुंय वुछुमय नुं का'ह ।  
रुजुंसस सायस आयस अनुंवॉरी, वनी वनहॉरी तोतुं गुफतार ॥

## मन पम्पोश

भवानी भाग्यवान पंडित

---

सदा सदाशिवनि जाये  
सुय उपाये को'रमस म्य ।  
सत मेलि सतुँसुँय नतुँ छिम भॉरी, वनी वनहॉरी तोतुँ गुफतार ॥

बसुँवुन ब्रहस्पत कँहिमे जाये  
बागुँ भूमिकाये नागरपन ।  
बंदुँ करि अंदुँवंद बंदुँ बरदारी, वनी वनहॉरी तोतुँ गुफतार ॥

भागि आयि भाग्यवानि भक्तावारी  
वक्तस रुज प्रॉर्य प्रॉरिये ।  
बालुँमा'ह म्यूलुस कलमकॉरी, वनी वनहॉरी तोतुँ गुफतार ॥

\* \* \* \* \*



## 123 – नवि सालुँ म्यूलुम

नवि सालुँ म्यूलुम वतुँनुँय, नव नवरँतनुँय अथुँनुँय ।।  
म्वखतस छयफ दिच फोतुँनुँय, नव नवरँतनुँय अथुँनुँय ।।

स्वनुँ वाजि मारन शोलुँ म्य, दुनिया वुछन दोलुँ म्य ।  
कन थवतुँ डायन कथुँनुँय, नव नवरँतनुँय अथुँनुँय ।।

जंग को'र म्य दयस सूँतिय, पयस ऑसिम कूँतिय ।  
ये'लि बोज़न ते'लि मतुँनुँय, नव नवरँतनुँय अथुँनुँय ।।

भूमास्वरुँने कोरे, अमा छुन्यम क्रेरे ।  
फल गोख मीलिथ दतुँनुँय, नव नवरँतनुँय अथुँनुँय ।।

रा'ह राधाये सर खमुँय, चा'ह पेश अनन आहँमुँय ।  
शा'ह द्युत म्य शक्ती नाथुँनुँय, नव नवरँतनुँय अथुँनुँय ।।

कृष्णस ग्वडुँनिचि वॉनिये, वादा को'र पटुँरॉनिये ।  
वथ हाव वुँय वतुँगतुँनुँय, नव नवरँतनुँय अथुँनुँय ।।

सुय वादुँ आयस पालुँने, राक्षस ब्योल गालुँने ।

## मन पम्पोश

भवानी भाग्यवान पंडित

को'र यी प्रजापतुँनय, नव नवरतनुँय अथुँनुँय ।।

कुमुर बँनिथ आयिसय, अमर तीरुँथस चायिसय ।  
दया म्य कॅरनम दातुँनुँय, नव नवरतनुँय अथुँनुँय ।।

चॅज्य् गटुँ फो'लुमुत गाशी, सिरियन त्रोव प्रकाशी ।  
छु यूगियन मंज यतुँनुँय, नव नवरतनुँय अथुँनुँय ।।

सतग्वरुँनुँय युन सालुँसुँय, आवाहन लूकुँ पालुँसुँय ।  
मरमत कॅरुँन वतुँनुँय, नव नवरतनुँय अथुँनुँय ।।

यँद्राजुँह वो'थुमुत नें'दरे, वरशुन को'रुन स्वंदरे ।  
मनमोहन प्यठ रथुँनुँय, नव नवरतनुँय अथुँनुँय ।।

वरशुन गव हनि हने, कृष्णस तुँ बे'यि रक्षमने ।  
अन म्यूल अनंत अनाथुँनुँय, नव नवरतनुँय अथुँनुँय ।।

रथुँबान वुछुम खावरुँय, बूजिथ कर्यम कुस बावरुँय ।  
रामस ति सो'थ द्युत सतुँनुँय, नव नवरतनुँय अथुँनुँय ।।

सत भाग्यवाने नालुँ छुय, दयस ति सुय दुम्बालुँ छुय ।  
अपरु अपिज्यत सातुँनुँय, नव नवरतनुँय अथुँनुँय ।।

**मन पम्पोश**  
भवानी भाग्यवान पंडित

---

\* \* \* \* \*

## 124 – ग्वरव को'रुँहँम सर्व मंगल

ग्वरव को'रुँहँम सर्व मंगल, वतन थो'वुँहँम लतन द्वन तल ।  
यिमय मुशकिल तिमय गँयि हल, वतन थो'वुँहँम लतन द्वन तल ॥

ग्वरुँय वुछुमय म्य तालेवर, यिमव पूरुम ज़रो ज़ेवर ।  
बलुँवीरुन म्य द्युतुँहम बल, वतन थो'वुँहँम लतन द्वन तल ॥

दयस रूदुम म्य दुम्बालय, दो'गुन द्युतुँहँम म्य दुशालय ।  
स्वखन बूजिथ नखन द्वन वल, वतन थो'वुँहँम लतन द्वन तल ॥

ग्वरुँय मादर ग्वरुँय फादर, म्य दितिहँम हंसनुँय हुँद्य पर ।  
अमन आकाशे मंडल, वतन थो'वुँहँम लतन द्वन तल ॥

ग्वरव द्युतुँहँम सुबुँहकि वक्तय, शुमालुक शम पनुन तख्तय ।  
हदन शे'न बोलुँवुँज सथ ज़ल, वतन थो'वुँहँम लतन द्वन तल ॥

ग्वरन पथ कँर म्य कुरबाँनी, तमिय नाव भाग्यवानी छुम ।  
सु पटुँ लीखिथ मुकटस तल, वतन थो'वुँहँम लतन द्वन तल ॥

\* \* \* \* \*

## 125 – वर द्युत म्य ग्वरव

वर द्युत म्य ग्वरव हर दवा बुँय दाघन तय ।  
समंदरव तार द्युतुम सूँत्य् संतन तय ॥

दय छुम गवा'ह यस नुँ आसिय द्वन मिलुँवन तय ।  
तँम्य्सुंद छु रवा रोज़ि रॉनियि तल पादन तय ॥

रामन सीता ये'लि त्रॉवुँय दंडक—वन तय ।  
नामन लेखनुँ ते'लि आमुत रामायन तय ॥

सासन अंदर आसन दोर ते'लि कृष्णन तय ।  
पूशीदुँ कथन रूशिथ ऑसुँस रक्षमन तय ॥

पायस पे'यिय आयस दिनि सारिज छे'न तय ।  
सदाशेवन थो'व यि सदा मनमोहन तय ॥

तोशुन ह्यो'तुन पोशि नूलन प्रभातन तय ।  
चो'ल रोशि मत्यन रोशुन करुँ नामुँ सुमरन तय ॥

गिंदुँनि गछुन जिंदुँ पानय बिंद्राबन तय ।

## मन पम्पोश

भवानी भाग्यवान पंडित

---

आगरवाने सूर्त्सु सो'गुम नागरपन तय ॥

शिवस सूर्त्सु शोलुँ मॉरिम शुमशानन तय ।  
तैतिय वुछुम कुस म्य ओ'सुय दो'स्त दुशमन तय ॥

सरतल छय गछन स्वनुँ दादे ऑसिथ स्वन तय ।  
सुय ब्योल गॉलिथ को'र म्य दयस आवाहन तय ॥

शीवन को'रुम शक्तीपातुँय द्दन दीदन तय ।  
शक्ती द्युतुम भक्ती हुंदुय वर आदन तय ॥

वुछ भाग्यवाने कॅर यि दया दयालन तय ।  
सुय सूद ह्यो'तुम बूद कॅरिथ नाबूदन तय ॥

\* \* \* \* \*

## 126 – म्य ज्ञानुँ रव

म्य ज्ञानुँ रव उदय गोम, सु दय गोम दयाये ।  
नव बा नव निशानुँ प्योम, सु दय गोम दयाये ॥

जँगी जामुँ पॉरिथ कूँत्य, सँगी सूँत्य तुलिय म्य ।  
अभय वरुँ म्य भय च्योम, सु दय गोम दयाये ॥

दयालुँ सुंद बोजुन प्योम, सोजुन प्योम महावीर ।  
नीरिथ बे—हदय गोम, सु दय गोम दयाये ॥

को'रुन लाँकि समा'ह, यकदमा'ह ज़ोल शमा'ह ज़न ।  
वुछन नेकुँ बदुँय गोम, सु दय गोम दयाये ॥

अगर काँ'ह छारे'स चारुँ, सु कति वारुँ रोज़िय ज़ां'ह ।  
ह्यमस जान यमस काम, सु दय गोम दयाये ॥

शिनिय शिज च्वपॉर्य गोस, यपॉर्य बोज़ तराना ।  
बल्योम दिल दो'दुमुत ओम, सु दय गोम दयाये ॥

च्य पथ गथ करुँज छा, छअ मा व्यथ शों'गिथ ज़ां'ह ।

## मन पम्पोश

भवानी भाग्यवान पँडित

---

सोफयन ति ग्वफि खुदा प्योम, सु दय गोम दयाये ॥

सतग्वरुँ वाकुँ सत सिलसिलुँ, कँहिम किलुँ म्यूलुय म्य ।  
संग गोम दिल न रंग गोम शोम, सु दय गोम दयाये ॥

जिंदय पानुँ गिंदय ना, जुव तय जान वंदय ना ।  
अंदयवंद च़ुँ बंदय नोम, सु दय गोम दयाये ॥

छय भाग्यवान भागस मंज़, आदनुँ लल त्रागस मंज़ ।  
सदा आबि मडुँय च्योम, सु दय गोम दयाये ॥

\* \* \* \* \*



## 127 – ही मनोहरुँ

ही मनोहरुँ सूँत्य ग्वरुँवरुँ, गरुँ बिन्द्राबनुँ म्य ।  
पाद पँछी नाद नदहरुँ, गरुँ बिन्द्राबनुँ म्य ॥

ग्वरुँ प्रुछुँमस क्या क्या करुँ, सेतारुँ स्वर बन म्य ।  
चो'ल मरुँ मरुँ रूद्य अमरुँ, गरुँ बिन्द्राबनुँ म्य ॥

कीशन मंज बुँय किशवरुँ, धन्य धन्य धन्य धन म्य ।  
मंज आगरुँ कर्य म्य गरुँ—गरुँ, गरुँ बिन्द्राबनुँ म्य ॥

वो'न म्य आगस मंज माघस, आधि अधोर धन म्य ।  
सूँत्य सत्यवान साये सरुँ, गरुँ बिन्द्राबनुँ म्य ॥

आगस खुशी यकादशी, तनहा रोज़िय तन म्य ।  
दँह दशिहार बसि भास्करुँ, गरुँ बिन्द्राबनुँ म्य ॥

साज वायान साजंदरुँ, राजन दोर कन म्य ।  
मीर पखचन ज़र छु ज़रुँ ज़रुँ, गरुँ बिन्द्राबनुँ म्य ॥

स्वन गँयि ब्वन वेशियिकि वरुँ, दीशि निशि कँर छे'नुँ म्य ।

## मन पम्पोश

भवानी भाग्यवान पंडित

नोख म्यूलुम शोख शवहरुँ, गरुँ बिन्द्राबनुँ म्य ॥

आसन म्य दोर चानि आसरुँ, शाज़न द्युन वर म्य ।  
मील मँस्ती दिल दिलावरुँ, गरुँ बिन्द्राबनुँ म्य ॥

युन छु खासन कुल दासन, बाँज्य् दिनि भूषन म्य ।  
पाँरुन छुम पायि ता सरुँ, गरुँ बिन्द्राबनुँ म्य ॥

अज़ खानय परुँवानय, म्यूलुम आगमुँ म्य ।  
जानानस जान दफतरुँ, गरुँ बिन्द्राबनुँ म्य ॥

न बुँ अँलिफस न बुँ वावस, न छु गुण तुँ अगुण म्य ।  
न बुँ काबस न बुँ काफरुँ, गरुँ बिन्द्राबनुँ म्य ॥

रात द्यन च्योम खूनि जिगरुँ, क्षे'णुँसुँय मा छे'न म्य ।  
वीरि मंज़ च्योम शीर मादरुँ, गरुँ बिन्द्राबनुँ म्य ॥

सूँत्य सूँत्य छुम ज़रुँ जेवरुँ, कूँत्य ज़ाँनीगण म्य ।  
कुनिरुँकि डरुँ वुनि थरुँ थरुँ, गरुँ बिन्द्राबनुँ म्य ॥

हनि हनि ओ'न वनि रक्षमनि, तनि मीजिम तन म्य ।  
मुचर्यम तनि वो'ज मा डरुँ, गरुँ बिन्द्राबनुँ म्य ॥

## मन पम्पोश

भवानी भाग्यवान पंडित

---

बूद बंदानुँ बराबरुँ, तन मन द्युत धन म्य ।  
तवुँ भागयवान अंतुँ ऊपरुँ, गरुँ बिन्द्राबनुँ म्य ॥

\* \* \* \* \*

## 128 – सुय मनोहर सुय शंकर

सुय मनोहर सुय शंकर, सुय सतग्वर सँत्य छुम ।।  
बाज़ बाहम म्य बराबर, सुय सतग्वर सँत्य छुम ।।

फुट्टुमुत ओस म्योन ज़ेवर, खासुँ ज़रगर सँत्य छुम ।  
काफ ता काफ करि कर कर, सुय सतग्वर सँत्य छुम ।।

ज़ूनि गो'रनम चूनि ज़ेरिथ, कुनि अंदन तुँ अज़ुँल्यन ।  
कुनि सीनस सँत्य सिफर, सुय सतग्वर सँत्य छुम ।।

कुनि मिहनस कुनि म्वख्तस, कुनि वख्तस प्रारुँवुन ।  
कुनि सीनस सँत्य सिफर, सुय सतग्वर सँत्य छुम ।।

मुहाफिज़तुक मूलुँ माया, छों'जि छाया काँसुँनम ।  
छरि कथुँ छनुँ सरि बाज़ार, सुय सतग्वर सँत्य छुम ।।

कुनि आशक कुनि माशोक, कुनि ताशोक तो'हफुँ म्योन ।  
कुनि रुकिथ राहि बंदर, सुय सतग्वर सँत्य छुम ।।

कुनि द्युतुँनम वीद—पुरान, कुनि कुरानखान सुय ।

## मन पम्पोश

भवानी भाग्यवान पंडित

---

पासुँवान कुनि खास दफतर, सुय सतग्वर सूँत्य छुम ।।

कुनि वुछुम लोलुँ बैरिथ, कुनि वुछन दोलुँ छुम ।  
कुनि रवा रव रहबर, सुय सतग्वर सूँत्य छुम ।।

कुनि वुछुम ज़ोरावर, कुनि रोपोशन अंदर ।  
कुनि रूदुम न्यो'मुँरिथ सर, सुय सतग्वर सूँत्य छुम ।।

वो'नुमुत छुम बारम्बार, छुम नुँ वनुँनस वार वो'ज ।  
कूँत्यन करय ज़ेर ज़बर, सुय सतग्वर सूँत्य छुम ।।

कुनि वुछुम चरसुँ बैंगी, कुनि रँगी जामुँ म्योन ।  
रंगि रोशन संगि मरमर, सुय सतग्वर सूँत्य छुम ।।

आयि वाँणी स्वय भवाँनी, भाग्यवाँनी सूँत्य ग्वरन ।  
नूर चे'शिम नामावर, सुय सतग्वर सूँत्य छुम ।।

\* \* \* \* \*

## 129 – छांडान जानानुं तय

छांडान जानानुं तय, दिल गोम देवानुं तय ।  
लोलुंकि अफसानुं तय, दिल गोम देवानुं तय ॥

ग्वरुंवेय द्युतुहॉम हॉविथ, निशानुं द्युतुहॉम पॉविथ ।  
लीखिथ छु आदमि रतय, दिल गोम देवानुं तय ॥

बॉगरान वुछुम मयी, म्य क्युत हातमि तयी ।  
दो'पुंनम प्याला च्यतय, दिल गोम देवानुं तय ॥

ग्वडुं ग्वडुं द्युतुंमस दकय, यो'ताम आयम पखय ।  
वोअ छुम लारान पतय, दिल गोम देवानुं तय ॥

मुशताक ओसुम कमन, जुलफन तुं बे'यि माँजि नमन ।  
नारुं म्य बरिमस वतय, दिल गोम देवानुं तय ॥

मुदा कॅरिमस जुदा, यिमन ओसुम फिदा ।  
मेलन नुं कयामतय, दिल गोम देवानुं तय ॥

वो'लुमुत छु कमि माये, वुछमस हरकुनि जाये ।

## मन पम्पोश

भवानी भाग्यवान पँडित

---

नय बरतन तुँ नय बतय, दिल गोम देवानुँ तय ॥

कीशव रँटिथ न्योवुम, पानस निशि थोवुम ।  
जबरुत जबरीलुँ तय, दिल गोम देवानुँ तय ॥

पानस च्यो'न छुम ज़लुँय, द्वन पादन हुंद मलुँय ।  
अँलिफुँकि मीमुँकि खतय, दिल गोम देवानुँ तय ॥

यस ग्वर मे'हरबानुँय, तस नाव प्यव भाग्यवानुँय ।  
धरमुँकि दोरानुँ तय, दिल गोम देवानुँ तय ॥

\* \* \* \* \*

## 130 – ग्वरव दाज द्युतुम

ग्वरव दाज द्युतुम ताज, रवा राज करुन छुम ।  
शा'ह छुम सूँत्य मा'ह मे'हराज, रवा राज करुन छुम ॥

ग्वडुँज दोखुँ दिचोम स्वनि, ति मा बनि स्व यियि ज़ां'ह ।  
तलपाताल तस ता'हराज, रवा राज करुन छुम ॥

खूलिथ दिल सोरुय वनुँ, मीलिथ स्वनुँ कर्यम ब्यो'न ।  
ह्यमख दूरि दो'गुन बाज, रवा राज करुन छुम ॥

क्या को'र स्वनि सुमित्रायि, कोशिल्यायि द्वन लालन ।  
यूसुफ काँद खँज़रि ख्वाज, रवा राज करुन छुम ॥

भयानक गोलुम ब्योल, रो'टुम ओल पनुँनुय ।  
खॉरिथ ब्रोंटुँय मॉरिथ माश, रवा राज करुन छुम ॥

कमन सूँत्य कस्यम खे'लुँ, बुँ मन जेलुँ द्रायस बो ।  
फेरस पो'त होरस दाश, रवा राज करुन छुम ॥

आदन बाँजिस आयस रो'बुँ, को'रुन तो'बुँ कथन द्वन ।



## मन पम्पोश

भवानी भाग्यवान पंडित

---

वीरस को'र म्य सीरस फाश, रवा राज करुन छुम ॥

मुच्चर्यम तत्रि गंज्यम र्वनि, दितुम धन्य दयालन ।  
सवा सव दवा आज, रवा राज करुन छुम ॥

रामुन राज न्यूमस लूट्टे, को'रुम शूट समंदर ।  
छु ला—इला ला—इलाज, रवा राज करुन छुम ॥

गरस बारस को'रुमख शिज, वो'नुम नारस आयस वुज ।  
काँसुँम गट्टे आँसुँम लाज, रवा राज करुन छुम ॥

बार बार प्रुछुम वक्तस, भक्तस ब्बद्ध छुँ खँदमतगार ।  
बिहित तख्तस को'डुम वाश, रवा राज करुन छुम ॥

ओसुस खम छमा छम, बोजुन ओस दमा दम ।  
कोसुस दान ओसुस खाश, रवा राज करुन छुम ॥

छु भाग्यवानि सुय सहारुँ, ये'म्य संसार बनोवुय ।  
यि मनि क्रेंख बमन वाज, रवा राज करुन छुम ॥

\* \* \* \* \*

**मन पम्पोश**  
भवानी भाग्यवान पंडित

---

## 131 – कदम तुलुम सु दम खो'टुम

कदम तुलुम सु दम खो'टुम, बदम रो'टुम म्य सू सू ॥

अवलि प्रभातस मन ये'लि नोवुम, ते'लि छोवुम म्य सू सू ।  
गटे कुठिस अंदर छो'टुम, बदम रो'टुम म्य सू सू ॥

सतग्वर स्वॉमियस निशे वुछुम, अदय हे'छुम म्य सू सू ।  
तँनिथ द्वद अदुँ पानय मो'टुम, बदम रो'टुम म्य सू सू ॥

सूहम दाने द्वद ये'लि मों'दुम, अदुँ म्य अंदोम लान्युन न्याय ।  
अदुँ म्य अँदरिम सोरुय छो'टुम, बदम रो'टुम म्य सू सू ॥

ग्वरुँसुँय भोवुम ग्वरुँनुँय होवुम, ज़ां'ह नय रोवुम म्य सू सू ।  
ज़ां'ह नय पॉनिस अंदर फो'टुम, बदम रो'टुम म्य सू सू ॥

सतग्वरुँ दीवुँय ये'लिय टोद्योम, ते'लिय मेद्योम म्य सू सू ।  
केंछा छो'टुम तुँ केंछा रो'टुम, बदम रो'टुम म्य सू सू ॥

ग्वरुँ सुंद दामानय ये'लि रोटुम, ते'लिय वो'टुम सू हम सू ।  
नारुँकि ज़ोरय सोरुँय हो'टुम, बदम रो'टुम म्य सू सू ॥

## मन पम्पोश

भवानी भाग्यवान पंडित

---

भाग्यवान माले हलुँमस रो'टुम, तमिय खो'टुम सू हम सू ।  
सतग्वरुँ दामानय म्य रो'टुम, बदम रो'टुम म्य सू सू ॥

\* \* \* \* \*

## 132 – दर्दानुं डुमर सोवुम

दर्दानुं डुमर सोवुम, मरदानुं कदम त्रुवुम ।।  
वरदीपोश वुजुंनोवुम, मरदानुं कदम त्रुवुम ।।

सर्दी तॉपिस्तानस, अरदँल्य् थो'वुम पानस ।  
वरदानुं गरदिश द्योवुम, मरदानुं कदम त्रुवुम ।।

रात घन कमर गँडिथ, युन त्रे'यलूकी छँडिथ ।  
नमरूद निशानुं पोवुम, मरदानुं कदम त्रुवुम ।।

शे'नुं वुँज हदन फीरिथ, व्वशुँवुँज वीदन चॉरिथ ।  
नारस ति नज़रानुं द्योवुम, मरदानुं कदम त्रुवुम ।।

आकाश वुछुम पाताल, शशपंजस गोम दुखाल ।  
बादल बरतन पोवुम, मरदानुं कदम त्रुवुम ।।

बर—तन वुछिम जामय, दत तन लीखिम नामय ।  
सुय गीत गाहे ग्योवुम, मरदानुं कदम त्रुवुम ।।

रचि रचि वुछुमस रचुँनुँय, मंज रचुँनायन नचुँनुँय ।

## मन पम्पोश

भवानी भाग्यवान पंडित

---

रच्चुँफो'ल रचि रच्चुँनोवुम, मरदानुँ कदम त्रोवुम ॥

दँस्य्ती दँस्य्पूस्य् कँरिथ, हँस्य्ती तुँ मँस्य्ती हँरिथ ।  
अलूक्य् आश्चर होवुम, मरदानुँ कदम त्रोवुम ॥

जीतिथ को'डुम जंडय, ऐला अलम अखंडय ।  
ओ'म पायिदानस थोवुम, मरदानुँ कदम त्रोवुम ॥

यस ग्वर मे'हरबानुँय, तँस्य् नाव प्यव भाग्यवानुँय ।  
बा—शान शा'ह शोलुँनोवुम, मरदानुँ कदम त्रोवुम ॥

\* \* \* \* \*

## 133 – रामन होवुम नूरि अनवारय

रामन होवुम नूरि अनवारय, लॅक्षमण द्राव गमखारुंय म्य ।  
आमन कॅरनस दस्तबरदारुंय, लॅक्षमण द्राव गमखारुंय म्य ॥

दो'पुंनम कन थव शा'ह सवारय, ग्वडुं रठ् मालि सरकारुंय म्य ।  
म्वखतार वुछनम अमुं सिपारुंय, लॅक्षमण द्राव गमखारुंय म्य ॥

तखुं प्यठुं होवुंनम म्वखुं बाजारुंय, भक्तुं बॅङ्ग हटि गो'ड हारुंय म्य ।  
वखुं पनुंनि द्युतुनम बो'ड दरबारुंय, लॅक्षमण द्राव गमखारुंय म्य ॥

नाव म्योन थो'वनम जटादारुंय, पटुं म्यूलुम सरकारुंय म्य ।  
हटुं कटुं नटुंवर बंदुं—बरदारुंय, लॅक्षमण द्राव गमखारुंय म्य ॥

दाव आम कथुंनुंय त्रोव रफतारुंय, होव मनसूरन दारुंय म्य ।  
तुल तीर कमान को'र म्य शिकारुंय, लॅक्षमण द्राव गमखारुंय म्य ॥

छलुं अकि को'रमय डल शिकारुंय, ख्यलुंसुंय को'र पुचुंपारुंय म्य ।  
कमलुंय वुछिमय जलुं निशि न्यारुंय, लॅक्षमण द्राव गमखारुंय म्य ॥

यि वो'नुम ग्वरुंवुंय तथ लो'गुम नुं चारय, त्राँविथ लोन दुबारय म्य ।

## मन पम्पोश

भवानी भाग्यवान पंडित

रक्षमणि मनमोहन कृष्णु अवतारुंय, लक्ष्मण द्राव गमखारुंय म्य ॥

नाम म्योज रोजन गामुं शहारुंय, खामन हुंद ओस बारुंय म्य ।  
प्वखुंतन न्वख्तुं छुय बो'ड अहंकारुंय, लक्ष्मण द्राव गमखारुंय म्य ॥

खामन फ्युर म्य जामन प्यारुंय, सू हम सू रूद सारुंय म्य ।  
प्वख्तन थो'वमय नुं वनुंस वारुंय, लक्ष्मण द्राव गमखारुंय म्य ॥

बेकुंलन आमृत लोलुं बहारुंय, वुछुमय बरखुरदारुंय म्य ।  
ऑकलन गाशस निशि गटुंकारुंय, लक्ष्मण द्राव गमखारुंय म्य ॥

के'ह वनुं के'ह छुम नुं वनुंस वारुंय, तवुं लो'ग नामुं निगारुंय म्य ।  
वतुंस सबरुंक्क्य खबरदारुंय, लक्ष्मण द्राव गमखारुंय म्य ॥

केचव मय च्यव लॉलो निहारुंय, के'ह वुछ निराहारुंय म्य ।  
केचन सुलि यिथ गुल ति गॅयि खारुंय, लक्ष्मण द्राव गमखारुंय म्य ॥

भाग्यवानि को'रमुत ग्वरुंवुंय प्यारुंय, जटि गंग हटि शा'हमारुंय म्य ।  
व्वटि अकि तार लो'ग अपरम्पारुंय, लक्ष्मण द्राव गमखारुंय म्य ॥

\* \* \* \* \*



## 134 – यियि कर गुलुँनुँय क्राव

यियि कर गुलुँनुँय क्राव, हिय फवलुँनाव मत्यो ॥

कुकिले बूल्य् करुँनाव, सुलि वुजुँनाव मत्यो ।  
गूव्यंद—गू ललुँनाव, हिय फवलुँनाव मत्यो ॥

तन दिथ मन वुजुँनाव, मन पॉराव मत्यो ।  
स्वन द्वन कनुँनुँय छाव, हिय फवलुँनाव मत्यो ॥

हरुँकुय हर मे'ति चाव, ज़र प्रजुँलाव मत्यो ।  
ज़र प्यठ सरुँसुँय थाव, हिय फवलुँनाव मत्यो ॥

वर दिथ बर मुचुँराव, सरुँखम त्राव मत्यो ।  
हरुँ मंज गरुँसुँय थाव, हिय फवलुँनाव मत्यो ॥

तनि सूँत्य तन मिलुँनाव, बन अदुँ वाव मत्यो ।  
सन ब्वन च्यन दँरियाव, हिय फवलुँनाव मत्यो ॥

वावस सूँत्यन वाव, नूरुँ दँरियाव मत्यो ।  
गूरुँ सूँत्य द्वन मिलुँनाव, हिय फवलुँनाव मत्यो ॥

## मन पम्पोश

भवानी भाग्यवान पंडित

---

तँमिसुँय छु भाग्यवान नाव, युस ङ्य पतुँ द्राव मत्यो ।  
गोव्यंदुँ गीतुँय गाव, हिय फवलुँनाव मत्यो ॥

\* \* \* \* \*

## 135 – बूँय करदुँ बूँय खुरदुँ कलान

बूँय करदुँ बूँय खुरदुँ कलान, दौँद्य लदन दौँद्य आयि बलान ।  
अशि वाने लशि नार छलान, दौँद्य लदन दौँद्य आयि बलान ॥

जानि कुस दर्द दिलुक माने, लूँदुँ न्यूमुत लौँल मिरजाने ।  
अदलि जहांगीरुन ऐलान, दौँद्य लदन दौँद्य आयि बलान ॥

मस्त युस गव लोलस अंदर, तस क्या करि मसजिद मंदर ।  
नय ईश्वर नय शाहि—जीलान, दौँद्य लदन दौँद्य आयि बलान ॥

लोल म्यूलुम से'घन—सादन, च्यव शीरीनि बे'यि फरहादन ।  
पानि बदल द्वद आव कुलान, दौँद्य लदन दौँद्य आयि बलान ॥

लोलन कॅर्य कौँत्याह खस्तय, लोल त्रौवुन अस्तय अस्तय ।  
यूँगुँ इस्म भस्म मलान, दौँद्य लदन दौँद्य आयि बलान ॥

राग त्रावुन वौराग रटुन, जान मॅशिरिथ जानानुँ खटुन ।  
कुन बॅनिथ कुन छुनुँ च़लान, दौँद्य लदन दौँद्य आयि बलान ॥

फुल शापस ह्यो'तुँमस बदल, कुल सॅखियन अँनिमस वदल ।

## मन पम्पोश

भवानी भाग्यवान पंडित

---

रो'खुँ रूगुँकि रोज़न गलान, दौँद्य लदन दौँद्य आयि बलान ।।

नोट नाचस महलखानस, सोठ रँक्षमणि कृष्णुँ भगवानस ।  
हूरुँ वुछ्यम दूरि च़लान, दौँद्य लदन दौँद्य आयि बलान ।।

आम यावुन श्रावुँनि हिये, यियि तँम्यसुँय यस दय दिये ।  
तुलि कुलाब गुलाब फवलान, दौँद्य लदन दौँद्य आयि बलान ।।

भाग्यवाँनी सतग्वर वाँनी, ये'म्य् म्य काँसुँय करमुँज हाँनी ।  
ग्वरुँ वाक्य् दुल्हा दुल्हन, दौँद्य लदन दौँद्य आयि बलान ।।

\* \* \* \* \*

## 136 – वतन श्यूरुम सतुक सामानुँ

वतन श्यूरुम सतुक सामानुँ पूरुम, हतन ग्यूरुम सतुक सामानुँ पूरुम ॥

जंगस द्रायस रंगस बेरंग बनोवुम

जँगिथ आयस रंगस सूँत्य् मिलुँनोवुम ।

यि कुल डीशिथ कुकिलि हुंद ओल पूरुम, हतन ग्यूरुम सतुक सामानुँ पूरुम ॥

दमस रूजुँस शमस कँरिथ गिरिफतार

खमस मील्लिथ ओ'मस ग्यूलुम बुँ यकबार ।

म्य छुम वरदान चमारस जान चूरुम, हतन ग्यूरुम सतुक सामानुँ पूरुम ॥

ग्वरन हुँद्य पाद छँलिम अशिवानि सूँतिय

सतन हुँज सन अँनिम हमियानि सूँतिय ।

छुँनिम स्वन तल पलव सूँत्य् क्रूर पूरुम, हतन ग्यूरुम सतुक सामानुँ पूरुम ॥

थो'वुम तथ ठान सुलयमॉनी निशानय

म्य सतग्वर सूँत्य् आमुत पॉज पानय ।

यिमव ग्यूरुम तिमन छलुँ कलुँ मूरुम, हतन ग्यूरुम सतुक सामानुँ पूरुम ॥

म्य धन्य धन्य धन्य गँयम आकाश वॉनी

## मन पम्पोश

भवानी भाग्यवान पंडित

वुछिम भूतीश्वरुंज रॉगिआ भवॉनी ।  
बिहिथ तख्तस तमिय म्य म्वख्तुं वूरुम, हतन ग्यूरुम सतुक सामानुं पूरुम ॥

सदा सूहार द्युतुनम सूंत्य पानय  
तमना तो'हफुं तुमन ताबानय ।  
म्य त्रो'पुंरिथ पाश स्वनन द्वन दाश हूरुम, हतन ग्यूरुम सतुक सामानुं पूरुम ॥

ह्यकन नुं ज़ांह गॅछिथ तथ दीशिसुंय कुन  
छु ये'ति तस कीशिसुंय हमेशि रोजुन ।  
गॅछिथ शबानुं द्वन हुंद खानुं लुहरुम, हतन ग्यूरुम सतुक सामानुं पूरुम ॥

शिवन शक्ती रॅटनस नॉल्य् नालुं  
दुरोये पानुं वो'लुहॅम दुशालुं ।  
सॅती त्रियि सत्यवानुन रथुं जूरुम, हतन ग्यूरुम सतुक सामानुं पूरुम ॥

छु ग्वरुंनुंय नाव म्योनुय सूंत्य सूहम  
छु ग्वरुंनुंय नाव म्योनुंय इस्मि—अज़म ।  
भवानी भाग्यवॉनी ज़ां'ह ना सूरुम, हतन ग्यूरुम सतुक सामानुं पूरुम ॥

\* \* \* \* \*

## 137 – यनुँ म्य स्वनि हुँद्य

यनुँ म्य स्वनि हुँद्य सथ ता'ह जॉली, तनुँ छिम कनुँनुँय वॉलिये ।  
स्वनुँ दादि काँचा'ह गँयि बुबॉली, तनुँ छिम कनुँनुँय वॉलिये ॥

मँछ हिश जॉजिम दँछिनिस तापस, अदुँ आम वापस जानि जानान ।  
खश्मुक खंजर च्यश्मन हॉली, तनुँ छिम कनुँनुँय वॉलिये ॥

वारुँ बोज वो'रुँ माजि हुंद विश्वासुँय, राम वनवासुँय करुँनोवुन ।  
स्वनुँ दादि काँत्या'ह गरुँ गँयि खॉली, तनुँ छिम कनुँनुँय वॉलिये ॥

तवुँ तीरुँ तरकश पॉरुम पानस, सूँत्य जानानस जो'गुमय म्य ।  
लछि बजुँ लानँच वुछिमस नाँली, तनुँ छिम कनुँनुँय वॉलिये ॥

नागर अछरव कजिमस नालय, दुआयि दुखालय को'रमस म्य ।  
चीनस चकापोरुँच चाँली, तनुँ छिम कनुँनुँय वॉलिये ॥

चीनुक मय च्योम चीनी सुरायि, तवुँ जायि जाये टोढ्योम दय ।  
गा'ह मय मदहम गाह मशॉली, तनुँ छिम कनुँनुँय वॉलिये ॥

वर म्यूल रँक्षमनि ज़र चो'ल त्रियिनुँय, कंन रयिनुँय गो'डुँनख नार ।

## मन पम्पोश

भवानी भाग्यवान पंडित

---

नारुँ सूँत्य वॉलिमख वारुँ परगॉली, तनुँ छिम कनुँनुँय वॉलिये ॥

हनि हनि रँक्षमनि सूँत्य कँर्य सॉरिय, तोतस सूँत्य आसि हॉरुँय ज़न ।  
स्वनुँ दादि आयख ज़न महाकॉली, तनुँ छिम कनुँनुँय वॉलिये ॥  
यस त्रियि बालुँ पानुँ जानानुँ छेनुँ ओस, तस कति अन ओस पानी याद ।  
माल तँस्य् द्युतुमय ह्योतुँमस नुँ मॉली, तनुँ छिम कनुँनुँय वॉलिये ॥

जे'वि सूँत्य वनि युस ननि तस पानय, ताँपिस्तानय तूफानय ।  
नेरि कमि वति अदुँ फेरि बॉल्य् बॉली, तनुँ छिम कनुँनुँय वॉलिये ॥

आव मनमोहन, रव रथुँ बानय, नव निशानय सू हम सू ।  
शिव ह्यथ पानय शाहानुँ डॉली, तनुँ छिम कनुँनुँय वॉलिये ॥

यस भाग्य आयस तँस्य् भाग्यवॉनी, अमृत वॉनी भवॉनिये ।  
कें'ह बनेयि शीतल कें'ह ज्योति जॉली, तनुँ छिम कनुँनुँय वॉलिये ॥

\* \* \* \* \*



## 138 – ही चराचर छस बुँ अमर

ही चराचर छस बुँ अमर, रोजुँ अमरनार्थुँसुँय ।  
भूगुँ बैरिथ शोख शवहर, रोजुँ अमरनार्थुँसुँय ॥

भक्ती हुंद तुल म्य कदम, सूँत्य शक्तीनार्थुँसुँय ।  
बोलि कुकिल सूँत्य कुमर, रोजुँ अमरनार्थुँसुँय ॥

खोफि खशम सूँत्य खावर, तोफुँ ह्यथ तोफखानसुँय ।  
जामि जमस नामि नदहर, रोजुँ अमरनार्थुँसुँय ॥

बूद बाहम छस बुँ अंदर, पेचुँसुँय पेचानुँसुँय ।  
नूरि अनवर नामावर, रोजुँ अमरनार्थुँसुँय ॥

सूँत्य दित्यहँम कूँत्य दफतर, क्या करन अनजानुँसुँय ।  
करनुँ कुलहुम हावि आश्चर, रोजुँ अमरनार्थुँसुँय ॥

ऑस्य् यिमय पेशि दिलबर, लँद्य म्य तिमय गानुँसुँय ।  
दाश होरुन मोशि मादर, रोजुँ अमरनार्थुँसुँय ॥

जीत जीतिथ छम खुशौली, छुँज म्य कनन वॉलिये ।

## मन पम्पोश

भवानी भाग्यवान पंडित

---

आसि यस ज़र छांडि ज़रगर, रोज़े अमरनाथुंसुंय ॥

फोनुंसस सुंत्य छय तारा, अख इशारा वो'न यि म्य ।  
कुस छु दिल तय कुस दिलबर, रोज़े अमरनाथुंसुंय ॥

\* \* \* \* \*

## 139 – बुँ मस च्यथ गॅयस

बुँ मस च्यथ गॅयस मतुँवालय, सु मस प्यालय आमो ह्यथ ।।

यि मस फ्यूरुस मो'ये मो'ये, यि कुस ज़ाने यि कुस चे'ये ।  
यि मस गछि च्यो'न पनुँनि शेये, सु मस प्यालय आमो ह्यथ ।।

प्रेयमुँ मस सतग्वरन सूजुम, म्य तमिकुय पॉगाम बूजुम ।  
अम्युक कॅमत छु ज़ुँय लालुँय, सु मस प्यालय आमो ह्यथ ।।

यि मस ह्यथ आव सुबहुँकि वक्तय, यि मस युस चे'यि सु नेक भक्तय ।  
यि मस आपुँरस छु ज़न म्वख्तय, सु मस प्यालय आमो ह्यथ ।।

यि मस ह्यथ आव सु जानानय, यि मस युस चे'यि वुछस पानय ।  
म्य मस च्यव वुछुम दानुँ दानय, सु मस प्यालय आमो ह्यथ ।।

म्य ज़रुँ ज़रुँ होव ज़रग़रुँनुँय, खबरदारन छु खबर करुँनुँय ।  
पे'यस पादन गॅयस शरनुँय, सु मस प्यालय आमो ह्यथ ।।

बुँ मंज ध्यानस छसन गारन, तमिय छस खूनि दिल हारन ।  
सु मा आशिकस म्य छुम प्रारन, सु मस प्यालय आमो ह्यथ ।।

## मन पम्पोश

भवानी भाग्यवान पंडित

---

दप्योमस बालुँ बावस मंज, करान ओस दूरि अमिकुय संज ।  
यि मस ह्यथ आव रो'टुम नालय, सु मस प्यालय आमो ह्यथ ॥

छे' क्या तस कोंकुँलन चॉली, यिमय कोंकल गॅयम नॉली ।  
कनन छिम दूर तुँ कनुँवॉली, सु मस प्यालय आमो ह्यथ ॥

ओ'नुन अमृत बानस क्यथ, छु जानानय पानय ह्यथ ।  
छि मंज बानस बॅरिथ खानय, सु मस प्यालय आमो ह्यथ ॥

कुनुय अमृत कुनुय बानय, छि क्या खानय ब्यो'न ब्यो'न तथ ।  
तॅमिस त्युथ युथ ये'मिस ज़ानुँय, सु मस प्यालय आमो ह्यथ ॥

बुँ ऑसुँस अमृतस प्रारान, छु त्रे'न लूकन यो'हो'य छारान ।  
अमिय बापत अचन गारन, सु मस प्यालय आमो ह्यथ ॥

यो'हो'य अमृत छु नागन मंज, बिहिथ सतजन छि बागन मंज ।  
म्य मों'गुमस ना बॅरिथ प्यालय, सु मस प्यालय आमो ह्यथ ॥

अँछव किज दारि खून होरुम, सदाशिवस हलम दोरुम ।  
यि सतग्वर आम ह्यथ पानय, सु मस प्यालय आमो ह्यथ ॥

## मन पम्पोश

भवानी भाग्यवान पंडित

---

वनन गवरी सदाशिवस, चूँ पानय लोलुँ मस ह्यथ गछ ।  
सदाशिवन द्युतुम पानय, सु मस प्यालय आमो ह्यथ ॥

सदाशिवस जटाधौरी, म्य क्युत अमृत को'रुन जौरी ।  
चँजिम सख्ती तुँ बे'यि खौरी, सु मस प्यालय आमो ह्यथ ॥

सदाशिवुँय छु ध्यानस मंज, करान ओस म्यानि मयिकुय संज ।  
दितम दर्शुन रटथ नालय, सु मस प्यालय आमो ह्यथ ॥

यि वथ हौँवुँम म्य सतग्वरुँनुँय, यमस मा आसुँ व्वज डरुँनुँय ।  
दया कॅरनम म्य ज़रगरुँनुँय, सु मस प्यालय आमो ह्यथ ॥

खबर सोज्यम वे'शम्बरुँसुँय, सु शे'छ सोज्यम ज़रगरुँसुँय ।  
अपोर लो'ग तार समंदरुँसुँय, सु मस प्यालय आमो ह्यथ ॥

मंगन औँसुँस बे'ये बे'ये, सु ओ'मकारुँय ओ'नुम लये ।  
चो'लुम भये चो'लुम भये, सु मस प्यालय आमो ह्यथ ॥

म्य सूँत्य् न्यूमस पनुन लालुँय, को'रमस सु ति हवालय ।  
ग्वरन वो'लुनम म्य दुशालय, सु मस प्यालय आमो ह्यथ ॥

ग्वरन दो'पुनम चूँ छख भाग्यवान, ग्वरस सूँती करन मान मान ।

## मन पम्पोश

भवानी भाग्यवान पँडित

---

ग्वरस वंदुँह ना बुँ पादन प्राण, सु मस प्यालय आमो ह्यथ ।।

ग्वरव कोसुम म्य करमुन खुर, दयन दो'पुनस बुँ ज़ोनुँनस शुर ।  
प्रेयम च्योम प्रेयमुँके नालय, सु मस प्यालय आमो ह्यथ ।।

प्रेयमुँ द्वद द्युतुमस प्रेयमुँ सूँत्य, रट्यम ना नालुँ पानस सूँत्य ।  
ग्वरुँनुँय को'रनम मे'हरबॉनी, सु मस प्यालय आमो ह्यथ ।।

सु दय वुछुमय पँतिमि प्यारे, म्य मय ओ'न पनुँनि अनवारे ।  
सदाशेवस लो'दुम बारे, सु मस प्यालय आमो ह्यथ ।।

पनुन सतग्वर पयस ओसुम, सु संकट कँम्य सना कोसुम ।  
दयस रूदुय सु दुम्बालय, सु मस प्यालय आमो ह्यथ ।।

ग्वरन दोपुनम तमिय भाग्यवान, ज़रन कँरनम म्य सिरुँची ज़ान ।  
वंदस पादन बुँ ज़ुँय लालय, सु मस प्यालय आमो ह्यथ ।।

\* \* \* \* \*

## 140 – कुन छुय बोज़ान

कुन छुय बोज़ान कुज सुँद्य ज़ॉरी, कुज कॅर कुज सुँज़ यॉरिये ।।

भाग्यवान गॅयायि मुर्य् दॉर्य् दॉरी, सतग्वर कास्यम खॉरिये ।  
खोरन त्रॉविमस लोलुँ अँश्य् टॉरी, कुज कॅर कुज सुँज़ यॉरिये ।।

गमुँकुय बोर ओ'न बम बापॉरी, भवॉज थॅच सॉर्य् सॉरिये ।  
भाग्यवान नाव को'रुस कृष्णुँह मुरॉरी, कुज कॅर कुज सुँज़ यॉरिये ।।

भवानि नावुँ आँस्य गमुँकी बॉरी, मॅट सूरिस सॉर्य् सॉरिये ।  
वुछ किछ आसन दुश्मनदॉरी, कुज कॅर कुज सुँज़ यॉरिये ।।

गम चॅल्य् सॉरी सतग्वरधॉरी, गोव्यंद थो'क चॉर्य् चॉरिये ।  
मटि प्यटुँ वॉलिनस गमुँकिय बॉरी, कुज कॅर कुज सुँज़ यॉरिये ।।

वॅलिमुँत्य् आँसिनस हनि हनि सॉरी, जोदन तसरुपदॉरिये ।  
भाग्यवानि काँसुँम सॉरुँय खॉरी, कुज कॅर कुज सुँज़ यॉरिये ।।

भाग्यवान नाव को'र कृष्णुँ मुरॉरी, गम काँस्य कालुँ सम्हारिये ।  
भाग्यवानि दुश्मन थॅक्य् प्रॉर्य् प्रॉरी, कुज कॅर कुज सुँज़ यॉरिये ।।

## मन पम्पोश

भवानी भाग्यवान पंडित

---

मालिज अँम्यसुँद्य म्य कलमस तॉरी, तिमुँनय कँम्य् कॉस खॉरिये ।

भवानि करेयम वरफतॉरी, कुज कँर कुज सुँज यॉरिये ॥

अकि अकि कँडिमय गरुँ मंजुँ साँरी, जॉलिम जोदुँकि नारुँये ।

गमुँकुय बोर न्युव कँम्य बापाँरी, कुज कँर कुज सुँज यॉरिये ॥

भाग्यवानि वो'न द्युत मंज शहाँरी, मंज चायि ज़रगरदॉरिये ।

निशानुँ द्युतुनस अहद ज़रगाँरी, कुज कँर कुज सुँज यॉरिये ॥

अदुँ भाग्यवान चायि सतग्वरदॉरी, सतग्वर लूस प्रॉर्य् प्रॉरिये ।

अथ कुयत छोंडुन कालुँ सम्हॉरी, कुज कँर कुज सुँज यॉरिये ॥

भाग्यवान रुजुँस मुर्य् दॉर्य् दॉरी, गवरीयि आयि ज़ारुँ पाँरिये ।

बे'नि छम पनुँनी करतस यॉरी, कुज कँर कुज सुँज यॉरिये ॥

बालुँ पानुँ हे'चुँनय साँज गमखाँरी, थँचिय पोश चाँर्य् चाँरिये ।

पूज साँज कँरुँनय लॉलो नहाँरी, कुज कँर कुज सुँज यॉरिये ॥

कीशवुँ कासुस गमुँकिय बाँरी, पथ गछि दुश्मनदॉरिये ।

वापस वॅलिनस दुश्मन साँरी, कुज कँर कुज सुँज यॉरिये ॥



## मन पम्पोश

भवानी भाग्यवान पंडित

---

शीवस मों'गुँनय पनुँनि राजि रे'ने, यिछ दुश्मनबाय अँनी कर ।  
थरि मंज गुलुँसुँय छुँनिनस खॉरी, कुज कॅर कुज सुँज यॉरिये ॥

भाग्यवानि च्वशुँवय वीद व्यस्तॉरी, ज़न वॅज कृष्णुँ मुरॉरिये ।  
भयिसुँय ज़य को'र कालुँ सम्हॉरी, कुज कॅर कुज सुँज यॉरिये ॥

\* \* \* \* \*

## 141 – छ्वपि हुँदे सालुँ

छ्वपि हुँद्ये सालुँ म्य यितो, छ्वपि आलव बोज़तो ॥

ग्वरुँ वर छुम छ्वपय छ्वपय, छ्वपुँ कँरिथ रोज़तो ।  
छ्वपि हुँदुय प्याला च्यतो, छ्वपि आलव बोज़तो ॥

छ्वपि हुँदिस सालस निमथ, छो'पुँ करिथ रात द्वह ।  
छ्वपि हुँजुँय न्यामँच ख्यतो, छ्वपि आलव बोज़तो ॥

छ्वपि हुँदी जामय सुवय, कामुँ दीवय हो तुँ हो ।  
छ्वपि हुँदुय सौदा ह्यतो, छ्वपि आलव बोज़तो ॥

छ्वपि हुँदी दूर गरय, गूर करय चार सो ।  
शीर खारो शीर च्यतो, छ्वपि आलव बोज़तो ॥

छ्वपुँ कँरिथ कोर गछख, बोर म्योन छुय मो मो ।  
योर गछख तूर्य म्य नितो, छ्वपि आलव बोज़तो ॥

छ्वपि हुँदुय मंदर वुछुम, बोज़ स्वंदर शोरुँ गो ।  
छ्वपि शोरस गोश दितो, छ्वपि आलव बोज़तो ॥

## मन पम्पोश

भवानी भाग्यवान पँडित

---

छ्वपि बालुक स्वथा'ह त्रॉविथ, बुँति तस सूँत्य् मारुँ छो'ह ।

छ्वपि फिदा कॅरुँय म्य तो, छ्वपि आलव बोज़तो ॥

छ्वपि सूँत्य बेदार कॅरिथ, हावि दीदार खुश खो ।

छ्वपि जामन दामा च्यतो, छ्वपि आलव बोज़तो ॥

छ्वपि सूँत्य रो'टुम नालय, दियि डालय रो—ब—रो ।

नालुँ रटथ नालन यितो, छ्वपि आलव बोज़तो ॥

छ्वपि हरस छ्वपय दरय, छ्वपि हुँदुय सोज़ तो ।

छ्वपि ग्यवस जलाव दितो, छ्वपि आलव बोज़तो ॥

भाग्यवानन छे' छ्वपय मुदा, छ्वपि जुदा रोज़िनो ।

छ्वपि हुँदुय यनाम नितो, छ्वपि आलव बोज़तो ॥

\* \* \* \* \*

## 142 – मस दिथ कॅम्य्

मस दिथ कॅम्य् कॅरनस मस्तानय  
रो'ट तोतन हारि हुंद दामानय ॥

को'र तोतन पानय खम पानस  
करि नज़रा मेज़स तुँ मीज़ानस ।  
जान वंदुँयो खुश खो खोबानय, रो'ट तोतन हारि हुंद दामानय ॥

गॅर्य् तोतन ज़रुँकिय तीरुँ नॉरी  
छुँअ न्यंगुँलिथ अकि अकि हारि सॉरी ।  
तीरि मिज़गान सीरुँ कथ दुरदानय, रो'ट तोतन हारि हुंद दामानय ॥

कथुँ म्याने ज़ानतो संगि फारस  
रक्तुँ वरनय आसम म्य मंज़ नारस ।  
वक्तुँ पनुँने द्रायम ताबानय, रो'ट तोतन हारि हुंद दामानय ॥

दम दित्य्मय सज़ुरन ह्यो'र क्या ब्व'न  
ये'ति शे'स्तुर तति तति को'रुँमस स्वन ।  
ये'छि क्रालन थुर्य्मुँत्य मे'चि बानय, रो'ट तोतन हारि हुंद दामानय ॥

## मन पम्पोश

भवानी भाग्यवान पंडित

ये'छि तोतस पछि हुँज ताजदारी  
वारु वारु यिधि सारिज अनुवारी ।  
सद वा'ह वा'ह कद छुम म्यानय, रो'ट तोतन हारि हुंद दामानय ॥

बोल बोश म्योज तोलतो लोलुँ सूती  
सीरुँ कथुँ बोज जीरुँबम डोलुँ सूती ।  
क्या'ह च्य म्यूलुय तोरुक निशानय, रो'ट तोतन हारि हुंद दामानय ॥

वुछ पानय कस मंज ताजदारी  
खंदुँ करुनी छम बंदुँ बरदारी ।  
सीम स्वखुँनन मीम छुस दहानय, रो'ट तोतन हारि हुंद दामानय ॥

द्वन मंज छुय नूरस आवाहन  
त्रे'न मसुँला वो'नुँनय इसलामन ।  
शे'न शशकल फीरुँम दानुँ दानय, रो'ट तोतन हारि हुंद दामानय ॥

के'ह वनुँहोँ के'ह छुम नुँ वनुँनस वार  
के'ह बूजिथ बोजुँनय के'ह गुफतार ।  
के'ह कनुँनुँय गँयिमो कनुँवानय, रो'ट तोतन हारि हुंद दामानय ॥

के'ह नतुँ के'ह बूजुम इरशादुँय  
ग्वडुँ माने अदुँ पो'र म्य सम्वादुँय ।

**मन पम्पोश**

भवानी भाग्यवान पँडित

---

ग्रट्टुं गुंदुम को'डमय ख्यथ नानय, रो'ट तोतन हारि हुंद दामानय ।।

रुज्जु भाग्यवान पानय पानस मंज

युथ कुकिल छि गोव्यंद नावस मंज ।

अज्ज खानय म्यूलुम पुर्रुवानय, रो'ट तोतन हारि हुंद दामानय ।।

\* \* \* \* \*

## 143 – मालुं फिरन माल

मालुं फिरन माल पे'यम वते, कथि कथे रूदुम यार ।  
मारुं कॅरथस खुमारुं हते, कथि कथे रूदुम यार ॥

छॅल्य् बॅल्य् कें'ह फॅल्य् आयि अथे, हू तय हू हा तॉरमस तार ।  
संगुं सो'दरुंकि रंगुं छिम छे'ते, कथि कथे रूदुम यार ॥

पन तॉरिथ द्वन दितिम अथे, च्वन मंज छुय शे'न गुफतार ।  
ख्यन त्रोवुम ग्वडुंनिचि कथे, कथि कथे रूदुम यार ॥

मो'ल्य् म्वलुंकुय फो'ल वो'वुम दते, ह्यो'ल वुछुमस बारम्बार ।  
तोर सोज़ा रोज़्या ये'ते, कथि कथे रूदुम यार ॥

दो'प म्य पीरन सीर छुय तते, ये'ति खीरस छुय आहार ।  
चीर द्युतुमस ल्वते ल्वते, कथि कथे रूदुम यार ॥

दो'प म्य पीरस यिमुं हा बुंते, लो'ब ह्यो'तुंनम गो'ब गोस बार ।  
ये'लि बोज़ि तुं ते'लि मा मते, कथि कथे रूदुम यार ॥

सन पानस वन अनहे'ते, ब्यन ओसा'ह दुंहुं निशि नार ।

## मन पम्पोश

भवानी भाग्यवान पँडित

---

चा अँगुँन्य तुँ बा दति दते, कथि कथे रूदुम यार ॥

दुँह को'डुँमय आकाश वते, नार थो'वमय खारस यार ।  
बोज़ मसला रोज़्या तते, कथि कथे रूदुम यार ॥

छा पनुँनिस दकुँ द्युन लते, परद्यन सूँत्य् छावुन बहार ।  
न छि ये'ति तय न छि तिम तते, कथि कथे रूदुम यार ॥

केँह वुछमय सर ह्यथ अथे, वुछ केँचन कम सिंगार ।  
रोज़ि कुनिय ये'ति तय तते, कथि कथे रूदुम यार ॥

नारुँ ज़ॉलिय केँह अमि कथे, वुछ केँचन पे'यिय बुलगार ।  
युथ छु आशिकस माशोक वते, कथि कथे रूदुम यार ॥

द्राव माशोक आशकुँनि वते, बारि तुलुनय द्वन हुंद बार ।  
दारि ख्वन दिथ स्वन छा तते, कथि कथे रूदुम यार ॥

वुछ लैक्ष्मी लैक्ष्मीपते, सरसुँय प्यठ ज़रुँ सिंगार ।  
चे'शुँ वंदुँयो खशुँ हते, कथि कथे रूदुम यार ॥

आयि भाग्यवान चाने वते, नय वुछुनय गुल नय खार ।  
ख्वनि ललुँवथ हे'ति अनहे'ते, कथि कथे रूदुम यार ॥



**मन पम्पोश**  
भवानी भाग्यवान पण्डित

---

\* \* \* \* \*

## 144 – वुछुम यार रो'छुम ख्वनि

वुछुम यार रो'छुम ख्वनि, अंदर यकांतुसुंय ॥

ओ'मुँकि स्वरुँ को'रुँमस गूरुँ, सूहम तारुँ चौरिथ छय ।  
सोरुय ननि म्य क्या छे'नि, अंदर यकांतुसुंय ॥

वुछ्यम हूरुँ गँडिथ दैर्य, छँरिय मँर्य रछिज क्या ।  
हँरिथ मो'र वुछ बा अनि, अंदर यकांतुसुंय ॥

वुछ पूरुँ नूर सुय ज़ो'हूर, पच्छिम पूर दक्षिण कुन ।  
उत्तरा खंड खो'वुरि कनि, अंदर यकांतुसुंय ॥

सतग्वर नाव हय ललुँवुन, च़लिय ओ'न वुछख नो'न ।  
म्य तस तन लॉजिय तनि, अंदर यकांतुसुंय ॥

तुलिथ परदुँ वुछुन वारुँ, कम्यो नारुँ दँजिथ प्योख ।  
कँरिथ गथ शमा'ह बनि, अंदर यकांतुसुंय ॥

बंगॉल्य् बोलि अंदर नाद, सुय सम्वाद बूजुम म्य ।  
युथ राधायि बे'यि रँक्षमणि, अंदर यकांतुसुंय ॥

## मन पम्पोश

भवानी भाग्यवान पंडित

---

मे'चे सूँत्य् गॅयम म्यँच, चानिय सँच मो'गुम ज़ल ।  
समंदरस रूजुँस चे'नि, अंदर यकांतुँसुँय ॥

आगर वानि सो'गुम डूर, कथ क्युत क्रूर खनुन छुम ।  
ख्यथ ये'म्य् थो'व सु क्या रनि, अंदर यकांतुँसुँय ॥

कपुँस्य् पोशि वुछुम रंगुँ, तमिय रंगुँ रो'गुय म्य ।  
वो'लुम तनि म्य क्या छे'नि, अंदर यकांतुँसुँय ॥

छा मिरजान छा दुरदान, वुछिम स्वन पशेमान ।  
न्यूमस लूटुँ कॅमिस वनि, अंदर यकांतुँसुँय ॥

स्वय ज़ान भाग्यवान बनि, यि कमि वानुँ गरनुँ आव ।  
ओ'नुथ अनि गो'रुथ रो'नि, अंदर यकांतुँसुँय ॥

\* \* \* \* \*

## 145 – चे'श्मुँ बुँ वंदय

चे'श्मुँ बुँ वंदय चे'श्मुँ वुछिमय स्वरमॉलिये ।  
रुमन गुमय बुमुँ वुछिमय कजॉलिये ॥

हा गोव्यंदय मस्त बुँ कॅरथस मस प्यॉलिये ।  
मस गॅयि तिमय यिम च्य वुछिथ च्यनुँवॉलिये ॥  
कॅचन फंदय कॅचन आख खयॉलिये ॥॥

कॅचन शोखुँय तोखि दुनिया छुख नॉलिये ।  
कॅ'ह अस्तुँ अस्तय खस्तुँ कॅरिथ उबॉलिये ॥  
कॅ'ह मे'चि हुँदी यॅच थुरिथ मो'लॉलिये ॥॥

कॅ'ह आयि ओरय कॅ'ह च्य नियथ सवॉलिये ।  
कॅ'ह रंगुँ रंगय चंगुँ वायान बंगॉलिये ॥  
कॅ'ह खॅत्य् आकाश कॅ'ह वॅथिय पाताँलिये ॥॥

कॅ'ह वॅल्य् लोलन कॅ'ह च्य रुशिथ मलॉलिये ।  
कॅ'ह गरुँ मंजय हर चॉविथ हरद्वॉरिये ॥  
कॅ'ह अंद वॉतिथ बंद कॅरिय चंडॉलिये ॥॥

## मन पम्पोश

भवानी भाग्यवान पंडित

कें'ह हूरुं रोये पूरुं कॅरिथ मुतवॉलिये ।  
नूरानुं हॉविथ चूरि चॅजिख जंगॉलिये ॥  
वज़ान ग्रज़ान वावुं अँदुंर्य् वुज़मॉलिये ॥॥

छुय कदि शमशाद अदुं बदवल जमॉलिये ।  
प्यठ आसुंमानस वारुं वुछुमख मशॉलिये ॥  
मंज़ दुरदानस जानानस छख नॉलिये ॥॥

शमा'ह रोयस वुठ वुछिमय व्वज़ॉलिये ।  
ज़न कंदुं फॅल्य् दंद अंदुंवंद छिय तंदॉलिये ॥  
व्वडि च्य उडिअ पूरुं पच्छिम शुमॉलिये ॥॥

छख शिलुं पदमान दिल च्य न्यूथम आकॉलिये ।  
अमि सिलसिलय दिल छु मेलान यॅचकॉलिये ॥  
बन माशोकुंय आशिकन मय कर खॉलिये ॥॥

वुछ भाग्यवानन कॅर यि दया दयॉलिये ।  
प्यठ वे'मानन हंसन हुँद्य छिख ऑलिये ॥  
गुलि ज़ाफरानन सूत्प्य् वुछमख मसवॉलिये ॥॥

\* \* \* \* \*

मन पम्पोश  
भवानी भाग्यवान पण्डित

---

---

# मन पम्पोश

## भवानी भाग्यवान पण्डित

---

संशोधित इंटरनेट संस्करण २००९ : म.क.रैना

---